

江苏省通志 稿度支志

繆荃孙

文硕阁

wenshuoge.com

目录

关于我们	3
第一卷 田赋	5
第二卷 田赋表	44
第三卷 田赋考	85
第四卷 历代盐法之沿革	134
第五卷 近代盐法概要	169
第六卷 盐法商课	201
第七卷 盐法引目	231
第八卷 厘金	276
第九卷 杂税	317
第十卷 捐输	346
第十一卷 漕运一	364
第十二卷 漕运二	386
第十三卷 漕运三	402
第十四卷 岁计	412
第十五卷 军饷奏疏	457
第十六卷 洋款	470

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

第一卷 田赋

《禹贡》叙扬州曰：厥田惟下下，厥赋下上上错。周、秦代兴，江淮泽国，农功日辟。汉枚乘曰：转粟西乡，陆行不绝，水行满河，不如海陵之仓。是汉代江淮之田，已变下下为上上矣。六朝暨唐，江南转输为天下最。《唐书·永王璘传》：江淮租赋巨亿万，所在山委。《裴休传》亦谓：太和后，岁漕江淮米四十万斛至渭河仓。盖田赋之重，唐代已然。五代，江淮入南唐，苏入吴越，地狭用广，赋役益增。元、明以来，有加无已。清代屡从轻减，三吴之民，千年之困，今始得去水火而登衽席。然而水溺民玩，法久弊生，盖亦有焉。故于旧志田亩之差、赋入之数，皆与今额参互并列，庶后世有所考焉。

远 古

唐虞扬州，厥土惟涂泥，厥田惟下下，厥赋下上上错。

汉

汉高祖约法省禁，轻田租，十五而税一。

《汉书·文帝纪》：十三年六月，诏曰：农，天下之本，务莫大焉。今勤身从事，而有租税之赋，是为本末者无以异也……其除田之租赋。

景帝二年，令民出田租，三十而税一。

《后汉书》：建武六年十二月，诏曰：顷者师旅未解，用度不足，故行什一之税。今粮储差积，其令郡三十税一。

延熹八年八月戊辰，初令郡国有田者亩敛税钱。 注：亩十钱也。

中平二年二月己亥，税天下田，亩十钱。

晋

晋武帝平吴之后，置户调之式。丁男之户岁输绢三匹、绵三斤；女及次丁为户者半。男子一人，占地七十亩；女子三十亩。其外，丁男课田五十亩，丁女二十亩；次丁男半之，女则不课。按两汉之制，三十而税一者，田赋也；二十始传人出一算者，户口之赋也。今晋法如此，则似合二赋而为一。然男子一人，占田七十亩，丁男课田五十亩，则无无田之户矣。

《晋书·食货志》：晋成帝咸和五年，始度百姓田，取十分之一率，亩税米三升。

哀帝隆和元年，减田租，亩收二升。

孝武太元二年，除度田收租之制。王公以下，口税三斛，惟蠲在役之身。八年，增税米，口五石。

南北朝

宋文帝元嘉二十六年三月，复丹徒县令岁租布之半，行所经，蠲田租之半。二千石官长并勤劳王务，宜有沾锡。登城三战，及大将战亡之家老病单弱者，普加赡恤。遣使巡行百姓，问所疾苦；孤者、鰥寡不能自存者，人给谷五升。遣使祭故晋司空何无忌之墓。

宋明帝泰始四年，复减郡县田租之半。

《南齐书·武帝纪》：永明四年五月癸巳，诏扬、南徐二州今年户租三分二取现布，一分取钱；来岁以后，远征诸州，输钱处并减布，直匹准四百，依旧折半，以为永制。

永明五年九月丙午，诏曰：自水德将谢，丧乱弥多，师旅岁兴，饥馑代有，贫室尽于课调，泉贝倾于绝域。军国器用，动资四表，民资涂炭，是此之由。凡下贫之家，可蠲三调三年。京师及四方，出钱亿万，籴米谷丝钱之属，其和价以优黔首。

唐

唐制，天下丁男，授田一顷，输粟二石，谓之租；丁随乡所出，岁输绢、绫、各二丈，布加五之一，绵二两，输布者麻三斤，谓之调；用人之力，岁二十日，闰加二日，不役者，日为绢三尺，谓之庸。有事而加役二十五日者，租、调皆免。通正役不过五十日。凡水旱虫蝗为灾，十分损四分以上，免租；损六以上，免租、调；损七以上，课役俱免。扬州租、调以钱。开元中，诏江南以布代租。

代宗广德元年，诏一户三丁者，免一丁庸税；地税依旧，凡亩二升。

租、庸、调法弊，自代宗时始以亩定税，而敛以夏秋。至德宗时，杨炎为相，遂作两税法，夏输无过六月，秋输无过十一月。

建中元年正月，杨炎建议作两税法：先计州县每岁所应费用及上供之数，而赋于人，量出以制人；户无主、客，以现居为簿；人无丁中，以贫富为差；为行商者，在

所州县税三十之一，使与居者均无饶利；居人之税，秋夏两征之，其税，庸调杂徭悉省，皆总统于度支。上用其言，因敕令行之。 新旧《唐书·食货志》

五代

五代杨吴徐知诰为淮南帅，定租税，上田一顷，税钱二贯一百文；中田一顷，税钱一贯八百；下田一顷，千五百。皆足陌现钱；如现钱不足，许折以金银。宋齐邱以钱非耕桑所得，乞虚抬时价，而折绸绢绵本色，又请蠲除丁口课调，从之。自吴变唐，自唐归宋，民到于今受其赐。

宋

宋初，尽削钱氏白配之目，遣右补阙王永、高象先各乘递马，均定税数，只作中下两等：中田一亩，夏税钱四文四分，秋米八升；下田一亩，钱三文三分，米七升四合。取于民者，不过如此。

太宗淳化间，诏：江南承偏制重赋，流亡者宜令诸州籍顷亩之数，均其赋减十分之三，以为定制；召游民，劝其耕种，给复五年岁赋。其类有五，曰公田之赋，官庄屯田营田赋民耕而收其租者是也。曰民田之赋，百姓各得专之者是也。曰城郭之赋，宅税地税之类是也。曰杂变之赋，牛革蚕盐之类，随其所出，变而输之者是也。曰丁口之赋。计丁率钱米是也。其输之迟速，夏有至十月，秋有至明年二月者，所以纾民力也。

神宗熙宁间，淮南路田九十六万八千六百八十四顷二十亩，官田四千八百八十七顷一十三亩，现催额四百二十二万三千七百八十四贯，石、匹、两、斤、秤、角、量束领。江南东路田四十二万一千六百四顷四十七亩，官田七千八百四十四顷三十一亩，现催额三百九十六万三千一百六十九贯，石、匹、两、斤、束领。

六年，御史翟思言：始赵尚宽为唐州守，劝民开垦，高赋继之。流民自占者众，凡百亩，起税四亩而已，境内始无旷土。近闻转运司辟土百亩，增至二十亩。恐其势再致转徙，望戒飭使者，量加以宽。从之。

高宗建炎四年，诏：江南两浙，土多粳稻，须霜降成实，自十月一日始收租。

绍兴二年，工部侍郎李擢言，平江府东南有逃田，湖浸相连，塍岸久废，岁失四万三千余斛，乞招诱流民，疏导耕垦。从之。

十二年，左司员外郎李椿年言经界不正十害，且言：平江岁入，昔七十万斛有奇；今按籍虽三十万斛，然实入才二十万斛耳。询之土人，皆欺隐也。望考按核实，自

平江始。乃以椿年为两浙运副，专委措置经界。椿年请先往平江诸县，俟其就绪，即往诸州，要在均平，为民除害，更不增税额。图写墟亩，选官按复，令各户各乡造基簿。诏：人户田产，多有契书，而今来不上砧基簿者，皆没官。

孝宗初，诏：州县受纳秋苗，官吏多收加耗，肆为奸欺。方时艰虞，用度未足，欲减常赋而未能，岂忍使贪赃之徒重为民蠹？自今违犯官吏，并置重典，仍没其家。先是，常州宜兴县无税产百姓，丁输盐钱二百文；下户有墓地者谓之墓户，经界之时，均纽正税。又令带输丁盐、绢作折帛钱。至隆兴元年，始用知县姜诏言，令与晋陵、武进、无锡三县一例随产均输。

理宗宝祐五年，行经界推排于诸路，由是江南之地，尺寸皆有税矣。

元

元取民大约以唐为法。取于江南者，曰秋税，曰夏税，仿唐之两税。

太宗定天下赋税，地税中田每亩二升有半，上田三升，下田二升，水田每亩五升。朝议以为太轻，耶律楚材曰：作法于凉，其弊犹贪；后将有以利进者，则今已重矣。

世祖至元间，用姚元之请，命江南税粮依宋旧例输绵绢杂物。是年，又用耿左丞言，全输米三之一，余并入钞以折焉，以七百万锭为率。其输米者，止用宋斗斛。盖以宋一石，当今七斗也。

二十四年，减扬州省岁额十五万石，以盐引五十万易之。

二十五年，募民能耕江南旷土及旷公田者，免差役三年，输租免三分之一。

二十八年，命江淮等寺观田宋旧有者免租，续置者输税。

募民耕江南旷土者，户不过五顷，官授之券，俾为永业，三年征税。

成宗元贞间，始定征江南夏税之制。于是秋税止命输租，夏税则输以木绵、布、绢、丝、绵等物。其所输之数，视粮以为差，一粮石或输钞三贯、二贯、一贯，至一贯五百文、一贯七百文。

大德间，江南民户有田一顷以上者，于所输税外每顷量出助役之田，岁收其入，以充助役之费，谓之助役粮。是时，江南岁入之粮约四百四十九万四千七百八十石，钞五万七千七百三十锭四十贯。

又诏，括江南隐蔽田，令输租。

又诏，江南佃户，私租太重，以十分为率，减二分，永为定例。

明

明太祖吴元年丁未春二月，太祖谓中书省臣曰：予尝历观田野，见人民凋敝，土地荒芜，失业者多。盖因久困兵革，如太平、应天诸郡，乃吾渡江开创之地，供亿先劳之民，其有租赋，宜与量免。省臣傅对曰：恤民，王者之善政，主上念之及此，真发政施仁之本。

丁卯冬十二月，鱼鳞册成。初，太祖既定天下，遂核实天下土田，造成册籍。既而两浙及苏州等府，富民畏避差役，往往以田产零星花附于亲邻佃仆之户，名为贴脚诡寄。久之，相习成风，乡里欺州县，州县欺府，奸弊百出，名为通天诡寄。而富民益富，贫者益贫矣。太祖廉知之，遂召国子生武淳等往各处，随其税粮多寡，分为几区，区定粮长四人，乃集粮长暨耆民，躬履田亩，以量度之。遂图其田形之方圆大小，次书其主名及田之四至，编汇为册，号曰鱼鳞册。至是，册成以进，百弊始绝。

洪武初，令官田起科，每亩五升三合五勺，民田每亩三升三合五勺，重租田每亩八升五合五勺，芦地每亩五合三勺四抄，草塌地每亩三合一勺，没官田每亩一斗二升。

洪武三年六月，上谕中书省臣曰：苏、松、嘉、湖、杭五郡，地窄民众，细民无田，往往逐末利而食不给。临濠，朕故乡也，田多未辟，土有遗利，宜令五郡民无田产者，往临濠开种。就以所种田，永为己业。官给牛、种，舟粮资遣之，三年不征其税。于是徙者四千余户。

七年，减苏州、松江、嘉兴、湖州四府税额。先是，张士诚窃据其地，而苏州犹称富庶，徐达、常遇春等统精兵二十万攻之，数年始下。太祖怒其附寇，持城不降，乃取诸豪族租簿，俾有司加税。故苏赋特重，而松、嘉、湖次之，盖以惩一时云。至是，命户部裁其额，凡一亩科七斗五升至四斗四升者，减十之二；四斗三升至三斗六升者，俱止征三斗五升；其以下仍旧。

十六年三月，复凤、淮徭赋视丰、沛。

十八年，令京畿及两浙官田，凡折收税粮，钞五贯，准米一石；绢一匹，准米一石二斗；金一两，准米十石；银一两，准米二石；棉布二匹，准米一石；苧布一匹，准米七斗。

二十四年，令应天、太平、宁国、镇江、广德五处官田税粮自后减半征收。

三十年，更定钞三贯五百文，准米一石；金每两，准米二十石；银每两，准米四石；棉花一斤，准二斗。

成祖永乐十一年，令各处折征粮：金每两准米三十石，阔白棉布每匹准米一石五斗。

宣宗宣德四年，各处官田每亩旧例纳粮一斗至四斗者，各减十分之二；四斗一升至一石以上者，各减十分之三。

令应天、苏、松并浙江属县等处，远年拖欠税粮，每绢一匹，准米一石二斗；棉布一匹、丝一斤、钞五十贯，各准米一石；苧布一尺，准米七斗；棉花一斤，准米二斗。

英宗正统元年，令浙江、直隶苏、松等处，官田准民田起科，每亩秋粮四斗一升至二石以上者，减作三斗；二斗一升以上至四斗者，减作二斗；一斗一升至二斗者，减作一斗。

诏令直隶苏、松等官田准民田起科，苏、松遂减秋粮八十余万石，他府有差。

四年，奏准江西、浙江、福建并直隶苏、松等府，凡官、民田地，有因水涨坍去处，令所在有司逐一丈量，涨出多余者，给与附近小民承种，照民田则例起科；坍没无田者，悉与开豁税粮。

十年，令应天、苏、松等府州，该征草束折色米豆，量为存留本处备用，其本色起运户部交纳者，每束折银三分。按：此即条鞭内之马草一项。

附各府州马草数：

应天府马草三十七万六千四百五十八包二斤九两四钱零，苏州府马草五十三万八千四百一十四包六斤八两七钱零，松江府马草三十一万六千二百二十一包五斤二两五钱零，常州府马草七十一万四千三百六十九包五斤一十两七钱零，镇江府马草一十二万七千八百八十四包四斤一十两二钱零，淮安府马草四十五万四千七百二十包三斤三两三钱零，扬州府马草三十四万九千二百三十六包六斤七两三钱零，徐州府马草一十万包。

金花银，即国初所折粮者，俱解南京，正统五年始自南京改解内库。夏秋麦米共四百五万九百一十九石一斗一升二合，每石折银二钱五分，共折金花银一百一万二千

七百二十九两七钱七分八厘一毫。

孝宗弘治二年，令应天府上元等七县，官田粮每石减耗米二斗五升，民田每亩劝出米二升；镇江府丹徒县，官田粮每石减耗米二斗二升，民田每亩劝出米二升；丹阳县官田粮每石减耗米二斗，民田每亩劝出米二升；金坛县官田粮每石减耗米二斗，民田每亩劝出米一升二合。

十七年，令苏州、松江、常州三府，阔白棉布以十分为率，六分征本色，四分每匹折征银三钱五分解部。

十八年，时嘉兴知府赵瀛建议，田不分官、民，税不分等则，一切以三斗起征。应天巡抚欧阳铎乃与苏州知府王仪，尽括官、民田裒益之，履亩清丈，定为等则。所造经赋册，以八事定税粮：曰原额稽始，曰事故除虚，曰分项别异，曰归总正实，曰坐派起运，曰运余拨存，曰存余考绩，曰征一定额。以三事定均徭：曰银差，曰力差，曰马差。征一者，总征米、银之凡，而计亩均输之。其科则最重者，不能尽损，为递减耗米；派轻赍折除者，不能加益，为征本色，递增耗米。时豪右多梗其议。学士顾鼎臣独以为善，曰：是法行，吾家益千石输，然贫民减千石矣，不可易也。由是官田不至偏重，而民田之赋反加矣。

嘉靖十四年，诏改折南京漕粮。

起解京库折色，应天府、庐州府、凤阳府、淮安府、宁国府、安庆府、池州府、太平府、广德州、徐州，小麦每石折银一两，□每石折银六钱；苏州府、松江府、常州府、镇江府、徽州府，麦米每石折银二钱五分。

嘉靖四十二年，题准将嘉靖四十年、四十一年额派南直隶、浙江、江西、湖广四省钱粮及开纳事例，并节年会议条陈等项银两，其四十二年份并带征三十六年份钱粮，完者起解，未完者严催，候一年满日通算，约以十分为率，未完四分者，布政司掌印管粮米官俱降俸二级，移咨吏部，不许推升，追征完日，准照旧支俸；未完六分者，俱照不及事例降一级，起送吏部调用；未完八分以上者，俱革职为民。其余府州县掌印管粮官，俱照此例。监兑主事，催督钱粮，通以一年为限。查将未完钱粮应参官，照依前例分别参奏，以凭户部议复施行。

隆庆间，以江南巡抚海瑞议，将一概合用均徭均费等，不分银、力二差，俱以一条鞭银在官，听候支解。按：此条鞭之始。

隆庆九年，户部复应天抚臣林润奏复粮额、议改折二事，谓各省粮额，俱以夏税、秋粮、马草为正赋，差徭、编增为杂派。唯是苏、松诸郡，不分正杂而混征之，名曰平米。其中如马役料价议役，原非户部之加增，如轻赍脚米，户口盐钞，亦非粮

额之正数。杂派渐多，常赋反累，诚有如润所言者。宜令逐项清查旧额所增之数，通行造册送部，以凭裁减。至于两京各衙门俸银改折之议，则当斟酌轻重，事难尽从。盖南京水路四通，米谷饶裕，便于改折；若一概施之北地，如有运道告阻，内鲜蓄聚，缓急之际何以谋？请将南京各衙门官吏人等月粮，及嘉靖四十年以前积欠京储，尽行改折，每石七钱；在北者量折十分之二，每石一两。若米贵，仍复本色。上允行。

万历中年，三大征接踵。四十六年，骤增辽饷三百万，内帑充积，帝靳不发。户部尚书李汝华乃援征倭播例，亩加三厘五毫，明年复加三厘五毫，明年复加二厘，通前后九厘，增五百二十万，遂为岁额。按：此即额内地亩之项。

清

清顺治二年，平定江南，其土田规则，悉用前明之旧：以万历中赋额起征，仍蠲本年税额十分之七，兵饷十分之四；其明季无艺之征，尽永除之。

三年，奉旨：长洲等县，额量太重，应否酌减？江南官户，免役太滥，因累小民，作何限制？着确议具奏。命招抚内院洪承畴，订正江南赋税经制。

四年，一切折色征银，行吏收官解法。按：明季收银，佥点殷实人户，充当银头，令其值柜收银，饭食纸张，恣行赔累，折封之时，或有短少，责令赔补，至是痛革前弊。县点柜书一人，择老成者充之，在柜出票，登记流水号簿，里中赴柜完银，遵照司法，自封投柜，即给印票，令其归农。凡一切收折贮解，官吏任之，与民无关，民困遂苏。

六年，因饷不敷，将白粮改折，正耗等米每石一两五钱。

九年，奉旨：江南赋税各项本色，责成布政司每年于一月之前，确查时值，据实估定，申报督抚，咨部查核；一面经行所属州县，照估定时价，征银解交藩司，选委职官领银采买物料装运解京。

十年，改折三梭三线布银，其本色布匹，俱照时值估办。改定料价折色银，应办本色起运者，亦随时估值，申报大吏，核实编征。

十二年，白粮每石改折二两征解。

康熙元年，户部给事中柯耸请行均田均役之法。

三年，允科臣吴国龙疏：凡县派各部等项下钱粮，悉归司农总其成。往例各作十分

奏销，自是总作十分奏销。

五年，奉旨：白粮改折苦民，着俱征本色。

是年，江南巡抚韩世琦奉旨实行均田均役。

十一年，淮南总督麻勒吉、巡抚马祐，请裁卫归县，卫所钱粮就近并县征解。

附麻勒吉疏略：

江宁等十六卫，原设守备十六员，千总三十二员，管理屯丁、黄快丁钱粮。查江宁等卫所，屯丁、黄快丁散在各州县地方，离省穹远，经管守、千各官，四远催征，完纳不前，致逋国课。今若归各州县就近征比，顽丁不致恃远拖欠，则粮赋易于完纳。且卫所本折钱粮不过二十万，散归各州县征收，每邑所增无几，又并入丁考成，不烦另案参罚，诚为简便。况江西各卫屯田归并之后，军、民俱各称便，金运亦无窒碍，已有成效。则江宁等卫丁田钱粮，似应于康熙十二年为始，照例归并州县征收。至管屯各官内，千总三十二员，均应裁去；其掌印守备十六员，若一概议裁，恐运官无所统辖，事务易至纷淆，今应量留守备四员，改为四卫，分辖运千。凡支领钱粮，查造册结，开报贤否，一以守备印文为凭，更属允当。其余守备十二员应裁去，以省糜费。

十三年，准江苏布政司使慕天颜请永行均田均役。

附慕天颜疏：

臣惟则壤定赋，各有应输之科征，而计亩当差，始无偏枯之疾累。如江南州县，大者编户六七百里，小者三四百里，每里为一图，每图有十甲，此历来定额之赋役也。乃民间贫富不等，所有田地，多寡不齐。若田多至数十顷，而占籍止一图，或穷民仅有田几亩，而当差于一甲，是豪户避役，卸累小民，而隐占之弊生矣。又或贫户苦累不堪，将本名田地寄籍于豪强户下，以免差徭，而诡寄之弊生矣。又或蠹胥奸里，觇知小民不谙户役之事，包当里递，替纳钱粮，代应比较，而包揽之弊生矣。种种弊端，皆因赋役不能平均之故耳。

夫均田均役之法，通计该州县田地总额与里甲之数，将田地均分，每图若干顷亩，编为定制，辨粮当差。田地既均，则赋役自平；既有科则轻重之别，而按亩编甲，其输粮之数，不甚相远。且不许豪户田多隐役，苦累小民。此法自科臣柯耸条议，部复奉旨，钦遵在案。娄县故令李复兴行之最为得宜，松民自今称便。苏、松等属，仿照均编。臣任江藩，再三无异。但民间田地，买卖不常。每遇编审之期，必应推收过割。恐有积蠹，乘机炫惑有司，变乱成法，则贻害无穷。若非奉天语儆饬，

何以永著为例?臣请敕行，嗣后推收编审，悉照均田均役，听民自相品搭，充足里甲之数，不许多田少役。则隐占、诡寄、包揽诸弊，可以永清，实有益于民人矣。

抑臣更有请者。有司征粮，若不分良顽，混漏完欠，并比差扰，则小民难堪。又查江南各属田地、山荡、滩涂等项，名目繁多，科粮有至六七十则不等，是以刊布由单，款目冗细，乡愚全不知晓。臣经详明督抚，设立征收截票之法，计算每户实征粮银，分作十限，清造截票，按月限完一分。于开征日预给便民限单，悉照由单编派数目刊列，填写明白，俾民晓然自知本名应输钱粮若干，依限完纳，截票宁家。印官止将未截者摘比，事省而不致滥差，数清而不扰粮户。恐法久弊生，恭请敕行永遵者也。是不第江南行之有益，即直省通行，可以兴利除弊。臣为赋役民生起见，敢渎宸严，伏乞敕部议复，通饬施行。

征收条约：

一、行截票。截票之法，每户额征，计作十分，按月一分，一月又立三限，按户算明，照式填造，俾粮户依限纳银入柜，照数截票。其截去者归农，未截者摘比，良顽自分。此宪檄颁行，告诫谆切，法至善也。奈州县各逞己见，或不查截票而仍比甲催者，或已截而仍摘全数者，或未截而漏摘顽户者，或将截票收掌于粮书椅勒完户者，或票虽截而簿未登混淆完欠者，或不按应截之月限分数而任意差拿者，或并花户不截欠数总归里长甲催名下独累限年者，其弊种种不一。甚至阳奉阴违，擅立滚单、火票等项名色，滥差厉民，酷刑迭摘，蠹书卖卯，狼皂索费，使已完之良民，不获宁家，殊堪痛恨。今本司遵宪发截票格式，着令该州县守令造成用印。令司柜吏书，随粮户完银之时，即登明流水，对户截给，遵限完者，竟自宁家。如至一月不截者，印官亲查票根，存留未截之户，按名差拘，着令完截。断不许预行差押，亦不许另立比簿，并不许留前截后。如欠户已完银截票，即免带比，若仍延抗，方加责徼。或有急公良民，能并完一年额赋，或并纳几月几限者，即将本户之票，照数截发，量行奖励，以鼓舞输将之众。总之，票存则欠，票去则完，竟查票根，而比簿可不设也。务期有司殚力实行，不堕奸胥术中，国课、民生，从此两益矣。

一、稽完欠。截票之法既行，专查花户之截与不截，以分完欠，有何不清。乃仍有纷纷混摘者，盖因截法划一，粮书无作弊之窦，皂快无索钱之门，不便于己，欲乱成规，妄称若照按月分限，良户虽输，而顽户不前，难应急饷。于是印官受其煽惑，遂不照分数而摘拿矣。及比较之时，止责甲催，又不计完之多寡，一概重加刑罚，而比簿登数混淆，并无实完实欠之数。故粮户谓：少完亦责，多完亦责，且受责不分轻重，何必急公。顽者自任其顽，而良者亦化为顽矣。今专重截票，其存留未截之数，一目了然，不许用比簿，不许比甲催。于月终吊验，将未截顽户摘比。如前月欠户，于次月月终比较，既除完户之名，止将欠户稽比。计通县之户，已少十之八九矣；即极疲极顽之邑，亦少十之六七矣：照通县里排比较，已省力大半。且一月内，上旬、中旬、下旬三限比较，不截顽户身受三限之责，尚有不完者乎?差催

不截之户，必须带户赴比，又在印官恪一遵行，然后良顽允服。至于流水号簿，每见州县数十里汇为一册，其号至千万之外，难于稽核，蠹书移图换甲，改户易数，滋弊实甚。本司昔宰钱塘，立归里流水之法，每图一本，至今称便利。令所属州县，一体置立，逐里挨户登记，不得仍将通区都图完欠总数，入流水一簿，以杜牵涸。

一、禁秤封。凡设柜收银，粮户自封投柜，永禁秤封，令行亦不啻再三矣。孰意州县呈革柜吏秤收名色，又改立银铺估色为名；每遇粮户完银，勒赶铺家经手，秤银入封，钤用私记。甚至不论多寡，必责倾成一锭，银匠火烙，方许投柜。于是县市之积奸，开张列肆，擅握大戥，银色恣意估折加耗，甚于吏收。如此锢弊，皆由官吏巧剥民膏，先给图记授意，轻重间有增不如式，后封时佯唤银铺薄惩，该铺遂指出粮户姓名，立拿重处。小民闻风效命，封封重勒，户户私加，是阳革秤封，实则重耗也。今本司照部颁法马一样，较准官戥行州县，每里给发一把，听粮户将官戥准入封，不许银匠火烙、银铺估色执戥封。嗣后如有重勒害民，及柜吏需索票钱者，许被害粮户首告，铺匠柜役，一并重究。但州县又以银色轻微，及封内正数反亏为请者。岂人之无良，一至此乎？此皆印官开勒耗之渐也。应飭令州县，果有一二银色低潮，正数稍轻者，不得动其原银；列名开数，出示晓谕，听粮户补纳，不得差票拘拿。倘敢虚开捏欠，许即投告，提取原封，与粮户对认定件，讯实严究。其银色纹足，毋论定件，准与收纳，不必每封倾成一锭，致滋耗费。

一、绝差扰。差役之为害，本司前经列示。而州县独于征粮之中为尤甚。如图差、区皂、经催、分管等，名色各有不同，总一役而异其名也。因上行革去此等差名，遂易一称呼，人仍其旧。此辈盘踞衙门，承袭顶首。粮户甲催，供其鱼肉，秋收夏熟，饱其鲸吞：一认役，必开派使用数端；一开仓，必妄取公费几两。而包收侵啖，必累重征；赴限应差，以索东道。此坐图之差扰也。而承票拘拿之虎役，更有甚焉。摘一户名，先索见面钱。临比时，完者亦云代候比较，勒索酒钱；若未完者，则害不可名状矣。带比受杖，则有手轻钱、照料钱；正身营脱，则有买嘱钱、代杖钱。身经痛苦，复要知会该房。一票未销，再发签差催皂，层见叠出。而摘欠一两，用费至二两，正赋究竟未纳，蚩蚩愚氓，何以自误若此？然必因抚字无方，滥差所致。今飭将州县图差、区皂、经催、分管诸役名色，实实革去，断不许留一积蠹于中。先取印官甘结，后有告发，以纵庇论。而未截留户之顽户，不得不差拘，每里量差一役，比完即销。如本月限银，三票俱不截者，次月初旬即行拘比；如止二票不截者，姑俟中旬拘比；一票不截者，下旬拘比。临时激劝，庶几差拘之中，又省差矣。倘差役横肆索诈，计赃治罪。惟劝良民，早输国课，免剥啄之到门，省漏卮之吹索矣。

是年，命臣会议：苏、松积欠，应否差大臣往查，分晰在官在民，应追应蠲？右都御史吴正治奏请：查善后之策，莫若减苏、松浮粮，照常州府一例起科。

附吴正治疏：

题为钱粮积欠有由，苏、松额赋偏重，敬因清查之上谕，请沛酌减之洪恩，以除民生永累，以培万世国本事。

伏念江南财赋之区，我皇上因累年积欠至二三百万之多，特命群臣会议应否差大臣往查，分晰在官在民、应追应蠲，具见皇上轸念官民至意。

臣思钱粮之所以积欠者，固有其由。不知民生困苦之原，从事酌议，则清理虽见于一时，而拖欠仍贻于后日。夫所谓积欠之由，亦曰苏、松浮粮而已。及今清查善后，亦曰减苏、松之浮粮而已。盖赋重甲于天下，而苏、松两府尤甚。明初，洪武以张士诚窃据姑苏，怒地方之附寇，遂取民间租籍，照额定课。故苏、松额粮，不惟与他省轻重悬殊，即以接壤之常州一府较之，亦加倍不止。查常州府，每亩科平米三斗五六升，下至八升、五升不等。苏、松浮粮，在故明虽已屡减，然每亩科三斗七八升至三斗二升、二斗五升不等；下则之田，亦科一斗九升。夫田亩之所收，非有异于别壤，而输科之逾额，独数倍于他方。民力几何，其能堪此？

在故明虽以私憾定重额，原未尝岁岁征完。今国家任土作贡，取民有方，普天率土，应无异视，奈何踵前代之弊政，而重困此一方民耶？况查他省钱粮积欠，并未有如江南之多者，是浮增之粮额，原非可完之数，而必欠之数也。今听纸上之成数，责有司以催科，经催则无年不欠，带征则累案难完。岂真民不急公、吏不勤比也？盖赋重力竭，实难全输也。

前此屡经诸臣条奏，未蒙允行，在部臣不过以国计为重，不肯轻议减豁耳。抑思赋拙由于民穷，民穷由于额重，以每亩科至二三斗有无之粮，又有帮贴，有条银，有丁银，有杂项差徭。小民一岁收获，不足一岁之征输。一值追比严急，则多方假贷，剜肉医疮，冀免敲扑。日复一日，则富者渐贫，贫者益困，而嚣然丧其乐生之心。万一户绝丁逃，为累更大。是浮粮病民，而害且及国也。

在部臣又以苏、松积逋，内有官役透冒，非全属民欠，故未便议蠲耳。抑思有浮粮，是以有民欠，是以有挪移。历年挪移借解，款项纷烦，带征之官，势不免于参罚，因与蠹役任意侵渔。至于官更吏易，头绪淆乱，侵欠难清，何妨彼此分肥？其透冒之弊，不尽民欠，未尝不因民欠所致。前此有司迫于考成，以欠作完，惟有捏报；迨水落石出，而官役褫革，饷竟空悬。是浮粮病民，亦以病官，而究无益于国也。

目今奉谕清察，侵欠自当难掩。然一一面察之，能一一而追之乎？东南民力竭矣，臣有以知其不能也。故欲杜积欠之弊根，必在于除故明重敛，而后江南之民，庶有起色从此年征年足，自无挪移。无挪移自无透冒，减浮甦困，正所以足额裕储，利民利国，其道固相因也。

汉初田租，三十而税一，故文、景治致殷富。《论语》曰：百姓足，君孰与不足？百姓不足，君孰与足？我皇上视民如伤，当兹旱暵之时，实图修省，四海之内，无不引领待泽。请祈睿断，立沛德音，将苏、松二府之浮粮，酌量议减，照常州府一例起科输纳。从此民力稍宽，国课日裕，隆恩出自皇上，亿万载被德无疆矣。

十四年，以军需浩繁，将江、浙白粮，暂为改折，每石一两五钱。

二十年，奉诏白粮全征本色起运。

准江苏巡抚慕天颜疏，豁免苏、松、常等府版荒田地钱粮，于康熙七年为始。

附慕天颜疏：

为坍荒赔累无追，亟请皇恩豁免，甦民困以召天和事。

臣惟地震之变，皇上躬行修省，敕将应行应革事宜条奏。臣思最重者，首在恤民；而恤民之最苦最急者，莫若豁免江南坍荒田地钱粮一事。臣查苏、松、常坍荒田地，向来屡经勘驳，实有三千余顷，合算其本折钱粮亦不满十万，而因此赔累，反致欠多，民情之隐苦，实不可胜言。盖坍者久成白水，无土可问；荒者硗瘠不毛，无法可耕。公占则系地入公家，民已失业。此种情形，有抚臣及臣任藩司时入覲条奏，历历绘陈，久蒙皇上洞鉴。止因兵兴以来，军务倥偬，前抚臣无暇亲勘，故议暂停，俟事平之日议复，因循至今。臣抚任三载，正值军需告急，方在生节之时，何敢再渎宸严？是以日切焦思，而对此包赔之穷民，赧颜无以自解。臣故于自陈不职疏内，首列此端为臣罪也。

然思我皇上爱民，惟恐一夫不获。恭逢下诏求言之日，臣再不言，臣罪益深矣。又念此坍荒钱粮，如果可征赔，臣又何敢即言？奈何有粮无田，有户无人，历年地丁条折，原无完纳，委系纸上虚数，不豁亦无完，豁之可免累耳。惟粮一项，徒累里甲，里甲因此包赔，逃亡株连，不知凡几。官役因此漕欠，挪移垫买，每致难清，完犹不完也。三吴赋重额繁，保无顽梗拖欠。然每岁考成，计民间零星尾欠，积累而有数万。或灾患不时，民力困竭，逋逃者又数万。总以百余万之额征而论，亦不可谓之顽矣。此有户有田之欠数，仍可于年限续完；惟坍荒所欠，万万无从责赔。臣前于备陈旧欠无征等事一疏，题蒙特恩蠲停者，即此坍荒在内也。今查前勘坍荒数内，知长洲县田地新经丈清升补无缺不议外，太仓、常熟、昆山、嘉定、华亭、上海、娄县、青浦、宜兴九州县，确有坍荒未豁。臣请皇上大沛恩纶，特准开豁，容臣再加复勘细数，造册报部，从康熙十七年起，扣免于民，毋容纤毫捏冒。此系永远苏困，培我国家万年之乐利，非比一时之蠲停。将见浹汗一颁，民之歌舞雷动于三吴，岂不可坐致休祥也哉？

二十四年，准江苏巡抚汤斌疏陈逋赋难清，乞减定赋额，并另立赋税重地州县官考成例。

附汤斌疏：

臣惟财赋为国家根本之计，而苏、松尤为财赋最重之乡。臣以庸禄，谬抚兹土，见钱粮累年逋欠，每当奏销之期，多者尝欠至五十余万，最少者亦不下三四十万。夙夜疚心，惧无以仰佐国计，恒惴惴不安。初疑官吏之怠玩，继疑豪强之顽梗。乃一载以来，询问耆硕，体察民隐，间尝巡行阡陌，访田则之高下，考征科之多寡，然后知苏、松逋赋，实由民力维艰。斟酌调剂，贵在及时，敢悉心为我皇上陈之。

苏、松土隘人稠，一夫所耕，不过十亩。而倚山傍湖，旱涝难均，即丰稔之岁，所得亦自有限。而条银、漕白、正耗，以及白粮、经费、漕赠、五米、十银，杂项差徭，不可胜计。而仰事俯畜，婚嫁丧葬，俱出其中。终岁勤动，不能免鞭扑之苦。故苏、松俗好浮华，而独耕田输税之农民艰难实甚。府官与常、镇、嘉、湖壤地相接，而赋额轻重悬殊。即将江、浙、闽、楚，并号财赋之乡，区区两府，田不加广，而可当大省百余州县之赋，民力所以日绌也。

夫二府田赋之重，固起自明初。臣尝考洪武年间，籍没张士诚，将士诚产号为官田，赋额特重，而民田之起科较轻。永乐以后，漕运愈远，加耗滋多。宣德、正统间，巡抚周忱奏减苏州租七十余万石、松江租三十余万石，民困稍甦。至嘉靖初，苏州知府王仪请行均田之法，尽括官、民田而裒益之。当时稍救官田之弊，但正耗兼配，科则繁杂，吏易为奸。其后以耗米作为正粮，又运纲诸费，额外取之于民，因时派征。又如所谓九厘地亩之类，日渐增益，非复正、嘉以前之旧。至启、祯时，军饷孔殷，加派日繁，民不堪命矣。

本朝定鼎，田赋悉照万历年间则例，尽革明末无艺之征，洵称救民水火。近年因时制宜，如白粮、经费、运军、行月、永折、扣价等项，载在全书。其官收官兑之法，最称便民，不可更易。然亦因明朝赋重役繁，以耗作正，不得已为此补救之计，而民力则又殫也。顺治初年，钱粮起存相半，考成之例尚宽。后因兵饷急迫，起解数多，又定十分考成之例，一分不完，难逭部议。以四十余万钱粮之州县，至与小县钱粮不上数千或仅一二万者一例考成，官斯土者，虽贤如黄坝、鲁恭，何能自免谪谴？夫人千里而来为吏，谁肯以催科无术，甘心废弃？一存顾恤功名之念，则辗转苟且之计必生。或以存留而抵起解，或以此项而借彼款，或以新粮而抵旧欠。参罚期迫，则以欠作完，赔偿维难，又以完为欠。种种弊窦，莫可究诘。一经发觉，身家俱丧。官之更代日勤，蠹吏因之作奸，头绪纷淆，侵渔任意，虽严加追比，究之款额空悬。惟二十二年适遇岁丰，二十三年荷蒙圣恩蠲漕，故仅有一二县地丁全完，而他项仍多挂欠。又以年外报完，未副议叙之例。夫人财力不甚相远，岂他省之吏，干济独优，而苏、松之官，催科偏拙？良以百姓之脂膏既竭，则有司之智勇俱困

，而前途之功名绝望，则官箴之砥砺难期，心已灰矣。地方何赖？吏治人才，皆足惜也。积欠年久，惟待赦蠲。我国家弘敷大赉，每一赦诏，苏、松免租，多者百万，少者七八十万。是粮额虽重，原非可完之数，与其赦免于追呼既穷之后，何若酌减于征比未加之先，使得完肌肤而乐升平，且无损国家岁入之实数乎？

苏、松版荒，所在多有。臣尝委官履亩踏勘，非尽石田不可耕也，只因田不抵赋，力难任役，一户逋逃，数家株累，小民畏惧而不敢承佃。倘蒙皇恩，稍赐宽减，其孰不踊跃复业？数年之后，按亩升科，将见田额渐增，国赋日裕。是蠲无益之虚额，而收垦田之实课也。

前此诸臣，累累陈请，适当军兴旁午，饷需告匮之日，且具言前朝苛政，欲复宋、元之旧，事势难行。今赖皇上德威远播，海表日出之邦，绝域不庭之国，莫不稽首来享，奉琛恐后。斯正国家休养蒸黎、培植根本之时。上年銮舆亲巡，洞见村落萧条，深轸圣怀，又蠲漕免丁带征积欠。深仁厚泽，沦肌浹髓，白叟黄童，感极而泣，以为生逢尧舜之主，视民如伤。若地方官能以民艰上闻，必当大沛恩膏，起三百年之痼疾。

臣身在地方，义无可诿，不敢远引宋、元之说，亦不敢比常、镇、嘉、湖之例。惟叩恳我皇上念民力之已竭，察虚额之无益，宸衷独断，焕发德音，际此纂修简明全书之时，博集廷议，将苏、松钱粮合盘打算，各照科则量减一二分，定适中可完之实数，无存过重必欠之虚额。更将科则稍加归并，简便明白，便于稽核。或将赋额特重州县，另立劝惩之典，不与小县一例考成，使守令知可以久任，可以升迁，不至苟且因循，事务废弛。庶几野无不耕之土，户无不完之租，民力裕而吏治清，赋税充而国家足，亿万年太平无疆之休，端在是矣。

臣非不知赋额久定，未便更张。但体国经野，贵永久而无弊，苟有未善，正宜变通。况前代之苛政，我皇上神圣立极，事事垂法万世，此尤关国计民生之大者。宏谋远算，总自睿裁，非微臣所能仰赞也。

二十六年，科臣刘国黼疏乞各省田地赋役大小等则，注明赋役新书。

附刘国黼疏略：

臣办事户垣，见各省起科则例，有大地、小地、上中下地之殊，有一二等至六七等、三四则至数十则之别。不但各省不同，即一省之中，各府、各州、各县亦多互异。盖地形有高下平坡，土性有沙卤肥瘠，古人以壤定赋，固不能强之使同也。但全书之内，将各则田地，注明折数者固多，而遗漏未注者亦复不少。臣江南扬州人也，即以扬属而论，江都之田一万七千余顷，额征银五万余两，全书已注明折数矣。若高邮田二万五千余顷，额征银四万一千余两；泰州田九千余顷，额征银四万四千

余两。非泰州之田，仅高邮三分之一；非泰州之赋，重于高邮三倍也。盖泰州大地，而高邮小地也。又如兴化田二万四千余顷，额征银二万八千余两；宝应田二千余顷，额征银三万余两。非宝应之田，仅兴化十分之一；非宝应之赋，重于兴化十倍也。盖宝应大地，而兴化小地也。小地则一亩为一亩，大地则数亩折一亩。一亩为一亩赋轻，数亩折一亩则赋重。而全书之内，皆未经注明也。今获遍览各省全书，始知大地小地未经注明者，不独臣乡然也。臣请钱粮款项，不可不简；而田亩大小，尤不可不明。乞敕下纂修新书诸臣，将大小等则，逐一注明。

嘉庆七年，五月二十一，允两江总督费澹等请江苏漕余提补归银二十七万两有奇，并谕永禁嗣后漕余折色。

八年，四月十四，允两江总督铁保等酌议江苏州县收纳钱粮章程。

咸丰三年，八月，允江苏征存漕米折银充军饷。

同治二年，六月，诏两江总督曾国藩，议减江苏常、镇两属漕粮。

是年十二月，允江苏苏州、松江、太仓等处漕粮减价折征。

三年，十一月，豁江宁府属七县钱粮三年。

同治四年，准江苏巡抚李鸿章疏请减苏、松、太浮粮。

附李鸿章疏：

窃维《大学》论理财之道于天下必曰平，《周官·土均》掌土地之征必曰均，《禹贡》九等，《太宰》九赋，不外平均。今天下之不平不均者，莫如苏、松、太浮赋。上溯之，则比元多三倍，比宋多七倍。旁证之，则比毗连之常州多三倍，比同省之镇江等府多四五倍，比他省多一二十倍不等。以肥饶而论，则江苏一熟，不如湖广、江西之再熟。以宽窄而论，则二百四十步为亩，有缩无赢，不如他省或以三百六十步、五百四十步为亩。而赋额独重者，则由于沿袭前代官田租额也。夫官田亦未尝无例矣。伏查大清户律，载官田起科，每亩五升三合五勺，民田每亩三升三合五勺，重租田每亩八升五合五勺，没官田每亩一斗二升。是官田亦有通额，独江苏则不然。

考宋绍熙中，朱子行经界法，吴粮每亩五升耳。厥后籍蔡京、韩侂胄等庄为官田；又贾似道广买公田。元代续加官田。明祖平张士诚，又没入诸豪族田，皆据租籍收粮。宣德中，巡抚周忱、知府况钟奏减苏、松粮百万石。疏中称：苏府秋粮二百七十余万石，内民粮止十五万余石，余皆官粮。是二者未尝合并。官粮自七斗六升，

民粮自五升。嘉靖中，令各州县尽括境内官、民田裒益之，分摊定额。长洲县官田最多，故额最重。他县他郡，官田递少，故额递轻。今苏州府长洲县每亩科平粮三斗七升，以次不等。折实粳米，多者几及二斗，少者一斗五六升，远过乎律载官田之数。此苏、松、太重赋之源流也。

自明以来，行之五百年不改，而其中升降盈缩，则因时而异。《苏州府志》称：明臣周忱奏令输布一匹，准米一石；输银一两，准米四石。又称：课吏以催科六七分为上考，终明之世，无征至八九分者。国朝康熙十三年，前抚臣慕天颜疏有曰：无一官曾经征足。无一县可以全完，无一岁偶能及额。雍正中，奏准江苏漕米折征，每石银一两。其时银价，每两易钱七八百文。以此观之，前明及国初，赋额虽重，大都逋欠准折，有名无实而已。嗣是承平百余年，海内殷富，为旷古所罕有。江苏尤东南大都会，万商百货，骈阗充溢，甲于寰区。当是时，虽担负之夫，蔬果之佣，亦得以转移执事，分其余润。无论自种佃种，皆以余力业田，不关仰给之需，遂无不完之税。故乾隆中年以后，办全漕者数十年，末民富故也。

惟是末富非本富，易盛亦易衰。至道光癸未大水，元气顿耗，商利减而农利从之，于是民渐自富而之贫。然犹勉强支持者十年。迨癸巳大水而后，始无岁不荒，无县不缓，以国家蠲减旷典，遂为年例。

夫癸巳以前，一二十年而一歉；癸巳以后，则无年不歉。且邻境不歉，而苏、松、太独歉，此何理也？谓为州县捏灾。此三十年中，督、抚、司、道，更数十人之多，岂无一二不肯党同欺妄之人？而且圣主不加斥，户部不加驳，廷臣科道不加纠，此又何理也？诚以赋重民穷，有不能支持之势。部臣职在守法，自宜一切不问，坚持不减之名。疆臣职在安民，实因万不得已，为此暗减之术。始行之者，为前督臣陶澍、前抚臣林则徐，皆一代名臣。揣其意，必谓减额永不能加；灾缓，则后不为例。原冀民气渐甦，无难复旧，初不意年复一年，且年甚一年，而不可返也。臣窃惟前办全漕之时，间遇水旱，办成灾者一，办带征者九；带征之后，依然全漕。故以年计为减成，以十年计非其减成也。今则年年办灾，永无带征之日，乃真减成也。

又官垫民欠一款，道光之初，数仅分厘，癸巳以后，驯至一二成。夫所谓垫者，岂有州县之果能垫哉？不过移杂垫正，移缓垫急，移新垫旧，移银垫米，以官中之钱，完官中之粮，将来或豁免，或摊还，同归无着，犹之未完也。故历年粮册，必除去垫欠虚数，方得征收实数，以此数民固未尝完也。

伏查苏属全漕一百六十万，厥后积渐减损，盖自道光中年始，于今三十年矣。《礼》曰：以三十年之通制制国用。言综乎三十年之大凡，斯以后可知也。今试以道光十一年起，至咸丰十年止，三十年中运数分计之：辛卯以后十年，共数一千三百余万，内除官垫民欠，得正额之七八成；辛丑以后十年，共数九百余万，内除官垫民欠，得正额之五六成；咸丰辛亥以后十年，共数七百余万，内除官垫民欠，得正额

之四成而已。

自粵逆窜陷苏、常，焚烧杀掠之惨，远接宋建炎四年庚戌金阿术故事，盖七百有三十年无此大劫。臣某等亲历新复各州县，向时著名市镇，全成焦土，孔道左右，蹂躏尤甚。久之，各贼不能相统，此贼所踞，难免彼贼劫掠；即不与官兵交界，亦皆连阡累陌，一片荆榛。凡田一年不耕，便为荒田，今已三年矣。各州县册报抛荒者，居三分之二。虽穷乡僻壤，亦复人烟寥落。间于颓垣断井之旁，遇有居民，无不鹄面鸠形，奄奄待毙。伤心惨目之状，实非郑侠流民图可比。已复之松、太如此，未复之苏州可知。而欲责以重赋，责以数倍他处之重赋！向来暴敛横征之吏，所谓敲骨吸髓者，至此而亦无骨可敲，无髓可吸矣。

皇上视民如伤，未伤者犹且如伤，况已伤而伤又至重者乎？斯即据情吁请，全行蠲免三五年，在皇上如天之仁，必蒙俞允。惟是天庾正供，停运三年，军需浩繁，度支仰屋，其何以济？臣等所不敢出此也。又荒田召种，有顺治年间各省屯田之例可援。然垦熟既远，升科更迟。现报荒田三分之二，已荒者议蠲，未荒者议减，将存仅止一二成，亦臣等所不敢出此也。至于办灾例案，自七八成而五六成，而四成。成丰三年，闻警抛荒，仅止三成。能稍存苟且弥缝之见，援抛荒之案，减而又减，约得二三成，非不可以塞责。但前督抚臣之所以为此者，尚或冀其复旧。今则明知无复旧之望，而徇于积习，不以直陈，是全无为国之心，徒有罔上之咎，又臣等所不敢出此也。

臣等细核历年粮数，咸丰十年中，百万以上仅一年，八十万以上者六年，而皆有官垫民欠十余万在其中。是最多之年，民完实数，不过九十万。成案如是，民力如是，积弊之后，大难之余，催科一事，棘手尤倍。

臣等蒿目时艰，悉心筹划，上体宵旰忧民之切，下维军国待用之殷，于万难偏重之中，求两不相妨之道，似宜用以与为取、以损为益之一法。比较历来征收各数，酌近十年之通改定赋额，不许捏灾，不许挪垫，于虚额则大减，于实征则无减。穷变通久，于此时为正办。

或者谓据此定额，未免过少。不知减余之数，仍通省莫重之数。倘非宋、元旧额，不得谓少，且不自今日始也。成丰十年以前，历年如是，未尝于历年国用有减也。彼时兵革未兴，生聚未改，田园庐舍未有损，非犹是完善之江苏乎？夫完善之江苏，仅有此数；既残破之江苏，不应仍有此数。今臣等于残破之余，请照完善之时定额，且不援近年最少之数，不假借垫欠虚数，诚不敢谓必有把握。若仍执久置不用之虚，衡量多寡，欲求转逾乎完善之时，皇上圣明洞鉴，有是事乎？有是理乎？事理所必无，即刑法所必穷，恐贤如刘晏、李巽，不贤如裴延龄、李实，亦且束手无策矣。又或者谓，数既犹是，何不仍夫旧贯，尚有翼于将来？不知乾、嘉之江苏，实千载一逢之盛会，不可为例。窃谓自兹以往，如天之福，东南无事，休养生息二三十年

，冀可复咸丰及道光末年之江苏；更二三十年，冀可复道光中年之江苏。而悬此虚额数十年以待之，无论无此政体，恐异日之利未必能复，目前之害已不可支。盖臣等今日之所办，所谓以与为取，以损为益者，方将借减赋之名，为足赋之实。

所以能照完善之时定额者，其机括全在减赋二字中也。何以言之？办灾办缓，权在胥役。防弊虽有法，舞弊奚啻千端？止此民力，止此地产，不减额之弊，在多一分虚数，即多一分浮费；减额之效，在少一分中饱，即多一分上供。减额既定，胥吏无权，民间既沾实惠，公家亦有实济。是为转移之善术一也。

吴民死亡之外，大半散之四方，故乡赋重，望而生畏。寻常蠲缓，不足去重赋之名。招之不来，荒田愈久愈多，何法以治之？惟闻减赋之令，必当争先复里。是为劳来之善术一也。

往者诸城被陷，官吏一空，乡团抵死拒敌，锣声所达，万众争先，小股贼压，见即却走。即以三首县言，洞庭、香山、金市各乡，有相持至七八月之久者。固由朝廷恩泽之至深，亦征愚善天良之未泯。此时减赋令下，彼见皇上于经费匮乏之时，尚有此度越寻常之举，有不感生望外、踊跃输将者乎？是又激劝之善术一也。

大抵以事理而论，残破之视完善，必应递减。而有此三者，可以弥补此递减之数。则又以事理决之，臣等所谓以损为益，以与为取者，此也。

现在苏郡尚陷贼中，侧闻乡多为暗团之约，待时而动，以应官兵。即常熟反正乡民，毁贼卡、杀贼目者，凡十余处。昆山克复，沿湖居民，截杀窜贼无数，是其明证。一闻减赋之令，必当感激涕零，望风增气。他吕军麾所指，弩矢之驱必更奋，箠壶之逐必更诚。又未始非固结招徕之一法。

臣等伏查，顺治八年三月奉上谕：凡故明仇怨地方，或一处加粮甚重，我朝并无仇怨，何可踵行？此等情由，详察具奏。钦此。于是江西袁、瑞等府，明初因陈友谅抗师，加粮倍重，布政使庄应会奏复旧额。苏、松独未及上请。又雍正三年三月十九日，怡亲王奏请酌减苏、松浮粮，奉旨：苏、松之浮粮，当日部臣从未陈奏，常廑皇考圣怀，屡欲加恩议减。今怡亲王等悉心筹划，斟酌奏请，朕体皇考爱民宽赋之盛心，将苏州府额征银蠲免三十万两，松江府十五万两。钦此。又乾隆二年奉上谕：江省粮额，尚有浮多之处，着再加恩免征银二十万两。钦此。部文照雍正三年例办理。仰惟列祖列宗当东南全盛之时，犹复轸念民依，如此其深且厚，况今日之兵燹子遗、流离琐尾至于此极也乎？漕粮为惟正之供，而苏、松独曰浮粮，曰浮赋，见诸列圣谕旨及郡县志书，不以为嫌，是知实有浮多应减之处，留以待我皇太后、皇上行之者也。惟有吁恳圣慈鉴察，特沛殊恩，俯准减定苏、松、太三属粮额。由臣等督饬司道，设局分别查明各州县情形，以成丰中较多之七年为准，折衷定数。总期与旧额本轻毋庸议减之常、镇二属，通融核计，仍得每年起运交仓漕白正耗米一

百万石以下，九十万石以上著为定额。南米丁漕，照例减成办理。即以此开征之年为始，永远遵行，不准更有垫完民欠名目。似此核实办理，不特酌十年二十年之通相较固无所绌，即酌三十年之通相去亦不甚远。至官垫民欠，本属弊政，新复之地，百款皆空，无可垫而欲其垫，弊更百出，必宜永远禁止。又嗣后非大旱、大水，实在荒歉者，不准捏灾，著为令典。

伏愿皇太后、皇上，俯念苏、松各属为十八省未有之重赋，非他处被陷州县可比，又为七百年未有之大难，非历年被灾例案年可比，去无益之虚籍，求有助之实征。下延亿万垂尽之生，上继累朝未竟之志，民生幸甚，国计幸甚。如蒙俞允，钦遵俟苏属肃清，一体办理。先自松、太创行，由臣等设局，拟定章程。其漕粮一切琐屑款目，酌定归并汰除，以省烦文而昭核实。谨将历年起运数目，缮具清单。

又《苏松财赋考》一书，曾收入四库馆，于是赋始末之言，颇为详尽，一并恭呈御览。

又准附片拟请归并科则。

附李鸿章片：

再：苏、松各属田亩科则繁猥，头绪纷如。苏州府昆山县五十九则，元和县五十三则，长洲县二十五则。松江府虽不过四五则，却于各则内，又分每若干亩准一亩，多至数等。故华亭县亦五十六则，其中有数亩、一亩或数分独占一则者，万无此田必应完此粮、不可增、不可减之理，徒滋书吏影射飞洒之弊。乘此恩准减赋整顿漕务之时，拟将各种积弊，一概芟除。此亦积弊一大端，应请酌量归并。查各县，惟崇明、南汇止六则，吴江、震泽止九则，可援照办理。总以至多不得逾《禹贡》九等之数为限。惟五六十则并为九则，现与减赋并行，不能无小有窒碍之处。拟先将旧若干则相近者，并为一则，以旧若干则应征米石通摊得数，为新一则未减之数，然后以减分派入，为新一则已减之数。其余八则皆然。仍悉心核算，务令各田但有多减、有少减，而无不减，使与减赋毫无窒碍，方足以溥皇仁而昭平允。

四年，十一月五日，减征江苏苏、松、常、镇四府、太仓一州米豆，共五十四万三千一百二十六石有奇。

是月，允江苏江北新漕民折官办。

是年，议定苏属五府州征漕完本色者，每石收余耗三斗；完折色者，每石连同公费，收钱四千五百文。无论本、折，年外完者，每石加价五百文。

又定钱粮，每条银一两，连公费折收钱二千文。

七年，准江宁布政使李宗羲详情，苏抚核奏酌定江北钱漕收价。

附详文：

窃照江北地方，素称疾苦，发逆、捻匪，东西环逼。幸此数百里之间，卒获保全，尚为完善。而十余年来，完赋助饷，未尝稍间，民力已竭。兹幸南北肃清，正当与民休息，一应捐输，悉奉停免，喘息稍舒。而钱粮漕米，国赋攸关，不能不照常征收。查湖北、安徽、江苏各省，兵燹之后，银米均已定价，禁止浮收，民皆称便。江北州县，完善之区十有八九往年钱粮归粮台提充军饷，催科急迫，势难更张。迄今犹照旧章，苛勒浮收，在所难免。州县之羨余，各有定价，书差之私加，几无限量。小民受累已深，弱者饮泣，强者上控。绅衿大户，则挟制官长，包揽短欠，甚或暗吃漕规。种种积弊，难以枚举。前奉曾爵阁督宪咨商抚台，仿照楚、皖章程，体察江北情形，酌定钱粮征收价钱，开册咨复，发司复核。

本司伏查，江北赋额本轻，州县征收，尚有长短户之分。所谓短户者，无非绅衿大户，岂但无浮，几至不敷。所谓长户者，皆系分厘合勺小户，每两完纳至二千八九百文，甚有三千以外者，米每石完钱八九千文，甚有十千以外者。在州县为截长补短之计，而不公已甚。然欲使之一律完纳，势有所难。盖短户由来已久，万不能责令加增。若将长户删减过多，则州县办理，更形棘手。且州县廉俸无多，供应差使，摊捐公项，皆无所出。更有经书纸笔辛工，粮差盘费饭食，既不容其需索于民，若不稍留余地，以为办公贴补，难免无竭蹶之虑，又何能望其尽心于民事？本司再三斟酌，银款每两，连加一耗羨，收钱二千四百二十文为断；至长之户，不得过二千六百文。倾熔火耗，添平补色，书差纸饭，一应在内，米款每石以五千一二百文为率；至短之户，不得过六千五百文。盘量运费，书差纸饭，亦一应在内。核与抚宪衡定各州县收价，不相上下。其向来完数在定价以内者，均仍其旧，不必加增，以杜藉口。如此，则大户虽无出入，而小户几减轻一半。

当经本司详细登复曾爵阁督宪，适值交卸，移交督宪马，复加衡定，批司通飭各属，遵办新漕。即经本司抄发定价，飭各州县刊示遍贴，晓谕乡僻咸知。定价之外，书差如敢多收分文，许即具控，以凭尽法惩办。本年钱粮，上、下忙业已征收过半，未便更张。应以同治八年上忙起，按照定价征收，一律刊示晓谕。缘奉宪飭，叙详请奏，理合将江北钱漕定价征收办理情形，缕晰请示，伏候宪鉴。

同治七年，苏属钱粮每条银一两，连公费折收钱二千二百文，时市价每银一两一千七百文。

同治十年，苏属钱粮每条银一两；连公费折收钱二千四百文，时市价每银一两一千八百文。

十三年，准两江总督李宗羲疏请，江宁垦熟田地酌减科则。

附李宗羲疏：

窃查江宁府属七县田地，自兵燹后科则无考，于同治七年经前督臣曾国藩仿照皖省章程，无论民、卫丁漕，酌中定数，仍分上、下忙，折征钱文，一半提归司库，以一半买米起运。奏蒙允准。历年以来，均经奏明循办在案。迭准部文，催办开征，节经檄司，严饬各府县，先将熟田分造区图册籍，开办丁漕。体察情形，议详去后。

兹据江宁布政使梅启照、署江安粮道薛书常会详称：江宁府属各县赋役全书，均已毁失，前经详请，咨部颁发，亦已霉烂无存。只有嘉庆年间重订《江宁府志》赋役一门，载明七属田地、山荡、科征银米各额数，尚可依傍验派。地漕银米各款，则有部颁道光二十七年奏销册，可以为凭。查《江宁府志》，内载民田上元县十二则，江宁县十则，句容县七则，江浦县十四则，六合县四则，溧水县八则，高淳县六则；卫田上元县三十二则，江宁县三十七则，句容县七则，江浦县四十七则，六合县三十四则。究竟某则田地若干，科征银米若干，并未详载。各县追溯旧志，询访耆民老吏，百计根求，惟句容县田地、山荡，各自一则，犹易分晰。此外各县民田，大小科则不等，一区一图之中，亦分几则，某田某地，系何等则，无从周悉。即访诸原业主，亦属未能尽知。又上元、江宁、句容、江浦、六合五县，均有屯田，夹离民田之内，科则与民田各别，大率米多银少。除屯田最多之六合县并最少之句容县，屯田尚能区分，堪以各归各则征收，其余上元、江宁等县，实皆民、屯错杂，莫可辨认。屯田为津贴运丁世产，例禁典卖，然私租授受，随处皆有，自知违例，每多隐讳。乾隆、嘉庆年间，历次清理，卒未得实。兵燹后，物是人非，更难根究。按其科则，银、米并计，与民田相埒。何田为民，何田为屯，既难确指，自宜仿照民田民地银、米一则科征，以归划一而杜趋避。

惟现据该府县转据耆老、绅民禀称：开垦荒田，完缴抵征，实已勉力。今开办丁漕，粮米并纳，不胜惶恐。实缘今日情形，大非昔比。从前人物富庶，务农之家，父子相承，无不尽力于南亩，赋额虽重，无敢异议。今则本地农民无多，招人代种，工本倍费，而荒芜之久，失于培壅，收获不及从前一半。若仍照旧则完粮，恐未垦之田，无人敢领；已垦之田，又将复荒。闻苏属平定后，即经奏请减免额漕。宁属被兵最久，凋敝情形，较重于苏，吁恳一视同仁，或酌减科则，或普减赋额。等情。一再具禀。

伏查上元、江宁、句容、高淳等县，垦熟田地，按照原额，才过五成；溧水一县，则不足五成；六合熟田最多，亦仅得六成半之数。其故由于田多人少，赋重息微。即遇全熟之年，每亩所收租籽，除完纳正赋之外，仅余数斗。倘遇水旱偏灾，竟无颗粒余剩。若不酌减科则，不独催科为难，诚恐业户无利可图，弃之若遗，荒田无

人愿垦，而熟田转将复荒。

国家赋额有常，原不敢轻议改减。然与其照旧科征，而民力未逮，徒事追呼，何如酌予减轻，俾易输将，转收实效？兹与该府县再四商酌，所有垦熟田地，分别肥瘠，定为上、中、下三等。拟请将上元、江宁、六合、溧水四县最重之上等科则，减去一二成。句容县赋额最多，科则尤重，地方瘠苦，拟请将上则酌减二成半。江浦县地瘠民贫，被兵又久，拟请将上则减去二成半，中则减去二成，下则减去一成。其余草场地，同各县下则田地，完数较轻者，悉仍其旧，无庸核减。又高淳县向征折色银两，核其科则，较他县为轻，毋庸改减。惟该县大粮田地，本系六升六合一则起科，前明因固城淹没，田粮加派于高淳，故有八升六合起科者，有六升六合一勺零起科者，载明县志可考。该县农民，赔纳至今，不堪其累。查浮粮例准请豁，自应将此加摊二斗一升四合及一勺零之浮粮，准予豁除；通境田地，一律按六升六合起科，仍征折色，以广皇仁而苏民困。嗣后七县续垦成熟田地，悉照此次减定科则，分别征收，似与普减额赋，较为核实。等情。详请具奏前来。

臣查江宁府属，被兵十有三年，受灾最深。同治三年克复后，豁免钱粮三年，渥被皇仁，亦较他处为尤渥。小民完纳正赋，具有天良，苟非万不获已，何敢率请议减？臣等权衡收放各款，下顾民生，尤应上筹国课，亦断不敢轻议更张。惟参酌时势，博访輿情，仰体圣朝爱民之意，细核从前原收之数。查江宁各属原额，田地共六万三千九百二十二顷八十亩有奇，科征银二十九万三千五百三十七两有奇，米豆一十六万二千三百八十七石有奇。各县现在垦熟田地，共二万九千二百二十三顷四十一亩有奇，照原则应征科银一十七万二千七百九十七两有奇，米豆九万三千五百一十三石有奇。今就该司等所拟酌减科则计之，应征熟田银一十四万二千七百九十六两有奇，米豆七万六千八百八十二石有奇。通盘核算，垦熟田地，居原额仅及十成之五，而减成收数，则较原额尚有五成。只因所科熟田，上则居多，其无避重就轻可知。至所减科则，少征银米，仅居原额十分中之一分五厘有奇，于正赋无大亏损。而小民受益无穷，非但目前催科不致棘手，此后农民闻风归耕，或者荒田渐垦，赋额日增，实于国计民生，两有裨益。合无仰恳天恩，俯准敕部核复施行。

十二月初五日，奉旨：着照所请，户部知道。嗣经户部以宁省收复已逾十年，所垦熟田，尚不过原额之半，其中隐匿不报，希图减则，避重就轻，窃恐不免。应请敕督率所属，恪遵臣部上年六月间奏案办理，务令成熟田地，岁有增加，期复旧额。奉旨：依议。

光绪三年，准两江总督沈葆楨、江苏巡抚吴元炳会疏，请援苏属案减漕。

附疏：

窃照江宁府属熟地，恳请减则征收一案，迭经前督臣李宗羲等奏陈，均经部臣议驳

。嗣署督臣刘坤一会同臣元炳吁请暂减三年，部议：光绪元年丁漕准予减征，二年按元年所减数目，酌减一半，三年查照原定科则征收。等因。当经转行饬遵在案。

臣葆桢莅任后，因各属荒田严催未垦，而江宁府属转多垦而复荒者。骤闻之，不胜其疑。再四访求，佥称江宁赋重，亚于江苏，而地饶等于徐、海。以十余年废耕之土，责诸数百里子遗之民，倘钱漕照原额征收，窃恐年复一年，流氓多而荒芜更甚。

旋据前两广督臣邓廷桢之孙、优贡生邓嘉缉禀称：祖遗田地二百四十余亩，无从招佃，情愿充公。言之甚痛。臣派员履勘，有佃承佃耕者，尚一百七十余亩，抛荒者仅七十余亩，缘恐岁非上稔，佃复续逃，垫完既苦乏资，积逋何胜负疚？夫以累代簪缨之族，尚因无力赔赋，弃之如遗，则穷檐小民，困于追呼，何堪设想？国家大利在农，若不培其根本，恐抚字、催科，二者均无从下手。

藩司孙衣言到任，正值上忙奏销之际，迭经通盘筹划，以为利农必在劝垦，而非减漕则无以利农。兹据详称：从前江宁府属，权办抵征，上则田每亩征钱二百五十文，下则田每亩征钱一百三十文，为数甚廉，似应争先开垦，趋之若鹜。乃求之汲汲，应者寥寥，实由兵燹之余，乡民自种自食，每户不过十余亩而止。余地招募客民，给以资本。应募者来自江北，土性异宜，加以强悍难驯，费资多而交租少。大约每亩收米一石者，今只收稻百斤，或七八十斤，碾米不能四斗。稍加催索，则席卷潜逃，牛具田租，均归乌有。而田已报熟，赋无可蠲，办征时弊已如此。今复丁漕，原额综计，上则田每亩须完钱四五百文，较之抵征几倍之。农服先畴，弃之则无以为生，守之又不敷偿课，良懦释耒，狡黠揭竿。上年六合闹漕，虽借屯米为辞，实则希图普减。户部职在裕国，原难轻议更张，第裕国必先裕民，必欲使兵火之余生，尽纳承平之井税，情既不忍，法且难行，万一别滋事端，窃恐所失更甚。目前虽遵部议，上忙勉强启征，现届六月，各州县报解不前。加以亢旱兼旬，螭蝗蔽野。近幸渥沾雨泽，插秧已迟，所宜及早熟筹，豫杜后患。因思地丁一项，不敢再请减征，惟有援照同治二年恩免苏、松、太三属虚粮之案，将江宁府一属，除高淳、溧水二县向完折免不计外，其上元、江宁、句容、六合、江浦五县，额征漕粮等米，一律减免十分之三。查该县田地，荒熟并计，应征原额漕屯、兵恤等米，共十五万四千八百八十九石有奇，以十分之三核计，减米四万六千四百六十六石有奇。就现在启征熟田而计，应征原额漕米等米九万二千九百九十五石有奇，共请减三成米二万七千八百九十八石有奇，尚应征熟田米六万五千九百七十七石有奇。将来继垦熟田，亦照此科征，不再加重。斯民具有天良，幸沐皇仁，优渥如此，断无不踊跃乐输者。有田之家，既得田之盈余，岂肯轻弃其业？无田之民，不畏田之赔累，更当竞趋于耕。十余年，民间增数十万之熟田，国家即多数十万之正赋。等情。详请具奏前来。

臣等伏查漕粮关系正供，不容轻议增减。苏、松等属，同治二年蠲免十分之三，此

破格之恩，岂寻常所当援例？然江宁府属，沦陷之久，倍于苏、松；荼毒之酷，甚于苏、松；田土瘠而遗黎稀，更无从与苏比较。同是朝廷赤子，何忍听其既登衽席者驯至流亡？苏、松、太减米五十四万余石之多，为前古未有之隆施，所以巩万世无疆之宝祚。今于江宁府属，再减米二万七千余石，仅及苏、松、太二十之一，于国计似无大损。而圣主如伤之隐，周浹彷徨，其以人情为田，一树百获者，何以数计？惟前此所请减者，有二成半、二成、一成半之分，今则统减三成，似乎冀幸过甚。然前此米银一律请减，今者不减银而减米，相权不甚悬殊。我国家列圣相承，皆以爱民为本，幸逢皇太后、皇上勤求民隐，迭沛温纶，父老捧诵诏书，莫不感激涕零，奔走相告。臣等不能奉宣德意，使地鲜遗利，家有余粮，绝无致富之谋，只有乞恩之疏，扪心清夜，何地自容？然实出于智尽能索之苦衷，非敢蹈钧誉沽名之陋习。惟有吁恳鸿慈逾格，特旨准照苏、松、太成案，核减上元、江宁、句容、六合、江浦五县漕米三成，俾民无以纳课为畏途，而以垦荒为利藪。臣等不胜感激屏营之至。除飭该五县，按三成米石，均匀摊派某则某田减免若干，另行造具减则亩分，咨部备查外，理合会同漕运总督臣文彬，恭折沥陈。

四年，两江总督沈葆楨、江苏巡抚吴元炳会疏免高淳洒派虚粮。

附疏略：

高淳县虚粮，由于前明水患，坍没田十余万亩，将沈田虚粮，摊于现在田内追征，每亩有加摊二升者，有加摊一升四合一勺零者。我朝沿明旧制，故前项虚粮，仍旧摊赔。从前物阜民丰，完纳已形费力。兵燹以后，不堪其累，相率抛荒。光绪元年，开办大征丁漕，恳请豁免，仍照原则六升六合征收折色，奉部议驳。数年以来，力田之家，愈形困苦，大半累于赔摊，若不一律豁免，非但未垦之田难于复额，抑且已熟之田复虑抛荒。查该县请豁虚粮，与上元等县之请减科则，名异实同。上、江等五县减漕，仰蒙恩允，而该县虚粮，仍然摊带，农民太苦，劝垦徒托空言。虽摊粮始于前明，在我朝沿为定额，然未经改折以前，亦系征收本色，与苏、常等处大略相同。苏、松准减于前，上、江等五县援减于后，该县独以改折之故，不获共沐圣泽，尤属向隅。合无仰恳恩准，将摊带沈田虚粮，一律豁免，仍照六升六合起科，以纾民困而广皇仁。

五月初六日，得旨俞允。

六年，准署两江总督吴元炳、江苏巡抚谭钧培会疏，核复酌减嘉、宝二县漕米。

附疏：

窃准户部咨：光绪五年九月十八日，内阁奉上谕：都察院奏：编修廖寿丰等以本籍漕粮未蒙普减，呈请代吁永免加漕银两一折，据称：江苏嘉定、宝山二县，因赋则

较轻，于办理减漕案内，未减分毫。而统计应解漕银，系属名轻实重。民力竭蹶，请飭将应解江安道库加漕一项，核议宽免，抑或另筹体恤。等语。江苏普减漕粮一案，出自特恩。向以嘉定、宝山二县，未经议减。该二县漕米，合之各项漕银，于赋则轻重，较各属究竟如何？道库加漕一项，能否宽免？应如何另筹体恤之法？着沈葆楨、吴元炳酌度情形，奏明办理。务期国课无妨，而民力不致拮据，方为允协。钦此。抄录原奏原呈，移咨核办。等因。仰见圣主垂念民瘼，一视同仁之至意。臣等莫名钦感，遵即转行司道，查明详办去后。

兹据署苏州藩司许应、苏松粮道王毓藻会详称：苏省同治初年查办减赋一案，经前督抚臣请，将苏、松、太三属极重浮粮，大加核减，上中各则，及沿海瘠区漕粮，分别递减优减。仍不减五升以下之轻则，亦不逾部议三分减一之范围。常、镇二属，则不分科则轻重，普减漕粮十分之一。其漕项地丁银两，先经奏请并减，部议未经核准。嘉定、宝山二县田亩，因本色科则之最重者，每亩祇征米二升七合有零，俱系在五升以下轻则，当经汇入清单，声明不减漕银，因并归丁地折征，未经议及，各在案。兹该编修廖寿丰等，以当时减赋案内该二县独未沾沐皇仁，未免向隅，请将应解江安道库加漕一项，核议宽免。经都察院奏奉谕旨飭议，遵查原呈所称道加漕银两一项，系因顺治年间，省卫运军行月口粮，改折不敷，奏明增编。于高淳、安东、兴化、泗州、嘉定等州县，并续准均派溧水一县。嗣嘉定、宝山分县后，除坍豁减免外，各额编银一万二三千余两不等，汇入条银征解，早已以凑抵不敷。沙船水脚及海运经费，款有专柱，待用孔殷。现在海运万分支绌，方且节省浮滥，设法补苴，尚虞不济。一经减免前银，不特与运务关碍匪细，即同增之高淳等各州县，恐难免纷纷藉口，并且与从前不减条银谕旨相违背。是此项加漕，万不敢轻议宽免者也。至漕折一项，因该二县地滨海疆，素不产米，未能全征本色，是以将应征漕粮，每石折银七钱六钱，归入地丁征收。始于前明万历年间，沿迄于今，历邀恩旨，与地丁一体扣蠲银一万数千两之多。现在嘉定仅征此项折漕正二万二千二百两零，体恤实已周摯。况当减赋之际，该二县绅民，前次漏未陈明，刻下定案业经十余年，亦未便率更奏案也。第苏减赋前案，实为千载一时之旷典，该二县祇以有此漕折，致现额本色科则较轻，未能与各县均邀恩减，论情未免向隅。且查苏、松、太等属各县钱粮，每亩最上科则，征银仅一钱稍零。而该二县因漕折并入，每亩最上科则须征银一钱四分零，本较别县独多。以折银与额米合计，其间亦有在五升以上之则者；原呈所称名轻实重，似尚不为无因。兼之该二县自兵燹后，十室九空，承平虽有年，元气未能尽复。民为邦本，上全国计，尤须下恤民生。是以该司道等反复筹商，以加漕一项，既难议免，而现在所征折色科则已轻，又不在定章应减之列，惟有于无可调剂之中，谨遵谕旨，另筹体恤之法。拟请将该二县前项漕折银两，照原折银数，仍旧复还本色，按亩验分，加入现征米内，合算科则。如在五升以上，仿照常、镇各属之案，酌减米额十分之一；仍在五升以下者，不准核减。所减之米，将来统在现征本色米内扣除。原因折每石仅科银七钱六钱，为数已轻，不得援苏、松、太等三分减一为比例。如此办理，是所减仍只在米，而不在银，与减赋原案及折漕本意，似均相符。在各县既不致藉口，而京仓亦无大碍。并据声明，

约计两县所减之米，俱系一千数百石。其白粮米石，攸关天庾玉粒，照例仍于漕粮项下，按数拨足起运。恤孤米石，为计授要需，亦于南米内拨补。其余减阙米石，各就本款扣减，毋庸另行筹补。等情。酌核定议，会详请奏前来。

臣等复查，嘉定、宝山二县田赋，既据该司道等查明漕银与漕米合计，亦有照五升以上之则，自应量予酌减。因思所征漕折，从前若非因地不产米，自应以本色起征。是此项漕折本系漕米，故漕折名目为苏、松、太各县所无，而为该二县独有，《赋役全书》附注明晰，斑斑可考。况银、米系属同源，如舍银论米，嘉、宝固不应议减，若比较银、米总数，则变通尚可从权。

合无仰恳天恩，俯准将二县漕折银数，仍归本色，核入现征米内，并算科则。如在五升以上，按照常、镇二属酌减十分之一；仍在五升以下者，毋庸核减，以顺舆情而广皇仁。

是年，两江总督刘坤一、江苏巡抚吴元炳会疏请免摊赔沈粮。

附疏略：

窃准部咨：议复高淳县摊赔沈粮案内，以溧水县如何征收之处，行令另案奏明办理。等因。当经转飭去后。兹据江宁布政使梁肇煌、江安督粮道师荣光会详称：溧水旧与高淳本属一邑，前明宏治四年，始分为两县，皆临石臼湖，而与丹阳、固城等湖毗连。明初于高淳之广通建闸，以时蓄泄，沿湖悉成腴田。迨永乐中，因苏、常累遭水患，改闸为坝。正德间，加筑下坝，于是湖水泛滥，致将溧水县思鹤诸乡一十七圩之田，尽设于湖。我朝顺治五年，知县王鼎颖丈量该县田地，计亏原额熟田九万二千四十三亩有奇，熟地一万一千一百三十八亩有奇，荒田一千四百八十五亩有奇，废田二百七十九亩有奇。乃于实存熟田项下，每亩加摊虚粮田一分三厘有奇；实存荒田项下，每亩加摊虚粮田八厘有奇；废田项下，每亩加摊虚粮田七厘有奇。创立钞弓名色，以二百一十一弓七尺，宝田八分八厘有余，作为一亩征粮，有旧县志及步弓、由单、版串可考。计摊派实存田地完粮者，凡七万三千一百六十九亩零。从前民力有余，勉令赔完，无敢异说。今疮痍未复，喘息方苏，完固有之钱粮，尚形竭蹶，赔坍沈之赋课，自益难支。况同府属之五县漕粮，已减免三成，高淳县摊赔沈粮，亦邀豁免。圣慈叠沛，一视同仁，唯令该县独抱向隅之感。合无仰恳天恩，将该县赔完虚粮七百三十一顷零，先行豁免，以溥皇仁而纾民困云云。

九月二十八日，奉旨俞允。

七年，准两江总督刘坤一、江苏巡抚谭钧培会疏援案吁恳酌减漕米。

附疏：

窃照镇江府属金坛县，因荒未尽垦复，连年奏请展办抵征，节准部咨行令开征本色，均行转行遵照在案。

兹据署苏州布政使许应镒会同署江安粮道德寿、江苏粮道王毓藻详：据金坛县绅士吴炳照等呈称，该县地瘠民贫，甲于通省。粤逆窜陷该城时，仇邑民拒守之久，屠戮蹂躏，尤为惨酷。肃清以后，户口凋残，约计存丁，不足三万，是以田尽荒芜。经设法拓垦，而客民就垦寥寥，收复已十余年，垦田尚不及半。历年展办抵征，每亩仅收钱二百文；若开办丁漕，民力实虞不给。虽镇江府属曾蒙于减赋案内奏准普减一成，而新科米则，重者尚有五升三合零。以钱、漕两项核计，较之抵征，增至一倍有余。查同属之溧阳，重则每亩四升六合起科；丹阳重则三升四合起科。该县壤地相连，科则独重，租不抵粮，入不敷出。客民则避重就轻，势必他徙；土著则计穷力绌，亦渐流亡。招垦催科，两皆束手。查江宁府属，被兵较重，民力艰难，曾蒙奏准减征漕额三成。丹徒县沙潮田地，昔腴今瘠，于普减一成之处，亦曾奏蒙恩准续减。今金坛一县，糜烂等于江宁，硗瘠倍于沙潮，拟请比照阳、溧二县科则，酌中核减，俾不致轻重相悬，庶几输将稍易。等情。经该司道等飭据该府县复查明确，援照丹徒县沙潮准减之案，请将金坛县米额，于前次普减一成外，比较丹阳、溧阳二县科则，酌中核议，将五升三合二勺零民地、荡、寺、学田三顷，及四升四合零民地，照额各减十分之一分四厘，计应减米五千七百六十余石，又闰月米三石零，庶规复起征，小民困累稍纾，荒田逐渐垦复。等情。详请具奏前来。

臣等复查，金坛县漕应征漕米，前于减赋案内，已奏蒙恩旨，普减一成。此时方议开征，何敢率请再减？惟是该县被兵之惨，实与江宁府相同。而地土尤著名瘠薄，迄今休养十余年，户口十不及三，荒田垦不及半。连年办抵征，亦属事不获已。然抵征系权宜之计，终非经营。丁漕为维正之供，势难久缓。无如该县新科米则较重，若令按月开征，体察情形，实有未逮。今据该司道等共同酌议，详请再乞恩施，核与丹徒县沙潮田减剩科则再请减收奏准成案相符。合无仰恳天恩，俯准将金坛县减剩应征漕米五升三合零、四升四合零各则，照额各减十分之一分四厘，以苏民困而广皇仁。如蒙俞允，臣等即飭令该县，查照减定科则，核造征册，开办丁漕。一面查照科则等差，派减米数各册，咨送户部查核。

光绪二十四年，三月，两江总督刘坤一奏，江宁各属以钱折收之条银，减收钱一百文，漕米收价不减，仍每石提盈余钱二百文，解济俄、法、英、德四国还款。见二十四年刘坤一江宁各属州县征收钱粮折价业经酌减提解奏。

是年，两江总督刘坤一等奏，于苏属州县丁漕公费内，酌量分提五分、四分、三分，以二十四年起，提解司库，听候拨用。

二十五年，六月，两江总督刘坤一、江苏巡抚鹿传霖奏苏属征收丁漕银米情形，有曰：又经奏明于公费内分别各属征数之多寡，酌量分提五分、四分、三分，提解司

库拨用。此五分、四分、三分之公费，即出于银两所余二百余文之内。至漕米收价银，每年按照时价，随时酌定，奏明征收。即以上年冬漕而论，每石折收钱三千一百五十文。各州县采办糙粳米价，每石需钱四元一二角不等，合收钱三千七八百文。所短之款，即于公费内贴补。虽云每石随收公费一千文，实则仅剩三百数十文。办漕公用，以及上年加提之平余，咸取给于此。

光绪二十七年，十二月，两江总督刘坤一奏江宁各属丁漕分别征提钱文，约银七万两，备偿款、新政之用。

原奏略曰：

准行在户部咨开：护理山东巡抚胡廷幹奏，厘定山东地丁，剔除中饱，酌提盈余，以集巨款。奉旨准。偿款过巨，各省均应预为筹备，可否按照山东办法，抄奏通行，各就本地情形，妥酌办理。前于光绪二十二年间，因筹俄、法、英、德洋款，酌令各属每征地芦等款银一两，提钱一百文，征米一石，提钱一百文。嗣准户部议复，给事中庞鸿书奏，浙江等省征收地丁条银折价，与市价悬殊，请饬酌减。又奏令各省查照江西减征丁漕钱价，凑还四国洋款。复经将光绪二十二年议，提各属丁漕等款盈余钱文，分别减提；所有各属以钱折收之条银，按照该处收价，自光绪二十四年上忙起，每两减收钱一百文；漕米收价不减，仍每石提钱二百文，解抵洋款。是丁、漕两项，均已酌提盈余。江北号称瘠区，本非苏属可比，势难再议提减，致令州县办事竭蹶。惟江苏奉派赔款，为数甚巨。现值议行新政，需款尤殷。又经奉旨，将漕米项下征收浮费，和盘托出，全数归公。各该州县身受国恩，际兹时局，自应急公奉上，勉为其难。于留存办公经费内，每漕米一石，再酌提钱一百文，合前提之数，每石共已提钱四百文。并仿照苏属办法，将宁属地丁前项每两减收之一百文，照旧征收。第各属钱漕，早经启征。且本年沿江州县，猝遭水灾，民情亦属困苦，碍难开办。拟自光绪二十八年上忙起，各属征收地芦等款条银，每两加收钱一百文，按照熟田征数，并留属径支银两，随同正款，照市价易银批解。约计中稔之年，熟田地芦岁征银六十万两左右，可提钱六万串有奇；连同漕费，每石提钱二百文，共可得钱十万串之谱。约合库平银七万两，统由司库专款存储，以备赔款新政要需。

奉朱批：户部知道。

是月，江苏巡抚聂缉槩奏，苏省现拟规复征收地漕银价，抵解偿款。

二十八年，江宁省屯田缴价，纳税征粮。

附陈夔龙、恩寿折：

窃照光绪二十八年正月十七日，奉上谕：将各省屯田地亩，彻底查明，报官税契，听其管业，将屯饷改为丁粮。等因。钦此。五月十四日奉上谕：有人奏各直省卫所屯田请飭清查缴价以裕国课一折，着各督抚认真清查，分别妥筹办理。钦此。迭经臣等札行司道等钦遵办理在案。

现据江宁布政使李有棻、江安粮道胡廷会详称：查江省所属各卫，除江淮、兴武二卫向无屯田不计外，所有淮安、大河、扬州、徐州等四卫屯田，当经通飭，自光绪二十九年一起，分劈坐落州县接收查办。谨将一切办法，会议章程四条：一、缴价宜酌分等则也。查江省淮、大等四卫屯田，共计一万一千六百二十一顷有奇，各丁私相典卖，纠葛甚多。且嵌坐各州县境内，与民田犬牙相错，田地肥瘠不同，价值多寡不一。兹就各属禀报情形，酌中核定，按照各卫额设顷亩，无论军执民执，每亩缴价，上则田三两，中则田二两，下则田一两。由屯坐州县先行出示晓谕，屯田具报执顷亩各数，并查历年征收册串花名，照章勒限催缴，不准避重就轻。倘有隐匿，逾限不报，查出即行招买，变价充公。一、纳税宜量予限制也。查民间置买田地，例应价银一两完税银三分。今屯田纳税，自应仿照办理。俟各属造送花户顷亩册后，由道刊刻印照，编立字样，发由屯坐州县，按照册内花名及承执顷亩数目，应缴价银若干、税银若干，逐一注明照内，粘贴藩司契尾，发给业户收执管业。所有价银、税银，均一律缴解司库兑收，专款存储，听候拨用。一、屯饷宜照旧征解也。查江省淮、大等四卫，应征屯折漕仓等款，科则轻重不同。而编征款目，均系查照《赋役全书》及部颁定额，征解司道各库兑收，相沿已久。今若改照民赋，未免纷更烦扰，诚恐于原额饷项有亏。应请仍照旧制征收，分解司道各库兑收造报，庶民不扰而赋有常。一、运田宜征收粮赋也。查扬州卫、仪征帮及兴化所有运田一项，从前起运之年，将屯饷改为丁粮。此项运田，应请一律造串，收征粮赋。复查安徽省泗州卫有运津一款，征解道库。所有仪征运田、兴化运田以及各帮无主绝军之田，似应查照泗州卫征津章程，由嵌坐各州县就近体察情形，详定科则，征收运津银两，批解道库兑收造报，俾免隐漏。

以上各节，据该司道等会详请奏。并据另详：屯田缴价，予限一年，分次缴完。等情前来。

臣等复查，屯田办法，各省情形不同。该司道所议缴价，因田则为重轻，纳税视田价之多寡，尚得情理之平。至屯饷、运田二项，或宜循照旧章，以免烦扰；或宜酌定新则，以裕度支。既据该司道等详察情形，似可准如所议，责令分别办理。

是年，江苏省亦办屯田缴价纳税。

附魏光焘、陈夔龙、恩寿折：

窃照光绪二十八年正月十七日奉上谕：将各省屯田地亩，彻底查明，报官税契，听

其管业，将屯饷改为丁粮。等因。钦此。五月十四日奉上谕：有人奏各直省卫所屯田请飭清查缴价以裕国课一折，着各督抚认真清查，分别妥筹办理。钦此。迭经臣等札行司道钦遵办理在案。

现据江苏布政使陆元鼎、苏松粮道罗嘉杰会详称：查苏州、太仓、镇海、镇江、金山五卫帮屯田，兵燹以后，坍、缺、失册甚多，且各丁私相典卖，纠纷不清。迭飭各属认真清查，迄今未能合额。兹先将一切办法，会议章程六条：一、缴价酌定等差也。查苏、太等五卫所帮额管屯田，共计田荡涂二千八百六十二顷有奇，散坐各厅州县境内，与民田犬牙相错，肥瘠不同。拟先就已经查明熟田，无论军执民执，分别上、中、下三等，每亩缴价，上地田三两，中地二两，下地一两。由兼首州厅县先行示谕各户，具报承管顷亩、户名、坐落、地段，核与历年征册相符，飭令按地缴价，勒限一年缴清。造册分送司道核定，再行颁发会衔印照执守。倘敢执重就轻，查出招变充公。一、失册抛荒缺额等因，应尽力查挤也。查该五卫帮田，坍没、缺额、失册、抛荒四项，额数甚巨，历年久远，清查非常不易。应责成专管州厅县，按照从前底册，实力查造清册详办。其查实抛荒之田，定一年召佃开垦，按则缴价。倘有隐匿不报，查出充公。果系实在坍没，并缺额无税者，另行造册请豁。一、纳税照民田完缴也。查民间置买田地，每价银一两，完税三分。今屯田纳税，自应仿照办理。由兼管州厅县核明正价、税银各数，随时填给契尾，粘连照后，给业收执。所缴田价税银，汇总批解司库，专款存储，听候拨用。一、屯田钱粮照旧征解也。查该卫帮应征屯折漕仓等项，科则轻重不等。核计米科虽较民田加重，然本系例定之数，并非额外加征，业户完纳，相安已久。今若改照民赋编征，窃恐有亏正赋。拟请照旧制征收，分解司道各库兑收造报，以归简易。一、津租等款应提拨归公也。查金山帮津贴一款，向由松属之奉、上、南、川四厅县代征，给丁济运，并非正赋。迨经兵燹，漕船运送经奏准，屯租全给，津贴留给三成，抵完粮赋，七成归公，报部有案。今既裁撤卫官，革除军丁各目，自应连同官俸，一并归公，报部拨用。一、查屯务宜专责成。查该五卫帮事务，前札委吴县、太仓、镇江、丹徒、川沙五厅县兼管。虽各卫帮屯田散坐各县，至百数千顷不等，若令屯坐各处分办纳税缴价诸事，向无册档可稽，恐难下手。且一丁管业之田，亦复零星散坐，分报输将，未免烦缓。仍应责成该管州厅县，一手经办，以免诿卸。如果办理得法，早日蒇事，量予奖励。倘敢因循玩泄，定即从重参办。以上各节，据该司道等会详请奏前来。

臣等复查，苏省屯田，坍没、缺额、失册、抛荒田顷，为数甚巨，系属实情。若待一律查清，转需时日。今据该司道等议以先就已经查明熟田之则，缴价纳税，一面实力查挤，将失册、抛荒之田，定限召垦，委实系坍，另行请豁，与各省章程相符。津租一并归公。于事尚昭核实，似均可照议办理。惟屯务仍归兼管州厅县经办，与他省均归嵌坐州县接办办法不同。但该省屯田纠纷，较为查清不易。该司道等所议，系为专责成防推诿起见，自应责令依限查办，一俟蒇事，仍劈分嵌坐州县，自行征收，以归一律。

光绪三十年，六月，两江总督魏光燾等奏，酌提宁、苏各州县丁、漕余银二十一万两。

原奏略曰：

提取州县中饱、酌提报效两项，就江苏各州县所收丁、漕粮价核计，浮费现已革除。近时银价虽贱，用款增多，所余本仅足敷办公。光绪二十二年、二十七年奏明于丁、漕内酌量提解，凑还洋款，办公已形竭蹶。州县责任亲民，地方应办事多，不能使无米为炊，致滋贻误。惟当此时局艰危，库藏支绌，苟可稍节有余，以济公用，亦不能不竭力筹划。兹查明宁、苏两属各州县丁、漕，分别等差，酌量加提，每年丁、漕两项，共提银二十一万两。自光绪三十年上忙为始，照数解司，以备按年拨用。

是年，六月十三日，魏光燾等奏核提年外加征漕价。

原奏略曰：

一年外加增漕价，须照案分别饬提。有书役辛工赏犒之费，有斛价斛力之费。其因提捐用者，曰奉提三、四、五分平余，曰奉提一百文漕费，曰补助各学堂，曰练勇巡防经费，曰舟车杂用，曰从前大阅、试院停院、停展捐输，曰各署纸工，曰祭品不敷，曰善举月捐，曰年节酬劳赏犒。又有赔贴洋亏庄息一项，统计每届约需钱万串，如值购办漕米时市价大于折价，其赔贴之费，难以预计。大抵买米赔贴，则公费有绌而无赢。此外杂款，惟税契一项，略有平余，亦甚微末。其牙税牛猪等税，散处四乡，收取为难，数目零星，仅能征收抵解。此漕费及杂款无可挹注之情形。

铜元充斥，迭蒙通饬整顿，予以限制。无如上海一埠，为天下银钱总汇，凡他省之铸铜元者，莫不辇致销售。聚集日多，价益日落，势成积重，返之良难。非通筹各省行政，酌盈剂虚，不足以实行补救。此又整顿铜元急难求效之实在情形。

州县批解司道库银两，随解公费银三分二厘一毫六丝九忽。凡司道署常年办公，以及库大使之公饭，银匠之倾熔火工，补书役之饭食、纸张、油烛，解手需用之银箱工价各项，无不取给于此。数百年来司道各署吏役，赖此以养其廉耻，迄无需索弊窦。府署有属县办送公费，每县每年洋二千元，则府署赖此办公，甫经奏明核定。此随解司道府署公费无可裁减之实在情形。

至若别筹款项，以资抵补一节，屡经公同筹划，实在无可补苴。否则事关切己，在往年议平余漕费时，即当吁求通融，何有今日之困累？此又绝无他款可筹之实在情形。

伏思前陈三策，其中免提忙漕盈余，及以银完银二节，部议必不可行，臣等曷敢再渎？惟规复银价之事，在部臣再三审议，诚恐有逾旧额，民力难支。其实银随时价为变，乃系遵守旧章，并非忽逾定额。现时银价每两可易钱一千六七百文，较之三十年时每两银价易一千一二百文，实已增至四五百之外，民间以银完粮，即照现加之数。两相比较，亦尚比从前为合算。况分计增征之数，约须有田十亩以上，始加收钱二百文，为数有限，亦不致遽累闾阎。应请旨飭下度支部，仍准查照前奏，以光绪三十三年上忙起，每两加钱二百文；其赔款之二百文，仍照常带征。凡本年下忙已起征者，应归入三十四年上忙代收；未起征者，即于下忙代下。庶州县亏累稍轻，而臣等清厘公款，整饬吏治，亦不致十分棘手。至此次暂征之数，原以银价太昂，不得不兼筹并顾。如一年以后，银价但能跌至每两一千四百以下，即当奏请停止，以仰副朝廷体恤民艰之至意。

光绪三十年十一月二十八日，奉朱批：度支部议奏。

三十一年，十二月，两江总督周馥等奏，江苏省征漕折价，并未违例病民，现拟整顿苏属征漕定价及柜收洋价，照典核收，并钱洋、铜元一律收纳；宁属征收钱漕银米，循旧相安，自可无须另议整顿。

原奏略曰：

苏属各州县自经兵燹，元气未复，仓廩多未筹建。历届启征漕米，本折兼收，所征漕价，向由海运省局查照市价，详司核定，通飭遵办。上年亦系照此办理。当因其时米价较诸前年为减，是以二十九年分漕价每石收钱三千八百五十文，三十年分减去二百五十文，每石收钱三千六百文。实与市价高下，各属按照定价征收，粮户完纳，并无异词。惟值年岁中稔，又系日、俄交战，中国坚守中立，禁米出口，内地存米甚多。迨交年底，农民度岁需资，纷纷出粜，以致市价渐减。实则距定漕价相隔一月，价跌在后，无从预计，未完各户，因此争完本色。惟常州府属之无锡、金匮二县，聚米之区，市价较他属为廉，向来征漕，由县酌定限期，于公费内减收钱一百文。近年禁米出口之后，该处存米独多，仓廩又全行坍毁，无可收米，是以该二县参酌历年办法，格外减让公费钱四百文。此外各属三万五千石。常州府属之武进、阳湖、宜兴、荆溪等县，共收米八万三千余石，有案可稽。米多之县，甚至将仓收米石，按照起运数目，尽数兑交，尚须另行糴变。各属旧存仓廩，只有元和县废仓，因坍毁过甚，已改建省城工艺局。此外苏、松等属三十四厅州县，并无筹改局所之举。

至于柜收洋价，各属均照市核定。上年征漕之时，常熟、昭文、华亭、娄县等县，较诸省城市价，约短钱一二十文，或二三十文不等。该处绅民，因以仿照省城市价，或照本地典价为请。当查典铺洋价，较诸市价为长，各属洋价，涨落无定，未便强同，批飭查照各该属典铺洋价核收，群情即皆允服。

惟上届征漕，既经奉旨飭查，本年自当亟筹整顿。瞬届开漕之际，详加审度，自应查照成案，酌定办法。一在确探市价。省城米价，应飭长洲、元和、吴县，逐日查明，开单送核。一面由司派员，在上海、无锡两处聚米之区，探听市价，专案驰报，以便届时互相印证，酌中核定，俾与市价相埒。一在预修仓廩。一在各属柜价，须以典价为衡。州县钱粮洋价，向称照市核定，民间则目为官价。现在妥筹办法，惟有查照各该处典铺洋价核收，最为公允。应飭各该州县，无论省城外属，一律照常办理，不准丝毫抑贱，再有官价名目。一在完粮钱、洋听从民便。至铜元原以辅制钱之不足，各项公款，本准行用，以之搭完钱漕，亦应听从其便。

并据兼署江宁布政使、江安粮道谭启宇详称：宁属各州征收钱漕银米，自同治七年议禁浮收，查各属进出款项，按照当时银价钱数，分别折中酌定。每忙银一两，连加耗钱，自二千四百二十文至二千六百文为准。漕米运脚费、办公经费，每石折钱自五千文至六千五百文为率。间有以银完纳，核其所加耗费，并无浮多者，仍循其旧。迄今数十年，相安无异。至于钱、洋，亦先出示晓谕，统照市价，不准浮勒，更无官价名目，自可无须另议整顿。

十一日，奉朱批：户部知道。

光绪三十三年，归并省卫丁田实征丁漕贡舫等银三万一百一十七两五钱四分一厘有奇。

光绪三十三年，十一月，两江总督端方等奏，江苏州县征忙赔累，并无别款可资抵补，仍请每两加钱二百，暂行试办一年。

原奏略曰：

查州县办公经费，每两六百文，虽照市价易银上兑，亏耗三百文，诚如部奏，尚有一百可资办公。而无如办公经费，有非三百文所能敷用者。如奉拨三、四、五分平余，解兑正银随解公费，征忙柜用辛工纸张，即此三项，每两已须支用二百文上下。加以府署之公费，本署之幕友惰脯，收发委员薪水，一切人等工食，以及提牢、禁卒、夫役之饭食，监押寄禁犯人之口粮，递解人犯之舟费，仵作之辛工，每年约需钱一万数千串。通盘合计，必两有赢余钱五百数十文，方足开支。此办公经费非三百文所能敷用之实在情形。

至漕米公费，定章公费每石收钱一千文。其因漕务用者，有运兑水脚、折耗麻袋之费，有收漕柜费。查苏属漕粮，向系本折兼收，听从民便。自同治四年始行议定，完本色者，加收余耗三斗；完折色者，每石运公费收钱四千五百文，年外收钱五千文。迨至五年份，又将本色不收余耗，改收公费钱一千文。迟至年外，均加收钱五百文。其中太仓州属之嘉定、宝山两县，因地不产米，漕价须另核定，于同治六年

议准，迟至年外，一律加价钱三百文。原系藉寓催征之义，早完者即免加收，历经循照奏明办理。是前项加价钱数，向不相同。现在奉飭悉数充公，拟自光绪三十年冬漕起，各属将年外加收五百文，嘉定、宝山两县将照案年外加收三百文，一律照数提归公用。

附 录

漕米加耗

明初，民运无脚耗等项。至宣德间，令民粮兑与军运。成化间，将徐、淮、临、德四仓支运，亦改充军运，皆给路费，始各有耗米。兑运米俱一平一尖收受，故有尖米、耗米。除随船给运外，余折银，谓之轻赍改兑。无尖米，以耗米二升折银，谓之折易轻赍。后通惠河成，脚价始立减、扣法，扣留者以备修理通惠河闸，量减者以宽民力。兑运加耗米，应天、苏州、松江、常州、镇江，每石加耗米五斗六升，又尖米一斗，共六斗六升。内除四斗随船作耗，余米二斗六升，折银一钱三分，名二六轻赍。近减去二升，止征二斗四升，改为二四轻赍。于内仍扣留银一分。淮安、扬州、徐州，每石加耗米四斗六升，尖米一斗，共五斗六升。内除三斗随船作耗，余米二斗六升，折银一钱三分，名二六轻赍。后改为二四，与应天府相同。南京下江等总石征脚米六升，折银给运。宣德八年，题准兑军脚耗，每石南直隶六斗，江北淮、扬五斗，徐州四斗。正德七年，轻赍银两各司府州县每年务随正粮一并兑完，方许出给通关。嘉靖六年，议准官军过江领兑。苏州等处者，江北三总并庐州卫，每石脚米一斗三升。南京两总并镇江卫，每石七升。万历元年，题准江北三总派兑南粮，原定脚米一斗三升雇觅江船，今州建闸，径赴水次听兑，蠲免七升，止征六升。其南京各卫，通到水次，原征七升，又免一升，止征六升。

顺治十四年，准巡按御史秦世贞疏，定每正粮百石，除正耗加米五石，银五两，交与旗弁。十六年，又准科臣朱绍凤以苏、松、常、镇四府粮多路远，领运旗丁不无常例杂费，于五两之外再加五两。其江安等府州，俱仍系五斗五两。

白粮耗脚

明嘉靖九年，奏准苏、松、常三府起运内官监白熟细米，每石耗米二斗五升，车脚银四钱，船钱银六钱；白熟粳米，每石耗米二斗八升，车脚银三钱五分，船钱糙米四斗，贴夫四斗七升；供运库白粮，每石耗米一斗八升，车脚银三钱五分，船钱糙米五斗；光禄寺白粮，每石耗米二斗五升。照此派纳，不许违例加增。

清苏州府属白粮，每石加耗米三斗，续加二斗，每正耗米一石，加舂办米二斗。松江府同。常州府每正米一石，加耗米三斗，舂办米九斗，续加耗米每石二斗，每耗米一石，加舂办米二斗。

额编白粮经费，苏、松、常三府，每正米一石，雇船水脚八钱，添簋提溜二钱，车脚由闸三钱。

按：以上俱入条鞭内款。

丁 银

康熙五十二年，三月十八日，诏：海宇承平日久，户口日繁，地亩并未加广，宜施广大之恩，共享恬熙之乐。嗣后直隶各地方官遇编察之期，察出增益人丁，止将实数另造清册奏闻；其征收钱粮，但据康熙五十年丁册定为常额，续增人丁，永不加赋。仍不许有司于造册之时，藉端需索，用副朕休养生息之意。

五十五年，御史董之燧疏请统计丁银，按亩均派。户部议复：各省州县地亩人丁，原有不同，随地制宜，相沿已久，未便更张；如有情愿买卖地亩，而丁应从地起者，其地亦随买主输课。奉旨：依议。

附董之燧疏略：

续生人丁，永不加赋，皇上軫念民生，高厚之恩，真有加无已。但现在人丁尚多偏苦，各州县丁制亦有不同，有丁从地起者，丁从人起者。丁从地起者，其法最善。而无知愚民，每每急求售地，竟地卖而丁存，至丁从人者。凡遇编审之年，富豪大户，有嘱里书隐匿不报。而小户贫民，尽入版册，无地纳税，亦属不堪。一切差役，俱照丁起派。以田连阡陌，生享其逸，贫无立锥，身任其劳。既役其身，复征其税，逃亡者有所不免。一遇逃亡，非亲族赔累，则国课虚悬。现在人丁之累也，后既不增额，则有定数可稽。臣请敕部行令直隶各省地方官，确查各地亩若干，统计丁地、人丁之银数若干，按亩均派。在有地者，所加无多不为苦；无地者，得免赔系实为幸。

雍正五年，总督范时绎题请以雍正六年为始，丁随田办。奉旨：依议。

附范时绎疏略：

丁银随田并征，最为平均良法。直隶各省历来丁、地分征者，节经题明归并，奉有俞旨在案。今江南各州县内向有丁银随田征输者，亦有丁、田各办者。查各属田地，原有高下之殊，按亩起科，亦有轻重之别。所有丁银，各就本县地亩均摊为便，且可省改造《全书》之烦。至中间成熟银米科算，或照地亩科算，亦皆下顺舆情，便于输纳。相应题明，以雍正六年为始，丁随田办，以广皇仁。

再，山阳一县，每地银一两，摊征丁银一两六钱有奇。又江宁县归并外卫，地银一

两，亦摊丁银一两二分有奇。似乎独重。但按亩而计，山阳县每亩原征银一分八厘零，今加入丁项，不足五分之数。江宁归并外卫，每亩征银一分九厘零，今加入丁项，尚不足三分九厘之数。

再，收租纳粮，均输犹易；若责之无地荒丁，不无追呼之扰。如海州、山阳、高邮、江都四州县，无地军丁，额数无几，均入民田，每亩所增，不过丝毫之间，均应划一摊征。

再，安徽等属，尚未造册详报，但事同一例，应概请摊征。俱自雍正六年为始。

按丁银即汉之口算，唐之调，宋之丁米。当时有授田之制，无无田之丁。及授田之法不行，而无田之丁始以丁银为苦矣。增除之际，吏胥得缘为奸。自清代增丁不增赋，丁随田办，而贫民得以安枕，为自古不易之良法也。

按：此今条鞭内人丁款。

匠班

雍正七年，奉旨，准署总督范时绎、安徽巡抚魏延珍、江苏巡抚王玘疏，将上、下两江匠班银免征，摊入地亩征输。

附疏略：

各属匠班银两，向系按匠征输，相沿久远。今查安徽属当涂、和州、含山三州县，《全书》原未编有匠班，毋庸另议外，其怀、桐等三十七州县，每年额征共银三千八百七十两三钱二厘零；江苏属除山阳、桃源、安东以及邳州、宿迁、睢宁等州县久在田丁内征解外，其上元等六十州县，每年额征共银七千六百八两五钱三厘零。缘历年久远，原匠子孙逃、故无追，是以各州县有于现业匠户派征者，有着族属亲邻里递赔补者。若摊入田亩征输，在有田之户，所增无几；而手艺贫民，受益良多。相应造具摊征清册，请于雍正十七年为始。

按：此条亦在条鞭内。

永折漕粮地方

江宁府属高淳、溧水二县，每正兑米一石连耗折银七钱，改兑米一石连耗折银六钱。淮安府属安东县，正兑、改兑米俱每石连耗折银五钱。扬州府属兴化县，每石连耗折银五钱。旧属苏州府、今属太仓州之嘉定县，并嘉定分出之宝山县，正兑米每石连耗折银七钱，改兑米每石连耗折银六钱。

以上折银，俱入地丁项下征解。顺治十六年，因江宁省卫月粮不敷，巡抚马腾升题定折漕州县每正米一石，一例加增银二钱五分一厘三毫七丝二忽九微三纤七沙七尘七埃六渺二漠，征解江安粮道交纳。

恩免各项

山阳、清河、桃源、宿迁、安东、高邮、宝应、殳山、徐州卫等九州县卫，挑河筑堤，挖废民田、屯田地四百四十六顷九十五亩零。雍正九年，苏州巡抚尹继善题请将该额征银米麦豆等项，自康熙五十一年起，至雍正五年止，悉行蠲免。奉旨：依议。

沛县昭阳湖水沉田地二千一百六十八顷七十六亩，题定应征银米每年冬勘之后，涸则次年带征，淹则题请蠲免。雍正十年十二月，总督性桂题请将湖田本年漕米，先行挖除征收，俟冬勘后，如有涸复，于次年带征。奉旨：依议。

雍正十二年，江苏巡抚高其倬题：挖废田地内，殳山县田地四顷七十二亩零，徐州卫屯田三顷六十一亩零，于雍正六、七年间淤平，各户丁照额输将。所有山阳、阜宁、清河、桃源、宿迁、高邮、宝应八州县，共挖废田地四百三十八顷六十一亩零，自雍正六年起，至十年止，请将该额征银米麦悉予蠲免。部复仍令以后按年委员确勘，有无淤出应征应免之处，报明保题。奉旨：依议。

十三年，十一月十六日，署副都御史陈世倌奏请农忙停征：总理事务王大臣议：定例征收钱粮于农忙之时停征，雍正五年议准条奏。顽民恃有停征之例，辗转规避，以致积欠。嗣后州县于停忙之日，查明粮户限内完半者，照例俟开征后再完；如未完半之户，仍行追征。夫小民辛勤力作，一岁之中，五、六两月，最为紧要，生计于是乎出，赋税于是乎办，诚不可以催科，妨其本业。况四月限内之不能完半者，多因青黄不接，无力输将，难因一二顽户，概行征比。即稍缓时日，亦可于开征之后，催令完纳。应如陈世倌所奏，请敕部通行直省，嗣后农忙之时，仍照旧例，概停征比。奉御批：所议甚是，依议速行。

十二月二十七日，奉上谕：朕闻淮安府阜宁县所属射阳湖地方，于雍正五年经齐苏勒题升淤地八千一百余顷，升租银四千余两。又康熙五十九年查丈射阳湖北岸於滩案内，有民人周士孔、杨景希升地四百余顷，应升银一百七十两。具系有粮无地，小民赔累难堪，是以向来积欠累累，从未清完。今各项旧欠虽已蠲免，然将来新赋无出，势必仍行追比，甚属累民。着将前项升地八千六百五十顷四十九亩零，租银四千二百六十一两零，具行豁除，以苏民困。该部即遵谕行。

乾隆元年，二月十六日，奉上谕：朕闻江南淮安府属之桃源县，徐州府属之宿迁、睢宁县，滨临黄河，沿河地亩，淹涸靡常。雍正五年，因朱家口溃决之水复循故道

，其旧淹田地，始得涸出。而河臣为地棍所欺，遂以此地为新淤之腴产：睢宁县报升地五千三十九顷，宿迁县报升地四千七十二顷，桃源县报升地三千八百四十二顷。嗣蒙皇考世宗宪皇帝勤求民隐，特颁谕旨，以淤地勘报不实，令河臣会同督臣委员查勘，共豁地七千二百余顷，万民感颂。所有存留地五千七百余顷，具照各县成例，折算实地三千五百余顷，科则亦经减轻。其潼一卫裁汰，改归州县征收。乃比年以来，应纳钱粮，仍催征不前，盖此淤出之地亩，即旧有之粮田，是以民力维艰，输将不继也。朕以爱养百姓为心，既洞悉其中情事，自当加恩开除，以纾民力。着将宿迁、睢宁、桃源三县现存新淤涸复改科地粮额征银六千五百四两，全行豁免；其雍正十三年淤地未完钱粮，亦免征收；至水沉地亩，仍照例归于每年冬勘。该部即遵谕行。

四月十六日，户部议：查得署理苏州巡抚顾琮，从苏、松、常、镇等府赋额繁重，荷蒙皇上轸念民瘼，格外施恩，谕令酌减耗羨以纾民力，今分别科则轻重，量减差等，请自乾隆元年起，一切新旧钱粮，将科则最重之苏、松、太三府州，遵减耗羨五分，计共减耗银七万七千三百八十三两零；科则次重之常、镇二府，酌减耗羨三分，计共减耗银二万八千一百九十一两零：通共减耗银一十万五千五百七十四两零。再查江苏钱粮耗羨，自雍正六年提解充公，酌定加一征收，以为各官养廉。一切地方有定无定公费，年底造册核销。通省每年额征地漕、杂税、学租、芦课等项耗羨，共银三十七万五千一百七十二两零。今除去苏、松、常、镇、太五府州酌减银两外，实收耗银二十六万九千五百九十八两零。每年岁需共银三十三万四千余两，以岁入耗羨支給，计不敷银六万四千五百余两。查有扬、海两关额税之外，每年计有盈余银约共八万余两，可否将此盈余税银，每年拨给六万四千五百两，以资添补，统于年底造册，送部核销，俾公事得无匮乏。等因。会同江南总督赵弘恩合词具题前来。查江南赋重之区，如苏、松、常、镇四府，较之他省，几及数倍。应如所请，以奉文之日为始，飭令各属按亩征收。仍通行出示晓谕，如有不肖官吏，私自巧取，苛索累民者，该督抚即行题参严究。再，称养廉公费不敷，于扬、海两关盈余银内动支添补，应如所请，统于年底报销案内造报可也。奉旨：依议。

第二卷 田赋表

明田赋表(上)

应天府

洪武二十六年

夏税：麦一万一千二百六十石。

绢一千四百六匹。

秋粮：米二十二万六千一百六十石。

弘治十五年

夏税：大小麦一万一千六百五十四石四斗四升五勺零。

丝绵折绢一千二百一十四匹一丈六寸九分二厘八毫。

农桑丝折绢一百四十三匹二尺七寸三分四厘四毫。

秋粮：米二十一万五千一百五十九石八斗四升七勺零。

马草：三十七万六千四百五十八包一斤九两四钱二分零。

万历六年

夏税：小麦一万一千六百五十四石七斗六升一合五勺零。

丝绵折绢一千二百一十四匹一尺六寸九分零。

农桑丝折绢一百四十三匹二尺七寸三分零。

秋粮：米二十一万五千一百五十九石八斗四升七勺。

马草：三十七万六千四百五十八包一斤九两四钱零。

苏州府

洪武二十六年

夏税：麦六万三千五百石。

绢一万四千一百五十七匹。

秋粮：米二百七十四万六千九百九十石。

钱钞二千三百二十一錠。

弘治十五年

夏税：小麦五万三千六百六十三石九斗一升一合二勺零。

丝绵折绢六百九十七匹三丈三尺五寸七分。

税钞三千二百六十七錠七百一十五文九分。

农桑丝折绢一百六十七匹二丈一尺六寸一分六厘。

秋粮：米二百三万八千三百二十三石一斗五升一合七勺。

马草：五十三万七千八百九包八斤四两一钱八分零。

万历六年

夏税：小麦五万三千六百六十五石四斗三升。

税丝折绢一万二千五百五十五匹。

农桑丝折绢六百四十匹二丈九寸三分三厘。

税丝一十万二千四百七十八两四分零。

税钞四千三百九十二錠三贯八百七十二文。

秋粮：米二百三万八千八百九十四石七斗四升二合二勺。

马草：五十二万八千四百一十四包六斤八两八钱零。

松江府

洪武二十六年

夏税：麦一十万七千四百九十六石。

绢六百六十六匹。

秋粮：米一百一十一万二千四百石。

钱钞三千七十二錠。

弘治十五年

夏税：大小麦九万九千二百五十八石六斗一升九勺。

丝绵折捐六百九十七匹三丈一尺五寸七分。

税钞三千二百六十七錠七百一十五文九分。

农桑丝折捐一百六十七匹二丈一尺六寸一分六厘。

秋粮：米九十三万九千二百二十六石二斗三升二合七勺。

马草：三十一万六千二百二十五包四斤九两零。

万历六年

夏税：大小麦九万二千二百六十石四斗一升九合六勺。

丝绵折捐六百九十七匹三丈一尺五寸七分。

农桑丝折捐一百七十九匹二丈四尺一寸。

税秒三千二百六十七錠七百一十五文九分。

秋粮：米九十三万九千二百二十六石二斗三升二合七勺。

马草：三十一万六千二百五十一包五斤二两五钱零。

常州府

洪武二十六年

夏税：麦一十一万九千三百二十五石。

绢一千三百九十四匹。

秋粮：米五十三万三千五百一十五石。

弘治十五年

夏税：小麦一十五万四千三百八十七石一斗四升九合六勺。

丝绵折绢一千五百七十三匹一丈一尺一分零。

麻布二千七十七匹二丈六尺六寸五分零。

农桑丝绵折捐三百二十四匹二丈四尺六寸。

秋粮：米六十万六千九百五十四石三升三合三勺。

租钞二十四锭四百六十五文。

马草：七十一万四千三百四十三包五斤九两六钱二分。

万历六年

夏税：小麦一十五万四千三百九十三石三斗八升二合九勺。

丝绵折捐一千五百七十三匹一丈一尺一分零。

农桑丝折捐三百二十四匹二丈四尺六寸。

麻布二千七十七匹二丈六尺六寸五分零。

秋粮：米六十万六千九百五十四石三升三合八勺。

租钞二十四锭四百六十五文。

马草：七十一万四千三百六十九包五斤一十两七钱零。

镇江府

洪武二十六年

夏税：麦八万八百九十六石。

绢三百五十七匹。

秋粮：米二十四万三千一百五十石。

弘治十五年

夏税：小麦五万四千九百五十八石七斗五升五合八勺。

丝绵折绢二百五匹二丈八尺六寸二分零。

农桑丝折绢一十三匹二丈七尺六寸三分。

秋粮：米一十三万四千八百七十六石五斗七升三合。

马草：一十二万七百八十四包四斤一十两二钱。

万历六年

夏税：小麦五万四千九百五十八石七斗五升五合八勺。

丝绵折绢二百五匹二丈八尺六寸二分七厘零。

农桑丝折绢一十三匹二丈七尺六寸三分。

秋粮：米一十四万三千二百五十二石二斗五升八合一勺。

马草：一十二万七百八十四包四斤一十两二钱零。

淮安府

洪武二十六年

夏税：麦二十万一千二百二十石。

秋粮：米一十五万三千四百九十石。

弘治十五年

夏税：小麦二十二万八千八百七十二石二斗九升八合七勺。

农桑丝折绢一千四百六十一匹一丈九尺七寸七分九厘。

秋粮：米一十六万六千四百二十三石五斗八升四勺。

马草：四十五万四千七百二十包二斤六两九钱二分零。

万历六年

夏税：小麦二十二万八千八百七十二石二斗九升八合七勺。

农桑丝折绢一千四百六十匹一丈九尺七寸七分九厘。

秋粮：米一十六万六千四百二十三石五斗八合七勺。

马草：四十五万四千七百二十包三斤三两四钱零。

扬州府

洪武二十六年

夏税：麦五万七千七百一十石。

秋粮：米二十四万九千六石。

钱钞一百五十一錠。

弘治十五年

夏税：小麦三万九千九百二十二石二升七合零。

秋粮：米二十万六千六百三石八斗六升五合零。

租钞五千二百四贯七十一文。

牛租米二石五斗。

马草：三十四万九千二百三十六包六斤七两二钱零。

万历六年

夏税：小麦三万九千九百二十五石七斗三升四合二勺。

农桑丝折绢八百四十二匹二丈四尺零。

丝四十七两五钱。

秋粮：米二十万六千六百三石八斗六升五合零。

牛租米二石五斗。

租钞五千四百八贯七百一十六文。

马草：三十四万九千二百三十六包七两三钱零。

徐州府

洪武二十六年

夏税：麦六万二千三百石。

绢三千一百四十二匹。

秋粮：米七万九千三百四十石。

弘治十五年

夏税：小麦六万七千一百五十八石九合八勺零。

税丝折绢三千二十五匹二丈二寸四分二厘。

农桑丝折绢二千五百三十八匹二尺六寸九分五厘。

秋粮：米七万九千八百五十八石二斗四升二合二勺零。

马草：一十万包。

万历六年

夏税：小麦六万七千一百五十八石九合八勺。

税丝折绢三千二十五匹二丈四尺五寸二分零。

农桑丝折绢二千五百三十八匹二尺六寸九分零。

秋粮：米七万九千八百五十八石一斗四升二合二勺零。

马草：一十万包。

明田赋表(下)

应天府

官、民田六万九千九百八十九顷七十一亩九分。

夏赋牟麦九万七千八百三十九石七斗三升一勺六抄。

秋赋米五十九万一千六百七十六石二斗六升四合四勺八抄。

豆二千六百三十五石六升一合五勺三抄。

丝绵绢一千二百一十四匹一尺六寸九分二厘八毫。

牧刍三十七万六千四百五十八束二斤九两四钱二分。

课钞钞三百二十九万，钱三十二万有奇。

桑丝绢一百四十三匹有奇。

盐钞银一千八百五十七两零。

芦课银五千九百两有奇。

苏州府

官民田地、山、荡九万四千七百五十八顷有奇。

夏赋麦五万三千六百六十四石有奇。

秋赋米三百五万六千一十四石有奇。

牧刍三十七万束。

桑丝绢六百四十匹。

税丝绢一万一千五百五十匹有奇。

盐钞一百八万七千贯有奇。

税钞三千二百六十七錠七百一十五文。

课钞八千二十五錠有奇。

织贝青红花素纁丝一千五百三十四匹。

松江府

官民田地、山、池、涂、荡四万七千一百六十九顷八十亩三分。

夏赋麦七千六百一十三石六斗六升六勺。

牟麦八万四千六百五十二石二升七合九勺。

秋赋粳米六十三万八千三百四十一石一斗六升四勺。

粘米九百三十四石四斗九升四合。

赤米二十一万七千八百八十八石二斗八升三合九勺。

黄豆七万三千四百一十一石四斗五升二合四勺。

豆七千九百四十七石七斗二合四勺。

赤谷七百一十五石口斗二升一合口口。

盐钞四十六万三千六十五贯。

课钞钱六十三万七千九百五十文。

丝一万一十三两四钱三分三厘九毫五丝三忽。

常州府

官民田地、山、塘六万一千七百七十七顷五亩五分。

夏赋麦一十五万四千四百九石一斗六升六合七勺。

秋赋米六十万六千八百六十五石一升八合五勺。

牧刍七十一万三千八百六十束三钱二分。

丝绵绢一千五百七十三匹一丈一尺一分七厘一毫。

桑丝绢三百二十四匹二丈四尺六寸。

麻布六千二百八十一丈三尺三寸七分九厘三毫。

盐钞二百三十六万一千三十九贯。

课钞五万四千四百六十八錠二百七十四文，铜钱五十四万四千六百八十七文。

茶一万三千斤。

镇江府

官民田地、山、塘三万二千七百二十二顷三十五亩一分，免征二万二千三百六十三顷六亩七分三厘一毫，实征一万三百六十七顷七十一亩八分五厘一毫。

夏赋麦五万四千九百六十石六斗四升五合一勺。

秋赋米一十三万四千八百七十九石五斗三升二勺。

丝绵绢二百六匹一尺六寸七分五厘。

桑丝绢二十三匹一丈四尺。

牧刍四万七千七百七十六束三斤七两四钱二分，加增七万三千八束一斤二两七钱七分。

盐钞二十四万七千三百六十五贯。

课钞一十二万五千四百四十六贯三百三十七文。

芦课银四百一十两九钱八分八厘。

扬州府

官、民田地四万六千八百九十九顷二十五亩四分。

夏赋麦七万五千七百三石五斗三升七合六勺七抄。

秋赋米二十一万九千六十六石八斗九升八合九勺三抄。

豆六万五百八十五石六斗四升二合九抄。

桑丝绢八百四十一匹二丈四尺。

丝六十四两五钱。

牧刍四十九万七千九十二束三斤有奇。

盐钞七十万六千六百五十七贯，铜钱一百四十一万三千三百一十四文。

淮安府

官民田地、池塘九万七千六十四顷三十四亩二分。

夏赋麦一十四万二千九十一石九斗二升八勺。

秋赋米一十五万三千八十一石二斗九升七合六勺五抄。

农桑丝二万九千三百五十七两七钱一分八厘五毫。

牧刍四十四万一千二百八十七束三斤三两四钱。

盐钞一百九十六万八千三百九十贯。

课钞七十万二千二百二十七錠二贯。

徐州府

官、民地一万五千二百二顷二十六亩一分。

夏赋麦六万七千一百五十八石九合八勺八抄二撮。

秋赋米七万九千八百五十八石一斗四升二合二勺一抄九撮。

牧刍八万八百二十八束。

盐钞八十万六千九百五十六贯。

课钞四万七千九百六十三錠五贯八百九十文。

以上《南畿志》。

清田赋表(上)

江宁府

地丁银共二十六万五千一百六十六两九分九厘。

米豆四万二千七百十五石一斗三升二合。

苏州府

地丁银六十六万八千三百九十二两七钱六分五厘零。

米九十一万七十石六斗一升五合零。

麦一千七百六十五石七斗五升六合零。

豆六百六十二石三斗六升九合零。

松江府

地丁银五十二万五千二百四十六两七钱八分四厘零。

米四十四万三千二百九十六石四斗七升五合零。

常州府

地丁银五十七万九千五百七两九钱八分零。

米四万二千九百七十六石八斗四升一合零。

麦七千九百七十五石五斗五升二合零。

镇江府

地丁银三十万七千三百四十九两零。

米二十八万五千八百八十七石四斗六升零。

麦六千一百七十三石五斗八升五合零。

豆一千一百三十七石八斗七合零。

淮安府

地丁银九万六千九百四十六两一钱五分五厘零。

米一万七百五十三石四斗一升六合零。

麦六千九石二斗八升八合零。

扬州府

地丁银一十七万九千九百九十二两四分二厘。

米五千四百四十九石七斗三升零。

徐州府

地丁银一十八万四千八百七十二两五钱五分零。

米六万六千七百七十五石五斗五升五合零。

麦一万一千九百二十一石一斗八升五合零。

太仓州

地丁银共三十二万九千一百六十五两五钱一分。

米一十六万九百九十七石五斗七升。

麦六百一十一石九斗一升一合。

豆二百二十九石五斗四升二合。

海州

地丁银五万三千四百零三两九钱五分三厘。

米一千八百二十八石六斗七升四合零。

麦九百二十七石五斗一升。

通州

地丁银八万六千七百零九两二钱一分。

米七千五百九十石四升五合零。

麦四千八百四十九石一斗六升九合零。

豆二斗三升九合零。

海门厅

漕银三千七百二十七两二钱一分三厘。

芦课银八千一百六两九钱五分七厘。

以上《清一统志》。

清田赋表(下)

江宁府

上元县 光绪三十三年

实征赋额：实征丁漕正、杂等项银四万二千六百一十六两四钱七分三厘。

米豆：实征漕南等米二万六千五百六十石六斗九升二合二勺，遇闰月加米二十九石四斗二升六合一勺。豆五百二十石九斗七升三勺。

归并省卫：实征丁、田等项银八千六百九十二两五钱一分六厘有奇。

米豆：实征本色米二千六十六石二斗二升二合有奇，豆五十六石二斗九升有奇。

杂办：征解杂办银一千一百一十八两七钱五分三厘有奇。

芦课：征芦课银五千四十一两三钱九分五厘。

江宁县 光绪三十三年

实征赋额：除闰月，共实征丁漕正、杂等项银三万五千五百七十七两八钱八分六厘有奇。

米豆：实征民赋米二万五千七百一十四石四斗七升四合七勺有奇，卫赋米四千一百四十八石五斗九升三合八勺有奇，闰月米二十石一合二勺有奇。

归并省卫：实在丁、田等项汇人民赋应征银四千四十八两三钱一分二厘。

米豆：实征本色米五千九十五石三斗九升九合有奇。

杂办：征解杂办银五百七两七钱七厘五毫有奇。

芦课：各则不等。科征芦课银六百七十五两三钱四分九厘，又堆木江滩额征银三十四两四钱八分四厘，共银七百九两八钱三分三厘。

句容县 光绪三十三年

实征赋额：共实征丁漕正、杂等项银四万四千六百七十一两八钱一分一厘。

米豆：实征漕粮行月赠五恤孤等米三万九千八百四十三石二斗二升二合五勺，豆五百七十一石六斗五升七合五勺。

归并省卫：实征丁田等项银四十六两八钱二分八厘。

米豆：实征本色米二百二十九石五斗三升有奇。

芦课：各则不等，科征芦课银一千二百四十九两三钱四分七厘六毫四忽。

溧水县 光绪三十三年

实征赋额：实征银三万四千六百四十八两一钱八分四厘九毫有奇，遇闰加征银四百三两三钱五分九厘。

米豆：共征米三千五十二石九斗三合九勺。

芦课：实征芦课正脚等银三十六两五钱五分九毫有奇。

高淳县 光绪三十三年

实征赋额：实征丁漕正、杂等项银五万一千五百三两五钱三分二厘。

芦课：实征芦课正脚等银一十五两四钱六分五厘九毫有奇。

江浦县 光绪三十三年

实征赋额：实征丁漕正、杂等项银一万五千九百九十七两五钱一厘。

米豆：实征漕赠行月恤孤等米六千八百七十六石五斗八升七勺。

归并省卫：实征丁田等项银三千七百四两三钱二分四厘。

米豆：实征本色米九千二百九十九石九斗二升四合有奇。

杂办：外不在，丁田征解杂办银一百四十两七钱九分四厘八毫有奇。

芦课：各则不等，科征芦课银二千一百七两七钱二分七厘，随征加一耗羨。

六合县 光绪三十三年

实征赋额：实征丁漕正、杂等项银二万八百八十四两一钱五分五厘。

米豆：实征本色米一千七百五十八石八斗一合二勺有奇。

归并省卫：实征丁田等项银一万三千六百二十五两五钱六分一厘。

米豆：实征本色米三万九千八百三十九石一斗九升三合有奇。

杂办：征解杂办银三百三十五两六钱九分一厘九毫有奇。

芦课：各则不等，科征芦课银七千一百四十三两二钱七分一厘，内荒芜未垦田地缓征银二百七十六两四钱二分九厘。

苏州府

长洲县 光绪元年

实征赋额：实征折色人丁、杂办银七万三百七十一两一钱五分五厘，随正五分耗羨银三千五百一十八两五钱五分八厘，遇闰加征银八百八十四两六钱二分，随正五分耗羨银四十四两二钱三分二厘。

米麦豆：实征本色米豆六万五千四百六十九石三斗五升五合，遇闰以增抵减外，实加增米八十九石七斗二升八合五勺。

芦课：实征芦课正脚等银一两三钱九分三厘六毫有奇。

元和县 光绪元年

实征赋额：实征丁田、杂办等项银六万二千一百四十两六钱一分七厘，随正五分耗羨银三千一百七两三分一厘，遇闰以增抵减，实增征银八百二十五两一钱六厘，随正五分耗羨银四十一两二钱五分六厘。

米麦豆：实征本色米豆六万一千九百三十四石二斗二升七合三勺，遇闰以增抵减，实增征米八十五石二斗六升二合六勺。

杂办：外不在，丁田征解罾网租银二两五钱，随正五分耗羨银一钱二分五厘。

芦课：实征芦课正脚等银一两三钱有奇。

吴 县 光绪元年

实征赋额：实征丁田、杂办等项银五万五千六百八十一两九分，随正五分耗羨银二千七百八十四两五分四厘，遇闰以增抵减，实增征银九百五十两七钱七分六厘，随正五分耗羨银四十七两五钱三分八厘。

米麦豆：实征米豆四万六千一百三十九石七升四合八勺，遇闰以增抵减，实加征闰月米四十二石九斗五勺。

杂办：外不在，丁田征解银一千九百四十六两三钱一分一厘，随正五分耗羨银九十八两二钱一分六厘。

芦课：实征芦课正脚等银五十三两一钱八分八厘六毫有奇。

太湖厅 光绪元年

实征赋额：实征丁田、杂办等项银三千四百二十九两八厘，随正五分耗羨银一百七十一两四钱五分一厘，遇闰加征银七十二两三钱七分三厘，随正五分耗羨银三两六钱一分九厘。

米麦豆：实征本色米二千五百六十五石二斗三升五合九勺，遇闰以增抵减，实增征米二石三斗八升六合二勺。

杂办：外不在，丁田征解义租抵给米豆贴役银九十四两一钱三分五厘，随正五分耗羨银四两七钱七厘。

实征赋额：实征丁田、杂办等项银三千四百二十九两八厘，随正五分耗羨银一百七十一两四钱五分一厘，遇闰加征银七十二两三钱七分三厘，随正五分耗羨银三两六钱一分九厘。

米麦豆：实征本色米二千五百六十五石二斗三升五合九勺，遇闰以增抵减，实增征米二石三斗八升六合二勺。

杂办：外不在，丁田征解义租抵给米豆贴役银九十四两一钱三分五厘，随正五分耗羨银四两七钱七厘。

吴江县 光绪元年

实征赋额：实征丁田、杂办等项银六万四千八百五十八两，随正五分耗羨银三千二百四十二两九钱一厘，遇闰以增抵减，实加征银八百四十二两六钱四分，随正五分耗羨银四十二两一钱三分一厘。

麦米豆：实征本色米豆六万二千二百二十一石五斗三升四合八勺，遇闰以增抵减，实加征米三十八石四斗八升七合五勺。

芦课：实征芦课正脚等银八十七两三钱三分一厘五毫有奇。

震泽县 光绪元年

实征赋额：实征丁田、杂办等项银七万九百八十四两八钱九分一厘，随正五分耗羨银三千五百四十九两二钱四分四厘，遇闰以增抵减，实增征银九百二十五两一钱五分四厘，随正五分耗羨银四十六两二钱五分九厘。

米麦豆：实征米豆六万七千五百六石七斗六升七合三勺，遇闰以增抵减，实增征米四十一石八斗二升三合四勺。

芦课：实征芦课正脚等银六百五十八两七钱六分四厘七毫有奇。

昆山县 光绪元年

实征赋额：实征丁田、杂办等项银五万三千九百一十八两二钱八分二厘，随正五分耗羨银二千六百九十五两九钱一分四厘，遇闰以增抵减外，实增征银七百一十八两五钱九分七厘，随正五分耗羨银三十五两九钱二分八厘。

米麦豆：实征本色米豆五万二千一百六十九石二斗九升一合七勺，遇闰以增抵减外，实减米一十一石二斗三升七合八勺。

芦课：实征芦课正脚等银八十七两三钱九分六厘九毫。

新阳县 光绪元年

实征赋额：实征丁田、杂办等项银五万四千九十九两六钱八分九厘，随正五分耗羨银二千七百四两九钱八分四厘，遇闰以增抵减外，实加征银七百二十两五钱五厘，随正五分耗羨银三十六两二分五厘。

米麦豆：实征本色米豆五万一千四百三十六石八升四合五勺，遇闰以增抵减，实减征米一十一石八升。

芦课：实征芦课正脚等银一百九十九两八钱九分三毫。

常熟县 光绪元年

实征赋额：实征丁田、杂办折色等项银六万九千九百一十四两五分六厘，随正五分耗羨银三千四百九十五两七钱三厘，遇闰以增抵减外，实加征银六百三十九两八钱五分六厘，随正五分耗羨银三十一两九钱九分三厘。

米麦豆：实征本色米豆七万九千一百九十四石九斗三合四勺，遇闰以增抵减外，实加征米五十八石五升九合四勺。

芦课：实征芦课正脚等银一千一百七十四两一分九毫有奇。

昭文县 光绪元年

实征赋额：实征丁田、杂办折色等项银五万五千八百一十四两九分，随正五分耗羨银二千七百九十两七钱四厘，遇闰以增抵减外。实增征银五百六两六钱七分，随正五分耗羨银二十五两三钱三分四厘。

米麦豆：实征米豆六万三千九百七十九石五斗三升八合五勺，遇闰以增抵减外，实增征米四十六石八斗九升一合六勺。

芦课：实征芦课正脚等银三百九十五两九钱九分五厘三毫有奇。

松江府

华亭县 光绪元年

实征赋额：实征丁田、杂办等项银五万七千九百六十七两三钱一分六厘，随正五分耗羨银二千八百九十八两三钱六分四厘，遇闰以增抵减外，实加征银三百八十三两五钱四分九厘，随正五分耗羨银一十九两一钱七分八厘。

米麦豆：实征本色米三万九千六十石八斗九升九合四勺，遇闰以增抵减，实减征米七十八石一斗九升二勺。

杂办：外不在，丁田征解银三百三十两八分八厘，随正五分耗羨银一十六两五钱四

厘。

娄 县 光绪元年

实征赋额：实征丁田、杂办等银五万六千六百七十两九钱四厘，随正五分耗羨银二千八百三十三两五钱四分五厘，遇闰以增抵减外，实增征银三百五十五两二钱七分三厘，随正五分耗羨银一十七两七钱六分四厘。

米麦豆：实征本色米三万七千六百一十二石四斗一升六合七勺，遇闰以增抵减外，实减征米五十石一斗九升七合三勺。

杂办：外不在，丁田征解银五百一十一两八钱八分三厘，随正五分耗羨银二十五两五钱九分四厘。

奉贤县 光绪元年

实征赋额：实征丁田、杂办等项银五万七千二百四十四两六钱，随正五分耗羨银二千八百六十二两二钱三分一厘，遇闰加征银三百七十九两四钱八分六厘，随正五分耗羨银一十八两九钱七分三厘。

米麦豆：实征本色米三万五千四百九十七石五斗五升二合一勺。

杂办：外不在，丁田征解渔课银七十二两一钱七分五厘六毫，随正五分耗羨银三两六钱九厘。

芦课：征芦课银一百二十八两六钱一分八厘。旧志耗银六两四钱三分一厘，循例压征批解。

金山县 光绪元年

实征赋额：实征丁田、杂办等项银四万一千三百三十一两八钱八厘，随正五分耗羨银二千六十六两五钱九分一厘，遇闰以增抵减外，实增征银二百六十九两一钱五厘，随正五分耗羨银一十三两四钱五分六厘。

米麦豆：实征本色米三万二千一百七十七石九斗七升四合九勺，遇闰以增抵减外，实减征米三十八石四斗四升五合六勺。

杂办：外不在，丁田征解渔课银八十六两二钱七分四厘，随正五分耗羨银四两三钱一分四厘。

芦课：额征芦课正银三百五十七两四分三厘，随正五分耗羨银一十七两八钱五分二厘。

上海县 光绪元年

实征赋额：实征丁田、杂办等项银七万七千九百一十五两三分三厘，随正五分耗羨银三千八百九十五两七钱五分三厘，遇闰以增抵减外，实增征银四百四十七两五钱三分二厘，随正五分耗羨银二十二两三钱七分六厘。

米麦豆：实征本色米四万九千五百九十五石三斗一升五合五勺，遇闰以增抵减外，实减征米二十一石二斗七升一合二勺。

杂办：外不在，丁田征解银一百三十二两三钱八分五厘，随正五分耗羨银六两六钱一分九厘。

芦课：额征芦课共征银正、耗并计九百五十二两七钱一分八厘。

南汇县 光绪元年

实征赋额：实征丁田、杂办等项银五万九千二百六十五两一钱二分二厘，随正五分耗羨银二千九百六十三两二钱五分七厘，遇闰以增抵减外，实加征银四百三十六两五分五厘，随正五分耗羨银二十一两八钱三厘。

米麦豆：实征本色米五万三千五百七十二石九斗四合八勺。遇闰以增抵减外，实减征米二十三石一斗三升六合七勺。

杂办：外不在，丁田征解银五十九两二钱八分九厘，随正五分耗羨银二两九钱六分四厘。

芦课：现征芦课银共一千二百八十五两九钱九分九厘三毫八丝四忽二微九纤四沙。

青浦县 雍正三年

实征赋额：除闰共实征银四万四千三百九十一两二钱六分五厘九毫有奇。

米麦豆：实征本色米四万九千八百九十四石九斗五合有奇，遇闰以增抵减外，仍减米七十八石八斗四升七合有奇。

杂办：外不在，丁田杂办除义米折外实征银一百六十二两二钱七分七厘。

芦课：嘉庆二十一年，征芦课银一百三两一钱五分七厘，随正五分耗羨银五两一钱五分八厘。

福泉县 光绪元年

实征赋额：实征丁田、杂办等项银八万五百二十两六钱六分，随正五分耗羨银四千二十六两三分三厘，遇闰以增抵减外，实增征银五百九两九钱四分一厘，随正五分耗羨银二十五两四钱九分七厘。

米麦豆：实征米五万五千一百九十一石七斗三升九合二勺，遇闰以增抵减外，实减征米八十七石九斗五升一勺。

杂办：外不在，丁田征解银二百一十五两六分九厘，随正五分耗羨银一十两七钱五分四厘。

川沙厅 嘉庆十五年

实征赋额：实征丁田、杂办等项银九千三百二十七两三钱七分二厘，随正五分耗羨银四百六十六两三钱六分九厘，遇闰以增抵减外，实增征银六十九两五钱四分六厘，随正五分耗羨银三两四钱七分七厘。

米麦豆：实征本色米八千五百三十石二斗七合五勺，遇闰以增抵减外，实减征米三石八斗四升一合八勺。

杂办：外不在，丁田征解银九两九钱四分一厘，随正五分耗羨银四钱九分七厘。

常州府

武进县 光绪元年

实征赋额：实征丁田、杂办等项银七万八千八百八十二两六钱七分七厘，随正七分耗羨银五千五百二十一两七钱八分七厘，遇闰加征六百九两五钱三分三厘，随正七分耗羨银四十二两六钱六分八厘。

米麦豆：实征本色米四万七千一百六石五斗三升七合一勺，遇闰以增抵减外，实加增征米一石二斗二升一合三勺。

杂办：外不在，丁田征解银九百九十七两八钱二分四厘，随正七分耗羨银六十九两八钱四分八厘，遇闰加征银一十四两六钱八分一厘，随正七分耗羨银一两二分八厘

。

芦课：额征芦课正银一千六百七十四两六钱二分一厘，耗银一百十七两二钱二分四厘。

阳湖县 光绪元年

实征赋额：实征丁田、杂办等项银八万三千一百七十五两五钱九分三厘，随正七分耗羨银五千八百二十二两二钱九分一厘，遇闰以增抵减外，实加征银六百四十二两六钱六厘，随正七分耗羨银四十四两九钱八分二厘。

杂办：外不在，丁田征解银三百七十二两八钱四分五厘，随正七分耗羨银二十六两九分九厘，遇闰加银一十四两一分，随正七分耗羨银九钱八分一厘。

芦课：额征芦课正银二百十两一钱三分三厘，耗银十四两七钱九厘。

无锡县 光绪元年

实征赋额：实征丁田、杂办等项银六万六千二百四十四两二钱三分三厘，随正七分耗羨银四千六百三十七两九分七厘，遇闰以增抵减外，实加征银五百三十二两四钱一分七厘，随正七分耗羨银三十七两一钱九分八厘。

米麦豆：实征本色米三万七千一百六石一升九合二勺，遇闰以增抵减外，实减征米一十一石二斗二升四合一勺。

杂办：外不在，丁田征解银二百八十四两三钱四分六厘，随正七分耗羨银一十九两九钱四厘，遇闰加征银一十六两一钱五分七厘，随正七分耗羨银一两一钱三分一厘。

。

金匱县 光绪元年

实征赋额：实征丁田、杂办等项银六万九千七百八十三两二钱三分四厘，随正七分耗羨银四千八百八十四两八钱二分七厘，遇闰以增抵减外，实加征银五百五十两九钱七厘，随正七分耗羨银三十八两五钱六分四厘。

米麦豆：实征本色米三万九千二百一十三石八斗七升二合，遇闰以增抵减外，实减征米一十一石八斗六升二合一勺。

杂办：外不在，丁田征解银三百六两二钱八分四厘，随正七分耗羨银二十一两四钱

四分，遇闰加银一十八两八钱一厘，随正七分耗羨银一两三钱一分六厘。

江阴县 光绪元年

实征赋额：实征丁田、杂办等项银一十万一百三十两一钱七分，随正七分耗羨银七千九两一钱一分二厘，遇闰以增抵减外，实加征银五百二十六两五钱三分六厘，随正七分耗羨银三十六两八钱五分七厘。

米麦豆：实征本色米五万六千一百九十石五斗三升二合七勺，遇闰以增抵减外，实减征米二十二石二合五勺。

杂办：外不在，丁田征解银四百五十三两八钱九分五厘，随正七分耗羨银三十一两。

芦课：芦课银六千一百六十两九钱三分一厘，随正七分耗羨银四百三十一两二钱六分五厘。沙洲涨坍无常，课额靡定，历届完纳各有不同，今照清厘案内详定现征之数，录而存之。

以上各项随征随解。

宜兴县 光绪元年

实征赋额：实征丁田、杂办等项银七万八千一百八十八两一钱三分二厘，随正七分耗羨银五千四百七十三两一钱六分九厘，遇闰以增抵减外，实加征银三百四十五两二钱三分四厘，随正七分耗羨银二十四两一钱六分七厘。

米麦豆：实征本色米四万六千七百二十四石三斗一升七合二勺，遇闰以增抵减外，实减征米一十七石六斗五升。

杂办：外不在，丁田征解银一百八十八两二钱八分七厘，随正七分耗羨银一十三两一钱八分，遇闰增银八两二钱一厘，随正七分耗羨银五钱七分四厘。

芦课：额征芦课正银一千五百二十五两五钱五分七厘，耗银一百六两七钱八分九厘。

录光宣《宜荆续志》。

荆溪县 光绪元年

实征赋额：实征丁田、杂办等项银五万四千四百九十两三钱二厘，随正七分耗羨银三千八百一十一两四钱五分，遇闰以增抵减外，实加征银二百三十九两四钱二分八厘，随正七分耗羨银一十六两七钱六分一厘。

米麦豆：实征本色米三万二千五百五十八石一斗八升一合七勺，遇闰以增抵减外，实减征米一千二石二斗九升七合。

杂办：外不在，丁田征解银一千五百一十两三钱五分一厘，随正七分耗羨银一百五两七钱二分五厘，遇闰加征银八两二钱一分八厘，随正七分耗羨银五钱七分五厘。

芦课：额征芦课正银一百二十八两五钱六分，耗银八两九钱九分九厘。

靖江县 光绪元年

实征赋额：实征折色丁田、杂办等项银四万三千七百三十六两八钱三分一厘，随正七分耗羨银三千六十一两五钱七分八厘，遇闰以增抵减外，实增征银一百七十三两六钱九分四厘，随正七分耗羨银一十二两一钱五分九厘。

米麦豆：实征本色米一万二千七百六十石九斗二升五合八勺，遇闰以增抵减外，实增征米二十二石二斗七升三合二勺。

杂办：外不在，丁田征解银一十四两四钱一分六厘，随正七分耗羨银一两九厘，遇闰加征银一两八分五厘，随正七分耗羨银七分六厘。

芦课：额征统共实在芦课银七千九百二十两五钱七分七厘六毫八丝八忽五微。

镇江府

丹徒县 同治四年

实征赋额：实征丁田、杂办等项银七万六千六百五十五两一钱七分三厘，随正七分耗羨银五千三百六十五两八钱六分三厘，遇闰加征银一千二百六十九两七钱六分八厘，随正七分耗羨银八十八两八钱八分四厘。

米麦豆：实征米四万九千八百五十八石二斗七升一合，遇闰加征米二十一石四斗九升一合三勺。

杂办：外不在，丁田征解银一百一两八钱五厘，随正七分耗羨银七两一钱二分六厘，遇闰加征本色麻胶银九分三厘，随正七分耗羨银七厘。

芦课：共征芦课银三千六百九十七两九钱三分七厘零。

丹阳县 光绪三十二年

实征赋额：实征丁田、杂办等项正、耗银九万二千三百二十三两二钱四分五厘，内除拨入太平厅田滩应征银二千四百七十三两六分九厘三毫，归入太平厅外，实征银九千八百五十两一钱七分五厘七毫，遇闰加征银一千八百八十六两一钱三分三厘，随正七分耗羨银一百三十二两二分九厘。

米麦豆：实征本色米三万九千三百九十四石三斗一升五合二勺，遇闰加征米二十七石二斗三升八合四勺。

杂办：外不在，丁田征解银三百五十八两二钱二分一厘，随正七分耗羨银二十五两七分五厘。

金坛县 光绪元年

实征赋额：实征丁田、杂办等项银七万一千九百三十五两九钱二分六厘，随正七分耗羨银五千二十八两五分二厘，遇闰加征银一千二百二十七两一钱三分三厘，随正七分耗羨银八十五两八钱九分八厘。

米麦豆：实征本色米三万八千八百九十四石二斗四升六合零，遇闰加征米二十三石三斗三升四合零。

杂办：外不在，丁田征解渔课银一百六两六钱七厘，随正七分耗羨银七两四钱六分二厘，遇闰加征银一十六两八钱四分一厘，随正七分耗羨银一两一钱七分九厘。

溧阳县 光绪元年

实征赋额：实征丁田、杂办等项银六万七千三百七两二钱二厘，随正七分耗羨银四千七百一十一两五钱四厘，遇闰加征银四百三十七两二钱八分三厘，随正七分耗羨银三十两六钱一分。

米麦豆：实征本色米四万九千二百六十九石三斗四升四合三勺，遇闰加征本色米二十四石二斗九升九合五勺。豆一千二百一十三石五升三合六勺。

杂办：外不在，丁田征解银二百四两六钱三分九厘，随正七分耗羨银一十四两三钱二分五厘。

太平厅

实征赋额：统共实征正、耗银一万八千七百六十七两二钱五厘。

淮安府

淮安府 光绪三十三年

实征赋额：实征丁漕正、杂等项银十七万二千七百六十八两八钱一分五厘有奇，闰月加征银一百七十两一钱六分。并征屯漕等银五百六十一两一钱一分八厘。

米麦豆：实征本色、折色正赠月粮等米四万五千七百一石八斗七升一勺，月粮麦一千七十五石五斗八升五勺。

山阳县 光绪三十三年

实征赋额：实征银四万七千二百六十八两二钱五分一厘有奇，遇闰加征银九十八两五钱六分八厘。

米麦豆：实征本色漕粮、正赠、兵月米一万三千八百七十石四斗七升五合，本色月粮麦九百六十四石九斗七合一勺。

阜宁县 光绪三十三年

实征赋额：实征丁漕正、杂等项银二万三千二百二十五两五钱八分八厘，遇闰加征银四十二两三钱四分九厘。

米麦豆：实征本色兵月等米八千九十二石三斗一升六合五勺，本色月粮麦三百六十七石九斗四升五合四勺。

清河县 光绪三十三年

实征赋额：实征银一万九千八百六十三两一钱。

米麦豆：共实征米一千七百一十七石七斗五升一合七勺有奇，本色麦除准豁外，实征七十七石二斗三合二勺。

桃源县 光绪三十三年

实征赋额：实征丁漕正、杂等项银二万五千七十两六钱六分九厘，遇闰加征银十九两四钱三分七厘。

米豆：实征漕粮、正赠、兵粮米三千三百二十九石三斗六升九合二勺。

安东县 光绪三十三年

实征赋额：实征丁漕正、杂等项银二万七千八百七十二两三分六厘，遇闰加征银九两八钱六厘。

米豆：实征月粮米二百八十六石一斗五升三合一勺，月粮麦二十八石三斗一合。

盐城县 光绪三十三年

实征赋额：实征丁漕正、杂等项银二万九千三百八十九两九钱三分二厘。

米豆：实征本色米一万八千四百六石八斗五合五勺，月粮一百三十七石二斗二升三合八勺。

归并省卫：实征并卫屯漕等银五百六十一两一钱一分八厘。

扬州府

扬州府 光绪三十三年

实征赋额：实征丁漕正、杂等项银三十一万二千二百八十二两九钱二分一厘有奇，闰月加征银六百六两六钱一分。

米豆：共实征米九万六千九百七石四斗四升五合九勺有奇。

归并省卫：共实征银四千七百六十八两一钱六分一厘有奇。

江都县 光绪三十三年

实征赋额：实征丁漕正、杂等项银七万一千七百七十二两一钱二分三厘有奇。

米麦豆：实征本色米九千九百三十九石九斗三升七合有奇。

芦课：各则不等，共征芦课银一万六千七百三十三两九钱七分八厘六毫五丝七忽六

微九纤五沙三尘三渺四漠三埃一逡八巡。

甘泉县 光绪三十三年

实征赋额：实征丁漕正、杂等项银三万七千四百七十二两二分七厘有奇。

米麦豆：实征本色米六千九百八十八石七斗四升七勺有奇。

归并省卫：共实征银五百五十六两九钱二分六厘九毫有奇。

扬子县 光绪三十三年

实征赋额：实征丁漕正、杂等项银二万九千二百七十八两四钱一厘有奇，遇闰加征银六百六两六钱一分有奇。

米麦豆：实征漕粮、正赠、兵月等米一千九百二十六石四斗四升二合五勺有奇，麦改米五十六石六斗三升一合有奇。

芦课：各则不等，共征芦课银二千一百四两一钱五分七厘七丝七忽二微二纤四沙六尘一渺二漠五埃。

高邮州 光绪三十三年

实征赋额：实征丁漕正、杂等项银四万七千一百二十六两六钱六分二厘有奇。

米麦豆：实征本色米六千七百二十七石二斗五升九合六勺有奇。

归并省卫：共实征银二千六十八两五钱二分九厘七毫有奇。

兴化县 光绪三十三年

实征赋额：实征丁漕正、杂等项银三万七千五百五十八两三钱九分九厘有奇。

米麦豆：实征本色米一万二千七百四十一石八斗四升四合三勺有奇，月粮麦改米三十五石六斗八升一合六勺有奇。

归并省卫：共实征银一千八十八两六钱六分七厘。

宝应县 光绪三十三年

实征赋额：实征丁漕正、杂等项银二万八千八百七两七钱二分一厘有奇。

米麦豆：实征本色米六千四百四十七石九斗二升八合一勺有奇，本色麦折米一百二十六石二升二合九勺有奇。

归并省卫：共实征银五百九十一两七钱五分一厘五毫有奇。

泰州 光绪三十三年

实征赋额：实征丁漕正、杂等项银三万八千七百六两五钱七分九厘有奇。

米麦豆：实征漕粮、正赠米三万二千八百五十四石五斗三升八合七勺有奇。

归并省卫：共实征银四百六十二两二钱八分五厘七毫有奇。

东台县 光绪三十三年

实征赋额：实征丁漕正、杂等项银二万一千五百六十一两九厘有奇。

米麦豆：实征本色米一万八千五百六十九石四斗三升九合七勺有奇，本色麦改米四百七十二石九斗七升三合五勺有奇。

徐州府

徐州府 光绪三十三年

实征赋额：实征丁漕正、杂等项银二十六万二千四百四十九两四钱七厘有奇，闰月银二十二两七钱四分七厘。

米麦豆：实征本色米六万四百二十五石三斗三升八合二勺有奇，月粮麦一千二十二石三斗九升四合一勺有奇。

归并省卫：共实征银二千五百一十五两七钱六分一厘九毫有奇。

米麦豆：实征本色米二十七石六斗三升一合有奇，麦三百四十二石四斗三升九合有奇。

铜山县 光绪三十三年

实征赋额：实征丁漕正、杂等项银七万八百二两七钱九分一厘有奇。

米麦豆：实征本色米，除准豁外，实征米二万五百五十四石八斗四升三合八勺有奇。

萧 县 光绪三十三年

实征赋额：实征丁漕正、杂等项银三万三千二百四两一钱四分有奇。

米麦豆：实征正、耗米一万四千八石四升二合五勺有奇。

砀山县 光绪三十三年

实征赋额：实征丁漕正、杂等项银一万八千三百七十四两四钱三分有奇。

米麦豆：实征本色米六千九百一十六石五斗九升一合五勺有奇。

丰 县 光绪三十三年

实征赋额：实征丁漕正、杂等项银二万四百二十七两五分六厘有奇。

米麦豆：实征本色米四千三百二十七石九斗三升一合八勺有奇。

沛 县 光绪三十三年

实征赋额：实征丁漕正、杂等项银二万六千三百四两二钱四分七厘有奇。

米麦豆：实征本色米六千五百八十七石三斗三升七合八勺有奇。

邳 县 光绪三十三年

征赋额：实征丁漕正、杂等项银三万五千七百五十六两二钱四分二厘有奇，遇闰加征银二十二两七钱四分七厘。

米麦豆：实征本色米一千四百八十九石五升二勺有奇，月粮麦八百八十九石六斗九升八合一勺有奇。

归并省卫：共实征银二千五百一十五两七钱六分一厘九毫有奇。

米麦豆：实征本色米二十七石六斗三升一合有奇，麦三百四十二石四斗三升九合有奇。

宿迁县 光绪三十三年

实征赋额：实征丁漕正、杂等项银三万三千三百五十四两四钱六分九厘有奇。

米麦豆：实征本色米麦五千三百九十九石八斗五升五合有奇。

睢宁县 光绪三十三年

实征赋额：实征丁漕正、杂等项银二万四千二百二十六两三分二厘有奇。

米麦豆：实征本色米一千一百四十一石六斗八升二合七勺有奇，月粮麦一百三十二石六斗九升六合有奇。

太仓州

太仓州 并属 光绪元年

实征赋额：除闰，共实征银二十六万八千五十四两三分八厘，随正五分耗羨银一万三千四百二两七钱一厘。

米麦豆：实征本色米一十万六千二百四十一石一斗四升三勺，遇闰加征米二百四十五石一斗六升五合八勺。

杂办：外不在，丁田征解公庄籽粒银七十四两七钱九分六厘，随正五分耗羨银三两七钱四分。

太仓州 光绪元年

实征赋额：实征丁田、杂办等项银四万五十六两四钱四分，随正五分耗羨银二千二两八钱二分二厘，遇闰以增抵减外，实加征银五百二两九钱六分七厘，随正五分耗羨银二十五两一钱四分九厘。

米麦豆：实征本色米三万九千一百七十一石五斗一升二合三勺，遇闰以增抵减外，实减征米九石四斗五升三合三勺。

镇洋县 光绪元年

实征赋额：实征丁田、杂办等项银三万九千二百二十五两一钱六分六厘，随正五分耗羨银一千九百六十一两二钱五分八厘，遇闰以增抵减外，实加征银四百九十两一钱七分六厘，随正五分耗羨银二十四两五钱一分三厘。

米麦豆：实征本色米豆三万八千二百五十三石一斗六升四合四勺，遇闰以增抵减外，实减征米九石二斗三升一合一勺。

嘉定县 光绪元年

实征赋额：实征丁田、杂办折色等项银九万二千五百五十五两七钱六厘，随正五分耗羨银四千五百一两二钱八分五厘，遇闰增征银三百三两三钱五分，随正五分耗羨银一十五两一钱八分八厘。

芦课：芦课银一千七百七十六两三钱一分六厘五毫有奇。

宝山县 光绪元年

实征赋额：实征丁田、杂办等项银七万七千一百九十五两六钱八分二厘，随正五分耗羨银三千八百五十九两七钱八分四厘，遇闰加征银二百五十八两五钱五分五厘，随正五分耗羨银一十二两九钱二分八厘。

米麦豆：实征本色米一万四千七百九十二石九斗七升一合，遇闰以增抵减外，实加征米一百三十五石三斗九升。

崇明县 光绪元年

实征赋额：实征折色盐引、丁田、杂办等项银二万一千五百五十一两四分四厘，随正五分耗羨银一千七十七两五钱五分二厘，遇闰加征银一百六十两九钱四分五厘，随正五分耗羨银八两四分八厘。

芦课：额征芦课共银一千一十五两五钱八厘，随正五分耗羨银五十两七钱七分五厘。

海 州

海 州 并属 光绪三十三年

实征赋额：实征丁漕正、杂等项银五万八千四十一两五钱九分三厘有奇，闰月银九十六两二钱三分九厘有奇。

米麦豆：实征本色米一万八千八百七石六斗八升九合七勺有奇，本色月粮等麦四千五十四石六升九合有奇。

归并省卫：归并东西二海所，实征军需银六十两。

海州 光绪三十三年

实征赋额：实征丁漕正、杂等项银一万一千七百八十一两九钱一分八厘有奇，遇闰加征银四十八两四钱八厘。

米麦豆：实征本色米四千六百一十二石四斗九升四合四勺有奇。

归并省卫：归并东、西二海所，实征军需银六十两。

沭阳县 光绪三十三年

实征赋额：实征丁漕正、杂等项银二万八千一十三两八钱二分九厘有奇，遇闰加征银二十二两四分七厘。

米麦豆：实征本色米九千二百三十三石九斗七合八勺有奇，本色麦二千七百五十石九斗三合三勺有奇。

赣榆县 光绪三十三年

实征赋额：实征丁漕正、杂等项银一万八千二百四十五两八钱四分六厘有奇，遇闰加征银二十五两七钱八分四厘。

米麦豆：实征本色米四千九百六十二石九升七合五勺有奇，月粮麦一千三百三石一斗六升五合七勺有奇。

通州

通州 并属 光绪三十三年

实征赋额：实征丁漕正、杂等项银九万八千五百八十三两六钱九分有奇，遇闰加征银一百七十八两七钱七分九厘有奇。

米麦豆：实征本色米一万六千六百七十四石六斗八升五合四勺有奇。

归并省卫：实征折色屯丁银三百八十七两五钱二分。

通 州 光绪三十三年

实征赋额：实征丁漕正、杂等项银五万三百六十七两七钱六分八厘有奇。

米麦豆：实征米五千六百六十六石四斗一升七合八勺有奇。

归并省卫：实征折色银三百八十七两五钱六分。

如皋县 光绪三十三年

实征赋额：实征丁漕正、杂等项银二万三千八百三十一两八钱五分九厘有奇。

米麦豆：实征本色米六千九百三十石三斗一升一合一勺有奇。

泰兴县 光绪三十三年

实征赋额：实征丁漕正、杂等项银二万六千三百二十六两六分五厘有奇，遇闰地丁加征银一百四十八两八钱四厘，俸工加征银三十七两九钱三分九厘。

米麦豆：实征本色米四千七十七石九斗五升五合九勺。

芦课：实征芦课银一万五千七百一十六两二钱八分九厘。

海 门 厅

光绪三十三年

实征赋额：实征丁漕正、杂等项银三千七百五十三两七钱四分八厘。

米麦豆：实征兵米九十九石六斗二升三合。

淮 安 卫

光绪三十三年

实征赋额：实征屯折、漕折等银二千三百三两三钱四厘。

徐州卫

光绪三十三年

实征赋额：实征漕折、屯折等银一千七百八十三两二钱五分九厘。

大河卫

光绪三十三年

实征赋额：实征漕折、屯折等银二千五百六十一两二钱五分六厘。

扬子卫

光绪三十三年

实征赋额：实征漕折、屯折等银三千七百二两三钱三分八厘。

同治年苏松常镇太五属应减应征各数表

县 别 额 编 数 共 减 数 减 剩 应 征 数

长 洲 米豆一十一万五千八十七 米豆四万九千五百九十三
米豆六万五千四百九十四

石九斗六升二合二勺。 石一斗四升二合九勺。 石八斗一升九合三勺。

元 和 米豆一十万九千八百三十 米豆四万七千八百九十一
米豆六万一千九百四十一

二石五斗七升六合五勺。 石二斗二升六合七勺。 石二斗二升六合七勺。

吴 县 米豆七万三千八百四十三 米豆二万七千六百四十七
米豆四万六千一百九十五

石三斗一升三勺。 石九斗八升四合五勺。 石三斗二升五合八勺。

吴 江 米豆一十万三千八百二十 米豆四万一千五百九十四
米豆六万二千三百六十二

石三升三合八勺。 石一升五合六勺。 石一升六合二勺。

震 泽 米豆一十一万三千五百三 米豆四万六千一十五石三
米豆六万七千五百二十二

十七石六斗七升八勺。 斗五升一合。 石三斗一升九合八勺。

常 熟 米豆一十万八千六百九十 米豆三万一千二百一十六
米豆七万七千四百七十三

石二斗四升二合。 石八斗三升三合二勺。 石四斗八合八勺。

昭 文 米豆八万七千五百三十七 米豆二万三千五百五十七
米豆六万三千九百七十九

石一斗一升一合四勺。 石五斗七升二合九勺。 石五斗三升八合五勺。

昆 山 米豆八万五百二十八石二 米豆二万八千三百五十八
米豆五万二千一百六十九

斗四升八合八勺。 石九斗五升七合一勺。 石二斗九升一合七勺。

新 阳 米豆八万一千三百三十四 米豆二万九千八百九十八
米豆五万一千四百三十六

石二斗二升一合八勺。 石一斗二升七合三勺。 石八升四合五勺。

太 湖 厅 米豆三千三百五十三石五 米豆八百五十九石七合七
米豆二千四百九十四石五

斗八升六合二勺。 勺。 斗七升八合五勺。

华 亭 米豆五万五千七十石八斗 米豆一万六千九石九斗二
米豆三万九千六十石八斗

二升三合。 升三合六勺。 九升九合四勺。

奉 贤 米豆四万八千三百五十八 米豆一万二千八百六十石
米豆三万五千四百九十七

石三斗四升四合一勺。 七斗九升二合。 石五斗五升二合一勺。

娄 县 米豆五万九千四百八石三 米豆二万一千八百八十二
米豆三万七千五百二十五

斗七升三合三勺。 石八斗六升八合七勺。 石五斗四升六勺。

金 山 米豆四万八千九百五十三 米豆一万六千五百一十三
米豆三万二千四百四十石

石六斗六升三合九勺。 石五斗一升六合五勺。 一斗四升七合四勺。

上 海 米豆六万四千四百四十五 米豆一万四千八百七十八
米豆四万九千五百六十七

石八斗一升二合六勺。 石五斗六升七勺。 石二斗五升一合九勺。

南 汇 米豆六万四千七百五十九 米豆一万一千一百八十六
米豆五万三千五百七十二

石三斗二升九勺。 石四斗一升六合七勺。 石九斗四合九勺。

青 浦 米豆七万六千二百四十六 米豆二万一千五百四十二
米豆五万七千七百二十二

石七斗八升二合八勺。 石三斗一升二合七勺。 石四斗七升一勺。

川 沙 厅 米一万二千一百八十石二 米一千六百八十八石二斗
米八千五百三十石二升七

斗七升三合四勺。 四升五合九勺。 合五勺。

太 仓 州 米豆六万一千一石二斗九 米豆二万一千五百一十三
米豆三万九千四百八十八

升一合六勺。 石二斗二勺。 石九升一合四勺。

镇 洋 米豆六万二百九十一石五 米豆二万一千三百六十四
米豆三万八千九百二十六

斗三升四合一勺。 石七斗九升五合三勺。 石七斗三升八合八勺。

嘉 定 米豆一万七千二百二十四

石九斗一升三合七勺。

宝 山 米豆一万四千九百一十五

石四合五勺。

武 进 米五万二千三百一十四石 米五千二百三十一石四斗
米四万七千八十三石四斗

八斗九升七合七勺。 八升九合八勺。 七合九勺。

阳 湖 米五万五千二百四十石二 米五千五百二十四石二升
米四万九千七百一十六石

斗一升九合一勺。 一合九勺。 一斗九升七合二勺。

无 锡 米四万一千一百八十石九 米四千一百一十八石九升
米三万七千六百二石八斗

斗七升一合七勺。 七合二勺。 七升四合五勺。

金 匱 米四万三千五百一十四石 米四千三百五十一石四斗
米三万九千一百六十二石

三斗七合五勺。 三升七勺。 八斗七升六合八勺。

江 阴 米六万三千四百三十八石 米六千四百二十三石八斗
米五万六千一百九十四

四斗一升二合。 四升一合二勺。 石。

宜 兴 米五万二千四十五石五斗 米五千二百四石五斗五升
米四万六千八百四十一石

六升三合一勺。 六合三勺。 六合八勺。

荆 溪 米三万七千八石七斗三合 米三千七百石八斗七升四
米三万三千三百七石八斗

七勺。 勺。 三升三合三勺。

靖 江 米一万二千二百三十七石 米一千二百二十三石七斗
米一万一千一十三石七斗

四斗八升七合九勺。 四升八合八勺。 三升九合一勺。

丹 徒 米六万二千九百一十一石 米六千二百九十一石一斗
米五万六千六百二十石一

三斗一升八合。 一升三合一勺。 斗八升六合三勺。

丹 阳 米四万三千八百五石四斗 米四千三百八十石五斗四
米三万九千四百二十四石

二升八勺。 升九合三勺。 八斗七升八合七勺。

金 坛 米四万九千六百一十八石 米四千九百六十一石八斗
米四万四千六百五十六石

二斗三升七合九勺。 二升三合八勺。 四斗一升四合一勺。

溧 阳 米五万八千四百石九升四 米五千八百四十石九合五
米五万二千五百六十石八

合七勺。 勺。 升五合二勺。

第三卷 田赋考

建康府田赋

田 数

乾道旧志，通管田七百七十七万二千八百六十三亩；景定辛酉，五县俱到，挨究实数，见管田实计四百三十四万一千六百四十三亩三角二十六步。

上元县

山田四十一万五千九百二十一亩一角四十七步。

圩田二十万三千九百八十三亩三角五十五步，隶总领所者六百一十二亩。

沙田一十一万二千二十六亩六分。

营田二千八百八十九亩二十三步。

江宁县

山田二十六万二千一百一十三亩三角三十四步。

圩田一十八万七千三百二十四亩一角一十七步。

沙田四万三千三百一十亩二角二步。

营租田地隶总领所者，田九千六百九十七亩一角一步，地一千八百二十七亩二角二十步，草场七十三亩一角五十一步，水漾六十六亩一角四十步。

营租田地隶转运司者，田、地共二千一十四亩三角一十六步半。

溧阳县

田九十五万五千七百五亩一角一十二步半。

地八十万一千四百七十四亩二角九步半。

圩田三万一千七百七十六亩二角二十四步。泰丰庄管圩田八千八十八亩三角四十三

步，计七圩，坐落来苏、奉安两乡。福贤庄管圩田二万三千六百八十七亩二角四十二步，于内奉朝省拨赐田三千亩与夏金君外，实存田二万六千六百八十七亩二角四十二步。

句容县

田七十四万三百一亩二十三步。

地二十六万一千四十六亩三角五步。

沙田一千一百二十三亩一角三十三步半。

沙地芦场草场白面沙济滩等三千五百九亩一十四步。

营田五千八百九十五亩三角九步。

营地一千八百九亩三十步。

溧水县

圩田二十九万一千一百九亩一角。

沙田一千三百九十亩三角五十九步。

营田三千四百七十八亩四十五步。

营地一百六十二亩二角五十五步。

赋税(上)

夏料管催折帛钱三十四万一千四百三十三贯九百四十二文，钱会中半。于内除豁江坍寨占并本府运司合抱认江宁、句容和买役钱，共一万一千二百四贯二百五十五文外，实催三十三万二百二十九贯六百八十七文，钱会中半。

绢绌共八万六千七十一匹五丈四尺二寸八分五厘。内二千八百四十匹一丈五尺九寸，元系折绢，照科折则例绌每匹折钱五贯，绢每匹亦折钱五贯，遂将上件绌并改折绢催纳。

丝五千二百七十五两，加耗在内。

绵三十三万九千六百九十四两四钱六分。元额正绵二十八万八百两五钱，内除豁改科绢绵，计正绵五万八十两，系改科税绢四千一百四十匹，搭入前项绢数催纳外，合催正绵二十三万七千二百两五钱，耗绵一十万八千九百七十三两九钱六分。

小麦三千六十一石一斗二升二合。上元、江宁两县府仓纳正小麦二千石，搭上加耗，应副公使酒库造曲使用。句容、溧水、溧阳县仓纳正小麦一千六十一石一斗二升二合，搭上加耗，应副各县酒务踏曲使用。

麻皮二千五百斤，系上元、江宁两县催解拨充运司、本府杂支等用。

上元县

夏料管催折帛钱六万九千八百三十五贯七百九十三文。除豁外，实催六万四千八百九十四贯六百八十五文。三百九十三贯二百八十八文，系防江军寨占张府北庄地段税钱。一百三贯四百五十三文，系游击军寨占民居税钱。二百一十贯九百八十文，系制府拘占冯汝贤诡名税钱。二千九百一十三贯三百八十七文，少豁寨占等一千三百二十贯文，系增科本县催过额绵四千两，于后项内搭入拘催，于折帛钱内除豁。

绢一万七千八十六匹二丈八寸五分。元科一万六千八十六匹二丈八寸五分，改科一千匹，系于嘉熙四年为始，将省税绵一万两改科税绢，每一十两折绢一匹。计上件省税一万二千八百九十六匹三丈一尺六寸五分，和买四千一百八十九匹一丈一尺二寸。

绸五百七匹三丈六尺五寸。

丝二千三百一十七两六钱。

绵五万五千三百四十九两五钱。除豁省税绵一万两改科税绢外，实催四万五千三百四十九两五钱。元科五万一千三百四十九两五钱，搭入本县催过元额绵四千两，却豁折帛钱一千三百二十贯文。省税绵三万三千四百九十七两，和买绵一万一千八百五十二两五钱。

小麦正催一千五百石。

麻皮正催一千三百斤。

江宁县

夏料管催折帛钱四万七千六百六贯八百九十一文。除豁抱数外，实催四万五千一百

七十八贯七百六十三文：折帛钱四万四千五百三十四贯一十五文，令项拘催城南厢两料役钱六百四十四贯七百四十八文。

绢一万一千四百八十三匹六寸。元科一万八百四十三匹六寸，改科六百四十匹。系自嘉熙四年为始，将省税绵六千四百两折税绢，每一十两改绢一匹。省税八千七百四十三匹一丈九尺六寸，和买二千七百三十九匹二丈一尺。

绸三百七匹九尺七寸。

丝四百六十八两七钱。

绵三万六千二十四两五钱，豁省税绵六千四百两改科土绢催纳外，实催二万九千六百二十四两五钱。省税绵一万五千八百八十六两五钱，和买绵一万三千七百三十八两。

小麦正催五百石。

麻皮正催一千二百斤。

句容县

夏料管催折帛钱五万二千一百五十七贯九百二十八文。除豁抱认数外，实催四万八千三百二十二贯九百九文。

绢一万九千八百四匹一丈八尺五分。元科一万九千一百四十四匹一丈八尺五分，改科六百六十匹。系自嘉熙四年为始，将省税绵七千九百二十两改科绢，每一十二两并加耗随球绵四两八分共折绢一匹。省税一万四千九百九十七匹四尺九寸九分，和买四千八百七匹一丈三尺六分。

绸七百八十七匹九尺七寸。

丝六百二十七两八钱九分。

绵四万四千四百六十五两五钱。除豁省税绵七千九百二十两改科税绢催纳外，实催三万六千五百四十五两五钱。省税绵一万六千五百六十七两五钱，和买绵一万九千九百七十八两。

小麦正催四百四十五石七斗五升五合。

溧水县

夏料管催折帛钱八万六千五百五十六贯九十八文。

绢一万六千九百五十五匹三丈六尺八寸一分五厘。元科一万五千八百七十五匹三丈八寸一分五厘，改科一千八十匹。系自嘉熙四年为始，将省税绵一万五千一百二十两改科绢，每一十四两并加耗随球绵二两五钱二分共折绢一匹。省税一万一千九百八十九匹二寸七分三厘，和买四千九百六十六匹三丈六尺五寸四分二厘。

绸六百三匹一丈八尺五寸。

绵八万五千一百三十八两八钱。除豁省税绵一万五千一百二十两改科税绢催纳外，实催七万一千十八两八钱。省税绢四万五千六百九两八钱，和买绵二万四千四百九两。

小麦正催三百二十九石九斗九升。

溧阳县

夏料管催折帛钱八万五千二百七十二贯二百三十二文。

绢一万七千九百二匹二丈七分。元科一万七千一百四十二匹二丈七分，改科七百六十匹。系自嘉熙四年为始，将省税绵一万六百四十两改科绢，每绵一十四两并加耗绵二两五分二钱共折纳绢一匹。省税一万六百九十七匹二丈七分，和买七千二百五匹。

绸六百三十四匹二丈一尺五寸。

丝二百六十八两四钱五分。

绵五万九千八百二十二两二钱。除豁省税绵一万六百四十两改科税绢催纳外，实催四万九千一百八十二两二钱。省税绵二万六千六百三十六两二钱，和买绵二万二千五百四十六两。

小麦正催二百八十五石三斗七升七合。

赋税(下)

秋料管催

苗米二十万七千七百一十二石一升九合，除豁外，实理米一十九万九千一十七石九斗三升四合三勺。于元额内照例除豁江坍寨占并无人收并等米九千一十一石八斗一升一合七勺外，实理米一十九万八千七百石二斗七合三勺。续据溧阳县实田增到苗米三百一十七石七斗二升七合。共实计上项，其县仓受纳米数，并折变改科糯米等，常年为数不定。

穰草一十六万七千束。五县分理，应副拨解江东转运司马草。元额本色正草九万四千八百八十六束，并搭上加七分六厘耗样草，共计上项数。

布二千四百五十七匹。系五县分理，应副本府厢禁军等春冬衣赐等用。

芦四万九千五百四十三领。内一万五千领解运司；内三万四千五百四十三领，本府岁计支用。正本色三万五千三十九领，并搭上前项粳米一百六十石改折科催一万领贴凑，共科正四万五千三十九领，并搭上加一耗四千五百四领。共计上项折草豆钱二万三千六百八十三贯八百五十七文，十八界钱会中半。

上元县

秋料管催苗米二万九千五百九十石八斗四升五合。

正草三万九千束。

布五百二匹。

正二万六千六百领。

折豆钱一万二千三百八十九贯九百五十四文。

江宁县

秋料管催苗米二万二千六百五十五石八斗四升一合。

正草三万八千束。

布四百二十二匹。

正一万八千四百三十九领。

折豆钱八千三百二十三贯九百六十二文。

句容县

秋料管催苗米四万七千三百四十二石二斗九升九合七勺。

正草一万三千三百八十六束。

布五百八十八匹。

折草钱二千四百六贯四百文。

折豆钱二百六十九贯一百文。

溧水县

秋料管催苗米四万八千二百三十八石六斗二升二合七勺。

正草四千五百束。

布四百七十三匹。

折草钱二百九十四贯四百文。

溧阳县

秋料管催苗米五万一千一百九十石三斗二升五合。

布四百七十二匹。

折布钱二十四文。

右五县田赋之数，参之乾道旧志。百年之间，互有亏增，若田数则今少于昔三百余万亩。（乾道间未有沙田、营田，而旧志所载五县田数，已有七百七十七万二千八百余亩。今五县具到田数，并沙田、圩田计之，止有四百三十四万一千六百余亩。）若夏料所入，则今多于昔；秋料所入，则昔多于今。其间赋税窠名，又有昔无而今有者，或昔有而今无者，皆未详其所以然之故。意者田有坍毁，或有拨隶；赋有因革，或有增除。姑即今日府县所报之数，按而书之尔。

营 租

绍兴初，以闲田立官庄，以畸田募耕垦，此营田所由始也。初以军耕，后以民耕；初以稻人，后以镢入；初以饲马，后以饷军。初则优其课，蠲其征，而民乐之；后则民畏之，畏欲避之，而籍不能改矣。今其租人隶于总领所。建康五县田地以亩计者，二万七千七百七十四亩九十九步半；租以钱会计者，四千四百二十贯五百五十二文；以麦计者，五十六石八斗四升二合二勺；以料计者，一万三千八百七十一石九斗八升五合四勺。

沙 租

沙租云沙磧之地。民垦而业之，或以种谷，或以长芦，而县乃收其租焉。自淳祐八年，田事所差官经理，县不得有其租，而隶之总领所。未经理之前，沙田、沙地租皆以钱；经理后，田租纳米，地租纳钱，多寡互有不同。宝祐三年，有旨三分减一，以宽民力。今建康五县沙田、沙地，共计一十六万二千三百五十八亩六角五十四步六分；租以米计者，四万二千四百四十七石四斗四升二勺，钱不预焉。上元县未经理前，沙田每亩一百九十四文，沙地每亩五百二文，并钱会中半。芦场每亩起四束，雁儿芦苇每亩起二束，每束并折四百二十文足。草塌藉池菱荡，每亩三十九文八分。白面沈水沙，每亩一十九文九分。淳祐八经理后，沙田每亩纳米一斗五升，沙地每亩一贯二百文，芦场每亩一贯，雁儿芦苇每亩四百文，草塌藉池菱荡每亩二百文，白面沈水沙每亩一百文，并纳十八界官会。江宁县未经理前，沙田每亩四百三十六文，沙地每亩三百四十五文，芦场每亩二百一十八文，草塌每亩四十九文三分，并钱会中半。淳祐八经理后，沙田每亩起米一斗五升，沙地每亩租钱一贯二百文，芦场每亩租钱一贯，草塌每亩租钱二百文，并十八界。宝祐三年，朝廷行下于已经理租米租钱数内三分减一，诸县一体施行。

圩 租

景定二年，准省札坐下江东转运司，括到吴府圩田租数，隶建康府上元、溧水两县者，岁计租米二万三千七百七十八石八斗八升四合五勺，租麦一十四石五斗九升五合，并文思院解拨入淮西总领所，理充支遣。税田租米，不在此数。

分县细数

上元县

营田地等三千一百一十四亩三角三十一步。

钱会五百三十五贯八百九十四文。

大麦四十三石八斗九升六合。

马料二千一百七十七石二斗八升。

江宁县

营田地等一万一千五百二十四亩三角二十一步。

钱会五百七十二贯九百七十八文。

大麦九石五斗九升二合。

马料六千五十石四斗三升五合四勺。

句容县

营田地等七千七百五十四亩三角三十九步。

钱会一千一百二十七贯六百一十一文。

马料四千四百二石五斗三升。

溧水县

营田地等三千六百四十亩三角。

钱会八百三十七贯八百七十文。

马料一千二百三十八石五斗七升。

溧阳县

钱会一千三百四十六贯一百九十九文。

小麦三石三斗五升四合二勺。

马料三石一斗七升。

常州府财赋

浙右郡号沃壤，独毗陵田高下不等，必岁大熟，民乃足。旧传绍兴行经界，履亩定

税，是邦偶差一筹，八亩赢其一，赋是以重。迩年上下交病其难。咸淳奉朝旨，修明蠲公田赋外，版籍了然可稽。然所入非昔比，而所出不减于昔，支吾牵补，于是日不暇给，不扰而集，则又存乎人。

夏 租

上供绢旧额一万四千五百四十一匹三丈一尺。昨于宝祐年间，前政知郡赵屯田，重行修明经界，除邸第官庄并天荒田地外，实计下项：晋陵县三千一百四十七匹一丈五尺；近又除公田外，净合催二千三百九十一匹三丈四尺二寸。武进县二千五百五十二匹；近又除公田外，净合催二千三十三匹三丈七尺。无锡县四千九十七匹一丈六尺；近又除公田外，净合催二千七百三十九匹一丈一尺七寸。宜兴县二千九百三十六匹二丈六尺八寸；近又除公田外，净合催二千一百二十九匹一丈二尺九寸。

本州准衣绢六百十六匹三丈八尺：晋陵县一百一十三匹，武进县一百一十三匹，无锡县一百六十七匹三丈八尺，宜兴县二百二十三匹。

上供绵旧额一十万三千九十三两三钱。自修明后，实计下项：晋陵县二万八千六百一十九两二分；又除公田外，净合催二万一千八百二十四两一分。武进县一万五千五百七十七两；又除公田外，净合催一万二千六百六十四两一分。无锡县三万一千三百五十八两六钱六分七厘；又除公田外，净合催二万四千八十九两七分一厘。宜兴县二万四千五百一十七两八钱；又除公田外，净合催一万八千一百七十四两六钱九分六厘八毫。

本州准衣绵四千一百七十两：晋陵县六百两，武进县五百两，无锡县一千四百四十两，宜兴县一千六百三十两。

上供折帛钱，旧额四十万四千六百九十二贯九十四文。自修明后，实计下项：晋陵县八万五千二百三十八贯七百三十三文；又除公田外，净合催七万二千九百六十六贯三百一十九文。武进县六万二千九百六十四贯九百七十文；又除公田外，净合催五万三千四百二十八贯九百七十二文。无锡县一十三万三千四百八十五贯四百九十文；又除公田外，净合催一十万九千五百五十六贯二百五十三文。宜兴县九万四千九百七十九贯六百七十二文；又除公田外。净合催六万九千九百四十六贯四百八十七文。

本州准衣钱：晋陵县一千七百五十贯三百七十五文，武进县一千五百五贯文，无锡县三千四百四十贯五百五十文，宜兴县二千四百七十三贯八百九十二文。

秋 租

上供苗，旧额二十二万八千五百九十二硕九斗四升三合二勺一抄六撮。自修明后，实计下项：晋陵县四万二千二百九十硕七升五合九勺一抄；又除公田外，净合催三万四千四百三硕八斗八升三合九勺一抄。武进县一万二千七百四十一硕二斗七升一合；又除公田外，净合催二万八千一百八十九硕三斗七升三合。无锡县五万六千二百八十硕七斗八升一合；又除公田外，净合催四万九千五百六十六硕九斗三升。宜兴县五万五千八百七十三硕一斗四升八合五勺；又除公田外，净合催四万二千五百三十七硕四斗五升五勺五抄。

马料

大麦，旧额九万九千六百四硕八升。自修明后，实计下项：晋陵县一万三千三百五十硕一升一合，武进县一万五百五十八硕五斗二升六合八勺，无锡县一万二千一百七十九硕八斗三升五合五勺，宜兴县一万八千八百四十九硕四斗八升五合八勺。

小麦，晋陵县旧额二千五百三十二硕八升四合九勺，自修明经界后二千五百九硕九斗五升四合九勺三抄。武进县旧额二千七十四硕二斗九升八合，自修明经界后一千八百四十九硕三斗六升三合一勺。无锡县旧额三千七百一十九硕六斗一升九合九勺，自修明经界后二千七百五十七硕八斗七升九合八勺。宜兴县旧额三千六百七十硕一斗八升七合七勺，自修明经界后二千八百七十七硕七斗一升七合七勺。

纲目钱

晋陵县租额，每年合解三千三百八十四贯钱会。武进县租额，每年合解二千四百一十二贯钱会。无锡县租额，每年合解二万六千四百贯文钱会。宜兴县租额，每年合解一万四千八百三十一贯文钱会。

上供钱，旧额二万五千贯文。内本州一万二千贯文，内无锡县六千二十六贯一百八十六文，内宜兴县六千九百七十三贯八百一十四文。

圣节进奉银绢

银五百两，绢一千一百五十匹。本州一千匹，提刑司一百五十匹。旧志云：会庆节进奉银绢，从准指挥权免二年，合至十七年进奉。时淳熙十五年也。

大礼年分，添发银、绢：银七百两：本州五百两，提刑司二百两；绢五百匹。

酒务生酒日酤

旧额五百一十贯五百四十文，今收趁不等。内增收杂本钱四十贯文，经总制钱七十

三贯七百七十文，本州钱二百二十九贯三百文，大军钱一百二十四贯八百六十文，四分余本钱二十四贯五百一文，漕司并降本钱一十八贯八百一文。

煮酒日酤

旧额五百二十六贯五百六十八文，今收趁不等。内增收余本钱四十贯文，经总制钱四十九贯五百一十三文，本州系省钱增造还本钱二百四十贯二百二十九文，大军钱一百五十贯五百四十七文，四所余本钱二十三贯五十一文，漕司钱一十贯七文，正额移用钱一十一贯二百二十六文。

税 钱

每岁旧额一十三万五千七百八十四贯一百六十一文，今见收趁下项：内都税务租额，每年合解四万三千五百九十七贯四百九十文。内无锡县市务租额，每年合解九千九百二十贯文钱会。内宜兴县市务租额，每年合解九千贯文钱会。内青城务抱息税钱，每年合解四千七百五十九贯文。内万岁镇务抱息税钱，每年合解六千八百四十贯文。内张渚务抱息税钱，每年合解一千四百四十贯文。内湖汊务抱息税钱，每年合解一万八百贯文。内横林务租额，每年合解二万六百贯文。内望亭务租额，每年合解三千二百四十贯文。公使库岁赐钱三千贯文，例不支。

租渡月收

东门渡，四百五十文足。东庙前渡，九百文足。天宁寺巷口渡，九百文足。臧桥渡，一贯一百文足。西排湾渡，四百五十文足。西庙前渡，一贯四百文足。西门寨前渡，一贯文足。七里湾渡，二贯一百七十五文钱关。

五效土酒

日收旧额七十七贯九百五十文。

都醋库

每年见解一万二千一百七十五贯文钱会。

白地钱

每年合解二千五百二十贯文钱会。

诸仓场库务头子钱

随所收分隶无定数。

凑额四分余本钱

旧额一十万贯文，解纳行在所，以酒税楼店务坊场课利牙契，系省钱内拨充。其后废横林、望亭、奔牛三税务，及以村坊改为犒赏库，牙契归朝省所拨，分数比旧正放貌，全然不及。今农寺催解，每年四万四百一十六贯一百五十二文，多出凿空。

坊场钱

晋陵县丞厅，租额每年合解五千九百八十一贯五百九十二文，败缺者多。武进县丞厅，租额每年合解五千八百九十三贯八百六十文。无锡县丞厅，租额每年合解三千四百五十六贯文。宜兴县丞厅，租额每年合解二万五千八十八贯文。场七分宽剩钱减外旧额八千八百三十一贯六百四十文：晋陵县丞厅，一千三百四十六贯二百五十六文；武进县丞厅，一千一百六贯八百三十二文；无锡县丞厅，二百九十贯六百四十文；宜兴县丞厅，六千八十七贯九百一十二文。

德寿宫糯米

八百硕。元系漕司将浙东诸州移用降本钱抛余。

漕司耗剩米

每正苗一硕，带纳五升。

官 兵

每月俸给，旧额约米五千硕，钱五千四百余贯文。今现支米二千三百三十一硕一斗六升，钱三千八十四贯八十六文。

诸军春衣

旧额钱二万三千三百一十七贯五百七十二文。今支下项：禁军钱二万九千九百九十三贯八百三十二文，五寨土军钱八千一百八十九贯一百二十六文，厢军钱二百二十四贯六百四十文，递铺兵钱一千二百三十六贯五十三文，以上二项，漕司拨到物帛凑支，今不发下。德寿宫百司厅总所漕司兵级钱五百八十六贯五百四文。

冬 衣

旧额钱三万三千六百四十二贯一百二十三文。今支下项：禁军钱四万四千二十七贯二百五十文，五寨土军钱一万三千六百一十四贯六百八十二文，厢军钱三百一十贯一百四十六文，递铺兵钱一千六百三十九贯一百五十七文，德寿宫百司厅总所漕司兵级钱九百八十三贯一百八十文。

本州全年合解总所月桩钱一十一万八千一百一十贯六百四十八文十八界钱会，系分十二个月起解，每月解九千八百四十二贯五百五十四文十八界钱会。近准朝省颁行关子，总领所催解钱关，本州已将每月合解十八界钱会九千八百四十二贯五百五十四文，并作钱关起解，系十八界三贯，准关子一道解发。

通判厅经总制钱

淮东总领所经总钱准总所行下，每旬解六千贯文十八界，一月计解一万八千贯文十八界；总而计之，一岁解二十一万六千贯文十八界。近年以来，缘所属拖违亏解，旬数不定。司农寺降本钱，系旧图经。行在杂本钱，每岁合解二万九千五百贯文，钱关纽计，十八界八万八千五百贯文，每月簇发，多寡不定。提领封桩所六分煮酒钱，系旧图经，左藏库钱，每岁解七千贯文，钱关纽计，十八界二万一千贯文；其钱即非正色，窠名催理，却于所属解到经总钱内干挪，逐旋申解。近年以来，县道凋弊，场务败坏，并解不及数。一万二千九百六十九贯四百一十七文，桩兑过军口券，收买军需，抛降起发、米斛、水脚、官吏、食钱等费，支外余钱，解纳左藏西库收纳。此项今无上件窠名。一万一千贯文，移用降本钱，于酒务卖槽钱内拨支。

此件递年据省务逐限解到糟钱一千贯文贴凑申发。

宋元镇江府常赋

夏 税

丝

八千四百四十七斤二十五两九钱二分三厘。录事司三斤七两六钱七厘，丹徒县一千七百六十二斤一十五两六钱一分二厘，丹阳县三千七百二十八斤一两六钱二分九厘，金坛县二千九百五十三斤九两五钱一分四厘。

有司八千四十九斤一十二两二钱四分三厘。录事司三斤七两六钱七厘，丹徒县一千三百九十七斤六两二钱九分，丹阳县三千六百九十九斤二两八钱三分一厘，金坛县二千九百四十九斤一十一两五钱一分四厘。

江淮财赋府三百九十八斤一十三两六钱八分一厘。丹徒县三百六十六斤八钱八分三

厘，丹阳县二十八斤一十四两七钱九分八厘，金坛县三斤一十四两。

绵

一千九百九十一斤三两四钱三分八厘。录事司二钱一厘，丹徒县二百二十六斤一十二两八钱七分，丹阳县一千三百五十一斤七两四钱五分三厘，金坛县四百二十七斤五两五钱五分四厘。

有司一千九百九斤二两二钱二分五厘。录事司二钱一厘，丹徒县一百六十三斤一两九钱一分五厘，丹阳县一千三百二十二斤八两五钱五分五厘，金坛县四百二十三斤七两五钱五分五厘。

江淮财赋府八十二斤一两二钱一分三厘。
丹徒县六十三斤一十两九钱五分五厘，丹阳县十八斤六两二钱五分八厘。

钞 中统

九千四百四十一两一钱三分七厘。录事司七千一百八十五两五分七厘，丹徒县一千六十两二钱一分八厘，丹阳县六百六十五两六钱四分五厘，金坛县五百三十两二钱一分七厘。

有司九千四百三十七两三钱七分二厘。录事司七千一百八十五两五分七厘，丹徒县一千五十六两四钱五分三厘，丹阳县六百六十五两六钱四分五厘，金坛县五百三十两二钱一分七厘。

江淮财赋府三贯七钱六分五厘。并丹徒县。

大 麦

八千六百五十八石一斗二升五合二勺。丹徒县三千一百三十一石二斗八升六合二勺，丹阳县四千八百六十六石一斗二升三合，金坛县六百五十石七斗六升。

有司六千四百七十二石四斗二升七合，每二斗折纳米一斗。丹徒县一千三百三十二石六斗六升三合，丹阳县四千六百六十八石五升八合，金坛县四百七十一石七斗六合。

江淮财赋府二千一百七十五石六斗九升八合二勺。丹徒县一千七百九十八石六斗二升三合二勺，丹阳县一百九十八石七升五合，金坛县一百七十九石。

小麦

一万二千二百七十二石六斗七升三合四勺二撮。录事司三石三斗三升四合九勺二撮，丹徒县四千九百二十六石六斗二升五勺，丹阳县六千二百三十六石四升四合，金坛县一千一百六石六斗七升七合。

有司六千五百九十八石五斗三升四合四勺二撮，抵斗折米。录事司二石五斗三升四合九勺二撮，丹徒县一千九十六石三斗三升一合五勺，丹阳县四千七百四石八斗九升，金坛县七百九十四石七斗七升八合。

江淮财赋府五千六百七十四石一斗三升九合。录事司八斗，丹徒县三千八百三十石二斗八升九合，丹阳县一千五百三十一石一斗五升四合，金坛县三百一十一石八斗九升九合。

《祥符图经》：

绢，二千六百四十二匹。丹徒县八百九十九匹，丹阳县四百九十三匹，金坛县七百八十五匹，延陵县五百匹。

罗，一千匹。丹徒县三百八十七匹，丹阳县三百三十五匹，延陵县二百七十四匹。

丝，二千七十九两。金坛县九百八十一两，延陵县一千九十八两。

绸，一千四百三十九匹。丹徒县二百一十四匹，丹阳县一百六十三匹，金坛县九百六匹，延陵县一百六十五匹。

绵，六万三千三百五十六两。丹徒县一万八千二百一十七两，丹阳县二万四百七十二两，金坛县一万六千五百六两，延陵县八千一百六十一两。

钱，一千六百一十贯。

丹徒县五百三贯，丹阳县一百八十贯，金坛县五百二十三贯，延陵县四百四贯。

大、小麦各七千一百二十二石。丹徒县各一千七百七十九石，丹阳县各二千二百五十九石，金坛县各二千二百六十二石，延陵县各八百二十二石。

盐钱，八千一百一贯。丹徒县一千五百八十九贯，丹阳县二千四百八十六贯，金坛县二千九百贯，延陵县一千一百二十四贯。

盐绢，三千五百五十四匹。丹徒县九百五十一匹，丹阳县一千五十六匹，金坛县

一千八十七匹，延陵县四百六十四。

盐脚钱，一十七贯七百。

丹徒县四贯七百，丹阳县五贯三百，金坛县三贯九百，延陵县三贯二百。

《嘉定志》：

绢八千一百四十四匹。丹徒县二千一百八十四(开禧三年，蠲放丁绢八百三十四，实催一千三百五十四)，丹阳县二千一百九十九匹，金坛县四千五百九十五匹。

罗一千四十三匹。丹徒县四百三十六匹，丹阳县五百六匹，金坛县一百一匹。

绵六万八千一百五十五两。丹徒县二万二千六百五十三两，丹阳县二万三千四百三十九两，金坛县二万二千六十三两。

丝一万五千三百六十一两。

丹徒县五千二百四十九两，丹阳县四千二十三两，金坛县六千八十九两。

盐脚钱一万三千八百二贯。

丹徒县二千五百九十八贯，丹阳县三千五百九十八贯，金坛县七千六百六贯。

大麦九千七百五十二石。丹徒县三千四百三十四石，丹阳县三千二百一石，金坛县三千一百一十七石。

小麦九千二百八十四石。丹徒县三千二百四十三石，丹阳县三千三十四石，金坛县三千七石。

租钱二十三贯。丹徒县一十三贯，丹阳县一十贯。

麻皮二千九十二斤。并丹徒县。

《成淳志》：

宝祐四年五月，修明版籍：三县绢及和买绢一万三千九百三十一匹二丈二尺八寸五厘四毫，折罗钱七万六千五百六十九贯二百一文；丝五千七百九十四两七钱五分六厘；绵三万四千九百三十五两一钱六分八厘八毫；大麦九千四百七十九石三斗四升九合二勺四抄，本色麦四千二百五十二石五斗四合，折麦钱五千二百五十二石五斗四合；小麦八千七百八十六石二斗六升九合九勺二抄七撮，本色麦三千七百五十八石一斗六升七合五勺三抄，折麦钱五千二十八石一斗二合五勺九抄七撮。景定四

年二月，回买三县公田一十六万八千二百二十八亩二十七步半，并拘没丁府隐寄田地九千三百四十一亩一步，计销豁税绢和买绢一千二百七十三匹一丈八分六厘，折罗钱二千八百三十一贯五百八十六文五分八厘，丝四两七钱四分七厘，绵五千四百九十两六钱六分四厘。

税绢和买绢一万二千六百六十四匹五丈一尺七寸三分七厘。丹徒县三千六百三十四匹五尺五寸一分六厘，丹阳县四千一百一十五匹三丈三尺五寸三分三厘，金坛县四千九百一十五匹一丈二尺六寸九分。

折罗钱七万三千六百二十六贯一百七十文八分三厘。丹徒县二万九百七十九贯三百六十五文，丹阳县二万七千八百五十八贯八百五文八分三厘，金坛县二万四千七百八十八贯。

丝五千七百九十两五分五厘。丹徒县二千二百九十四两三分四厘，丹阳县一千二百七十一两八钱二分一厘，金坛县二千二百二十四两二钱。

绵二万九千四百四十三两四钱二分四厘八毫。丹徒县一万一千三百二十二两三分二厘八毫，丹阳县一万一千一百六十三两三分三厘，金坛县六千九百五十八两二钱五分九厘。

大麦九千四百七十石八斗八升八合二勺四抄五撮，本色四千二百五十二石五斗四勺，丹徒县一千九百五十七石九斗五升五合七勺，丹徒县一千四百七十石八斗二升九合二勺，金坛县八百二十三石七斗一升五合五勺。折钱五千二百一十八石三斗七合八勺四抄三撮。丹徒县一千二百七十八石六斗九合一勺三抄，丹阳县一千七百六十石三斗八合九勺一抄三撮，金坛县二千一百八十八石二斗八勺。

小麦八千七百九十三石六斗三合一勺二抄，本色三千七百五十八石一斗七升三合八勺三抄，丹徒县一千五百七十八石六斗四升一合三勺三抄，丹阳县一千三百五十五石八斗一升七合，金坛县八百二十三石七斗一升五合五勺。折钱五千三十五石四斗二升九合二勺九抄。丹徒县一千三百五十六石四斗二合二勺，丹阳县一千六百九十石八斗七升九合六勺九抄七撮，金坛县二千八十石八斗一升四合一勺。

以上并系文思院斗尺。

秋 租

粳 米

一十四万六千二百五十石九斗二升八合四勺。录事司八石四斗六升，丹徒县二万五千二百一十七石九斗二升六合二勺，丹阳县五万五千八百八十二石七斗六升八勺，金坛县六万五千一百四十二石二斗七合六勺。

有司一十二万二千四百八十九石七斗七升，正一十一万七千一百五十石二斗七升五合，耗五千三百三十九石四斗九升五合。录事司八石四斗六升，正七石九斗九升七合，耗四斗六升三合。丹徒县二万三千九百五十三石二斗五升一合，正二万二千九百六石六斗五升九合，耗一千四十六石五斗九升二合。丹阳县四万六千六百七十一石九斗三升六合，正四万四千四百三十一石二斗一升九合，耗二千二百四十石七斗一升七合。金坛县五万一千八百五十六石一斗二升三合，正四万九千八百四石四斗，耗二千五十一石七斗二升三合。

江淮财赋府二万三千四百二十九石二斗八升五合四勺。丹徒县一千二百六十四石六斗九升九合，丹阳县九千二百一十石八斗四合八勺，金坛县一万二千九百五十三石七斗六升一合六勺。

江浙财赋府三百三十二石四斗二升三合。并金坛县。

白粳米

五千一百九十七石六斗，正四千八百七十六石二斗，耗三百二十一石三斗，并有司。丹徒县九百八十石二斗四升八合，正九百一十六石一斗二升，耗六十四石一斗二升八合。丹阳县二千五十六石六斗五升二合，正一千九百二十二石一斗五合，耗一百三十四石五斗四升七合。金坛县二千一百六十石六斗，正二千三十七石九斗七升五合，耗一百二十二石六斗二升五合。

粳米

二万七千八百六十五石二斗四升六合二勺，并江淮财赋府。录事司九斗五升七合，丹徒县二万五千九百三十四石四斗九升九合二勺，丹阳县一千九百二十九石七斗九升。

糯米

一千五百一十石七斗四升五合，并江淮财赋府。
丹阳县一十石七斗四升五合，金坛县一千五百石。

白糯米

七百四十九石，正七百石，耗四十九石，并有司。丹徒县一百七十四石五斗一升七合，正一百六十三石一斗，耗一十一石四斗一升七合。丹阳县三百三十九石七斗二升五合，正三百一十七石五斗，耗二十二石二斗二升五合。金坛县二百三十四石七斗五升八合，正二百一十九石四斗，耗一十五石三斗五升八合。

香糯米

九千四百三十三石六升，正九千石，耗四百三十三石六升，并有司。丹徒县八百七十九石一斗三合，正八百四十石五斗六升一合，耗三十八石五斗四升二合。丹阳县一千九百九石三斗九升三合，正一千八百二十二石八斗六升八合，耗八十六石五斗二升五合。金坛县六千六百四十四石五斗六升四合，正六千三百三十六石五斗七升一合，耗三百七石九斗九升三合。

带收常州路香糯米一千七十石，正一千石，耗七十石。粳稻三十三石二斗二升。并江淮财赋府。并丹阳县。

黄 豆

六百一十三石四斗三合，并江淮财赋府。录事司八斗，丹徒县三百七十六石四斗七升五勺，丹阳县二百三十三石四斗八升三合，金坛县二石六斗五升。

钞 中统

一万六千六百一贯四钱一分。录事司一千七十九贯三钱二分，丹徒县一万一千六百四十二贯九分九厘，丹阳县三千三百一十三贯四钱六分六厘，金坛县二十六贯五钱二分五厘。

有司九十四贯一钱四分。丹徒县五十一贯八钱三分，丹阳县四十二贯三钱一分。

江淮财赋府一万五千九百六十七贯二钱七分。录事司一千七十九贯三钱二分，丹徒县一万一千五百九十贯二钱六分九厘，丹阳县三千二百七十一贯一钱五分六厘，金坛县二十六贯五钱二分五厘。

以上税粮，并据至顺二年计拨之数以书。

《祥符图经》：

粳米五万二千二百七十三石。丹徒县二万一千六十八石，丹阳县一万六千六百一十四石，金坛县一万一千一百四十八石，延陵县四千三百四十二石。合四县之数以

较总数，余八百九十九石，未详。

糯米五千九百九十二石。

丹阳县二千一百九十九石，金坛县二千八百一十九石，延陵县九百七十四石。

大豆五千八百五十三石。

丹阳县二千二百五十五石，金坛县二千六百八十石，延陵县九百一十八石。

盐米二万四百九十六石。丹徒县六千五百六十七石，丹阳县六千六百四十二石，金坛县五千三百二石，延陵县一千九百七十四石。合四县之数较总数，欠一十一石。

芦五万一千六百六十领。丹徒县一万七千四百四十领，丹阳县一万八千三百一十一领，金坛县一万三千一百六十领，延陵县四千四百三十领。合四县之数较总数，余一千九百八十一领。

税布五千三十八匹。丹徒县一千三百七十四匹，丹阳县一千六百九十四匹，金坛县一千八十三匹，延陵县一千八十七匹。

折料布一千一百一十三匹，并丹徒县。

《嘉定志》：

粳米一十万九千六十六石。丹徒县三万七百九十七石，丹阳县四万四千二十二石，金坛县三万四千二百四十七石。

糯米六千五百七十七石。

丹徒县三百八十石，丹阳县二千五百九十七石，金坛县三千六百石。

豆六千二百七十石。

丹徒县三百五十九石，丹阳县二千五百二十七石，金坛县三千三百八十四石。

布六千八百五十三匹。元额八千九百一十五匹，开禧三年蠲放丁布二千六十一匹，实催丹徒县一千二百六十四匹，丹阳县一千一百四十二匹，金坛县四千四百四十六匹。

七万五千六十领。丹徒县二万二千六百三十八领，丹阳县三万四千四百八十领，金坛县一万七千九百四十一领。

白水滩租钱一百一十六贯。 丹徒县一百八贯，丹阳县七贯。

《咸淳志》：

宝祐四年五月，修明版籍：三县粳米九万九千三百六十八石二斗八升七合七抄六撮，糯米六千三百九十一石八斗四升二合六勺八抄三撮，布豆钱三万二千八百八十八贯三百七十文七分八厘。 景定四年二月，回买公田，并拘没丁府隐寄田地，计销豁三县粳米七千七十八石二斗四合一勺，糯米七百一十六石四斗六合六勺，布豆钱三千二百二十五贯九百三十五文九分三厘。

粳米九万二千二百九十石八升三合七抄六撮。 丹徒县二万四千三百七十三石一斗九升八合四勺八抄，丹阳县三万九千六百五十三石八斗，金坛县二万八千二百六十三石五合一勺。

糯米五千六百七十五石四斗三升六合八抄三撮。 丹徒县三百二十六石八斗二升一合一抄，丹阳县二千三百七十四石三合二勺九抄三撮，金坛县二千九百三十八石六斗一升一合七勺九抄。

布、豆、钱二万九千四百八十三贯四百三十三文五分五厘。 丹徒县三千九百九十七贯三百三十三文，丹阳县一万五千三百六十四贯四百六十八文。

公田租米一十三万四千六百五十八石七斗九升六合九勺。 丹徒县二万九百一十六石八斗五升八合三勺，丹阳县四万一千二百四石九斗四升四合六勺，金坛县七万二千五百三十六石九斗九升四合。

以上并系文思院斗尺。 每一斗五升，准今一斗；每一尺五寸，准今一尺。

租钱月办钞中统三百八十一贯五钱九分八厘五毫。 录事司三百一十七贯一钱八分三毫，丹徒县三十三两七分，丹阳县二十五贯一钱二分一厘七毫，金坛县六贯二钱二分六厘五毫。

房钱五十五贯九钱一分九厘。

录事司四十八贯三钱一分，丹徒县四贯九钱五分，金坛县二贯六分五厘九毫。

地钱三百二十五贯六钱七分九厘五毫。 录事司二百六十八贯八钱七分三毫，丹徒县二十八贯一钱二分，丹阳县二十五贯一钱二分一厘七毫，金坛县三贯五钱六分七厘五毫。

皮货岁额貉皮一千八百二十八张。 录事司一百二十二张，丹徒县一千二十八张，

丹阳县三百八十九张半，金坛县二百八十八张半。

包银岁额八十八两，准钞中统二千二百贯，计户四十四，录事司银五十六两四钱，准钞一千四百一十贯，计户二十九。丹徒县银二两，准钞五十贯，计户一。丹阳县二十一两六钱，准钞五百四十贯，计户十。金坛县银八两，准钞二百贯，计户四。并回回人户。

土贡

旧贡

衫罗、水纹、鱼口、绣叶花纹等绫，火麻布，杂药，竹根，黄粟，伏牛山铜器，鲟鮓。以上见唐《地理志》及《元和郡县图志》。方纹绫、水波绫、岁贡十匹，圣节二十匹。罗、岁贡十匹，圣节三百匹；大礼年份添造五十匹。绵绢、圣节三百匹。银。大礼五百两，圣节三百两。以上见宋《寰宇记》及嘉定、咸淳两志。互见常赋造作类。

今贡

水蛭、二斤，录事司、丹徒、丹阳、金坛三县各半斤。舍利别、四十瓶，前本路副达鲁花赤马薛里吉备葡萄、木瓜、香橙等物煎造，官给船马入贡。金坛醋。五十瓶，至顺二年为始，官支中统钞一百贯收买，赴集庆路转贡。

课程

商课

岁额钞中统。一十九万七百五十六贯二钱，税课一十八万八千六百八十贯一钱九分九厘。在城务六万五千六百四十五贯五钱九厘，谏壁务二万七千三百九贯七钱五分，丁角务一万一千九百七十二贯六钱九分，丹阳县二万八千六十五贯，吕城务一万九百七十九贯七钱五分，金坛县四万四千七百七贯

五钱。

竹木课

二千七十六贯一厘。至元二十四年，宣课提举司立抽分场恢办，当年并入两浙盐运

司，二十八年始隶有司，岁办中统钞一十一錠一十两八钱一分。大德三年，以课钞数少，并入在城税务，从实恢办。泰定元年定例，以延祐七年办到课钞为额，计上数。

《嘉定志》：

熙宁中税钱三万八千余缗。在城二万五千余缗，诸县镇一万三千余缗。

嘉定中税钱二十万六千二百九十八贯。

都商税务七万四千九百四十九贯，江口务一十三万一千三百四十九贯。

《咸淳志》：

都税务每岁约计三十三万六千贯。都税系以五年内一般月份所收最高钱数逐月比较，多寡不定。如景定四年，总计解府二十万四千三百三十八贯六百六十文，分隶诸司在内。今退减后，无此数矣。江口务旧例月以四万贯为额比较，除本府分隶诸司外，余尽解府。若月内海舟到岸，所收之钱亦多。若无海舟，止是一色杂税，本府合得七分；每月若收二万八千贯，计三十三万六千贯。船场二所俱废，惟盐官一员，管收本税，月解本府。

盐退引，岁额一万四千七百六十六引二百九十三斤一十四两七钱六分，计食盐户一十万四千三百六十七，口五十五万八千二十七。每口日食盐四钱一分八厘重。录事司盐一千四百三十九引三百三十斤八两四钱八分，户一万二千九百六十三，口六万一千二百二十六。丹徒县盐四千四百二十引四十五斤一十五两，户二万九千四百九十，口一十八万七千九百九十。丹阳县盐四千四百七十引三百七十九斤八两九钱六分，户二万九千二百二十九，口一十二万一百五十二。金坛县盐四千四百三十五引三百三十七斤一十四两三钱二分，户三万二千六百八十五，口一十八万八千六百五十有九。

酒醋课，岁额钞中统三十九万八十四贯六厘。录事司五万八千八百四十九贯八钱一分二厘，丹徒县八万七千一百九十贯六钱六分六厘，丹阳县一十一万五千二百二十六贯七钱一分四厘，金坛县一十二万八千八百一十六贯八钱一分四厘。

酒课三十七万六千一百八十九贯五钱四分。录事司五万七千一百四十一贯三钱，丹徒县八万四千一百四十七贯九钱四分五厘，丹阳县一十万九千六百四十贯三钱七分八厘，金坛县一十二万五千二百五十九贯九钱七分七厘。

醋课一万三千八百九十四贯四钱六分五厘。录事司一千七百八贯五钱一分二厘，丹徒县三千四十二贯七钱二分，丹阳县五千五百八十六贯三钱三分六厘，金坛县三千五百五十六贯八钱九分七厘。

《嘉定志》：

熙宁中酒课六万六千余贯。 在城及诸邑共此数。

嘉定中酒课七万四千七百一十一贯。 东都酒务租额，钱三万一千二十一贯，户部酒库九千三百六十一贯，西比较务三万四千三百二十九贯。

宋元嘉二十一年正月，南徐禁酒。

元嘉二十一年正月，南徐、南豫州、扬州、浙江西并禁酒。

齐永明十一年，朱方权断酒。 永明十一年五月，诏

曰：水旱成灾，谷价伤弊，朱方姑熟，可权断酒。 唐元和十四年，停榷酤。

唐李德裕刺润兼浙西观察，奏李锜任观察曰：职兼盐铁，百姓除随贯出榷酒钱外，更置官酤，两重纳榷。薛苹任观察，又奏置榷酒。元和十四年七月，诏停榷酤。

茶课岁额钞 中统一千七百一十九贯九钱。 录事司二百贯，丹徒县一百贯，丹阳县一百二十五贯，金坛县一百二十五贯，丹阳批验局一千一百六十七贯零九钱。

唐贞元中，立税茶法。 贞元九年，户部侍郎张滂奏立税茶法，自后裴延龄专判度支与盐铁，益殊途而理矣。十年，润州刺史王纬代之，理于朱方。数年而李锜代之。

盐院津堰，改张侵剥，不知纪极。私路小堰，厚敛行人，多自锜始。大中中，罢收茶商榻地钱并经过税。 大中六年正月，盐铁转运使裴休奏：诸道节度观察使收茶商榻地钱，并税经过商人，颇乖法理，请厘革横税。商旅既安，课利自厚。其年四月，浙西观察使奏军用困竭，乞且依旧税茶。敕旨裴休条疏茶法，事极精详，制置之。初理须划一。并宜准今年正月，敕旨处分。

鱼课岁额钞 中统七百九十三贯。 并出丹阳县练湖， 入江淮财赋府。

造 作

段 匹

岁额五千九百一匹。

织染局三千五百六十一匹，生帛局一千八百三十匹，丹徒县五百一十匹。

纴丝一千九百四。 织染局独造。

暗花一千一百六十七。 枯竹褐四百一，秆草褐二百三十，明绿一百五十九，鸦青一百五十九，驼褐一百八十六，白三十二。

素七百三十七。 枯竹褐二百五十五，秆草褐一百四十八，明绿九十九，鸦青九十九，驼褐一百一十八，白一十八。

丝绸三千九百九十七。

织染局一千六百五十七，生帛局一千八百三十，丹徒县五百一十。

胸背花三百三十一。织染局独造，枯竹褐一百五十九，秆草褐一十五，明绿三十一，鸦青六十六，驼褐三十，橡子竹褐三十。

斜文三千六百六十六。织染局枯竹褐六百三十六，秆草褐六十三，明绿一百二十三，鸦青六百六十四，驼褐一百二十，橡子竹褐一百二十。生帛局枯竹褐四百七十七，秆草褐三百五十一，明绿二百一十一，鸦青四百二十二，驼褐一百八十五，橡子竹褐一百八十五。丹徒县枯竹褐一百二十五，秆草褐一百，明绿七十五，鸦青八十，驼褐六十五，橡子竹褐六十五。

江南归附之初，置织染提举司，设两局以集造作。丹徒民三百余家，始以妇人、女子织纱得名，局家例以匠役之。由是不靖于乡，省台分官抚恤，然后还定。民复诣阙以诉，愿世为邑民奉公上。寻罢提举司，并隶本郡。近年以来，两局工多匠少，而丹徒之民又以非匠户，无既稟之给，每告病焉。

《嘉定志》：

绫十匹。岁贡。罗三百一十匹。岁贡十匹，圣节三百匹。绢三百匹。岁贡。

《咸淳志》：

绫二十匹。圣节。

罗三百五十匹。圣节三百匹。大礼年份，添造五十匹。

军器

岁额，水牛皮甲七十六。

黑漆、红漆、绿油、黄油，各一十九副，紫真皮盔甲袋全。角弓四百五十，并羊肝漆。箭二万一千二百，并羊肝漆。

丝弦八百，弓箛前籐革带各二十二，手刀八十五，枪头四十。并杂造局。

《嘉定志》：

都作院造军器。

《咸淳志》：

甲仗库受军器。皆无岁额。

历 本

岁额大小一万八千二百二十二，
大本一万三千六百一十一，每本一贯；小本四千六百一十一，每本一钱。工墨钞中统。一万四千七十二贯一钱。录事司历大本一千五百九十八，小本七百五十四，钞一千六百七十三贯四钱。丹徒县历大本三千一百六十二，小本九百五十一，钞三千二百五十七贯一钱。丹阳县历大本四千一百四十八，小本一千二百五十七，钞四千二百七十三贯七钱。金坛县历大本四千七百三，小本一千六百四十有九，钞四千八百六十有七贯九钱。

钞 本

岁额 中统。七十二万五千贯，每贯折除三分，倒换民间冥钞。
工墨钞二万二千五百贯。

孳 息

馆驿祇待息钱：各处馆驿，使客饮膳，祇待惟艰。延祐己未，官降钞本，令有司规划以助其费。然润当孔道，所用浩繁，民尤以为病也。本钞中统。四万贯，每贯月息三分。年息一万四千四百贯。录事司本六千五百三十九贯，息二千三百五十四贯四分，入在城水站。丹阳县本一万三千八十二贯，息四千七百九贯五钱二分，入在城马站。丹阳县本五千九百九贯，息一千七百六十七贯二钱四分，入本县水站；又本六千三百八十二贯，息二千二百九十七贯五钱二分，入本县马站。金坛县本四千一百七十九贯五钱，息一千五百四贯六钱二分，入吕城水站；又本四千九百八贯五钱，息一千七百一十七贯零六分，亦入吕城马站。

惠民药局息钱：

大德间，各路置立惠民药局，仍降官钱，权子本为修制药饵之费。本钞中统。二万五千贯，每贯月息三分。年息九千贯。并录事司。

宽 赋

至元十三年二月，免鱼、菱等税。节文：所在州郡，山林河泊出产，除巨木、花果外，虾、鱼、菱、芡、柴薪等物，权免征税，许令贫民从便采取，货卖赈济。十二月，免繁冗科差。

节文：残宋诸名项繁冗科差，圣节上供总制钱等百余项，都休要者。
十五年，量减公田岁课二分。节文：浙西所有公田，可权依旧例，召佃客耕种，合得岁课，十分中量减二分，听从各人自行量概，两平收受。仍令有司选廉干官以主之。十九年十月，定商税三十分取一。节文：诸色课程，已有定额，有司差人恢办，增者迁赏，亏者赔偿黜降。已定有法，不许诸人添答扑买。已扑买者，截日罢去，商税三十分取一，毋得多取。二十年十月，减免租税三分。节文：江淮百姓生受，至元二十年合征租税，以十分为率，减免三分。二十二年二月，免收醋课。节文：诸处村社农民食醋者，有数在前，有司与城市一体收课。今后听从各处农民造醋食用，官司并免收课。三十一年六月，特免夏税一年。
节文：江淮以南，至元三十一年夏税特免二年；已纳到官者，准充下年数。

大德元年，倚免江南新科夏税。

节文：江南新科夏税，今年尽行倚免；已纳在官者，准算来岁夏税。

三年正月，量免夏税三分。节文：比年水旱疾疫，百姓多被其殃。已尝蠲复赈贷，尚虑恩泽未周，其大德三年江南等处夏税，以十分为率，量免三分。

四年十一月，免租税一分。

节文：大德五年江南租税，普免一分。五年八月，除风水灾重，差发税粮。节文：各路风水灾重去处，今岁差发税粮，并行除免。贫乏缺食人民之家，计口赈济；乏绝尤甚者，另加优给；其余灾伤，亦仰官省视存恤。

九年二月，均免官田租税二分。节文：大德九年，江淮以南诸处，佃种官田租税均免二分；其在前年份，百姓拖欠差务课程，并行蠲免。

十一年五月，免夏税五分，秋粮三分。

节文：江南路分今年夏税免五分，秋粮免三分；已纳到官者，准作下年数。

至大元年，免赈济户差税。节文：江南江北水旱饥荒去处，已曾遣使分头赈恤；去岁今春曾经赈济人户，至大元年差发夏税，并行蠲免。

二年三月，免被灾百姓夏税。

节文：被灾曾经赈济百姓，至大二年，腹里差税，江淮夏税，并行蠲免。

四年正月，夏税免三分。节文：至大四年，江南夏税，与免三分。

延祐二年十一月，夏税免三分，经理自实租税，免三年。节文：延祐三年江淮夏税十分中减免三分。又节文：河南、江浙、江西三省经理自实出隐漏官民田土，合该租税，自延祐三年为始，与免三年。四年闰正月，普免夏税三分。节文：延祐四年江淮夏税普免三分。七年三月，免夏税三分。

节文：恤灾拯民，国有令典，延祐七年江淮夏税，并免三分。

至治二年十一月，免官田租二分。

节文：各处佃种官田，租额颇重，其至治二年各纳之数，十分为率，与免二分。

泰定二年正月，革包银。 节文：江淮迤南创科包银，病民为甚，今后并行革拨。

天历元年九月，免夏税三分。

节文：天历元年，江淮夏税免三分；已纳到官者，准作下年之数。

免 赋

夏 税

丝

二千七百四十五斤九钱二分九厘。 并有司。录事司一斤一十二两八钱八分五厘，丹徒县八百二十斤一十二两六钱二分三厘，丹阳县一千一十五斤一十三两二分八厘，金坛县九百六斤一十两三钱九分三厘。

镇南王位下二十一斤一十六两二钱。

丹阳县一十七斤一十一两六钱，金坛县四斤四两六钱。儒学，六钱一分。

并丹徒县。

僧寺二百九十斤五两二钱一厘。 录事司一斤一十二两八钱八分五厘，丹徒县九十二斤三两一钱二分九厘，丹阳县九十三斤二两八钱三分八厘，金坛县一百三斤二两三钱四分九厘。

道观九十二斤八两六分六厘。 丹徒县一十三斤一十四两三钱三分二厘，丹阳县三十五斤三两六钱三分三厘，金坛县四十三斤六两一钱一厘。

站户二千二百七十五斤七两四钱七分六厘。 丹徒县六百九十七斤一十三两六钱九分二厘，丹阳县八百二十一斤一十二两四钱四分一厘，金坛县七百五十五斤一十三两三钱四分三厘。

递铺一十四斤四两八钱八分。 并丹徒县。

普庆寺五十斤六两四钱九分六厘。 丹徒县二斤七两九钱八分，丹阳县四十七斤一十四两五钱一分六厘。至顺三年，仍旧纳官，详见田土门。

绵

六百四十二斤二两四钱六分七厘。 并有司。录事司三分四厘，丹徒县二百三斤九两一钱四分九厘，丹阳县二百九十六斤五两八钱一分，金坛县一百四十二斤三两四

钱七分四厘。

镇南王位下七斤六钱一分。并丹徒县。

僧寺九十九斤一十一两三钱一分九厘。录事司三分四厘，丹徒县三十九斤一钱九分，丹阳县三十三斤一十两七钱二分六厘，金坛县二十七斤三钱八分九厘。

道观二十五斤二两四钱四分七厘。丹徒县六斤二两四钱五分五厘，丹阳县一十一斤一两九钱六分二厘，金坛县七斤一十四两三分。

站户四百八十一斤一十五两一钱六分六厘。丹徒县一百五十四斤一十三两一钱四分四厘，丹阳县二百一十九斤一十二两九钱六分七厘，金坛县一百七斤五两五分五厘。

递铺三斤五两三钱六分。并丹徒县。

普庆寺二十四斤一十五两五钱六分五厘。
丹徒县四两二分，丹阳县二十四斤一十一两五钱四分五厘。同前。

小 麦

一百八十二石九斗一合。并江淮财赋府、丹徒县。

职田二十石。并丹徒县。

大司徒阿你哥一百六十二石九斗一合。并丹徒县。

秋 租

粳 米

二万六百四十一石九斗七升七合。有司二万六百一十六石一斗一升七合，江淮财赋府二十五石八斗，录事司九斗七升六合，丹徒县七千三百三十三石四斗一升，丹阳县九千四十五石四斗九升八合，金坛县四千二百六十二石三升三合。

镇南王位下一百三十九石四斗八升二合。
有司。丹阳县一百二十六石三斗七合，金坛县一十三石一斗七升五合。

儒学二十六石八斗六升三合。

有司。丹徒县二十一石一斗八升八合，金坛县五石六斗七升五合。

僧寺二千四百二十五石七斗七升四合。有司。录事司九斗七升六合，丹徒县一千四百五十一石一斗七升五合，丹阳县六百一十五石二斗六升四合，金坛县三百五十八石三斗七升九合。

道观五百四十一石九斗五升六合。有司。丹徒县一百四石八斗六升八合，丹阳县二百三十九石六斗七升一合，金坛县一百九十七石四斗一升七合。

站户一万六千八百六十六石五斗三升三合。有司。丹徒县五千五百一十八石一斗八升五合，丹阳县七千六百六十石九斗六升一合，金坛县三千六百八十七石三斗八升七合。

递铺二百一十五石七斗八升二合。有司。丹徒县一百二十四石八斗四合，丹阳县九十一石六斗九升八合。

普庆寺三百九十九石七斗七合。

有司。丹徒县八十八石一斗一升，丹阳县三百一十一石五斗九升七合。同前。

职田二十五石八斗。江淮财赋府、丹徒县。

糯米

一千四百六十二石七斗二升八合。并有司。丹徒县一百三石五斗八升，丹阳县六百七十八石八斗五升六合，金坛县六百八十石二斗九升二合。

镇南王位下九石六斗五升四合。丹阳县八石四斗七合，金坛县一石六斗七合。

僧寺一百三石四斗七升六合。

丹徒县二石二斗九升二合，丹阳县三十六石九斗七合，金坛县六十五石八升三合。

道观三十八石二斗三升五合。

丹徒县二斗三升七合，丹阳县一十六石九斗三升，金坛县二十一石六升八合。

站户一千二百八十二石八斗三升七合。丹徒县一百一石五升一合，丹阳县五百八十九石二斗五升六合，金坛县五百九十二石五斗三升。

递铺四石一斗六升四合。丹阳县。

普庆寺二十四石三斗六升二合。 丹阳县，同前。

粳 米

三百一十四石六斗二升六合。

并江淮财赋府。丹徒县二百六十四石九斗九升，丹阳县四十九石六斗三升六合。

职田二十一石三斗。 丹徒县。

大司徒阿你哥二百九十三石三二斗升六合。

丹徒县二百四十三石一斗九升，丹阳县四十九石六斗三升六合。

钞 中统

大司徒阿你哥芦课四十三贯八钱五分。 并江淮财赋府、丹阳县。

苏州府田赋考

唐

武德七年，移新州却复旧址，升为望，管县七，乡一百九十四，户一十四万三
一本作二千二 一本作三

百六十一，两税、茶盐酒等钱六十九万二千八百八十五贯七十六文：

吴县，九万九 一本作七 千九百六十三贯七十三 一本无三字 文。

长洲县，九万八千五百七十六贯五百七十六文。

嘉兴县，一十七万八千七十六贯一百二十文。

昆山县，一十万九千五百三贯七百三十八文。

常熟县，九万七百五十贯七百七十四 一本无四字 文。

华亭县，七万二千一百八十二贯四百三十一文。

海盐县，四万六千五百八十一贯五十八文。

续添：

吴江县，三万六千二百六十九贯一百文。使司割隶酱菜钱，一十万七千七百二十贯二百四一本作三十六一本作八

文。留苏州军事、酱菜、衣粮等钱，一十七万八千三百四十九贯九十八文。

一本作九百二文。团练使军资等，三十一本无十字万六一本作七

千八百三十贯文，送纳一本无纳字上都。

宋

宋初尽削钱氏白配之目，遣右补阙王永高象先，各乘递马，均定税数，只作中、下两等：中田一亩，夏税钱四文四分，秋米八升；下田一亩，钱三文三分，米七升四合。《姑苏志》。《乾隆志》云：《中吴纪闻》：初，钱氏国除，而田税尚仍其旧，亩税三斗，浙人苦之。太宗乃遣王贇为转运使，均两浙杂税。贇悉令亩税一斗，浙人至今便之。与《姑苏志》互异，《姑苏志》盖本淳祐初鲍廉《琴川志》。

祥符初，夏税丁身盐钱一万六千二百五十二贯九百四十六文，绢五万四千四百八十七匹二丈有奇，绸二千七百一十四匹四尺五寸七分，绵四千四百七十七屯五两八钱，白粳米三十一万三千七百六十九石二斗七升五合二勺五抄。

《卢志》引《祥符图经》。

元丰三年，岁输帛八万匹，纡二万五千两，苗三十四万九千斛，免役钱八万五千缗皆有奇。《图经续记》。

政和六年，立管干圩岸围岸官法，平江府修围田二千余顷。《宋史》

绍兴二年，工部侍郎李擢言，平江府东南有逃田，湖浸相连，塍岸久废，岁失四万三千余斛，乞招诱流民疏导耕垦。从之。《宋史》

十二年，左司员外郎李椿年言经界不正十害，且言平江岁入昔七十万斛有奇，今按籍虽三十万斛，然实入才二十万耳，望考按核实自平江始。乃以椿年为两浙路转运使，措置经界。《宋史》

淳熙十一年，苗三十四万三千二百五十六石六斗九升六合四勺五抄，夏税折帛钱四十三万九千三百五十六贯四百五十八文，上供诸色钱一百二十三万一千二百八贯九百文。《吴郡志》

宝祐初，苗额二十八万八千六百二十一石五斗七升五合四勺，内除坍江事故及钱零下户拖欠者，实计二十五万三千有奇。

五年，增为三十万三千八百八十石。

八十石，乾隆、道光志并夺十字，据《卢志》补。

景定元年，郡守程元凤以事故之数具奏免征，人赖以苏。自后岁实征税管三十五万六千五百五十六贯四百九十二文，关字苗米二十八万三千九百五十一石三升六合二勺五抄。又续管二万三千三百七十石六斗六升七合三勺九抄五撮，赡军米九千四百七十三石六斗九升四合五勺，及楼店务地岁约五万四千二百六十贯五百三十文。以上《卢志》。

宋之田有曰公田，为充淮军食。充淮，《姑苏志》作充进，康熙、乾隆、道光三志作充进。并误，今据《卢志》正。

每亩起租，上自一石五斗，下至七斗一升四合。曰围田，傍江湖水浅处民围为田。租四斗或三斗。曰沙田，民自经理江湖沙涨地为田。租三斗或二斗。曰成田，民垦耕草地为田。纳粮二斗。曰营田，民用工本耕种系官空闲田。租四斗或三斗、二斗。曰职田，给与文武官养廉地，民佃起租。上自八斗七升，下至六斗三合五勺。附录：宋咸平二年，复唐制，吏得职田供祭祀。六县通管六万六百八十八亩有奇，租一万八千二百七石有奇，知军府事八百六十一石有奇。通判军府事、添差通判军府事(七字据《卢志》增)金判、教授、节推、添差节推、察推、知录、司理、司法、司户、监粮料、监采纳仓、监都税务、监在城税务、监赡军酒库、监都酒务、监比较务、排岸司、巡辖司、总管路钤、添差路钤、路分钤辖、添差路分、东南第三正将临安府驻扎南一厢官、南二厢官、北一厢官、北二厢官、提举常平司提干、添差提举常平司提干、提举茶盐司提干、添差提举茶盐司提干、文臣支盐官、武臣支盐官、黄姚押袋官、江湾押袋官、黄姚盐场监官、监江湾盐场、监南跑盐场，各有差。知吴县事三百石，知长洲县事三百六十六石，知常熟县事六百八十五石，知昆山县事四百四十六石，知吴江县事三百八十九石各有奇。县丞、主簿、尉及巡塘官、巡检、监酒务、监税务以下各有差。元则平江路达鲁花赤总管各一员，每员田八顷，同知治中、治中、府判、推官、经历、知事、提控、案牘、照磨、承发、架阁、蒙古教授、两医学教授、录事、达鲁花赤录事、录判各有差。吴县、长洲二县达鲁花赤县尹，每员职田二顷，县丞、县尉、典史、巡检各有差。昆山、常熟、吴江、嘉定四州达鲁花赤知州，每员职田四顷，同知、州判、提控、案牘、都目各有差。海道都漕运万户府达鲁花赤、正万户、副万户、经历、知事、照磨、奏差、通事、驿史，镇抚千户达鲁花赤、正千户、副千户，止有禄米，无田。明初苏州卫、太仓卫指挥僉事，亦有拨赐田，岁收米一百六十石。今无。曰常平田，系断没入官者。

曰义役田，乡民出助保正差役者。曰社仓田，官买民田岁储备荒者。曰局官租田，曰养济局田，曰居养院田，养鳏寡孤独老幼残疾者。曰囚粮田，官发以充囚食。曰没官田，乃断没各项田土。科租高下有差，高者不逾一石五斗，下至二斗。卢、王《志》。合纂《道光志》云：《宋史·食货志》，绍兴七年七月，诏新复州军请佃官田，输租外免输正税。己田谓之税，佃田谓之租，旧不并纳，刘豫尝并取之，至是乃从旧

法。云云。是税与租原有分别也。以上所载，每亩起租若干，正是公田之租，非秋粮之税可见。又《姑苏志》所引《宋史》，淳化中田制为三品，膏沃而无水旱为上品，沃壤而有水旱之患、塉瘠而无水旱之虞为中品，瘠复患水旱者为下品。上百亩，中百五十亩，下二百亩，只计百亩，十收其三。云云。此是至道二年太常博士陈靖所奏，收复逃民浮客给授田土之制，后亦未竟施行。惟绍兴三年十月，募佃江东闲田，三等定租，上田亩输米一斗五升，中田一斗，下田七升，可略见公田官租之制。

元

元至元十九年，用姚元之请，命江南税粮依宋旧例，折输绵绢杂物。是年，又用耿左丞言，令输米三之一，余并入钞以折焉。以七百万锭为率，其输米者止用宋斗斛。盖以宋一石当今七斗也。《元史》

元贞二年，始定征江南夏税之制。于是秋税止命输租，夏税则输以木、绵、布、绢、丝、线等物。其所输之数，视粮以为差，粮一石或输钞三贯、二贯、一贯至一贯五百文、一贯七百元。《元史》

延祐四年，行经理之法，悉以上、中、下三等分则，计亩起科。夏税丝计二万二千四百九十五斤一十两五钱七分，秋租粮八十八万二千一百五十石九斗六合，轻赍二千二百四锭二十七两三分，柴八千三百二十束，官房地粮六十四石七斗七合，钞二百二十三锭一十一两三钱三分一厘。《卢志》

元时田用围法，二县四州，元元贞二年，常熟、吴江、昆山、嘉定并升为州。《卢志》原文不误，《乾隆志》改为二州四县，《道光志》仍之，非也。共计八千八百二十九围。吴县九百一十七围，长洲一千七百八十八围，常熟一千一百一十一围，吴江三千二百六十八围，昆山一千六百四十五围，嘉定一百围。《卢志》

明

明太祖定天下官民田赋，凡官田亩税五升三合，民田减二升，重租田八升五合五勺，没官田一斗二升。惟苏、松、嘉、湖，怒其为张士诚守，乃籍诸豪族及富民田以为官田，按私租簿为税额。而司农卿杨宪又以浙西地膏腴，增其赋，亩加二倍。故浙西官、民田，视他方倍蓰，亩税有二、三石者。大抵苏最重，嘉、湖次之，杭又次之。《明史·食货志》

洪武初，本府所辖六县及崇明新隶，共田土六万七千四百九十一顷一分八毫七丝八忽，内官田土二万九千九百六顷七亩六分六厘五毫七丝七忽，民田土二万九千九百四十五顷五十一亩六分九厘八毫二丝三忽，抄没田土一万六千六百三十八顷四十亩

七分四厘四毫七丝八忽。吴县田土四千三百八十三顷四十五亩二分六厘，内官田二千二百七十四顷三十九亩三分二厘八毫，民田一千四百六十八顷三十三亩六分一厘一毫，抄没原额田三十二顷二十三亩一分五厘八毫，今科田六百八顷四十九亩一分六厘三毫。长洲县田土一万一千一百三十八顷九十六亩三分二毫八丝，内官田五千三十九顷六十三亩六分九厘五毫，民田三千六百四十五顷四十五亩六分四厘，抄没原额田二百二十九顷八亩三分二毫，今科田二千二百二十四顷七十八亩六分四厘一毫八丝。吴江县田土一万一千二百五十三顷七十六亩八分四厘二毫四丝八忽，内官田四千五百九顷七十亩三分三厘九毫八丝，民田五千三百七顷五亩九分五厘，抄没原额田五百一十二顷七十三亩九分六厘七毫，今科田九百二十四顷三十六亩五分八厘五毫六丝八忽。昆山县田土一万二千五百四十一顷四十三亩七分六毫三丝，内官田六千八百七十八顷二十五亩七分二厘九毫，民田一千九百五十二顷二十二亩四分九厘，抄没田三千七百九顷九十五亩四分八厘七毫三丝。常熟县田土一万一千七百二十五顷二亩七分二厘九毫，内官田三千六百二十九顷三十九亩六分九厘九毫，民田三千七百五顷五十八亩一分九厘五毫，抄没田四千三百九十顷四亩八分四厘五毫。按以上《卢志》原文。其本府所辖田土及长洲、吴江二县所辖田土，总数与纲数皆不合，殆传写有误，未便臆改。

夏税：丝二十五万四千三百二两九钱三分三厘四毫八丝五忽。吴县三万二千三百五十二两九钱四分四毫六丝，长洲县六万一千五百四十六两七钱二分七厘二毫七丝，吴江县四万三千四百九十一两六钱六分九厘，常熟县四万二千七百五两九钱一分二厘二毫六丝五忽，昆山县二万七千九百二十两六钱八分八厘三毫九丝。

小麦正、耗五万一千八百一十六石二斗一合一勺七抄九圭二粟九粒六微。吴县三千二百三十一石三斗七升一合七勺二抄八撮六圭，长洲县一千八百九十石六斗七升九合一勺三抄，吴江县三千一十六石八斗二升一勺三抄，昆山县二万一千六百七十四石八斗六升五合九勺五抄三撮九圭，常熟县一万三百九十五石一斗七合九勺二抄九撮。豆正、耗一十七石五斗六合二勺七抄。昆山县编。

菜子正、耗二十七石四斗七升七合八勺。

昆山县一十五石四斗九升，常熟县一十九石九斗八升七合八抄。

粮糙粳米九十四石三斗二合六勺四抄六撮。吴县八十石二斗六合四勺五抄一撮，长洲县三斗四升二合一勺，昆山县二斗七升二合八勺五抄，常熟县六斗五合一勺。

钱钞一万九百八十五贯五百二十七文七分七厘七毫二丝四忽。吴县一千二百七十二贯五百五十三文四分六厘八毫，长洲县一千一百一十二贯四百九十九文一分九厘二毫六丝四忽，吴江县六百六十一贯一百二十一文八分二厘二毫，昆山县四百一十五贯一十六文六分一厘四毫六丝，常熟县一百七十四贯二百八十七文四厘。

秋粮：正、耗二百一十四万六千八百三十石五升六合二勺四抄七撮七圭五粟四粒四微。吴县一十四万四千二百五十八石一斗一升四合二勺五抄二撮二圭，长洲县三十九万九千九百四十五石三斗八升八合七勺五抄四撮三圭，吴江县三十五万七千八十二石四斗八升六合三抄七撮一圭，昆山县五十一万四千二百六十石九斗六升三合

八勺七抄五撮四圭，常熟县三十四万九百九十九石四斗四升七合八勺八撮。

以上《卢志》。《乾隆志》云：嘉定、崇明二县田地税粮，今以分属太仓州，不录，故细数与总数不符。今从之，后仿此。按《卢志》夏税复有大麦一项，秋粮复有黄豆、花椒二项，均系崇明县编，《乾隆志》仍录入总数。《道光志》但载大麦一项，黄豆、花椒二项附见于注。今俱不录。

十三年，命户部裁苏、松、嘉、湖四府税额：亩科七斗五升至四斗四升者，减十之二；四斗三升至三斗六升者，俱止征三斗五升；其以下仍旧。

前志引《续文献通考》作七年，今据《明史·食货志》。

建文二年，诏曰：江浙赋独重，而苏、松准私租起科，特以惩一时之顽民，岂可为定则，重困一方？宜悉与减免，亩不得过一斗。

成祖尽革建文之政，浙西之赋复重。《明史·食货志》

宣德五年，二月，诏旧额官田租亩一斗至四斗者各减十之二，四斗一升至一石以上者减十之三，著为令。宣宗即位，广西布政使周幹巡视苏、常、嘉、湖诸府，还，言：民多逃亡，询之耆老，皆云重赋所致。如吴江、昆山民田租，旧亩五升，小民佃种富民田亩，输私租一石，后因事故入官，辄如私租例尽取之。十分取八，民犹不堪，况尽取乎？请将没官田及公侯还官田租，视彼处官田起科，亩税六斗。帝命部议行之，及是减租之诏下。于是江南巡抚周忱与苏州知府况钟，曲计减苏粮七十余万石，他府以为差，而民力稍舒。《明史·食货志》

七年，敕谕：但系官田塘地税粮，不分古额、近额，悉依五年恩例纳粮，永为定制。凡宋、元官田，谓之古额。《姑苏志》

八年，巡抚侍郎周忱奏定加耗、折征例。《康熙志》。《乾隆志》云：先是，秋粮有正有耗。官田之耗重，民田之耗轻；或豪右之耗轻，小民之耗重，甚苦不均。忱创为平米法，铸造铁斛，官、民田划一，加耗合正耗曰平米。初，年正米一石，加耗米七斗，计输将远近之费为支拨，其余存贮县仓，曰余米。次年余米多，正米一石减加耗为六斗。又次年余米益多，减加耗为五斗。最后令县各立仓贮余米，曰济农仓，赈贷之外，凡坡塘堰圩之役，计口给食，于是取之，纲运遭风亡失者，皆得借给。折征者，北京文武职官月俸，皆持帖于南京户部支领。当米贱时，俸帖七、八石止易银一两。忱因请检重额官田与贫下户，两税皆得折纳金花银。金花银一两一钱，准平米四石六斗或四石四斗，每两加车脚鞘匭银八厘，解运京库，折支京官俸银。又棉布一匹，折价三钱，亦准米一石。

正统元年，令苏、松、浙江等处官田准民田起科：粮四斗一升至二石以上者，减作三斗；二斗一升以上至四斗者，减作二斗；一斗一升至二斗者，减作一斗。《明

史·食货志》。《江南通志》引《明通纪》云：是年苏、松减秋粮八十余万石，他府有差。

四年，准直隶苏、松等府，凡官、民田地有因水坍涨去处，令所在有司逐一丈量，涨出多余者，给与附近小民承种，照民田则例起科；坍没无田者，悉与开豁税粮。
《续文献通考》

十年，令应天、苏、松等府州，该征草束内折色豆，量为存留本处备用；其本色起运户部交纳者，每束折银三分。此即条鞭内马草之项。苏州府马草五十三万八千四百一十四包六斤八两七钱零。《江南通志》

弘治十年，置太仓州，析昆山、常熟、嘉定三县地益之。《明史·地理志》

十六年，巡抚都御史魏绅、苏州知府林世远，详定实征册。《康熙志》

是年，本府一州七县，实征官、民、抄没田地山荡等项，共九万四千七百八十五顷有奇；官田、抄没等项，六万五千三顷有奇；民田等项，三万四千六百九十七顷有奇。吴县官田地等项，三千六百三十六顷有奇；民田地等项，三千四百七十顷有奇。长洲县官田地等项，九千七百六十顷；民田地等项三千七百九十二顷有奇；学田一十四顷有奇。昆山县官田地等项，九千九百二十六顷有奇；民田地等项，二千二百二十二顷有奇。常熟县官田地等项，八千四百四十二顷；民田地等项，八千一十二顷有奇。吴江县官田地等项，八千七百一十九顷；民田地等项，四千二百三十八顷有奇。

夏税，丝三十二万八千四百六十两有奇。吴县三万五千两，长洲县九万九十两，昆山县三万四千五百两，常熟县六万三千五十两，吴江县四万五千三百两各有奇。

麦五万三千六百六十四石有奇。吴县三千四百石，长洲县一千八百石，昆山县一千二百石，常熟县三千八百石各有奇。

钞二万一千九百六十三贯七百七十二文。各县分数未详。

秋粮，正米二百三万八千六百四十石，连耗共米三百五万六千一十四石各有奇。

吴县四十三万四百石，长洲县四十一万七千七百石，吴江县四十万三千三百四十石，昆山县二十八万九千八百石，常熟县二十九万八千一百石各有奇。

洪武初，官田重额，止于七斗三升，而今民间乃有一石三斗、一石六斗或二石者，盖莫知其所始，岂所谓抄没官田者乎？固非定则也。且洪武中正、耗不过二百十四万石，然犹屡下宽贷之诏。永乐以来，漕运愈远，加耗滋多，乃至三百万石。宣庙深悯斯民之困，特下诏捐减官田重额，知府况钟又累疏奏减七十余万石，吴民赖以稍苏。然民间重额，今犹未尽除，岂当时有司不能奉行之过邪？

以上《姑苏志》。按《续文献通考》载，弘治年间，苏州府官田九万七千七百八十六顷三十五亩三分六厘三毫，民田五万七千四百六十三顷六十二亩四分六厘三毫。夏税麦五万三千六百六十三石九斗一升一合二勺八抄五撮，丝、绵折绢六百九十七匹三丈三尺五〇七分，钞三千二百六十七锭七百一十五文九分，农桑丝折绢一百六十七匹二丈一尺六寸一分六厘。秋粮米二百三万八千三百二十三石一斗五升一合七勺。与《姑苏志》不符，姑存以备考。

嘉靖三年，岁征本色米一百四十二万八千九百五十二石有奇，折色银四十四万七千九百九十八两。内折粮、折麦银共一十九万五千一百五十三两零。每银一两，折米四石，麦折亦如之。又有阔白布一十九万匹，每匹折米一石。《经赋考议》云：宣德间周文襄公《苏郡拖圩图册》，今不可得见。嘉靖初，郡守胡纘宗著《田赋考》，条目有八：一原额，一原坐，一岁征，一岁科，一岁办，一每岁不时加派数略，一验派征粮法，一验拨运粮法。盖即文襄遗法。故列其岁征，以存旧典。以上《康熙志》。

十四年，诏改折南京漕粮。《江南通志》引《明政统宗》。

十六年，实在田、地、山、荡等项八万六千三百九十七顷三十七亩有奇，平米二百八十万九千七百三十石零。《康熙志》

十七年，清出弊隐田二千八百三十九顷有奇。吴县田地等项，原额四千九百五十三顷有奇，今清出一十一顷有奇。长洲县田地等项，原额一万二千四百八十六顷有奇，今清出五百一十二顷有奇。昆山县田地等项，原额一万一千五百二十五顷有奇，今清出二十四顷有奇。常熟县田地等项，原额一万四千八百二十一顷有奇，今清出三百七十六顷有奇。吴江县田地等项，原额一万一千八百七十七顷有奇，今清出二十一顷有奇。《康熙志》

十八年，大学士顾鼎臣言：苏、松等府供输甲天下，而里胥豪右蠹弊特甚，宜将欺隐及坍荒田土，一一检核改正。巡抚欧阳铎与知府王仪尽括官、民田裒益之，履亩清丈，定为等则。《康熙志》云：长洲县三则最重者三斗七升五合，吴县二则最重者三斗四升四合，昆山县三则最重者三斗三升五合，吴江县三则最重者三斗六升六合，常熟县四则最重者三斗二升，太仓、嘉定不录。盖尽苏郡起存岁用等。又桑株地亩，例征丝、绢、马草等项，俱摊粮征派，不复另款输纳。总计二百四十七万四千二百二十三石有奇，计正米二百三万有奇，外耗米四十四万四千二百余石，以备地方公用。后之主计者，以苏州有派剩余米，尽移而归之官，遂以耗作正，相沿至今，累不胜数。所造《经赋册》以八事定税粮：曰元额稽始，本府官、民田地若干亩，征米若干石，征麦若干石。曰事故除虚，除公占田地若干亩，不纳米钞荡若干亩。曰分项别异，官田地五斗以上不起耗田若干亩，一斗以下、四斗以上加耗田若干亩，民田地加耗田若干亩，坍荒折银田

地若干亩，元勘板荒田地若干亩，告勘纳银积荒草荡若干亩，白水荡若干亩，免垦免税田若干亩，夏税科麦不科粮田地若干亩，新涨河涂若干亩，坍江坍湖积荒草荡若干亩，告垦免税荡若干亩。曰归总正实，额征平米若干石，除纳银平米若干石，该本色米若干石，折色银若干两，练兵银若干两。曰坐派起运，户部坐派本色米若干石，折色银若干两，马草若干束，小麦若干石，丝、绢若干匹，料价若干两。曰运余拨存，

起运秋粮外，该存留本色若干石，支派某项折色若干两。曰存余考积，存留本、折二色，派余正数及削并畸零，谓之羨余，俱存贮备用。

曰征一定额。凡金花白银，粗细布价，一例均摊，各衙门正耗白银外，加春办等项，省去头绪，止作本色粮米、折色白银两项派征。又以八事考里甲：曰丁田，曰庆贺，曰祭祀，曰乡饮，曰科贺，曰恤政，曰公费，曰备用。以三事定均徭：曰银差，曰力差，曰马差。著为定例。自是民间输纳，止入本、折二色。里甲及均徭应纳官者，并入折色征之。《明史》，参《康熙志》。

二十五年，总理粮储工部尚书李充嗣奏免内府新添小火者食粮，苏、松、常、嘉、湖五府，并节年派南京酒醋局等衙门共一十三万七千余石。《康熙志》

三十三年，加编练兵银六万九千四百八十六两四钱一分一毫，吴县四千四百一十一两八钱一厘六毫，长洲县一万二千八百八十五两五分三厘六毫，昆山县一万三千六十九两九钱七分二厘一毫，常熟县一万一千一百三十九两四钱七分三毫，吴江县一万二千二百九十二两六钱一分三厘七毫。通计旧额、新增，共编练兵银八万三千六百三十一两八钱八分四厘九毫八丝九忽。《康熙志》

三十六年，加征工部四司工料银二万三千三百四十六两有奇。《康熙志》

隆庆九年，户部复应天抚臣林润奏：苏、松诸郡，正、杂混征，名曰平米。其中如马役料价义役，原非户部加增；如轻赍脚米户口盐钞，亦非粮额之正数。宜令逐项清查旧额，所增之数，造册送部，以凭裁减。至于两京各衙门俸米改折之议，请将南京各衙门月粮及嘉靖四十年以前积欠京储，尽行改折，每石七钱。在北者量折十分之二，每石一两。若米贵，仍复本色。允行。《江南通志》

万历十七年，巡抚周继、知府石昆详定《经赋册》，实在田地山荡涂等项，共九万五千七百七十顷七十五亩有奇，平米二百五十一万一千三百二十五石有奇。吴县实在田地山荡七千一百四十一顷二十九亩零，平米三十五万八千二百九十六石零。长洲县除西宁侯禄田，实在田地山荡一万三千二百五十九顷一亩零，平米四十五万四千三十九石零。昆山县实在田地山荡一万一千六百八十九顷二十九亩零，平米三十六万九千五百四十四石零。常熟县实在田地山荡一万七千五百四十三顷二十一亩零，平米四十一万八千三百四十五石零。吴江县实在田地一万五千六百七(乾隆、道光志作一，误，今正)十九顷一十亩零，平米四十三万八千九百五十八石零。《康熙

志》

二十二年，加编兵饷银每亩三厘。《康熙志》

四十六年，骤增辽饷三百万。时内帑充积，靳不肯发，户部尚书李汝华乃援征倭播例，亩加三厘五毫，明年复加三厘五毫，明年复加二厘，通前后九厘，遂为岁额。

《明史》。《江南通志》云：此即额内地亩银之项。按《康熙志》：万历四十八年加边饷银每亩五厘五毫，注云：户部三厘五毫，兵、工二部各一厘，并原派三厘五毫，谓之九厘地亩银。与《明史》小异。

四十八年，即泰昌元年，实在科粮，官民田地、山荡、涂滩、淞池潭等项，共一十万八百六十四顷三亩八分一厘一毫。吴县实在官民田地、山荡七千一百四十八顷八十九亩五分，内除帖免钦葬等项山田地二顷三十五亩六分四厘五毫，该不等豁米六十三石八斗三升六勺外，实征田地、山荡七千一百四十六顷五十三亩八分六厘一毫。长洲县实在田地、山荡一万三千二百六十二顷一十六亩六分一厘五毫，内听本县初知县官置上二十五都九图官役田五十一亩七厘五毫外，实征官民田地、山荡一万三千二百六十一顷六十五亩五分四厘。昆山县田地、山荡一万一千七百一十四顷九十九亩七分五厘七毫。常熟县实在田地、滩荡沙共一万七千六百一十五顷五十四亩一分九厘六毫。吴江县实在田地荡一万三千二十八顷七十二亩九分二厘六毫。

原额平米二百五十一万七千二百七十石有奇，内除优免、拨赐、坍销、减免，及卫所、居冢、通行扣出外，实熟平米二百四十二万八千石三斗九升一合五勺七抄。

吴县额征平米一十五万七千一百九十三石二斗三升九合。长洲县额征平米四十五万四千三十九石九升八合八勺。吴江县额征平米四十三万八千五十九石四斗三勺，内除清查减免，又荒田米不派本色止折银缓征外，实熟平米四十二万四千八十三石二斗八升四合九勺。常熟县额征平米四十一万八千三百四十五石三斗四升五合二勺，内除坍江、板荒，又高明沙荒米不派本色兵役止折银缓征外，实熟平米四十万九千九百九十九石八斗四升四合九勺。昆山县额征平米三十六万九千五百四十四石一斗七升二合六勺，内除无处荒粮不派本色止折银缓征外，实熟平米三十六万一千七百四十四石四斗六升五合六勺。内验派本色米一百六万一千六百三十四石有奇。又太、镇二卫居冢田粮米一千九十二石有奇，共一百六万二千七百二十六石有奇，折色银六十四万七千八百六十三两有奇。又荒粮折银一万八千六百七十七两有奇，共六十六万六千五百四十一两有奇。《乾隆志》

天启元年，加边饷银买米，随漕带解，存折色解部。《道光志》

四年，加派辽粮，每正改兑米一石，加征米一斗五升；又加征米一石，耗米一斗五升。《昆新合志》

六年，长洲知县张茂梧详请立便民碑记。

崇祯元年，加编因粮输饷银。

九年，加编因粮输饷银。

十年，改编因粮输饷为均粮并溢地银，加入条编均输。

以上《长洲县志》。

十二年，加带辽粮米八升。

是年，兵部尚书杨嗣昌督师剿寇，加编练饷银，每亩一分。

十三年，又于八升外加派加一五耗米。

是年，免征均粮溢地剿饷。

十四年，诏漕运米改兑麦折三分征折，令运粮官于淮北买麦抵解。

以上《道光志》。

《康熙志》云：是年(崇祯十四年)大旱、蝗，米值腾踊，饥殍盈路，石米至三两，故有宽恤之令，改折三分，每征粮一石，连耗四斗，共折银一两二钱。

十五年，诏免苏、松等府加派练饷银。 《松江府志》

明镇江府赋役考

万历十七年，巡抚李公《经赋册》，凡通府田粮数、税粮增减缘由、税粮增改后的数、田粮科则、本折款目、三县本折款目总数诸目。

通府田粮数

实在田地山塘荡芦地岸埂草泥，共三百五十四万七千四百六十五亩八分七厘□毫，额征夏麦五万四千九百五十八石七斗二升八合六勺五抄，秋粮平米二十万八千三百九十五石九斗六升五勺一抄四撮四圭八粟。

计开：丹徒县实在山沙田地荒白地芦埤地山塘荡滩，共一百二十四万四千二百四十六亩五分八厘三毫，额征夏麦三万二千二百一十四石五斗四升四合□勺，秋粮平米九万三千四百三十六石七斗六升一合六勺九抄八撮四圭八粟。丹阳县实在田地山塘

荡滩共一百二十六万五千七百五十九亩五分七厘七毫，额征夏麦一万二千八百八十八石二斗五升三勺，秋粮平米五万二千一百八石四斗六升七合五勺。金坛县实在田地山塘荡共一百三万七千四百五十九亩七分一厘六毫，额征夏麦九千八百五十五石九斗三升三合八勺五抄，秋粮平米六万二千八百五十石七斗三升一合三勺一抄六撮。

税粮增减缘由

夏税应减之数：减羨余银一厘三毫九丝八忽四微二纤。

此系验法尽派所减之数。

秋粮本色应减之数：一、减南粮水兑正米三千五百九石九升四合八勺。查得十四年起运本色，今十六年改征折银，故本色内谓之。然此乃本、折不常，当听部坐派为准，如遇本色，照旧派征。

一、减耗米一千三百五十二石一升三合九勺□抄九撮五圭二粟。

此因十六年南粮改征折银，故减派；如遇起运本色，则耗米仍派征也。

一、减存留米二百七石四斗五升。

金坛官吏俸给并恤孤等米，足岁用之数外，此系余米，相应减派。

以上共减米五千六十八石五斗五升八合七勺五抄九撮五圭二粟。

秋粮折色应增之数：一、增南粮水兑正米三千五百九石九升四合八勺，奉文每石折银五钱，该银一千七百五十四两五钱四分七厘四毫。又扛解银十一两五分四厘五毫六丝八忽八微。查得十四年起运本色，十六年改征折银，本色内既已减派，故折色内有是增也。如遇起运本色，则折色内仍当减除。以上共增银一千七百七十五两六钱一厘九毫六丝八忽八微。

以本、折增减之数，通融计算，除相抵外，实减米一千五百五十九石四斗六升三合九勺五抄九撮五圭二粟，余银二钱一分七厘七毫七丝。

税粮增改后的数

通府夏麦，原数见前。各县折银不同。计该一万三千四百三十八两六钱八分三厘六毫五丝五忽，系尽合用算派，比旧减去羨余银一厘三毫九丝八忽四微二纤。秋粮平米，原数见前。内除金坛县崇禧宫米五十四石九斗二合五勺，每石折银三钱，该银一十六两四钱七分七毫五丝，听该县入折银内作数外，实该本折平米二十万八千三百四十一石五升八合一抄四撮四圭八粟，今减额外带派平米一千三百五十二石一升三合九勺五抄九撮五圭二粟。

计开：

丹徒县夏麦，原数见前。每石原折银二钱一分五厘四毫四丝七忽，今每石减银一纤四沙五尘七埃，该银六千九百四十两五钱二分六厘五毫，计减羨余银四毫六丝八忽九微。秋粮平米，原数见前。免征耗米一千四十七石六升八合三勺二抄四撮五圭二粟，今每石减平米一升一合八抄九圭八粟四颗三粒。每平米一石，验派本色米七斗一升三合八勺一抄八撮四圭三颗，起运、存留、加耗、船脚、岁用俱在内。折色银一钱四分三厘九丝七微九纤八沙五尘。

起运、存留、楞木、席板、轻赍、扛解、岁用俱在内。计本色旧时派米七万四十七石二斗八升八合九抄六撮四圭九粟，今派米六万六千六百九十六石八斗八升，比旧减米三千三百五十石四斗八合九抄六撮四圭九粟。盖十四年派有边粮并南粮复征本色，今十六年未派边粮、南粮改折之故也。折色旧时派银一万二千二百一十八两二钱七分九毫六丝三忽二微五纤五沙，今派银一万三千三百六十九两九钱四分八毫四丝八忽二微四纤，比旧增银一千一百五十一两六钱六分九厘八毫八丝五忽九微八纤五沙。因南粮改折致增之数，除相抵外，以本、折通融计算，减平米一千四十七石六升八合三勺二抄四撮五圭二粟。

丹阳县夏麦，原数见前。每石折银二钱八分七毫三丝六忽四微，今每石减银三纤五沙，该银三千六百一十八两二钱五毫四丝，计减银四毫五丝一忽五微二纤。秋粮平米，原数见前。免派耗米三百四石九斗四十五合六勺三抄五撮，今每石减米五合八勺五抄二撮二圭。每平米一石，验派本色米七斗三合八勺三抄五撮三圭八粟一颗五粒，起运、存留、加耗、船脚、岁用俱在内。

折色银一钱四分四厘一毫三丝二微一纤二沙。

起运、存留、楞木、席板、轻赍、扛解、岁用俱在内。计本色旧时派米三万八千六百四十石二斗六升八合八勺四抄五撮，今派米三万六千六百七十五石七斗八升三合一勺，比旧减米一千九百六十四石四斗八升五合七勺四抄五撮。盖十四年派有边粮并南粮复征本色，今十六年未派边粮、南粮改折之故也。折色旧时平米，派银六千八百八十六两五钱七分二厘一毫四丝五忽，并另征徐赵等府马草银八十三两七钱三厘七毫。今连马草派银七千五百九十四两一钱八厘一毫六丝一忽二微六纤，比旧增银六百二十三两八钱三分三厘三毫一丝六忽二微六纤。因南粮改折致增，除相抵外，以本、折通融计算，共减平米三百四石九斗四升五合六勺三抄五撮。

金坛县夏麦，原数见前。每石原折银二钱九分二厘二毫五忽四微，今每石减银五纤六尘，该银二千八百七十九两九钱五分六厘六毫一丝五忽，计减羨余银四毫七丝八忽。秋粮平米，原数见前。除崇禧宫米五十四石九斗二合五勺，每石折银三钱，该银一十六两四钱七分七毫五丝，实该平米六万二千七百九十五石八斗二升八合八勺一抄六撮。每平米一石，验派本色米七斗六合二勺一撮二圭八粟九颗一粒。起运、存留、加耗、船脚、岁用俱在内。

折色银一钱四分五厘二毫四丝三忽一微二纤一沙。

起运、存留、楞木、席板、扛解、岁用俱在内。计本色旧时派米四万四千五百五十四石二斗六升□合五勺三撮二圭四粟，今派米四万四千三百四十六石四斗九升五

合二勺五抄七撮，比旧少米二百七石七斗七升三合二勺四抄六撮二圭四粟。减派恤孤等项余米之数，折色旧时平米派银□千一百二十两七钱八分□毫五丝六忽三微八纤，并另征徐府庄马草、崇禧宫米折共银四十二两八钱八分四厘七毫五丝。今□二项共银九千一百六十三两五钱四分六厘八毫九丝五忽七微二纤，比旧少羨余银一钱一分八厘一丝六微六纤，此系算法五钱死分六厘八豪九丝舞忽七微二纤，比旧少羨余银一钱一分八厘一丝六微六纤，此系算法不尽之数也。

田粮科则

丹徒县

每亩科夏麦五升一合六勺四抄一撮八圭八粟三颗，平米一斗六升二合七勺三抄一撮二圭二粟。沙潮田二十二万九百二十三亩四厘五毫；该麦一万一千四百八石八斗二合，该平米三万五千九百五十一石七升六合六勺。沙潮地三万六千九百一十九亩六厘，以一亩准沙田一亩科税粮。
该麦一千九百六石五斗六升九合七勺，该米六千七石八斗八升口合七勺。

每亩科夏麦二升五合八勺二抄九圭四粟一颗□粒，平米八升一合三勺六抄五撮六圭一粟。山田四十四万五千一十四亩八分五厘二毫，
该麦一万一千四百九十石七斗二合五勺，该米三万六千二百八石九斗四合九勺。
园市地一万一千七百七十六亩三厘九毫。
该麦三百四石六升□合四勺，该米九百十八石一斗六升四合六勺。
山地一十九万七千七百九十一亩八分二厘五毫，以一亩准山田一亩科夏麦，
该□□一百七石一斗七升一合四勺。以二亩准山田一亩科平米。
准该山田九万八千八百九十五亩九分一厘二毫五，
八千四十六石七斗二升六合二勺。
芦岸地一万四千一百八亩六分七厘，以一亩准山田一亩科税粮。
该麦六十口石二斗六升一合五勺，该平米一千一百五十四石一斗四升四合二勺。

每亩科夏麦八合六勺六撮九圭八粟五粒，平米□升七合一勺二抄一撮八圭□粟六颗六粒。荒田地二万二千一百三十四亩九分一厘一毫，以三亩准山田一亩。
该麦二百九十石五斗一升四合□勺，该米六百石三斗四升一合。

每亩科夏麦二合五勺八抄二撮九粟四颗一粒，平米八合一勺三抄六撮五圭六粟一颗。山一十□万三千八百六十二亩一厘，
该麦五百石五斗九合九勺，该米五百七十七石三斗七升。
塘荡一万二千六百六十亩□分三厘六毫，
该麦三十二石六斗九升二合八勺，该米一百三石一升九合七勺。
泥滩七万一千六百四十一亩三分四厘八毫。

该麦八十四石九斗八升四合七勺，该米五百八十二石九斗一升四合二勺。

每亩科夏麦五升一合六勺四抄一撮八圭八粟口颗，平米一斗六升二合七勺三抄一撮二圭二粟，纳粮不当差，沙田五千二百二十亩七分五厘。

该麦二百六十九石六斗九合五勺，该米八百四十九石五斗七升九合五勺。每亩科夏麦五升一合六勺四抄一撮八圭八粟三颗，平米□升一合三勺六抄五撮六圭一粟，纳粮不当差，□□田五千四百八亩四分八厘四毫。

该麦二百七十石三斗四合三勺，该米四百四十石六升四合六勺。

每亩科夏麦二升五合八勺二抄九圭四粟一颗口粒，平米八升一合三勺六抄五撮六圭一粟，纳粮不当差，山田六千七百八亩二分四厘。

该麦一百七十三石二斗一升三合三勺，该米五百四十五石八斗二升八勺。

丹阳县

每亩科夏麦一升一合口勺二抄五撮六圭，平米四升七合五勺七抄一撮。田地九十六万五千九百二十四亩七毫。该麦一万一千四百二十二石六斗三升九勺，该米四万五千九百四十九石九斗七升九勺。每亩科夏麦一升七勺五抄五圭四粟五颗五粒，平米四升三合二勺四抄六撮三圭六粟三颗六粒。田地五千九百九十三亩九厘五毫。

该麦六十四石四斗二升九合一勺，该米二百五十九石一斗七升九合六勺。

每亩科夏麦一升二勺八抄三撮一圭三粟，平米四升一合三勺六抄六撮八粟九颗一粒。田地三千七百四十四亩六分一厘六毫。

该麦三十八石五斗六合四勺，该米一百五十四石九斗一勺。

每亩科夏麦九合九抄六撮六圭一粟五颗，平米三升六合五勺九抄三撮七粟六颗六粒。田地六千七百四十四亩四分二厘四毫。

该麦六十一石三斗五升一合四勺，该米二百四十六石七斗九升九合二勺。

每亩科夏麦七合八勺八抄三撮七圭三粟三颗三粒，平米三升一合七勺二抄四撮。田地五万七千八百六亩五分一厘二毫。

该麦四百五十五石七斗三升一合一勺，该米一千八百三十三石二斗七升五合七勺。

金坛县

每亩科夏麦一升一合六勺一抄六撮，平米七升三合九勺一抄四撮。田六十七万八千五百四十三亩三分九厘二毫，该麦七千八百八十一石九斗六升四抄二撮，该米五万一百五十三石八斗五升六合二勺。草场上则田六十亩二分一厘二毫，该麦六斗九升九合四勺三抄，该米四石四斗五升五勺一抄。

荡田二万二千九百四十九亩六分。该麦二百六十六石五斗八升二合五勺，该米一千六百九十六石二斗九升六合七勺三抄。

每亩科夏麦九合六勺八抄，平米六升一合五勺九抄五撮。地九万七十八亩八分一厘八毫，该麦八百七十一石九斗六升二合九勺八抄，该米五千五百四十八石四斗四合九勺。草场中则田六百五十八亩七分一厘七毫。该麦六石三斗七升六合四勺一抄，该米四十石五斗口升三合八勺五抄八撮。

每亩科夏麦八合九勺三抄五撮四圭，平米五升六合八勺五抄七撮。草场下则田五百九十二亩四分九厘九毫。该麦五石口斗九升四合二勺三抄，该米二十口石六斗八升九合六勺。

每亩科夏麦七合二勺口抄，平米四升六合一勺九抄六撮二圭五粟。荒自山四万七千七百九十一亩四分三厘七毫。该麦三百四十六石九斗六升五合八勺六抄，该米二千二百七石七斗八升二合九勺。

每亩科夏麦四合八勺四抄，平米三升七勺九抄七撮五圭。建昌圩荒田五千八百七十三亩六分三厘五毫。该麦二十八石口斗二升八合四勺，该米一百八十石八斗九升三合二勺七抄四撮。

每亩科夏麦二合九勺八撮六圭八粟五颗，平米一升八合四勺七抄九撮。塘荡六万八千一百二十二亩六分三厘九毫。该麦一百九十八石一斗四升七合三勺三抄六撮，该米一千二百五十八石八斗三升八合四勺。

每亩科夏麦一升一合六勺一抄六撮，平米七升三合九勺一抄四撮。儒学书院、白龙庙纳粮不当差，田一千一亩二分六厘八毫。该麦一十一石六斗三升七勺二抄四撮，该米七十四石七合七勺二抄二撮。

每亩科夏麦一合九勺三抄七撮，平米一升二合三勺二抄。崇禧宫纳粮不当差，山四千四百五十六亩八分。该麦八石六斗三升二合八勺，该米五十四石九斗二合五勺。徐府纳粮不当差，田地五千八百二十七亩八分一厘七毫。额征夏麦一十三石三斗八升三合五勺，平米二百二十三石四斗六升三合二勺，自备马草银二十六两四钱一分四厘。

本折款目

夏税起运银，七千九百二十两五钱一分六厘九毫。淮安府仓折银麦，奉部札坐派正麦四千石。此项每石折银四钱，该银一千六百两。丹徒县正麦二千三百四十五石，

该银九百三十八两。丹阳县正麦九百三十七石八斗，该银三百七十五两一钱二分。金坛县正麦七百一十七石二斗，该银二百八十六两八钱八分。

凤阳府仓折银麦，奉部札坐派正麦九千九百五十五石。此项每石折银四钱，计该银三千九百八十二两。丹徒县正麦五千八百三十五石四斗五升七合五勺，该银二千三百三十四两一钱八分三厘。丹阳县正麦二千三百三十四石三斗七升五合四勺，该银九百三十三两七钱五分一毫六丝。金坛县正麦一千七百八十五石一斗六升七合一勺，该银七百一十四两六分六厘口毫四丝。

派剩解京象马房折银麦，奉部札坐派正麦三百九十五石。此项每石折银一两，计该银三百九十五两。丹徒县正麦二百三十一石五斗四升二合六勺，该银二百三十一两五钱四分二厘六毫。丹阳县正麦九十二石六斗二升四合五勺，该银九十二两六钱二分四厘五毫。金坛县正麦七十石八斗三升二合九勺，该银七十两八钱三分二厘九毫。

京库丝绵折绢，奉部札坐派绢二百五匹二丈八尺六寸二分七厘九毫。此项每匹价银七钱，该银一百四十四两一钱二分六厘三毫。丹徒县绢九十七匹一丈八尺三分九厘二毫，该银六十八两二钱九分四厘七毫。丹阳县绢八十八匹一尺六寸四分六厘四毫，该银六十一两六钱三分六厘。金坛县绢二十四匹八尺九寸四分二厘三毫，该银一十四两一钱九分五厘六毫。

京库农桑折绢，奉部札坐派绢一十三匹二丈七尺六寸三分。此项每匹价银七钱，计该银九两七钱四厘四毫。丹徒县绢四匹五尺二寸三分，该银二两九钱一分四厘四毫。丹阳县绢二匹二丈二尺四寸，该银一两八钱九分。金坛县绢七匹，该银四两九钱。

甲丁二库银朱等料，奉部札坐派银一千七百八十九两六钱八分六厘二毫。丹徒县该银七百一十五两八钱六分四厘四毫八丝，丹阳县该银五百三十六两九钱一分八毫六丝，金坛县该银五百三十六两九钱一分八毫八丝。

夏税岁用银六百四十八两五钱六分三厘一毫。

淮安府仓麦折：此项照嘉靖赋役，每两加脚价银三厘，计该银四两八钱。丹徒县正银九百三十八两，该脚价银二两八钱一分四厘。丹阳县正银三百七十五两一钱二分，该脚价银一两一钱二分五厘三毫六丝。金坛县正银二百八十六两八钱八分，该脚价银八钱六分六毫四丝。

凤阳府仓麦折：此项照嘉靖赋役，每两加脚价银三厘，计该银一十一两九钱四分六厘。丹徒县正银二千三百三十四两一钱八分三厘，该脚价银七两二厘五毫。丹阳县

正银九百三十三两七钱五分一毫六丝，该脚价银二两八钱一厘三毫。金坛县正银七百一十四两六分六厘八毫四丝，该脚价银二两一钱四分二厘二毫。

派剩解京象马房麦折：此项照万历九年题准事例，每两加扛解银一分四厘，计该银五两五钱三分。丹徒县正银二百三十一两五钱四分二厘六毫，该扛解银三两二钱四分一厘六毫。丹阳县正银九十二两六钱二分四厘五毫，该扛解银一两二钱九分六厘七毫。金坛县正银七十两八钱三分二厘九毫，该扛解银九钱九分一厘七毫。

京库丝绵折绢：此项照万历九年题准事例，每两加扛解银一分四厘，计该银二两一分七厘八毫。丹徒县正银六十八两二钱九分四厘七毫，该扛解银九钱五分六厘二毫。丹阳县正银六十一两六钱三分六厘，该扛解银八钱六分二厘九毫。金坛县正银一十四两一钱九分五厘六毫，该扛解银一钱九分八厘七毫。

京库农桑折绢：此项照万历九年题准事例，每两加扛解银一分四厘，计该银一钱三分五厘九毫。丹徒县正银二两九钱一分四厘四毫，该扛解银四分八厘。丹阳县正银一两八钱九分，该扛解银二分六厘五毫。金坛县正银四两九钱，该扛解银六分八厘六毫。

第四卷 历代盐法之沿革

上古

夙沙氏始煮海为盐。《世本》。山东旧志引《世本》曰：夙沙氏始煮海为盐。
注：夙沙，黄帝臣。

夏

海岱惟青州，海滨广斥，厥贡盐、。《书·禹贡》。两淮旧志《历代淮鹺考略·序》曰：九州接壤连圻，犬牙相错，今之通海，未尝无古青州之境。汉琅邪郡有海曲赣榆。琅邪今在山东，赣榆在江苏。东海郡亦有海曲，东海在山东，海曲今为海州。由斯以观，古今地形纷错，或离或合，莫能周悉。况海滨者，东海之滨；广斥者，延袤数百里，皆斥卤也。明不仅青州封内，实已括后世淮海之场，然则淮盐之原，当溯于此。

周

太宰以九贡致邦国之用，九曰物贡。《周礼》。郑玄《周礼注》曰：物贡鱼、盐。贾公彦疏曰：盐，青州所贡。马端临《文献通考》引东莱吕氏曰：三代之时，盐虽入贡，与民共之，未尝有禁法。自管仲相桓公，始兴盐，以夺民利，于是盐禁以兴。盐人掌盐之政令，以共百事之盐：祭祀，共其苦盐、散盐；宾客，共其形盐、散盐；王之膳馐，共其饴盐；后及世子亦如之。凡齐事鬻盐，以待戒令。《周礼》。此为盐官之始。

齐管子谓海王之国谨正盐，下令北海之众，无得聚庸而煮盐。《管子》。
晏子谓海之盐蜃，祈望守之。《晏子春秋》

秦

少府掌山海地泽之税，以给供养。《汉书·百官表》

盐铁之利，上十倍于古。《汉书·食货志》。如淳《汉书》注曰：秦卖盐铁贵，民受其害。

西汉

吴王濞煮海水为盐，以故无赋国用富饶。《史记·吴王濞传》。
彭城以东东海、吴广陵有海盐之饶。《史记·货殖列传》。

《江南通志》曰：吴王濞立国广陵，煮海水为盐，此两淮盐利之始。又曰：吴王濞开邗沟，自扬州茱萸湾，通海陵仓及如皋蟠溪，此运盐河之始。

元狩四年，以东郭咸阳孔仅为大农丞，领盐铁事。《资治通鉴》

元封元年，桑弘羊领大司农，尽干天下盐铁，郡国置均输盐铁官。
《汉书·食货志》

地节四年，诏减天下盐贾。《汉书·宣帝纪》

初元元年，诏江海陂湖园池属少府者，以假贫民，勿租赋。《玉海》

初元五年，罢盐铁官。

永光三年，复盐铁官。《汉书·元帝纪》

后 汉

郡国盐官，本属农司，中兴皆属郡县。《续汉书·百官志》

郡有盐官者，随事广狭，置令长及丞。《续汉书·百官志》

凡郡县出盐多者，置盐官，主盐税。《续汉书·百官志》本注

广陵郡盐渎，故属临淮。《续汉书·郡国志》。乐史《太平寰宇记》曰：淮南道楚州盐城县，本汉盐渎县，属临淮郡，有盐亭一百二十三所。县人以渔、盐为业，擅利巨海，能致饶沃。公私商运充实，四远舳舻往来，恒以千计。

建初六年，肃宗议复盐铁官。《玉海》

元和元年十二月，尚书张林上言，县官经用不足，宜自煮盐。《资治通鉴》

章和元年，马棱迁广陵太守，时谷贵民饥，奏罢盐官，以利百姓。
《后汉书·马棱传》

熹平元年，诏书除孙坚盐渎丞。《三国志·孙破虏传》

三 国

魏于广陵置司盐。《中十场总志》

吴有户曹尚书，总四方委输计算之任。《盐政志》

晋

江左初，省课第曹，置库曹。后复分曹，置外左库、内左库。《晋书·职官志》

南朝 宋

青州，泰始初淮北没虏，六年始治郁州。在海中，周回数百里，岛出白鹿，土有田畴鱼盐之利。《南齐书·州郡志》。《清一统志》
曰：东海故城，在海州东北海中，本赣榆县地，即古郁州也。

南朝 陈

天嘉二年十二月，太子中庶子虞荔、御史中丞孔奂以国用不足，奏立煮海盐赋，并榷酤之科。诏并施行。《陈书·世祖本记》

北 魏

武定中，右仆射崔暹奏请海沂煮盐，有利军国。文襄以问崔昂，昂曰：亦既官煮，须断人灶，官力虽多，不及人广。请准关市为灶税，私馆官给，彼此有宜。朝廷从之。《北史·崔挺传》

北 齐

武平六年，以军国资用不足，税关市、舟车、山泽、盐铁、店肆，轻重各有差。
《北齐书·后主纪》

后 周

文帝霸政之初，置掌盐之政令，一曰散盐，煮海以成之；二曰鹽盐，引池以化之；三曰形盐，掘地以出之；四曰饴盐，于戎以取之。凡鹽盐、形盐，每地为之禁；百姓取之，皆税焉。《隋书·食货志》

隋

司农寺统太仓等署，各置令一人；太仓又有盐仓督二人。《隋书·百官志》

隋初尚依周末之弊，盐池、盐井皆禁与百姓采用。至开皇三年，通盐池、盐井，与百姓共之，远近大悦。《隋书·食货志》

唐

天下有盐之国一百五，江南十二。《地理通释》

唐有盐池十八，井六百四十，皆隶度支。海州岁免租，为盐二万斛，以输司农；青、楚、海、沧、棣、杭、苏等州，以盐价市轻货以输司农。《唐书·食货志》

淮南道扬州广陵郡海陵有盐官。楚州淮阴郡盐城，本故汉盐渚县。武德七年，置盐城县，有盐亭百二十三。《唐书·地理志》

江南道苏州有盐官。《唐书·地理志》

开元以前，掌财赋事归尚书省，开元后权移他官。由是有盐铁使、度支盐铁转运使、常平铸钱盐铁使、水陆运盐铁租庸使，随事立名，沿革不一。
《旧唐书·食货志》

开元二年，江南少尹李杰充水陆转运使，转运使之名，自此始也。

十八年，拜宣州刺史裴耀卿为江淮转运使，以郑州刺史崔希逸、河南少尹萧旻为之副，转运之有副使，自此始也。《职官分纪》

肃宗即位，第五琦以钱谷得见，请于江淮置租庸使，吴盐、蜀麻、铜冶皆有税，市轻货繇江陵、襄阳、上津路转至凤翔。《唐书·食货志》

宝应元年，刘晏为盐铁使，自淮北列置巡院，搜择能吏以主之，广牢盆以来商贾。凡所制置，皆自晏始。《旧唐书·食货志》。盐铁使刘晏上盐法轻重之宜，以盐吏多则州县扰，出盐乡因旧监置吏，亭户桀商人，纵其所之。江、岭去盐远者，有常平盐，每商人不至，则减价以桀民，官收厚利而人不知贵。晏又以盐生霖潦则卤薄，曠旱则土溜坟，乃随时为令，遣吏晓导，倍于劝农。吴、越、扬、楚盐廩至数千，积盐二万余石。有涟水、湖州、越州、杭州四场，嘉兴、海陵、盐城、新亭、临平、兰亭、永嘉、大昌、侯官、富都十盐，岁得钱百余万缗，以当百余州之赋。自淮北置巡院十三，曰扬州、陈许、汴州、庐寿、白沙、淮西、甬桥、浙西、宋州、泗州、岭南、袁郛、郑滑，捕私盐者，奸盗为之衰息。然诸道加榷盐钱，商人舟所过有税。晏奏罢州县率税，禁堰埭邀以利者。晏之始至，盐利才四十万缗，至大历末，六百余万缗。天下之赋，盐利居半，宫闱服御、军饷官禄，皆仰给焉。
《唐书·食货志》

建中三年，增两税、盐榷钱，两税每贯增二百，盐每斗增一百。

《旧唐书·德宗本纪》

天宝、至德间，盐每斗十钱。乾元元年，第五琦为诸州榷盐铁使，斗加时价百钱而出之，为钱一百一十。《唐书·食货志》

贞元四年，淮南节度使陈少游奏加民赋，自此江淮盐每斗亦增二百，为钱三百一十。其后复增六十。江淮豪贾射利，或时倍之，官收不能过半，民始怨矣。

《唐书·食货志》

贞元十五年，以常州刺史李錡为润州刺史、浙西观察使及诸道盐铁转运使。

《旧唐书·德宗本纪》

顺宗时，始减江淮盐价，每斗为钱二百五十。其后盐铁使李錡奏江淮盐每斗减钱十以便民。未几复旧。《唐书·食货志》

长庆元年，三月，盐铁使王播奏，江淮盐估每斗加五十文，兼旧三百文。

《旧唐书·穆宗本纪》

开成初，卢商出为苏州刺史。郡人苦盐法太烦，奸吏侵渔，商至，籍见户量所要，自售无定额。苏人便之，岁课增倍。《旧唐书·卢商传》

开成二年，三月，盐铁使奏：得苏州刺史卢商状：分盐场三所隶属本州，原榷盐七万石，加至十三万石，倍收税额，直送价钱。《册府元龟》

五代

南唐李氏，跨据江淮三十余州，擅鱼盐之利。《宋史·南唐李氏世家》

南唐升元元年，置海陵盐监。《古今鹺略》

南唐于海陵东境置静海镇，周平淮南，改为通州。《元史·地理志》。周显德间，以职方员外郎边珣知通州。珣课鬻盐于狼山，岁增万余石。

《宋史·边珣传》。《清一统志》曰：通州设州置守，自珣始。

周显德五年，既取江北诸州，唐主奉表入贺，因白帝：因江南无鹵田，愿得海陵盐监以贍军。帝曰：海陵在江北，难以交居，当别有处分。乃诏岁支盐三十万斛以给江南，士卒稍稍归之。《文献通考》。五月，赐李景书曰：皇帝恭问江南国主，煮海盐之利，在彼海滨。属疆壤之初分，虑供食之有阙。江左诸军，素号繁饶，然于

川泽之间，旧无斥卤之地。曾承素旨，常在所怀，愿均收积之余，以助军旅之用。已下三司，逐年支拨供军食盐三十万石。《旧五代史·周史·世宗纪》

初，高季兴之镇梁，以五千兵为牙兵，衣食皆给于梁。至明宗时，岁给以盐三千石，后不复给。及世宗平淮，命泰州给之。

《五代史·南平世家》。按：高季兴于梁开平元年镇荆南，见《世家》。

宋

建隆二年，始定官盐阑入禁法。《文献通考》

楚州盐城有九盐场：泰州、如皋。开宝七年，以海陵监移治通州，监一，利丰，掌煎盐。太平兴国八年，移治于州西南四里。《宋史·地理志》

煮海为盐，在淮南曰楚州盐城监，岁煮四十一万七千余石，通州丰利监四十八万九千余石，泰州海陵监如皋仓小海场六十五万六千余石。各给本州及淮南之庐、和、舒、蕲、黄州、无为军，江南之江宁府，宣、洪、袁、吉、筠、江、池、太平、饶、信、歙、抚州，广德临江军，两浙之常、润、湖、睦州，荆湖之江陵府，安、复、潭、鼎、岳、鄂、衡、永州、汉阳军。海州板浦、惠泽、洛要三场，岁煮四十七万七千余石，涟水军海口场十一万五千余石，各给本州军及京东之徐州，淮南之光、泗、亳、寿州，两浙之杭、苏、湖、常、润州、江阴军。《宋史·食货志》。盐城监，古之盐亭也。历代海岸煎盐之所，有九场，在县南北五十里至三十里，俱临海岸，五佑、柴庄、南八游、北八游、丁溪、竹子、新兴、七惠、四海。利丰监，古之煎盐之所也，在通州城南三里，东至大海一百八十里，西至泰州陈堕港四十五里，南至大江口十里，北至通州三里。有八场，西亭、利丰、永兴、丰利、石港、利和、金沙、余庆，管亭户一千三百四十二，计一千六百九十四丁。每丁岁煎盐九十石，岁收一十五万余石。海陵监，煮盐之务也。唐开元初，置监于海陵。宋开宝间，移监于如皋。监境东、西一百九十里，南、北三百一十里。东至通州静海县界海岸，西至泰州兴化县界，南至泰兴县界并江岸，北至楚州盐城界。管煎盐亭户七百一十八，丁一千二百二十。所辖盐场八，南四场，北四场。《太平寰宇记》。天圣中，通、楚州场各七，泰州场八，海州场二，涟水军场一。岁煮视旧减六十九万七千五百四十余石，以给本路及江南东西、荆湖南北四路。旧并给两浙路，至天圣七年始罢。凡盐之入，置仓以受之，通、楚州各一，泰州三，以受三州盐。又置转般仓二，一于真州，以受通、泰、楚五仓盐；一于涟水军，以受海州、涟水盐。江南、荆湖岁漕米至淮南，受盐以归。《宋史·食货志》

乾德二年，诏江北许诸州民及诸监盐亭户，缘江采捕及过江贸易。先是，江北置樵场，禁商人渡江及百姓缘江樵采。是岁以江南荐饥，特弛其禁。

《宋史·南唐李氏世家》

太平兴国二年，令江南诸州盐通商处悉禁之。《宋史·太宗本纪》

雍熙元年五月，除江南盐禁。二年六月复禁盐。《宋史·太宗本纪》

端拱二年，置折中仓，听商人输粟京师，优其值，给江淮茶盐。《文献通考》

淳化三年，二月，命雷有终为江淮两浙制置茶盐使，张观、薛映副之。《玉海》

至道元年，七月，以杨允恭为都大发运制置茶盐使。《玉海》

至道三年，二月，敕江浙、淮南官卖盐。赴永丰、盐城监般，请其海陵监应副客人。《文献通考》。十一月，禁淮南通行盐税。《宋史·太宗本纪》。发运使杨允恭言，淮南十八州军，其九禁盐，余不禁，商人由海上贩盐，官倍数而取之，至禁盐地，则上下其价。今请悉禁，遣使主之。诏从之。是岁收利巨万。《玉海》

咸平二年，制置使王子舆言，江淮浙收钱三百九十万贯，比旧额增至五十万八千余贯。《玉海》

宋初，盐钞未行，真宗于建安军置盐仓，乃令真州发运。适李沆为发运使，运米转入其仓，空船回皆载盐，散入江浙诸路，各得盐资船运而民力宽。《文献通考》

大中祥符四年，十月，定江淮盐、酒价。有司虑失岁课，帝曰：苟便于民，何顾岁入也？《宋史·真宗本纪》

大中祥符五年，四月，除通、泰、楚州盐亭户积负丁额课盐。《宋史·真宗本纪》

天圣四年，八月，筑泰州捍海堰。《宋史·仁宗本纪》。泰州有捍海堰，延袤百五十里，久废不治，岁患海涛。时范仲淹监西溪盐仓，具书江淮制置发运副使张纶，奏请修筑。朝命胡令仪为转运副使，度可否。令仪力主仲淹议，堰卒成。西自盐城，北接山阳，南抵通、泰、海门，绵亘数百里。又置闸纳潮以通漕，海滨污卤之地皆为良田，民得奠居，立张范祠以祀之，继增祀令仪为三贤祠。称其堰为范公堤，不忘所始也。两淮旧志。《清一统志》曰：西溪镇在泰州东北一百六十里，为商贾辏杂之地。宋天圣中，范仲淹监西溪仓即此。

明道二年，参知政事王随请置折博务于扬州，使输钱及粟帛，计值予盐。

《文献通考》。参知政事王随建言：淮南盐初甚善，自通、泰、楚运至真州，自真州运至江浙、荆湖，纲吏舟卒侵盗贩鬻，杂以砂土，殆不可食，吏卒坐鞭笞徒配，而莫能止。比岁运河浅涸，漕挽不行，远州村民顿乏盐食。而淮南所积一千五百万石，无屋以贮，露积苦覆，岁以损耗，亭户盐本无给，贫因为盗。愿榷听通商三五

年，使商人入钱京师。置折博务于扬州，使输钱及粟帛，计值予盐。盐一石约售钱二千，则一千五百万石可得缗钱三千万，以资国用，一利也。江湖远近，皆食白盐，二利也。岁罢漕运糜费、风水覆溺，三利也。昔漕盐舟可移以漕米，四利也。商人入钱，可取以偿亭户，五利也。时范仲淹安抚江淮，亦以收通盐利为言。诏三司使、江淮制置使同议。谓听通商，恐私贩肆行，侵蚀县官，请敕制置司益漕船，运至诸路，使皆有二三年之蓄。复天禧元年制，听商人人钱粟京师，及淮浙、江南、荆湖州军易盐。在通、泰、楚、海、真、扬、涟水、高邮贸易者，勿得出城，余州听诣县镇，毋至乡村。其入钱京师者，增盐予之。并敕转运使经划本钱以偿亭户。诏皆施行。

景祐二年，诸路博易无利，遂罢，而入钱京师如故。《宋史·食货志》

康定元年，诏三司议通淮南盐给京东等八州。于是兖、郛、宿、亳皆食淮南盐。《宋史·食货志》

庆历初，制置司请量增江淮、两浙、荆湖六路榷盐钱，下三司议。三司奏，荆湖已尝增钱，余四路三十八州军请斤增二钱或四钱。《宋史·食货志》

治平中，李复圭、张刍、苏颂、韩缜等，相继请减淮南盐价，然卒不果行。《玉海》

熙宁中，江西提刑蔡挺兼提领盐事。《玉海》。江湖运盐杂恶，官估复高，百姓利食私盐。海民以鱼盐为业，功省利厚，盗贩者众，捕急则为盗贼。江西虔州，地连广南，福建汀州与虔接壤，二州民多盗贩广南盐以射利，州官榷盐税才及百万斤。先后遣职方员外郎黄炳、提点铸钱沈扶等核议，以虔州食淮南盐已久，不可改；积江西漕船团为十纲，直取通、泰、楚都仓盐。诏从之，岁增榷六十余万斤。江西提刑蔡挺制置盐事，乃令民首纳私藏兵械，而贩鱼挟盐不及二十斤，徒不及五人，不以甲兵自随者，输算勿捕。增淮南漕盐为十二纲，纲二十五艘，楸至州乃发。输官有余，以畀漕舟吏卒，官复以半价取之，繇是减侵盗之弊，盐遂差善。又损榷价，岁课视旧增至三百余万斤。汀州盗贩者稍稍畏缩，江西盐皆团纲运致如虔州焉。《宋史·食货志》

元丰四年，三月，蹇周辅上江西、广东盐法总目。《玉海》。蹇周辅承望章惇意旨，奏言：虔州运路险远，淮盐不能多，至人苦淡食；广东盐不得通，盗贩公行。请罢运淮盐，通般广盐一千万斤于江西虔州、南安军，复均淮盐六百一十六万斤于洪、吉、筠、袁、抚、临江、建昌、兴国军，以补旧额。诏周辅立法以闻。周辅具盐法并总目条上，大率峻剥于民，民被其害。《宋史·食货志》。先是，湖南例食淮盐，周辅始请运广盐数百万石，分鬻郴、全、道州。又以淮盐增配潭、衡诸郡，湘民愁怨。《宋史·蹇周辅传》

元祐元年，二月，刑部侍郎蹇周辅坐变盐法，落职。《宋史·哲宗本纪》

崇宁元年，蔡京议更盐法，乃言东南盐本或阙，滞于客贩，请增给度牒，及给封桩坊场钱通三十余万缗。《宋史·食货志》

大观四年，以左司员外郎张察措置东南盐事，提举江西常平张根管干运淮盐于江西。《宋史·食货志》

政和元年，六路通置盐事提举官，置司于扬州，未几罢。《宋史·食货志》

政和二年，江宁府、广德军、太平州，盐斤更增钱二，宣、歙、饶、信州斤增钱三，池、江州、南康军斤增钱四，各以去产盐地远近为差。《宋史·食货志》。

宣和二年，诏六路封桩旧盐数输亿万，其听商旅般贩，与淮、浙盐仓即今盐钞对算。《宋史·食货志》

建炎初，淮、浙亭户官给本钱，诸州置仓，令商人买钞算请，五十斤为一石，六石为一袋，输钞钱十八千。又诏运司毋得将盐本钱支给他用。《文献通考》

绍兴二年，九月，提辖榷货务张纯浚立淮浙盐法，增其算。《宋史·高宗本纪》。诏淮浙盐令商人每袋贴输通货钱三千；已算清而未售者亦如之；十日不自陈，如私盐律。《宋史·食货志》

绍兴三年，正月，减淮浙蚕盐钱。《宋史·高宗本纪》

绍兴四年，正月，增淮浙路盐钞贴纳钱。《宋史·高宗本纪》。
诏淮浙盐钞钱每袋增贴输钱三贯，并计纲输行在。《宋史·食货志》。
九月，减淮浙路盐钞所增贴纳钱。《宋史·高宗本纪》

绍兴五年，正月，淮南提刑司置提点两路公事官一员，兼领刑狱茶盐漕运市易事。十一月，复置淮南提举盐事官。

七年四月，罢淮南提点司，东南两路各置转运，兼提点刑狱、提举茶盐常平事。

九年五月，复置淮东提举茶盐司。《宋史·高宗本纪》

绍兴三十年，三月，以淮东茶盐司钱十万缗充募民垦田费。《宋史·高宗本纪》

乾道六年，户部侍郎叶衡奏：今日财赋之源，煮海之利居其半，然年来课入不增，

高贾不行者，皆私盐之害也，乞委官分路措置。《文献通考》。叶衡奏：年来课入不增，私贩害之也。以淮东、两浙盐出入之数言之，淮东盐灶四百一十二所，岁额盐二百六十八万三千余石。去年两务场卖淮盐六十七万二千三百余袋，收钱二千一百九十六万三千余贯。两浙课额一百九十七万余石，去年两务场卖浙盐二十万二千余袋，收钱五百一万二千余贯，而盐灶乃计二千四百余所。以盐额论之，淮东之数多于两浙五之一；以去岁卖盐钱数论之，淮东多于两浙三之二；及以灶之多寡论之，两浙反多淮东四之三。盖两浙无非私贩故也。宜自煮盐之地为之制，司火之起伏，稽灶之多寡；亭户本钱，以时给之；盐之委积，以时收之；择良能吏察之，私贩自绝矣。乞委措置官三人：淮南于通州，浙东于明州，浙西于秀州。

《宋史·食货志》、《叶衡传》。淮东提举徐子寅言，淮东盐课，全仰河流通快。近运河浅涩，自扬州湾头港口至镇西山光寺前桥垛头，计四百八十五丈，乞发五千余卒开浚。诏从之。《宋史·河渠志》

淳熙十年，诏还通、泰等州诸盐场亭户盐本钱一百一十万贯。《宋史·食货志》

淳熙十三年，臣僚言：总辖权制亭灶，刻剥本钱，却纵亭户私煎盗卖。诏淮、浙场见差总辖并罢。《文献通考》

嘉定二年，诏淮东贴输盐钱免二分，交子止用钱会中半。《宋史·食货志》

嘉定十七年，八月，罢通州天赐盐场。《宋史·宁宗本纪》。崇明本通州海滨地，唐武德间，海中涌出二洲，谓之东、西沙，扬吴因置崇明镇。宋天圣三年，续涨一沙，名姚刘沙。嘉定变为斥卤，置天赐盐场。崇明之盐场自此始。《两浙盐法志》。按：《浙志》：通州天赐场，甫于嘉定间设置。《本纪》云十七年罢，岂置而即罢欤？俟考。

端平二年，都省言：淮、浙岁额九十七万四千余袋，近年积亏一百余万袋，民食贵盐，公、私俱病。有旨：三路提举茶盐司各置主管文字一员，专以兴复盐额、收买散盐为务，岁终尚书省课其殿最。《宋史·食货志》

嘉熙二年，都省言：国计军需多仰盐课，乾道以来，岁额六十五万有奇。自钞法变而请买稀少，亭户失业，乞飭江淮诸屯，毋得私买浮盐。今提举司复亭场，委官属，依值收买，则利归公。乞令核实以闻。从之。《续文献通考》

宝祐二年，闰六月，罢江湾浮盐局。《宋史·理宗本纪》。先是，淳祐五年，殿中侍御史朱熠言：蜀、广、浙数路，不及淮盐额之半。盖以斥卤弥望，可供煎烹，芦苇阜繁，可备燔燎，故环海之湄，有亭户，有锅户，有正盐，有浮盐。正盐出于亭户，归之公上；浮盐出于锅户，鬻之商贩；正盐居四，浮盐居一。端平初，分置十局收买浮盐，岁额二千七百九十三万斤。十数年来，钞法屡更，公、私俱困。真

、扬、通、泰四州六十五万袋之正盐，视昔犹不及额，尚何暇为浮盐计耶？无耻士夫，垄断其利。灶户列处沙洲，日藉铢两之盐以延命，今商贾既不得私贩，朝廷又不与收买，则绝其衣食之源矣。莫若遵端平旧制，收锅户浮盐，所给盐本，当过正价，则人皆与官为市。所得盐息，径输朝廷，一可绝戎阉争利之风，二可续锅户烹煎之利。从之。至是乃罢江湾浮盐局。《宋史·食货志》

宝祐四年，十二月，复申严私贩之禁。《续文献通考》

咸淳五年，正月，以李庭芝为两淮安抚制置大使，兼知扬州。

《宋史·度宗本纪》。庭芝初至扬时，扬新遭火，庐舍尽毁，州赖盐为利，而亭户多亡去，公私萧然。庭芝悉贷贫民逋，假钱使为屋，屋成又免其假钱，凡一岁，官、民居皆具。凿河四十里，入金沙余庆场，以省车运。兼浚他运河，故亭户负盐二百余万，亭民无车运之劳。又皆免所负，逃者皆来归，盐利大兴。

《宋史·李庭芝传》。《清一统志》曰：串场河在通州东北，串吕四、余东、余中、余西及金沙、西亭、石港诸场，出丁堰闸，会于运盐河。一从立发河进口，串丰利、掘港、马塘三场，亦出丁堰闸，会于运盐河。宋李庭芝为两淮制置使，凿河四十里通运盐河，即此。

金

泰和八年，九月，诏沿淮诸榷场听官、民以盐市易。《续文献通考》。按：《金史·食货志》载，临洪场行赣榆县，独木场行海州东海县，板浦场行涟水沭阳县，皆今淮北地。

元

至元十二年，伯颜率师伐宋，既渡江，捷报日至。世祖命阿合马与姚枢、单八履、张文谦、陈汉、归枢诚等，议行盐钞法于江南。阿合马奏，拟于蔡县发盐十二万斤，禁诸人私相贸易，世祖从之。《元史·奸臣阿合马传》

至元十三年，命提举马里、范张依宋旧例办课，每引重三百斤，其价为中统钞八两。《元史·食货志》

至元十四年，正月，置江淮等路都转盐运使司。《元史·世祖本纪》。两淮都转盐运使司，至元十四年始置司于扬州，使二员，正三品；同知一员，正四品；副使一员，正五品；运判二员，正六品；经历一员，从七品；知事一员，从八品；照磨一员，从九品。三十年，悉罢所辖盐司，以其属置场官。大德四年，复置批验所于真州、采石等处。盐场二十九所，每场司令一员，从七品；司丞一员，从八品；管勾一员，从九品，办盐各有差：

吕四场 余东场 余中场 余西场 西亭场 金沙场 石港场 掘港场
丰利场 马塘场 栟茶场 角斜场 富安场 安丰场 梁垛场 东台场
何垛场 丁溪场 小海场 草堰场 白驹场 刘庄场 五佑场 新兴场
庙湾场 莞渎场 板浦场 临洪场 徐渎浦场

批验所每所提领一员，正七品；大使一员，正八品；副使一员，正九品，掌批验盐引。《元史·百官志》。至元十四年，立两淮都转盐运使司，每引始改为四百斤。十六年，额办五十八万七千六百二十三引。十八年，增为八十万引。二十六年，减一十五万引。三十年，以襄阳民改食扬州盐，又增八千二百引。大德八年，以灶户艰辛，遣官究议，停煎五万余引。天历二年，额办正、余盐九十五万七十五引，计中统钞二百八十五万二百二十五锭，其工本钞亦自四两递增至十两云。

《元史·食货志》

至元十四年，立两浙盐运司，辖盐场三十四所。《续文献通考》。按：所辖各场如下：沙场、青村场、袁浦场、浦东场、横浦场等处，均系现隶江苏区域。

至元十五年，四月，诏直隶行省宣慰司官，勿预淮、浙盐课事宜。《元史·世祖本纪》

至元二十五年，正月，以平江盐兵屯田于淮东南。《元史·世祖本纪》

至元二十六年，八月，诏两淮、两浙都转运使诸官，毋得阻办盐课。十一月，禁江南北权要之家，毋沮盐法。《元史·世祖本纪》

至元二十八年，二月，命江淮行省参政燕公楠整治盐法之弊。十月，江淮行省言盐课不足，由私鬻者多，乞付兵五千巡捕。从之。《元史·世祖本纪》

至元三十年，正月，河南河北行省平章伯颜言：扬州盐转运一司，设三重官府，宜削去盐司，止留管勾；又襄阳旧食京兆盐，以水陆难易计之，莫如改食扬州盐。从之。《元史·世祖本纪》

元自太宗庚寅年始行盐法，每盐一引重四百斤，其价银一十两。世祖中统二年，减银为七两。至元十三年，江南之盐，所入尤广，每引改为中统钞九贯。二十六年，增为五十贯。元贞丙申，每引又增为六十五贯。至大己酉至延祐乙卯，七年之间，累增为一百五十贯。《元史·食货志》

国家经费，盐利居十之八，而两淮盐独当天下之半。至元末年，盐法日坏，以郝彬行户部尚书经理之。彬请度舟楫所通、道里所均建六仓，煮盐于场，运积之仓，岁首听群商于转运司探仓筹定其所，乃买券。《元史·郝彬传》

元贞元年，闰四月，罢各处盐运使司，盐场改设司令、司丞。二年七月，诏茶盐转运司仍旧以三年为代。八月，命江浙行省以船五十艘，水工千三百人，沿海巡禁私盐。九月，增盐价钞一引为六十五贯，盐户造盐钱为十贯，独广西如故。罢民间盐铁炉灶。《元史·成宗本纪》

大德四年，中书省奏准于淮东扬州、淮安地面，分立六仓，设纲攒运，拨袋支发，以革前弊。两淮行盐之地江浙、江西、河南、湖南所辖县，分上江下流，盐法通行。《元史·食货志》。十一月，谕两淮盐运司设关防，凡盐商经批验所发卖者，所官收批引牙钱；其不经批验所者，本仓就收之。《元史·食货志》

附大德课程：

新降盐法事理，大德四年十一月，两淮都转盐运使司承奉中书省札付：钦奉圣旨：节该中书省奏：诸处盐课，两淮为重。比年以来，诸人盗卖私盐，权豪多带觔重，办课官吏贿赂交通，军民官巡禁不严，以至侵徇官课。宜从新设法关防，乞降圣旨事。准奏。自大德四年为始，立仓查运，拨袋支发，以革前弊。真州米石依旧设官批验，置军巡捉；江、淮、海口私盐出没去处，添拨车船；附场闲杂船只，不许往来湾泊，军民捕盗等官常切用心防禁，毋致私盐生发。钦此。所有立法合行事理，命中书省定立条划，上江下流诸衙门、大小官吏人等，各务遵守奉行。若有灭裂沮坏之人，照依已降圣旨究治。钦此。又于大德四年十二月二十日闻奏过两淮盐法为不定体的，上头合整治的法度，张参政题说来，在后海道运粮朱参政也依那言语题说呵，上位奏过提调整治的数来参政，更一个姓郝的汉儿人省里行来的张都事等去来。他每到那里，合行的勾当就便行了。更有几件合整治的题说，有数内一件应有合整治事理行，圣旨怎生说，有俺商量来，上位奏过，有里行文书呵，怎生奏呵？奉圣旨那般者。钦此。都有钦依圣旨事意，通行参考。议立条划开坐于后，仰钦依施行。

一、淮东扬州、淮安地面，以远就近，分立六仓，给顾纲船，设官押运，赴场查盐，入仓收贮，拨袋发卖。今后客旅纳课买引，赴仓关盐，照依资次划时支付，运司以下无得非理取扰。仍前作弊，违者依条追断。

一、两淮运司，岁办盐课六十五万七十五引，虽是周岁立额，例于九个月攒办，自二月为题煎烧，十月终足备，月该煎盐七万二千二百三十引。所据运纲船，亦须春首河开查运。比及冬月，河冻水涸，攒运了毕，其煎盐运盐，俱在九个月之后。今依验诸场日煎月办，课额多寡，地里远近，河水浅深，仓场装卸，往回日程，以远就近，通立四十纲，每设官一员，分运前项月煎盐袋。中间或有上中下则，月份煎盐多寡不等，河道通塞不一，亦须于九个月内增亏相补，务要举足。仍多方预积柴卤，虽连阴数月，并不许申报阴雨妨工，以为久远常例。

一、诸仓遇客支盐，若留难不给，随即理断，因而受财者，并从枉法科断。其运官人等给散工本给价及席索等钱而有侵克者，各如之。

一、诸王、公主、驸马位下行运干脱人等，及官豪势要之家，今后纳课买引，赴仓支盐，不得欺凌仓官，换越资次。到发卖去处，亦不得恃势换夺行市。若有违犯之人，依条断罪，仍具姓名呈省。

一、纲船运到盐袋，须要入仓排垛收贮。如遇旅客关盐，添席重包，然后交发，不须就船兑拨。违者，差官、盐运，各决杖三十七下，解现任，期年后别行求仕。运官有失关防，罪亦及之。通同纵放者与同罪。

一、装盐席索，运司较勘样制，各于立仓，拘该州县拨户织造，务要坚密牢壮。诸仓就管收支，州县官司添力催办。仍将席户籍定姓名诸人，不许私织私卖，违者决杖五十七下。仓官不依原样，受钱滥收，或依样故行刁蹬，因而受财，并同枉法科断。运官有失关防者，亦行究治。

一、盐运赴场查盐，就廩装打硬袋，每引带席索通秤四百一十斤。出场袋法之外余有十斤，以在船坐仓卤折耗，内诸仓破耗六斤，监运破耗四斤。纲船运盐到仓，仓官、监运眼同交收。耗例之外若有短少斤重，如在四百斤之内者，即令纲头船户赔偿，就于脚钱内照依官价指除，另行解官，监运、船户约量治罪。短盐十斤之上者，附簿申报运司支发。其侵偷盗卖者，依私盐法。如四百一十斤之上，但有多带余盐，亦仰仓官置簿，从实附写，划时申报运司，当该监运、监查、场官各决三十七下，解现任，期年后降先职一等。仓官通行不报者，与同罪。运司官有失关防，罪亦及之。

一、诸纲运盐船只，每岁住运之后，督责船主趁时修船，整办浮动，不许擅自离纲。私离纲者，决杖五十七下。

一、在先场官指勒灶户，多取斤面，以通盐商支查大盐。今既立仓，依法装袋，已积盐廩，必有附余，若不关防，恐致场官通同灶户，虚报盐筹，冒关工本。仰诸纲监运到场查盐，并要互相查察。一廩支尽，积出余盐数目，场官、监运连同保结，随即开申运司，置簿销附。通同漏报者，许诸人首告，首告是实，场官、监运各决三十七下，解现任，期年后别行求仕。仍大德五年为始。灶户赴场纳盐，置簿明白附写，某字号一廩，自几年月日灶户某人纳盐为始，至几年月日灶户某人纳盐为尾，计盐一千引，各开备细花名盐数，以后查尽积出余盐，照依各各纳盐分数，依例支給工本。

一、运司泛滥差人下场，必要祇待赍发在先旅客，就场查盐多带斤重，取要分例。场官有以支持，既已在仓革除前弊，若又泛滥差人，必是侵渔灶户。今后运司凡有

下场文字，须要入递发行。其有照勘追会公事，运官散本之时，就便理会。诸场月报实煎盐袋，随月比较，亏兑者依例决罚。若有问出灶户、场官通同发卖私盐，必须差人勾追，须明给差札，立限干办；违期不至者问罪。

一、诸场煎盐柴地，旧来官为分拨，初非灶户己业。亡宋时禁治豪民不许典卖，亦不许人租佃开耕。今知各场富上灶户，往往多余冒占，贫穷之人，内多买柴煎盐，私相典卖，开耕租田，一切无禁。今后运司严加禁治。更为差官体究，若有以此情弊，即仰依理归著无柴去处，从公分拨。务要贫富有柴煎盐，不得似前违错。

一、凡获私盐犯界盐货，须先从实挨问。监卖盐场，罪及场官。把隘经过去处，罪及镇守军官。转行货卖地面，罪及路、府、州、县提点、捕盗等官。或通同作弊，或有失察，并从运使照依已降圣旨、条划科断。其军民盐场捕盗等官，能有获者，止罪元卖灶户正犯盐徒。管民官、盐场官、捕盗官，获到私盐犯界盐货，各各起数，满于解由内开写，量加选擢。镇守、把隘、巡盐军官，若能周岁之内，所获私盐并犯界盐货，百户有及三百引、千户五百引、万户千引之上者，并各升官一等。亲获之人，应捕者每盐一引，赏钞一十五两；不干碍人，赏钞二十五两：所在官司就便划时支給。虽获私盐而不获盐徒者，不在理准之限。

一、获盐多系累经配断，视为寻常，不改前过，一番事发，一遍诈人，诸场富上灶户、有司、殷实良民，多被妄行通指。此等之徒纷乱，今后犯盐经断贼徒，各于门首粉壁大字书写犯盗经断贼徒六字，官为籍记姓名。责令巡尉捕盗等官，每月一次点名抚治，务要改过，别求生理。出入往回，须使邻右得知，三日之外不归者，即报捕盗究问。三年不犯，邻右保举，方许除籍。

一、附场百里之内，在先设立官局一十七处，拘该一府四州一十一县，岁卖官盐四千六百余引。中间夹带私盐，扰害百姓，有名无实，奸弊多端，于官无济，于民有损。今拟附场十里之内人户，取现实有口数，责令买食官盐；十里之外，尽作行盐地面，许令客旅通行兴贩，以便公私。若革罢局盐之后，城镇无卖盐铺户，乡村无贩盐客旅，又少有拘到退引，即是管民、捕盗、把隘军官不为用心，以致私盐生发，运司从长施行。

一、诸人卖过盐引，铺户牙人私相隐匿，影射私盐，侵衬官库，仰督责各路提点正官，先将立仓以前应发旧引，尽数拘刷到官，牒发运使；如无不尽数目，亦仰保结牒呈；改法之后卖过退引，依期拘收。每季牒发，诸官府无得存留。各处行省若有在先已收退引，亦仰尽数发付运司。其运司拘到退引，即系元俸法物，若拟存留别用，及或久顿在库，中间必生奸弊。运司正官点勘现数，仰当官烧毁，已后勿得停留。

一、采石依旧设官，批验引目，摘拨军船，一同盘捉私盐。今后前去上流贩盐船只

，须由彼中批验，另无夹带私盐，方许经行。匿不批引者，同私盐法科断。其海船海仙鹤铁头船，采石之上不许放过，违者决杖五十七下，其船没官。若军官、批引官通同脱放者，与犯人同罪。

一、煎盐之所，皆为禁地。在前诸人闲杂船只，通行往来，因而搬贩私盐。今后除灶户搬运柴卤等船、运盐纲船、巡盐船只，运司印路行使外，其余诸人船只，并不许于附场江、淮、海口并场旁港汊往来湾泊。违者捉拿到官，犯人决杖五十七下，断讫牒发元籍，仍将船只拘没入官。其运盐大河内买卖民船，虽内场边经，却不得因而挡拦骚扰。

一、卖引支盐批验关防，客人入状运司买引，自大德五年为始，每引纳官中钞六十七两五钱，正课六十五两，带取钞二两五钱，纲船水脚一两一钱，装盐席索钱七钱，仓场子脚钱六钱。

一、运官监视挨次交检，数足送库收讫。支引出库，随于引面上书填客名，次于引背上墨印批验，两淮都运盐使司发引，赴某处盐仓支盐，于墨印上再用本司正印记出，给下仓勘合用引，当官给付。客旅赴仓关盐，本司另置花名销簿，于上附写一帖，几年月日某人买盐若干，几年月日用某字号，勘合行下某仓放支。仍于贴项后余留空纸，以后盐仓批验所申到出仓卖过月日，本客名下相续销付。

一、盐仓从运司置立关防号簿，每号余留空纸半张，印押过，预发诸仓收掌。如承运司勘合比对，元发字号相同，辨验引上客名印姓，别无诈冒漏落，即于簿上附写几年月日承运司，几年月日某字几号勘合，放支客人某人盐若干，然后照依资次，拨袋支盐。如盐商欲往真州发卖者，即将客名、盐数、出仓月日，关发真州批验所发卖。如盐商不到真州，径去淮东、淮西货卖者，本仓依例就收批引牙钱中统钞四钱，并于引上皆使出仓批验印记，付客从便兴贩。食鱼局盐，一体批取。仍将出仓月日、客名、盐数、收到官钱，各于前簿本客名下销付，每月一次开申运司照验。

一、真州批验所从运司置立关防文簿，印押过，发付本所收掌。如承盐仓关到客人出仓盐袋，即于簿上附写几年月日某仓关到某人出仓盐若干，仍于客名后余留空纸。每日责过盐数，牙人盐商贾引同赴本所批验。如盐过岸上江发卖者，依例每引收要中统钞一钱，牙钱钞一钱，即将客名、盐数关发采石，再行批验。如过岸不到采石，往去江东、淮西州郡就卖者，每引全收批引中统钞三钱，牙钱钞一钱。如不过岸上，就江北、淮东发卖者，亦仰令收批引牙钱，并于引上背使各关防青印，付客从便兴贩。应盐仓关发真州客盐，须到真州批验发卖。如匿不批引，私自发卖者，依条追断。仍将盐仓元关、客名、盐数、卖过花名、月日、收到官钱数目，随于前簿本客名下销付，每月一次开申运司照验。

一、采石批运所，从运司置立关防文簿，印押过，发付本所收掌。如承真州批验所

关发客人盐船到岸，即于簿上附写几年月日关文发到、某人贩去上江盐若干。仍于客名后余留空纸，随于引上背使关防青印，依例每引收要批引中统钞二钱，点检别无夹带私盐，即便放行。其真州全收官钱，江东、淮西就卖客盐，而有复过采石者，亦仰验真州盐引，更为依例批放讫，移关真州批验所会问，以防其弊。应真州关发采石客盐，须到采石再行批验了毕，然后通放，并本处发卖。如匿不批引而先发卖者，依条追断。仍将真州元关客名、盐数、批验过月日，同收到关钱数目，各于前簿本客名下销付，每月一次开申运司照验。

一、诸路拘该到引内多不行批毁，中间为弊最深。既立仓之后，应卖盐引上改给条印，明白批验关防，其随路拘收退引，亦合改给印记，重新批毁，法令归一，庶革奸弊。仰运司议立关防，批毁条印，粘连行移，拘该路分委，自提点长官监视依样置造，发付司县提点正官收掌，依期拘收。退引到官，随于引上正面，批使入库对收。每季牒发运司比较，如有灭裂不行用意拘收，及用批退引记，并行究问。

一、淮东真州，南北商旅聚集去处，故于彼中设立批验所官府，专责批验盐引，发运办课，欲使无扰盐商，交易快便。不谓近年以来，批验所以为作弊要钱之司，除通同牙人取要分例外，纵令攒典合千门下家丁人等，私立名色，纷扰盐商，取要钱物，其于盐法一毫无补。又所设盐牙，皆非从公选择，滥用无籍破落之徒。各名下各带小牙、秀才、勾当人等，百数成群，结揽盐商，把柄行市，多取牙钱，坑陷客旅。今次立仓改立重新禁治，已令真州官司于本土诸行铺户内，选到有抵业、慎行止、不作过犯者，如商贾信实之人，以充盐总部辖，专一说合卖盐交易。运司常加用心关防铃束，务要尽改前弊。以后批验官吏、盐总部辖人等，敢有似前取要分例、多收牙钱、扰害盐商作弊之人，运司随事追问。运官通同看循，罪亦及之。议到关防合行理事。

一、盐总部辖拟设四名，专一说合卖盐交易，如无遇犯，不得擅自更换。其在下掌附文历接收协力，并从部辖入状保用。如或陷害盐商、作弊败事者，正犯人严行断追，元保部辖亦行断罪。

一、以前应有盐牙，尽行革去。除今次额设盐总部辖外，敢有私充牙人及已罢旧来泼皮盐牙，仍前结揽盐商，暗行交易者，许诸人首捉到官。犯人决杖六十七下，仍于名下各追中统钞五锭，给付告人充赏。

一、新立部辖，每日止于批验所与买主卖主对面说合交易，不许他处暗地成交。如有违犯之人，许诸人首告是实，各决四十七下。仍于各名下追征中统钞五锭，给付告人充赏。

一、真州江口，系两淮运司发盐总汇去处，拟立部辖四名，说合卖盐，关防批验。其余行盐地面，上江诸路，如乡例须用牙人说合，从各路提点长官照依真州，依例

于土居信实不作过犯，有抵业、通晓商贾诸行铺户内，从公选差，出给文凭，立部辖专一说合卖盐交易。如鄂州、龙兴、潭州、江陵、吉州等路聚盐去处，拟设二名；其余去处，止设一名。凡遇客旅到后，须于卖盐处所买主卖主对面成交。牙钱每引不过中统钞一钱，余上不得多取。如有似前多取牙钱，许盐商诸人首告是实，犯人决杖六十七下，违法多取牙钱，尽给告人充赏。除额设部辖外，其余滥设私牙，截日尽行罢去。敢有私充盐牙及已罢牙人结揽盐商私相交易者，决杖六十七下，门前粉壁大字书写犯盗经断贼徒，毋令再犯。仍于名下各征中统钞五锭，付给告人充赏。提点官有失关防，罪亦及之。

一、行盐地面诸路官府，多将上司官员并自己贩到盐货，添答钱价，搀先发卖，使无势力盐商不得成交；纵然分賒在地，其盐牙索到价钱，止还权势之家，因而旅客亏折钱本。今后各处提点正官常加关防，毋致似前作弊，陷害盐商，违者并行究治。

一、诸路盐牙、铺户人等，经手卖过客盐，如有未还价钞，分司运官到处，先行取会现数，及令盐商自行告诉，督责各处提点官吏画时监征给主，与使停滞怠慢去处，以便究治。

一、行盐地面，拘该行省宣慰司官各一员，专一提调路府州县提点正官、镇守把隘军官、巡盐捕盗等官。若有奉行不至者，许廉访司纠弹究治。事关各省为例事理，仰运司直呈都省。

一、该载不尽，凡于官司不便事理，运司官钦依已降圣旨，就便从长规划，无致亏兑。

大德五年，正月，以两淮盐法涩滞，命转运司官两员分司上江，以整治之。
《续文献通考》

大德十年，正月，浚真、扬等州漕河，令盐商每引输钞二贯，以为雇工之费。
《元史·成宗本纪》

十一年，江、浙饥。中书省臣言：两淮漕河淤涩，官议疏浚，盐一引带收钞二贯为佣费，计钞二万八千锭。今河流已通，宜移以赈饥民。《元史·成宗本纪》

十一年，七月，江浙、湖广、江西、河南、两淮属郡饥，于茶盐课钞内，折粟遣官赈之。十一月，中书省臣言：前为江南大水，以茶盐课折收米赈饥民；今商人输米中盐，以致米价腾贵，百姓虽获小利，终为无益，臣等议茶盐之课当如旧。从之。
《元史·成宗本纪》

至大元年，敬俨擢江南诸道行御史台治书侍御史，适两淮盐法久滞，左迁俨为转运使。比至，首劾场官之贪污者，法即大行，课复增羨。河南行省参政来会盐，将以书数为岁入常额。俨以亭户凋敝已甚，以羨为额，民力将殫，病人以为己，非宰臣事。事遂止。《元史·敬俨传》

延祐六年，三月，整治盐法。《元典章》

都省议自延祐六年引盐至真州，每引量添中统钞五贯，计钞三锭四十五两，成交发卖，遵守定例。禁治诸仓并真州批引人等毋得非理刁登，取要钱物，侵渔客商以坏盐法。《元典章》

延祐七年，十月，申严两淮盐禁。《元史·英宗本纪》

天历二年，夏四月，行省复请令商贾入粟中盐，计一岁总办之数约盐总二百五十六万四千余引，盐课钞总七百六十六万一千余锭。《续文献通考》

两淮运司岁办盐课六十五万七十五引，自二月煎至十月足备，每月该煎盐七万二千二百三十引。《元典章》

天历三年，许有壬擢两淮都转运盐司使。先是，两淮盐法坏，廷议非有壬不能集事，故有是命。有壬询究弊端，立法而通融之，国课遂登。《元史·许有壬传》

元统初，朝廷以两淮盐法久坏，诏命王都中以正奉大夫行户部尚书、两淮都转运盐使。都中既至，参酌前行于两浙者，次第施行之，盐法遂修。《元史·王都中传》

至元六年，八月，命两淮盐商自建盐仓。《续文献通考》

两淮运使王正奉牒：本司岁办额盐九十五万七十五引，客商买引，关给勘合，赴仓支盐，雇船脚力，每引远仓该钞十二三贯，近仓不下七八贯，运至扬州东关候放，船人等恣为侵盗，弊病多端。是以里河客商亏陷资本，外江兴贩多被欺侮，而百姓高价以买不洁之盐，公私俱困。查扬州东关城外，沿河两岸多有闲地，如允盐商自行赁买基地，起造仓房，支运盐袋到桥，籍定资次贮置仓内，以俟通放，临期用船载往真州发卖，既防侵盗之患，可以悠久之利，其于盐法非小补也。既申中书、户部、河南行省照堪议拟，久之，户部定议，令运司于已收在官各商滞纳挑河钱内，拨钞一万锭起盖。仍从都省移咨河南行省，委官与运司偕往相视空地，果无违碍，而后行之。《元史·食货志》

明

明初，置都转运司于两淮。《明史·职官志》

两淮所辖分司三，曰泰州，曰淮安，曰通州；批验所二，曰仪真，曰淮安；盐场三十，各设盐课司一。《明史·食货志》

泰州分司所属：富安场、栟茶场、安丰场、角斜场、梁垛场、东台场、何垛场、小海场、草堰场、正德二年归并泰州小海场于此。丁溪场。

淮安分司所属：白驹场、正德二年改属泰州分司。
刘庄场、庙湾场、板浦场、伍佑场、徐渎浦场、新兴场、莞渎场、临洪场、正德二年分为二场。兴庄团场。

通州分司所属：吕四场、余东场、余中场、余西场、金沙场、西亭场、石港场、马塘场、掘港场、丰利场、天赐场。

成化十八年开设，以莞渎场原额盐课，派发三分之二煎办。《明会典》。按：《崇明县志》载嘉靖三十六年，巡盐御史鄢懋卿题革天赐场名色，将引盐改派仁和、许村二场，属两浙盐运使。

吴元年，置两浙都运司于杭州。《明史·职官志》。两浙运司所属分司四，曰嘉兴，曰松江，曰宁绍，曰温台。其嘉兴分司所属横浦场盐课司；松江分司所属下沙场、青村场、袁浦场、浦东场、天赐场、青浦场各盐课司，均系现隶江苏区域。

淮南之盐煎，淮北之盐晒。《明史·食货志》

淮南盐熬于盘，其形散。淮北盐晒于地，其形颗。盐色有五，而淮盐之色三，曰青、黄、白。余东诸场盐俱青，余中诸场盐俱白，丁溪、草堰、白驹、刘庄、伍佑、新兴、庙湾盐俱微黄。青、白者，盐之正色。五行水性润下作咸，故盐味之厚者咸齏，其苦淡甘辛者，咸味之杂也。淮南之盐其味咸，惟淮北刮地而晒者稍苦。至若地力不齐，出产多寡随之。最上者六场，安丰、富安、梁垛、东台、板浦、吕四；上次五场，何垛、丰利、余东、临洪、徐渎；中七场，栟茶、刘庄、伍佑、新兴、兴庄、余西、金沙；中次九场，丁溪、马塘、掘港、庙湾、草堰、小海、斜角、石港；下三场，白驹、西亭、莞渎。其煎法以天时为本，而成之以人力。每岁三、四、五、六月，地气上升，卤液腾涌，产盐为多，谓之旺煎月；秋气渐肃，则盐渐减；冬沍寒气敛卤缩，而火始住焉。《两淮盐法志》

每年仪征所制盐八单，每单八万五千引，约该余盐割没等银六万余两，八单共约银四十八万余两。淮安所制盐四单，每单五万五千引，约该余盐割没等银三万余两，四单共约银十二万余两。南北通计得六十万两，分为春、秋二次起解，每次三十万两。《两淮盐法志》

两淮行盐地方：应天府、宁国府、太平府、扬州府、凤阳府、庐州府、安庆府、池州府、淮安府、滁州、和州、南昌府、九江府、南康府、建昌府、临江府、抚州府、袁州府、瑞州府、饶州府、赣州府、南安府、吉安府、三府后俱改行广盐。武昌府、黄州府、汉阳府、岳州府、荊州府、常德府、长沙府、衡州府、德安府、辰州府、承天府、鄖阳府、襄陽府、宝庆府、靖州、南阳府、汝宁府、陈洲。二府、一州，俱嘉靖二十七年增。至隆庆四年，今河南南阳府所属十二州县，隶入河东行盐区域，惟舞阳行淮盐。《明会典》

两淮边引，行销甘肃、延绥、宁夏、宣府、大同、辽东、固原、山西、神池诸堡。《明史·食货志》

上供光禄寺神宫监、内官监，岁入太仓余盐银六十万两。《明史·食货志》

洪武元年，定两淮岁办盐数，计三十五万二千五百七十六引一百斤零，每引重四百斤，官给工本米一石。后改行小引，每引重二百斤。《明会典》

永乐间，议准淮盐每引纳米二斗五升，或小米四斗。遇米贵，小米亦止二斗五升。两浙同。《明会典》

宣德十年，差监察御史一员于两淮通州狼山镇守提督军卫，巡捕私盐。《明会典》

正统时，直隶巡抚周忱监理盐课。《明史·食货志》

淮、扬饥，盐课亏，敕忱巡视。奏令苏州诸府拨余米一二万石运扬州盐场，听抵明年田租，灶户得纳盐给米。时米贵盐贱，官得积盐，民得食米，公私大济。《明史·周忱传》

正统二年，令两淮官盐听各商于贵州地方货卖盐引，于镇远告销。《明会典》

令两淮、两浙贫难灶丁，除原额盐照旧收纳，其有余盐者不许私卖，俱收储本场，运司造册，发附近州县，每一小引官给米麦二斗。《明会典》

正统三年，用周忱议，以灶去场三十里者为水乡灶户；不及三十里者，为滨海卤丁。水乡丁岁出米六石，给滨海丁代煎。《浙江通志》

正统四年，令两淮贫难灶丁户下该征税粮，于本州县存收，免令远运。《明会典》

正统五年，令两淮、两浙、长芦运司，每岁额办盐课以十分为率，八分给与守支客商，二分另为收积在官，候边方急缺粮储，召中以所积现盐，人到即支，谓之存积

。其八分，年终挨次给守支客商，谓之常股。凡中常股价轻，存积价重。
《明会典》

令各边招商中纳盐粮，淮、浙兼中。如以十分为率，淮盐八分，浙盐二分。或淮盐七分，浙盐三分。淮盐止米、麦二色，浙盐杂粮皆准。《明会典》

正统七年，令两淮运司所属盐场，以路途便利者为上场，穹远者为下场。富安、安丰、梁垛、东台、何垛五上场，配临洪一下场；丁溪、草堰、小海、白驹、刘庄、伍佑六上场，配徐渎一下场；新兴、角斜、栟茶、丰利、马塘、石港、西亭、金沙、余西九上场，配板浦一下场；余中、余东、吕四三上场，配莞渎一下场；掘港一上场，配庙湾一下场。凡支盐之时，上场派尽，方以下场凑数补派，以便盐商。
《明会典》

正统十三年，令两淮运司于各场便利处，置立仓囤，每年以扬州、苏州、嘉兴三府所属附近州县及淮安仓，并兑军余米内量拨收储。凡灶户若有余盐送赴该场，每二百斤为一引，给与米一石，年终具奏，造册申报。其盐招商于开平、辽东、甘肃等处开中，不拘资次，给与两浙运司及松江、嘉兴二分司。仁和、许村等场，亦准照此例。《明会典》

正统十四年，令增两淮存积盐为四分，招商供给边储。《明会典》。
命副都御史耿九畴清理两淮盐法。《明史·食货志》

景泰元年，令增两淮、两浙存积盐为六分。又令灶丁余盐每引给米，淮盐六斗，浙盐四斗。《明会典》

景泰三年，令两淮运司各场灶户有将该征粮草，不分起运、存留，愿折纳余盐者，每正粮米麦豆五斗，草五包束，各折征盐一小引。《明会典》

七月，罢两淮巡盐御史。

九月，令巡河御史兼理盐法。《续文献通考》。

天顺元年，诏淮、浙、长芦等盐运司，景泰七年十二月以前拖欠未完盐课，悉与蠲免。旧《鹺志》

成化四年，差都御史一员，清理两淮盐法。《明会典》。特遣佥都御史高明整治两淮盐法，条上利病十余事，多议行。奏改富安、安丰、梁垛、东台、何垛五场，配搭莞渎场；丁溪、草堰、小海、白驹、刘庄、伍佑六场，配搭临洪场；新兴、角斜、栟茶、丰利、马塘、石港、西亭七场，配搭徐渎场；金沙、余西、余中、掘港、

吕四五场，配搭板浦场；余东一场，配搭庙湾场。《明会典》。
令两淮各场，每遇年终，选差有司官盘查盐课。每三年，巡盐御史亲诣各场盘查。
《明会典》

成化七年，令减两淮存积盐课，仍旧止作四分，常股增为六分。《续文献通考》。
令两淮乡村灶户所在有司，连家小发遣各场煎办，不许冒名代替及卖放逃回。
《明会典》

成化九年，令两淮运司凡盘获一应私盐，并没官掣割等项商盐，俱运至仪真批验所，并本所掣割余盐，通至二万引以上开报，差官变卖给边。《续文献通考》

成化十八年，湖广衡州、永州，改行海北盐。《明史·食货志》

成化十九年，令客商支盐，皆以上下场三七分派，常股、存积，正收正支。如违，商人治罪，盐入官，官吏坐以枉法赃罪。《明会典》。令仪真、淮安批验所，运盐客商，不拘军、官、民，俱依法掣割。其割没余盐，除支放南京各衙门食盐外，巡盐御史按季督同运司掌印监掣等官，变卖时价，类解户部。《明会典》

成化二十一年，松江府知府樊莹疏请以荡价抵水乡盐课之半，立荡户收之，余半于各县秋粮加耗余米带征，而丁尽归有司应民役。《浙江通志》

孝宗初，盐法坏，户部尚书李敏请简风宪大臣清理。乃命户部侍郎李嗣于两淮兼都御史，赐敕遣之。《明史·食货志》。李嗣旋上整理盐法疏，指陈四大端：一、稽囚徒以充盐课；一、立查同以革刀蹬；一、立通关以防诈伪；一、定盐囤以便查盘。从之。《两浙盐法志》

弘治元年，史简巡盐两淮，疏陈免追补、减劝借、黜奸顽、时开中、均草荡、定科差、铸盘、修河塘八事。《两淮盐法志》

弘治二年，令两淮运司于各盐场，每总催一名，出通关一纸，编立内外号簿，用印铃盖，责付分司发各场。如遇总催名下并该管盐课纳完，分司官查算归并仓口别无亏欠，方照名填缴。仍委官复盘，不许指仓指囤，通同捏作亏折。如违，该场分司、总司官吏、总催、委官俱发边远充军。户部该司仍立该年盐课文卷一宗，已完未完按季照刷。户科立上下半年注销添销之法，查考各运司、提举司以每岁办完盐课实数，年终造册奏缴，即差吏赴科注销。《明会典》。令两淮各场盐囤地方，皆以东西南北为界，如南北为门为路，则东堆存积，西堆常股，定立石碑，每囤止一千引。如总催名下有一千五百引，一千为大囤，五百为小囤，先尽存积足数，然后收常股。一年盐课皆完，方征收下年者。委官盘盐，务逐引秤盐，不许丈量堆垛查算。《明会典》

令两淮运司，守支客商成化十五年以前无盐支給者，许收买灶丁余盐，以补官引，免其劝借米麦；成化十六年以后至二十年以前正支不敷者，亦许买补，该劝借赈济米麦，仍照支盐分数上纳；二十一年至二十三年已办未完者，严限追补完足，给与各年应支，客商不许收买余盐，该劝借赈济米麦，亦照例上纳。《明会典》

成化末年，阉官窃势，奏讨淮、浙盐无算，两淮积欠至五百余万引，商引壅滞。至孝宗时，而买补余盐之议兴矣。余盐者，灶户正课外所余之盐也。洪武初制，商支盐有定场，毋许越场买补。勤灶有余盐，送场司，二百斤为一引，给米一石。其盐招商开中，不拘资次给与。成化后，令商收买，而劝借米麦以赈贫灶。至是清理两淮盐法，侍郎李嗣请令商人买余盐补官，而免其劝借，且停各边开中，俟逋课完日，官为卖盐，三分价值，二充边储，而留其一，以补商人未交盐价。由是以余盐补充正课，而盐法小变。《明史·食货志》

定盐运司岁册奏缴期限，两淮于次年四月终，差吏亲赍奏缴，仍造清册二本，一本送户科注销，一本送本部查考。若有过期，并数月不清，及虚出捏造者，查究问罪。《明会典》

弘治五年，八月，户部尚书叶淇请招商纳银运司，类解太仓，分给各边。
《明史·食货志》

弘治十三年，令两淮盐课自本年为始，逐年完办。不完分司，场官革去冠带，住俸。至次年六月不完，并将运司革去冠带，住俸。《明会典》。
差都御史一员，清理两淮盐法。《明会典》

弘治十四年，佥都御史王璟督理两淮盐法。《明史·食货志》。令两淮行盐地方有司，凡遇商人运到引盐，即据报告数目，卖毕追收退引，按季缴送运司，听巡盐御史年终通查具奏。如有不缴至五千引以上者，该府州县官听本部参奏问罪。
《明会典》

是年二月，开大同淮盐百万引，宣府浙盐五十万引。江南旧志引《大政纪》。

弘治十六年，奏准淮、扬二府各场灶丁有欠税粮者，止许催促，不许拘拿监追；犯罪者行运司提问，亦不许径自拘扰；户内该解军役，另佥相应人丁管解，不许将现办盐课灶丁，一概佥解。《明会典》。令两淮运司，今后各场盐课，先要办验灶丁逐日纳盐，若有泥土，不许收受。如系官吏总催插扣抵数挪补，问发时近卫分充军。分管官不行用心办验者，事发一体治罪。《明会典》

弘治十七年，令两淮巡盐御史清理各场灶丁盐课，有丁少、办纳不敷者，许多余盐课洒派丁多去处带办，待后贫难场分灶丁复旧，各照原额办纳。《明会典》。议准

淮盐累年开中过额，致累商人，以后止开实在之数，免致额外透派。目下续到应透派者，听巡盐御史径行运司挨取未开常股空额，免其添价。《明会典》

正德二年，江西赣州、南安、吉安，改行广东盐。《明史·食货志》。江西故行淮盐三十九万引，后南安、赣州、吉安改行广盐，惟南昌诸府行淮盐二十七万引。既而私贩盛行，袁州、临江、瑞州私食广盐，抚州、建昌私食闽盐，于是淮盐仅行十六万引。巡抚马森疏其害，请于峡江县建桥设关，扼闽、广要津，尽复淮盐额，稍增至四十七万引。未久桥毁，所增之二十万引复除矣。《明史·食货志》。令浙江水利僉事，往来苏、松、嘉、兴等处地方，提督巡盐事宜。《明会典》

正德三年，差科道官各一员，查盘两淮运司革支商人引盐，变卖银两解京。《明会典》

正德七年，题准两淮水乡灶丁，每岁该办盐九千一百四十九引，每引纳工本银三钱五分，解送运司给散煎办灶丁，今办纳不前，每引减旧额征银二钱，年终运司征完解部。《明会典》。令改富安、安丰、梁垛、东台、何垛、草堰、角斜、拼茶、丰利、石港、金沙、余西、吕四为上场，马塘、天赐、西亭、新兴、余中、余东、庙湾、掘港、伍佑、刘庄、白驹、小海、丁溪为中场，莞渚、临洪、板浦、徐渚为下场。《明会典》。令宁夏开中两淮运司，本年分盐课每引定价二钱五分，不拘粮草取勘时估贵贱、道路远近，定立斗头斤重，拨纳本色。不愿纳本色者，两淮盐课每引纳银四钱五分，河东每引三钱，听从各官召商采卖抵数。《明会典》

嘉靖元年，令查勘两淮商人原中残盐不应革没者，每引原纳银三钱，加添一钱。《续文献通考》

嘉靖二年，议准以后两淮运司割没私余盐斤，淮南每引价一两，淮北每引价八钱，俱存留变卖银两解部，接济边储。《明会典》。巡按御史秦越条陈查拨引盐以平市价，欲将淮北四场内商人所领莞渚、临洪二场七万八千六百八十余引，改赴仪征批验所，与淮南引盐一体掣卖，以济淮南里多盐少之处。江南旧志引《明实录》。

嘉靖六年，议准以后开中两淮盐课价银，每引以六钱为例，不许任意增添。两浙、长芦仍量搭配。《续文献通考》。

议准两淮运司余盐，每二百斤，淮南定价八钱，淮北六钱。《明会典》。时余盐盛行，正盐守支日久，愿中者少；余盐第领勘合，即时支卖，愿中者多。自弘治时以余盐补正课，初以偿逋课。至嘉靖时，延绥用兵，辽左缺饷，尽发两淮余盐七万九千余引于二边开中，自是余盐行。其始尚无定额，未几，两淮增引一百四十余万，每引增余盐二百六十五斤，正盐未派，先估余盐，商、灶俱困。《明史·食货志》

嘉靖七年春，敕户部曰：甘肃边储久缺，其详划经久之策以闻。霍韬云：宜复钞法

以存灶户，轻引银以来商贾。上嘉纳之。《两浙盐法志》。
霍韬上淮盐利弊疏，略谓：

唐刘晏只用淮盐，遂济国用。臣今姑议淮盐利弊。国初以两淮卤地，授民煎盐，岁收课盐有差，亦犹授民以田，而收其赋也。惟盐课条例云：凡各灶丁除正额盐外，将煎到余盐夹带出场及私盐货卖者，绞。然则耕民纳赋租外，将余粟货卖者绞，可乎？此法良有深意，而后人失之矣。淮盐原额三十五万引有奇，后改办小引，七十万有奇。然两淮盐课，除正额外，犹产余盐三百万引有奇。今正额已不得多取，余盐复不得私卖，即三百万引余盐安所消遣乎？两淮行盐地方数千里，人民亿万家，所仰食盐只七十万引，饔飧安所取足乎？是无怪乎私盐横溢而盐价涌贵也。国初灶丁办盐，每引四百斤，给工本钞二贯五百文。盖洪武年间，钞一贯值钱一千文，故灶丁得实利，而冒禁卖私盐绞死。今钞一贯不易粟二升，乃禁绝灶丁勿卖私盐，是逼之饿以死也。此后来行法之弊，非初年之失也。正统二年，令曰：贫难灶丁，除正额盐照旧收纳，其余盐收贮本场，每二百斤给米麦二斗。十三年，令曰：每余盐二百斤，灶丁实得米一石。乃私卖盐即绞死可也。但当时令虽出，而民实无措，故官司挟此令，以征取余盐，实不能必行此令以给民米麦。且贫弱灶丁，朝有余盐，夕望米麦，不得已先从富室称贷，然后加倍偿盐者有矣。贫民卖私，人即捕获；富室卖私，官亦容忍。故贫灶余盐必积富室，乃得私卖。富豪挟海负险，多招贫民，广占卤地，煎盐私卖，富敌王侯，法愈严则私愈大。顽民见利而不见法，于是弃农贩私，挟兵负弩，官不敢问。近年将众为劫，贻大患，不止阻坏盐法而已。然既不能讲求古法，以处置余盐，复不能变通钞法，以补给工本，则贫民何所仰赖而不为变？故盐禁愈严，盗贼愈多，此之由也。此盐场灶户之利弊也。

洪武年间，招商中盐，每引纳银八分，官之征至薄，商之获至厚，盐价平贱，民亦受赐。永乐年间，每盐一引输边粟二斗五升，商税虽加，边粮仰足，民亦受赐。自永乐以后，岁定七十二万引，复定七分常股，三分存积。夫日常股，犹常行也，商人先给边粮，乃给引目，守场候支常年盐也，有守候数十年者，老死而不得支者，今兄弟妻子代支之令可考也。日存积者，积盐存场，遇边粮急缺，乃倍价开中、越次放支之盐也。此居货网利，非王法正体。成化以后准纳折色，每盐一引，准纳银三钱五分或四钱二分。又令云：客商若无现盐，许本场买补。夫曰本场买补，即开余盐私卖之禁矣。故奸商借官引以影私盐。然商人、灶户两得赢利，州县士民亦食贱盐。惟私盐愈行，则官盐愈壅，而法遂大坏，今两浙盐课许纳折色之令可考也。弘治、正德年间，或权奸奏讨，或勋戚恩赐，皆给引目，自买余盐，故法虽大坏，而盐亦平贱。复有各年开中未尽盐，名曰零盐；秤掣余盐堆积有所，曰所盐，皆权要报中，借影私盐以壅正额。故正德以前，盐价虽平，而正课日损。自御史秦越奏革所盐，秤掣余盐每二百斤作一小引，税银一两，则取之过重。自御史戴金奏减盐价，每引纳银八钱，庶几适中。今之议者，复论盐包过大者，皆不知本末之见也。夫正盐涌贵，则私盐盛行；私盐愈行，则正盐愈滞，亦其所也。此商人中纳利弊也。

今欲复洪武之法，则有上策；欲救今日之弊，则有中策；区区修补近年利弊，则已无策。何谓上策？须变通钞法，使钞一贯值钱千文，灶丁为实利，则额盐一大引，给工本二贯五百，余盐二小引，亦给钞二贯五百，各场余盐尽属之官。私挟私卖，处绞勿失，则两淮正盐七十万引，余盐三百万引，举可招商开中。或如永乐时一引输粟二斗五升，或如成化时一引折银四钱，或竟如洪武时一引纳八分，均无不可。正课轻，私盐不禁自止。私盐塞，正课流，边储自实矣，故曰上策。

何谓中策？令各商中正额盐一百引，带中余盐三百引，正盐纳边粮二斗五升，余盐纳边粮二斗，听与灶户价卖。其客商借官引影私盐，灶户不办验官引辄卖余盐者，各照律绞勿赎。又令正盐一引，止二百五十斤；余盐一引，亦重二百五十斤，革近年大包及劝借米麦积年害商诸弊。选廉能为提督御史兼三边劝农使，遇盐商纳粮即收，粮贱许纳本色，粮贵许纳折色，俾商无久淹。复选廉能为漕运都御史兼理盐法，俾自举用运使、提举等官，商人纳粮，即与支盐勿淹。凡积年害商坏法诸弊，悉与革绝。两都御史互相关通，如左右手，然后足以集事。数年后，以边储余积，募民垦农地阙防，固百年之利也，故曰中策。

何谓无策？洪武初，给灶民卤地草场，额盐一引，给钞二贯五百文，复免杂差，所以资灶丁者甚厚。岁课止十万引，取之又薄。惟余盐不许私卖，给官钞收之。天下食贱盐之利，灶户无余盐之滞，其法极善。自钞法不行，则官司无术以处余盐矣，乃日挟余盐者绞，果可行乎？严，则灶丁空腹以死，否则为变；宽，则三百万引余盐，尽入奸入囊橐。法穷者一。灶丁因困穷逃遁，赈抚徒勤，逃亡益甚。法穷者二。招商中盐一引银四钱，今加至七钱。买锅刻二钱，边上科罚或三四钱，劝借米麦亦复二钱。税愈重则利愈大。奸人避重税则正课壅，趋大利则私盐行，虽绞刑不可禁遏，况有赎刑之令乎？法穷者三。私盐盛行，顽民在扬子江及各海港者，樯船千万，鸟飞狼集，不可禁御，官兵远望而不敢近诘。而淮、通、泰、宝应各州县民气顽悍，惟射盐利，死刑不惧，迫则激变。诛夷之则情可哀恤，缓纵之则顽犷愈甚，法穷者四。故曰无策。

臣窃谓治盐利犹治河患也。治盐利不究弊源，惟末流之防，犹治河患不从雍冀孟津怀卫引为陂堰，凿为沟渠，以广其利而分其势，乃从徐沛下流浚其淤土，厚其堤防，则愈浚愈淤，愈筑愈溃，亦势也。故今欲兴淮盐之利，须令淮安漕运及三边提督、都御史讲求其法，而责以底绩，务令盐课、边储互相关通，均为休戚。两都御史共秉一心，如左右手，然后足以集事而底绩。至于选人得失，委托专暂，成效虚实，尤宜责之吏部。期之数年，盐利不兴，边储不实，边民不蕃，边地不辟，不收久大之效，而坐策治安，则两都御史、吏部尚书、侍郎，诛罚连坐，然后任人者不敢苟且，任于人者不敢怠玩，而政有实效。

此两淮利弊也。举两淮则天下可知也。《两淮盐法志》

按：霍疏，《淮志》无年月，《江南旧志》则附于嘉靖二十八年后。今姑依《浙志》系诸七年。

奏准南京户部遇运司赍领盐引，额办之外，增刷引目两倍，共一百四十四万道，每五十道为一封，移咨都察院转行巡盐御史用印铃盖，发运司收领。自嘉靖七年为始，照商人各边报中，引目以额盐总数为则。如原在边中正盐一千引，许报中余盐二千引，照年份、场分配搭。淮南每引定银一两二钱，淮北一两，内各除资本银二钱五分：淮南纳九钱五分，淮北纳七钱五分。俱赴运司上纳，照数给与引目，令其自行买补，免其纳赈。《明会典》

嘉靖八年，议准自嘉靖七年为始，各边中正盐一引到于运司，令添中余盐二引，先纳引纸价银六厘，行南京户部添刷引目二道，给与商人。正盐照旧派场纳赈关支。添中二引，听各商自行买补。过所，如法秤掣，每引除包索二十斤，其余每二百斤，淮南纳银八钱，淮北纳银六钱。支掣之后，赴司纳价，解送太仓库，候各边支用。添刷过引目，年终通查搭配过边商报中若干，支卖缴到者，照正额引目截角解部；未支者，运司贮库造册送部查考，候次年照数补刷。每年凑足一百四十四万道以备中。《明会典》。朱廷立巡盐两淮，有专地方责任、禁别场买补、遵颁降铜铤秤掣、开辟草荡、溥赈济、复改派诸奏。《两淮盐法志》

嘉靖九年，议准停止添刷引目，每盐一引五百五十斤过所，内除正盐二百八十五斤，其余盐二百六十五斤，每二百斤淮南纳银八钱，淮北六钱，就令本商纳完，给小票执照发卖。该纳价银，量其发卖月日，限以程期，赴运司上纳。《明会典》

嘉靖十一年，令两淮巡盐御史严督分司官，招抚逃移灶丁。《明会典》

嘉靖十四年，题准两淮盐斤每包五百五十斤，内二百八十五斤连包索为正引，原定六钱，近减作五钱；二百六十五斤为余盐，淮南原定八钱，今减作六钱五分，淮北原定六钱，今减作五钱。正盐上纳本色粮草。余盐不必开边，照旧运司纳银解部，转发各边采买客兵粮草。《明会典》

嘉靖十五年，议准两淮正、余引盐照旧五百五十斤为一包，内余盐二百六十五斤，每二百斤淮南原定价银六钱五分，又六十五斤该银二钱一分零，共银八钱六分零，今减作八钱。淮北原定价银五钱，又六十五斤该银一钱六分零，今减作银六钱。此外若有夹带，淮南以一百六十斤，淮北以二百斤，各纳银一两，以惩筑打大包奸弊。《明会典》

嘉靖十八年，令查通、泰、淮三分司所属盐场，掣过余盐五万两，赈济被灾场分。灶丁极贫无妻者，每丁给银三两，使自娶；死亡者，召募僉补。若有人民犯私盐徒罪以上者，补充灶丁，诸项差课暂为宽贷。《明会典》

嘉靖二十年，部议两淮盐额六十九万六千三百引，原无余盐之法，请自二十年始，悉遵旧法，勿派余盐。夹带者割没人官。应变卖者，以时估为准。从之。

《续文献通考》

嘉靖二十一年，题准太仓银积少支多，各运司余盐照旧纳银解部，以济边储。其两淮价银，自本年为始，量为轻减，每二百斤淮南定价五钱五分，淮北四钱。

《续文献通考》

嘉靖二十五年，命淮盐额行地方，各巡抚、御史，督责所司查销退引，以杜商弊。江南旧志引《明实录》。

嘉靖二十七年，题准自二十八年为始，开中引盐，无论常股、存积，不分淮、浙、山东、长芦，俱照原定价则，止令上纳本色粮草。仍须严申法令，不许势豪占中经纪包揽，并禁革额外劝借官攒常例，使商人获利乐从。《续文献通考》

嘉靖二十八年，议准两淮余盐自二十九年为始，每盐二百六十五斤，淮南征银七钱，淮北征银五钱一厘二毫。《续文献通考》

嘉靖三十年，三月，议准两淮运司，除将原额正盐七十万五千一百八十引及余盐并行开边报中外，自嘉靖三十年为始，每包内加二百斤，令商人照数自行买补，与同新旧开边正、余盐俱作一包，赴仪、淮两所过掣，淮南、淮北悉纳银解部。

《明会典》

嘉靖三十一年，议准行两淮巡盐御史转行运司，每年查照原定里分、掣过引目，出水程填注期限，并商人贯址、姓名开申巡盐，移文各该行盐地方巡按转行所属。如遇各商运到引盐，即拘令报官，卖毕就拘退引，截角封送布政司直隶府州，按季差人类缴运司交割，仍申巡按勾销。但有过限缴不足数，即查追提问。每年终，巡盐仍通查该缴退引，奏行户部。查果不及原派数目至三千引之上者，将各司府州县掌印官，参奏问罪。《明会典》

嘉靖三十二年，题准解京割没银两，量为扣留，作为工本，将各场灶户分为上、中、下三则，收买余盐三十五万引，分派办纳商人，每中额盐二引，带中工本盐一引，照依正盐定价上纳本量草。《明会典》

嘉靖三十七年，议准工本盐每引淮南七钱，减银二钱；淮北五钱一厘三毫五丝，减银一钱五分。免其官买盐斤，令商自向各场小灶买盐赴掣，其扣买收买工本割没银，照旧解部。仍要每单淮南六万六千引，外加三万四千引为一单；淮北三万四千引，外加一万六千引为一单。每年淮南四单，淮北二单，务期一年掣尽。《明会典》

嘉靖四十年，题准仪、淮二批验所，各商未掣盐一百五十一万三千二百二十一引，计淮南十八单，淮北六单，所载共该余盐银一百一万一千一百三十六两一钱，委官尽行改捆秤掣，每引五百五十斤，若多五斤以下，照常割没，五斤以上，照夹带问拟。大约每单实解出余盐一万一千九百一十引一百七十斤，折算改作正盐配引附掣，照例征纳余盐银两，顶补逃亡定额无征之数。《明会典》。

题准湖广衡、宝二府，仍食淮盐；郟阳一府，造入两淮行盐地方引目，拨盐发卖。《明会典》

嘉靖四十一年，十一月，敕尽蠲两淮加额。《续文献通考》。两淮余盐银，自鄢懋卿征至百万，限半年解五十万，商人苦之。巡盐御史徐广言：祖宗朝两淮盐法，曰常股，曰存积，曰水乡，共七十万五千八十引，每引以二百斤为一袋，商人赴边报中，每引纳银八分。永乐后，纳粟二斗五升，下场关支四散发卖，商利亦十五焉。迨年增添迭出，正盐之外，加以余盐；余盐之外，又加工本。工本一兴，必加添单；添单不足，必加添引。且加以割没虚包斤数，则析入秋毫矣。懋卿见掣盐阻滞，欲为疏通之术，不知前盐有掣无售，一时征敛，商困无极，议者遂指为例。臣查前岁所解，非取诸商也。秤掣后即为催督，此单不足，预借下单。下单不足，则质当引目。又不足，则鬻产回籍。又不足，则悉括库贮，若挑河等银，尽借历年所积，不罄不止。户部但知有银解部，而不知银所自来，皆剜肉医疮也。且时异势殊。往岁行盐之地，如江西之袁、赣、南、吉，已奉题开；湖广之衡、永、郴、宝，揆食广盐；河南之南、汝二府，止存舞、叶二县。是地方渐狭而不如者。往岁粒米狼戾，钱货流通，而今迭告灾凶，民不及糠粃。是生计渐窘而不如者。此时不加体恤，安知将来不并六十万而尽亏也？年来产盐各场，皆没于水，煎烧之所，荡析离居，征盐入仓，甚费縲绁。臣始至境，招来灶丁，稍稍复业，若必欲取盈百万之数，官必追商，商必追灶，恐复业者一人，而逃者数十人，弦急欲绝，莫棘于此。乞敕部尽蠲加额，以后仍以六十万两征解，庶商、灶可以经久。疏入，部议亦以为然。诏可。《续文献通考》

嘉靖四十四年，题准工本盐虽有报纳，而正盐未免停积，且商、灶俱困，将工本盐三十五万引尽行革去，止解余盐银六十万两。《明会典》。

湖广衡州府、江西吉安府复行广盐。《两淮盐法志》

嘉靖四十五年，题准该掣盐引每引五百五十斤外，附带余盐二十二斤，淮南定价一钱一分，淮北九分，以补原割没本银无扣之数。此外若多余盐，照旧一斤一分割没。《明会典》

隆庆元年，三月，巡按直隶御史苏朝宗条奏：蠲工本以苏商困。盐课自都御史王绅建议，扣除余盐八万二千两，每引官给灶户银二钱，收买余盐，谓之工本。后以引盐积滞，旋议停罢，而银两亦无见贮。议于正盐外，每引附带余盐二十斤，淮南八单，淮北四单，共征银八万二千两有奇，以抵工本之数，而盐课愈重，商本愈亏。

今宜少从宽恤，将附带盐斤，秋季以后即为停止。每引照旧以五百十斤秤掣，则课额减而商困少苏。《续文献通考》。朝宗又言：灶丁贫困不一，今九则编派之法，自四引起至二十引止，皆以耦起数，甚于贫灶不便。宜兼用奇耦之数，下下丁以三引四引起算，下中丁以五引六引起算。至如上三丁则更加一算，如十五引至二十三引而止。辨事产之厚薄，分丁户之壮弱，务使灶丁各得其平。《两淮盐法志》

隆庆二年，副都御史庞尚鹏总理两淮、长芦三运司。《明史·食货志》。议准河盐引价，著为三等。分拨见引，淮南定银九钱，淮北定银八钱。分拨起纸关引，淮南八钱，淮北七钱。分拨到司勘合，淮南七钱，淮北六钱。若边商赍执仓钞勘合到运司，责令内商照依原定价则收买，以便即日回还，不得措勒留难。仍将内商的名报出，造册在官。如遇支盐到桥顶坝，行令白搭河安东坝各巡检验放盐船。如该掣盐一百引，方许造单。如无新引，不许过桥入单，著为定例。《明会典》

七月，御史马文炜奏：两淮余盐近多移借，不便稽查。请如旧规，每岁定掣淮南八单，淮北四单，征完则按季解部，勿得多寡越数，先后愆期，庶出纳明而弊端靳革。报可。《续文献通考》

隆庆四年，令两淮盐法尽复大盐旧例。《明会典》。
御史李学诗议罢官卖余盐，报可。《明史·食货志》

隆庆五年，两淮巡盐御史张守约言：引价太重，则内商有高价之苦，而边商有守候之难，乞酌量议减原价五分。从之。江南旧志引《古今鹺略》。

隆庆六年，题准南京石灰山关，每年差事简御史一员，专管掣验。一年定以四掣，每仲月巡盐御史委官稽船封引，督批验所催船登册，务限季月来旬赴关听掣。《明会典》

万历四年，题准两淮巡盐及南道御史，以后每季掣盐，以孟月二十日开价分卖，仲月二十日封引，季月二十日到关，如期验放。若奸商观望故违前期者，不准续卖。及到关违时者，亦不准放。《明会典》。八月，弛两淮盐改捆小包之禁。《续文献通考》

万历五年，题准先因两淮堆盐雍滞数多，暂停存积，令照旧开中。《明会典》

万历七年，议准淮、扬二府逼近盐场州县，听其以米易盐。止许肩挑背负，不许多捆大包。其二府所属原派官盐一千引者，止派五百引；五百引者，止派三百引。责令各州县金选殷实铺户，赴仪、淮二所架下分买掣过单盐运往拆卖，盐尽仍将铺户领过引目缴报。《明会典》

十一月，户部复准淮东青浦、袁浦等场，改认下砂、青村二场买补引目，减去银三分，止追银一钱四分。《浙江通志》

万历九年，题准南京户部添委主事一员，每遇石灰山关盐商到日，与盐政、道御史齐诣公所，眼同掣验。如御史不到，主事不得行事；主事不到，御史不得开关。其主事以四季为满，另委更替。《明会典》

万历十三年，户部复巡盐御史蔡时鼎听收折价之议，每引淮南征银三钱，淮北征银二钱二分。盖廩盐积滞，暂为疏通也，以后全征本色。江南旧志引《明实录》。

万历十七年，户部复巡盐御史陈禹谟复牒成规，每岁该掣八单，每单八万五千引，定于五月、十一月中旬牒掣。务按拨单顺序，不得搀越。江南旧志引《明实录》。

万历十九年，户部题，巡盐御史徐图议称：开存积、引价二事难行，宜停免。其所议加带割没盐斤，淮南每引带盐十斤，征银五分，共十六单；淮北每引带盐二十斤，征银一钱，共八单，暂行二年。另议。诏可。江南旧志引《明实录》。

万历二十六年，七月，命中官鲁保鬻两淮没官余盐，保议开存积盐。户部尚书杨俊民言：额外加盐，必亏正课。御史马从聘亦争之。不听。保开存积盐八万引，引重五百七十斤，越次超掣，压正盐不行。三十四年夏至明年春，正额逋万余。保惶惧请罢，寻死。有旨罢之，而引斤不能减矣。《明史·食货志》

万历三十七年四月，议定标盐法，以备辽饷。《续文献通考》

万历四十二年，巡盐御史龙遇奇请立盐政纲法，以旧引附见引行：淮南编为十纲，淮北编为十四纲，计十余年，旧引尽行。从之。自是盐课解太仓者几倍。《续文献通考》

附盐道袁世振纲法议：

查淮南纳过钱粮之数，有二百六十余万引，内除消乏银者纳六十余万引，其实数仅有二百万稍缩耳。今分为十纲，每年以一纲行旧引，九纲行新引。行旧引者，止收旧引本息，而不令有新引拖累之苦。行新引者，止速新引超掣，而更不贻旧引牵搭之害。两不相涉，各得其利。如今丁巳年为第一纲应行旧引之年，止令行本纲二十万旧引，不令行一新引。其新引派于淮南者，凡四十八万六千五百九十六引，却分派与九纲共行之。又加以挂掣附纲十余万引，每正纲算派新引五万一千二百引，附纲算派新引二万五千六百引，是在向也以四十八万有零新引，而责行于二十万旧引之商。今也以四十八万有零新引，而散行于二百余万超掣之商。其在签点中者，既

不苦力量之难支；其在签点外者，又不苦冷坐而难待。至明年戊午，为第二纲应行旧引之年，亦止令行旧引，不行一新引。却令第三纲以至第一九纲及附纲，照窝数派行新引。己未以后，俱照此行。从此以往，行至丙寅凡九年，而旧引尽净，即挂掣之引是年亦净。却令渐加新引，以补淮北暂停新引之数。此十字纲册，自今刊定以后，即留与众商永之百年，据为窝本。每年照册上旧数派行新引。其册上无名者，又谁得钻入而与之争鹜哉！此法利无不收，弊无不除，不待之数年，而盐法已豁然大通矣。《续文献通考》

万历年，李汝华拜户部左侍郎，进尚书，官户部久，于国计赢缩、边储虚实与盐漕诸大政，皆殚心裁剂。《明史·李汝华传》。汝华上盐法疏：

国家财赋，盐法居半。岁计所入，止四百万，半属民赋，其半则取给于盐筴。两淮岁解六十八万有奇，长芦十八万，山东八万，两浙十八万，福建二万，广东二万，云南三万八千各有奇。除河东十二万及川、陕盐课虽不解太仓，并其银数，实共该盐课二百四十余万两。又各边商所中盐、粮二项，并旧额、新添计之，实有二百余万之数。每岁完不缺额，庶合民赋牵补边计，犹少二十余万。乃今竟何如也！盖我朝盐法，自正德迄今凡三壅，而今为甚。正德末年，权阉占窝，淮盐大壅。至嘉靖初年，为小盐之法以疏之。嘉靖末年，鄢懋卿增行引三十五万，淮盐复大壅。至隆庆初年，庞尚鹏仿小盐之法以疏之。迄今十余年来，罔课横行，淮盐复益大壅。谓亦宜仿小盐之法，师其意以疏之。臣兹不揣，窃谓今日两淮盐法，须以急救二商为主，以急复祖制为经，以正行见引附疏积引为题目，以预关引目、改行小盐、仿前人已事为方略。预关引目，所以行新引也。改行小盐，所以疏积引也。现行正盐而滞疏积引，如现征正赋而带征夙逋，所以复祖制也。祖制复而二商苏矣，二商苏而国计举矣。盖新引之利，人人所攘臂而争趋之者。惟是旧引习积，无法疏通，则并新引之例而相损之。今有法如此，令得新引之厚息，而又并沾旧引之微费，人其舍诸？盖新引旧引，皆以一商合并而行，其亏本者少，而获利者多，故积壅渐疏。而新课无套搭之忧，仓钞盛行，而边引无不售之叹也。《两淮盐法志》

崇祯间，每盐引加征银两，以充边饷。又于湖广武汉等府增行淮引，每引复派练剿诸饷不等。江南旧志

崇祯中，给事中黄承昊条上盐政。时兵饷方绌，不能行。《明史·食货志》。元年七月，承昊以太仓出浮于入，请复中盐法，召对褒嘉。即以中盐输粟一事，法废已久，请因册封之便，道过淮、扬，先与盐臣面商两淮利弊。许之。至十一月，承昊与盐臣张养条上盐政，颇欲有所厘革。部议以兵饷方绌，不能尽行。仍议承昊当从优纪录，以俟擢用。诏从其请。户部议复黄承昊盐法疏曰：

科官所陈折价之说，请得而备言之。祖制令盐商输粟，以给边戍；令灶户煎盐上官仓，以备商支。商人每引输粟二斗五升，赴场支盐二百五十斤。盖以已票易官盐，

两不相属。后因官仓贮盐，风雨消折，致有诈冒开除之弊。于是议令灶户每引折价二钱，收贮库内，以给边商，使边商自买场盐，听从运发。亦每引二钱，名曰仓盐折价。后边商复以行盐不便，遂将纳粮仓钞并仓盐折价银两，卖与内商支领行盐。则前项折价之银，原系内商之物，但因先年内商消乏，屡借运库存贮银两，以抵解京岁课，例应众商补还。故前任盐臣龙遇奇议将内商应领仓盐折价，每岁约银七万两征入运库，以抵众商补库之数。至丁卯年，方将仓盐还商。后因辽饷匮乏，议将前银总入加增辽饷内，以济国用。此折价输官之始末也。丁卯年以后，折价虽应还商，但前银原以充加增之辽饷，榆关军旅未停，则前银归商无日，应俟新饷停止之日，徐议蠲还可也。

至于盐斤，两淮每引原系五百七十斤。后因积引难消，道臣袁世振始创减盐之法，以四百三十斤为一引，淮商还多出引窝二十三万引，以销积引。积引未销，新引亦觉难增。若夫大功加课一项，原属额外之输。本年三月内，从前部臣奏：崇祯元年以后，悉行豁免。时部臣以陵工费巨，复欲开征。致议将天启六、七两年原增未完之银，令清完补解。并崇祯元年再征一年，以后遵照豁免。

至于凤阳荒地，耕稼甚便，合听官盐会同抚按，资其牛种，即行募垦，俾有成效。
《续文献通考》

崇祯四年八月，户部员外郎王珍锡上言两淮盐政。《续文献通考》。
珍锡上两淮盐政疏曰：

盐法无他，不过裕国、通商、恤民三者而已。裕国者何？以行引也。行引多则纳课多。丁巳以前二百年来，每年额行七十万引。丁巳以后，每年除额引外附销积引三十万，共行一百万。边、内二商，每引约纳引价五钱，余盐八钱，计七十万引，该国课八十余万。则一百万时，该钱一百二十余万矣。此显而易见者也。

乃引何以昔行少而今行多也？其说在通商。夫各商行盐，权子母而已。往行七十万引，其盐重，每一引为一包，重五百七十斤。改为八十小包，每一小包，止定价七分，则合一引约银五两六钱。今行一百万引，其盐轻，每一引亦为一包，重四百三十斤。改为六十小包，每一小包定价一钱，则合一引约银六两。论盐则反轻一百四十斤，论价则反多约四钱。计一引约成二两外，是每岁额加银二百余万矣。

乃银从何处来？其说在恤民。夫盐者，小民之命也。无论富厚之家，即穷乡下邑，何能食淡？今自丁巳以后，虽日每一小包一钱，其实每小包贵至一钱四五分矣。可一听其疾苦而莫之问耶？原奉神宗旨，丁卯年淮盐积引二百万销尽；庚午淮北积引一百四十万销尽；自辛未年起，盐仍前五百七十斤，价仍前每一包七分，而引亦仍前七十万。乃今年正辛未也。则不问引，不问价，而止曰销积引。

夫积引二字，假引私盐之渊藪也。如上年报积引七十万，臣疏假引宜清一款内，有安知七十万以后，不更有几七十万者出乎？今则报三年未完为二百一十万，臣言不幸而中矣。敢再为一言曰：安知二百一十万以后，不更有二百一十万者出乎？奸人之藏未可尽也。今若概以积引为假引而废之，则玉石有俱焚之患，而各商必俱惶惧。

有一最直截法于此，每年仍行引一百万，以七十万为旧，三十万为新。查其积引之果真者，亦改入新引三十万内。盖言积引，则不期假而自假。言新引，则不期真而自真。此一定之理也。每年算各商本银若干，引价余盐银若干，每一引合定价若干。其每年阴加二百余万之银，明以数十万增国课，阳以数十万与各商，尚多为百姓暗减百余万，以无失神宗初意。且使江、广、两淮赤子踊跃欢呼，仰见清时良法一奋更始，涵濡德泽乃无穷也。此臣所谓裕国、通商、恤民者此也。

且臣向为扬令，而淮、扬盐亦稍贵，又有说焉。盐用草烧，而小灶荡地，俱为大灶兼并开垦，以致草少盐少，其害一。盐用丁煎，自仓盐改为折价，而每丁该纳盐二百零五斤者，改纳银二钱，故人俱游手而不事本业，以致煎出盐少，其害二。盐从官发，自关桥无法，私放盛行，故人卖私盐，以致私盐多，而官盐少，其害三。虽种种琐务，难以枚举，而此其大较也。于数者加之意焉，盐不期贱而自贱也。

《续文献通考》

崇祯十四年，用御史冯垣登言，建松江所，辖掣昆、常、嘉、太、华、娄、上、青等州县引盐。《两浙盐法志》

第五卷 近代盐法概要

清

场 区

清初沿明旧制，两淮设场三十，曰富安、栟茶、安丰、角斜、梁垛、东台、何垛、小海、草堰、丁溪、白驹、伍佑、庙湾、莞渚、徐渚、板浦、临洪、兴庄、新兴、吕四、余东、余中、余西、金沙、西亭、石港、马塘、掘港、丰利、刘庄。

康熙十七年，以徐渚一场并入板浦场。

雍正五年，以临洪、兴庄二场并为临兴场。

乾隆元年，裁通分司所属之马塘场归石港场辖，余中场归板浦场辖。板浦为淮北引盐总汇，添设大使一人。淮分司所属之刘庄、伍佑、新兴、庙湾四场改隶泰分司辖，泰分司所属之栟茶、角斜二场改隶通分司辖。盐政高斌奏请，经部复准。按：淮安分司于乾隆二十八年改为海州分司。

乾隆三十三年，以西亭场归并金沙场，小海场归并丁溪场。盐政尤拔世奏请，经部复准。

附 两浙运使所属江苏各场区

康熙四十一年，裁下砂三场，并入下砂二场。

雍正二年，裁下砂二场，归下砂头场兼理。

雍正七年，四月，议准复设下砂二场，裁浦东场，归并横浦场。浙江总督李卫奏请，经吏部复准。

乾隆五年，七月，议准复设浦东场，并添设崇明一场。浙江巡抚兼盐政卢焯奏请，经吏部复准。

又复设下砂三场，并为下砂二、三场。

各场区域：

石港场

隶通州境，分司驻其处。东极海，西界通州民地，南界金沙，北界丰利，东北界掘港。范堤自北而南，计长五千六百余丈，合三十一里有奇。

金沙场

隶通州境，距分司四十里。东界余西，西南界通州民地，北界石港。范堤在场东北，自北而南，折而东，长三千余丈，合十九里有奇。

吕四场

隶通州境，距分司一百六十五里，南场之最远者。东北皆海，南与海门厅、西与余东场连界。范堤自西而东，折而南，至廖角嘴止，计长五千六百余丈，合三十一里有奇。

余西场

隶通州境，距分司六十五里。西界金沙，东界余东，南为通州与海门厅界河，北滨海。范堤亘其北，东西长五千四十余丈，合二十八里有奇。

余东场

隶通州境，距分司百里。东界吕四，西界余西，南界通州民地，北滨海。范堤亘其北，自西至东长八千四百六十丈，合四十七里有奇。

丰利场

隶如皋境，距分司八十二里。东界掘港，西界栟茶，南界石港。北则范公堤，东西横亘，长四千七百七十余丈，合二十七里有奇。

掘港场

隶如皋境，距分司六十里。西连马塘，余皆环海。范堤绕其三面，长一万四千三百七十余丈。

角斜场

隶东台境，距分司水路二百三十四里。其地广为里者十，袤为里者二十二，椭而修如一角然。东西邻栟茶境，南至平家河，北至富安场。范堤在北，长三千四百九十丈。

拼茶场

隶东台境，距分司七十里。东至丰利，西至富安，南至如皋之洪零沟，北滨海。范堤长七千一百六十余丈，新堤长二百九十七丈，格堤长二百九十七丈。

右通州分司所辖，以金、石、吕、余东、西为南五场，以丰、掘、角、拼为北四场。

东台场

隶东台境，分司驻其地。南界梁垛，西界何垛，东滨海。范堤自聚东门至梁垛三里庵，长一千七百四十丈有奇。

何垛场

隶东台境，距分司三里。东滨海，西至西溪，东西广一百二十里。南界东台，北至丁溪，计长九里。范堤自聚东门至九里墩丁溪场界止，计长一千四百四十丈。

伍佑场

隶盐城境，距分司一百三十里。东滨海，南至刘庄。范堤起于刘庄之前溪墩，迤北抵盐城，长六百七十七丈有奇。

安丰场

隶东台境，距分司二十一里。西至东台，北至梁垛，南至富安，东滨海。范堤南北界于富安、梁垛之中。

庙湾场

隶阜宁境，距分司二百八十里。东滨海，西至谢家桥，南至新兴界，北至贺家沟。范堤南至新兴，北迄射阳湖，计长六千八十丈有奇。

富安场

隶东台境，距分司四十里。东北皆海，东与李家堡、南与泰州杨家庄、西与安丰场连界。东西广一百十里，南北袤二十三里。

梁垛场

隶东台境，距分司十八里。东滨海，西连民地，南至安丰场界，北至东台界。南北相距七里，东西计长九十八里。范堤南自安丰，北至东台，计长一千八百七十丈。

草堰场

隶东台、兴化境，距分司二十八里。东至海，西至串场河，南至丁溪之小海旧场，北至刘庄。范堤南自丁溪、北至刘庄合白驹，共长五千一百四十余丈。

刘庄场

隶东台、兴化境，距分司八十里。东至斗龙港，西至围止河，南至白驹，北至伍佑。范堤亘南北，长五千五百九十一丈。

丁溪场

隶东台境，距分司五十里。西至兴化、东台界，南至何垛，东距海，北与草堰接壤。范堤南自何垛九里墩，北至草堰界，共长二千三百二十七丈五尺。

新兴场

隶盐城境，距分司百八十里。东至海，南至天妃闸，北界庙湾。范堤自南而来，至草堰口止，计长一万一千五百五十丈有奇，合七十五里。

右泰州分司所辖，以富、丰、梁、东、何为南五场，丁、草、刘、伍、新、庙为北六场。

板浦场

在海州之东，分司驻其地。东界中正，西界海州，北滨海，南抵祝项河。十丈湖环其西南，云台山峙其东北。

中正场

在板浦东，距分司二十二里。南界安东，北至云台山，东滨海。

临兴场

在海州、赣榆间，僻居海滨，为两淮二十三场尾间，距分司六十里。东滨海，南抵海州，西接赣榆民地，北界山东日照县境。

右海州分司所辖。

按：清代两淮盐场，在南则有通、泰两分司所辖二十场，在北则有海州分司所辖三场，共为二十三场。

附 两浙运使所属江苏各场区域

横浦场 在松江娄县西二十七图西仓镇地方，距运司三百四十四里。所辖场地，东至青龙港，接浦东场界；西至平湖县，接芦沥场界；南至海；北至张泾堰，接金山县界。计延袤九里。

浦东场 在金山县北北仓镇地方，距运司三百五十里。所辖场地，东至漕泾镇，接袁浦场界；西至青龙港，接横浦场界；南至海；北至张泾镇界。计延袤一十八里。

袁浦场 在华亭县东北柘林镇地方，距运司三百九十里。所辖场地，东至青村场夏家路团分界；西至浦东场三岔墩分界；南至海塘；北至奉贤县界。计延袤二十四里。

青村场 在奉贤县南青村港地方，距运司四百三十里。所辖场地，东至下砂场界，西至高桥镇界，南至袁浦场界，北至下砂场界。计延袤八十五里。

下砂头场 在南汇县南二墩地方，距运司四百五十五里。所辖场地，东至海，西至南汇县民田界，南至青村场界，北至下沙二场五团界。计延袤一百里。

下砂二场 在南汇县北川沙堡十一墩地方，距运司五百里。所辖场地，东至海，西至黄浦界，南至四团头场界，北至宝山县界。计延袤一十二里。

崇明场 在崇明县东花洪汛地方，距运司七百五十里。所辖场地，东至大洋；西至海，接海门厅界；南至海，接宝山县界；北至海，接通州吕四场界。计延袤八十里。

右嘉松分司所辖，在江苏境内。

草 荡

顺治十三年，议准灶户逃亡，荡地荒芜，设法清丈，以均肥瘠。

乾隆九年，禁草荡私垦为田。置盐政吉庆行司查禁。

乾隆十九年，七月，复准两淮各场如有地棍奸灶，将荡草私贩渔利，除民灶各犯按拟治罪外，其不行查禁之该管场员、分司、卅、县各官，照例参处。如遇产草极丰之年，供煎有余红草，仍听酌量转售；白草虽遇丰收，禁止贩卖。盐政吉庆奏请，经部复准。

乾隆二十四年，复准江苏范堤内外蓄草荡地，除乾隆十年以前旧垦地亩仍留播种外，概行禁止；嗣后如有灶户图利私垦，致碍淋煎，照盗耕官田律治罪。该分司场员自行查出，免议；失察者照例参处。

乾隆四十七年，详准泰属灶户赴邻场买草，除车载者照旧免其领票外，其船载者，禀明本场请给印票，票内不必填定场分，该场无草可买，即赴别场。售买草船出场，巡役验票放行。运使仓圣裔议详，经盐政伊龄阿批准。

嘉庆三年，二月，详准凡有拨补地亩，如已经成熟长草，灶户无力管业，与邻总交易者，定限回赎，不准绝卖。如于甫经拨补，尚未成熟即行出售，无论本总、隔总，概不准回赎。倘买户无力承业，情愿转售，仍由本总老灶觅同总殷实之人承买归总。运使曾焕详议，经盐政征瑞批准。

道光元年，十一月，奏准申明搁草章程。盐政延丰奏准。

道光七年，十月，札飭各场私垦荡地，押令灶户犁毁放荒。盐政张青选札飭。

道光十一年，禀准余东场丈定界址，以下马路为止，淮海荡尾一体归煎刈草，革除灶户荡租。余东场大使徐庆贤禀请，经两江总督兼盐政陶澍批飭运司议行。

光绪二十三年，十二月，奏准两淮场田变通丈垦。两江总督兼盐政刘坤一奏准。

光绪二十七年，九月，奏准吕四场荡滩分别留煎、开垦。两江总督兼盐政刘坤一奏准。

光绪三十一年，二月，奏准整顿场务，保全草荡。署兵部尚书铁良条奏，经部复准。

宣统三年，闰六月，详准将淮南各场境内窑庄槽坊，一律查禁，以重煎产。两淮运使增厚详，经督办盐政处批飭，照案封禁。

各场草荡额数：

丰利场

实存草荡一千三百六十八顷七十八亩有奇，沙荡四十三顷三十八亩有奇。

掘港场

原额草荡一千五百三十五顷六十亩有奇，沙荡一百一十一顷二十二亩，新升仓基十亩八分八厘。

石港场

原额草荡一千六十顷八十七亩五分，沙荡三十三顷六亩，新升沙荡五百七十顷三十三亩有奇。又马塘场归并，原额草荡五百二十三顷六亩有奇，沙荡三顷四十亩，新升沙荡一百七十二顷四十五亩有奇，仓基九亩有奇。

金沙场

原额草荡一千九十三顷三十三亩有奇，沙荡六十七顷五十亩，新升沙荡四百七十九顷六十三亩有奇。又西亭场归并，原额草荡四百八顷八十亩，沙荡三顷八十二亩，新升沙荡二百四十顷四十亩有奇。

吕四场

原额草荡，除被潮灾坍没外，实存草荡一千三百十六顷五十七亩二分，新复草荡九百七十七顷八十四亩有奇。

余西场

原额草荡八百三十六顷七十亩有奇，沙荡三十顷六十一亩，新升沙荡七百十四顷九十九亩有奇，仓基二十八亩有奇。又余中场归并，原额草荡，除被潮灾坍没外，实存草荡一百六十四顷九十一亩，新复荡地三百三十三顷五十四亩有奇，新拨荡地九十三顷九十七亩有奇，新升沙地九十八顷八十一亩有奇，新升沙荡一百六十七顷四十亩有奇。

余东场

原额草荡一千二百三十七顷五十一亩有奇。又查出溢地二十一顷七十四亩有奇，新涨滩地一百三顷十五亩有奇，沙荡一百六十九顷二十七亩有奇。

角斜场

原额草荡五百五十一顷十亩九分，仓基三亩一分。

拼茶场

原额草荡二千一百三十三顷三十一亩三分，新升仓基二十亩有奇。

富安场

原额草荡三千七百八十六顷八亩有奇，沙荡二百八十一顷一十九亩有奇，新升沙荡二百八十顷七十亩有奇，仓基五亩八分。

安丰场

原额草荡二千八百二十顷五十亩有奇，沙荡一百七十一顷八十六亩有奇，新升沙荡一百五顷，新淤沙荡三百三十二顷二十八亩有奇。

梁垛场

原额草荡一千九百一十四顷四十二亩有奇，沙荡四十七顷二十亩有奇，新升沙荡二十八亩有奇，新淤沙荡六顷五十五亩有奇。

东台场

原额草荡二千三百三十四顷三十五亩有奇，沙荡八十二顷一十六亩有奇，新升沙荡五十四顷六十二亩，新淤沙荡三十五顷四十八亩有奇。

何垛场

原额草荡二千一百二顷一十二亩有奇，沙荡四百六十三顷七十五亩有奇，新升沙荡一百八十七顷七十五亩有奇，仓基三十一亩有奇，新淤沙荡二百五十六顷六十二亩六分。

丁溪场

原额草荡二千八百七十七顷九十六亩有奇，沙荡三百六十八顷八十亩有奇，新淤沙荡三百六顷九十一亩有奇，新升荡地三十五顷二十一亩有奇。又小海场归并，原额草荡一千七百六十九顷五十二亩有奇，沙荡三百七十三顷七十八亩有奇，新升沙荡六顷八十六亩有奇，仓基十三亩有奇，新淤沙荡一千一百四十二顷二十五亩有奇。

草堰场

原额草荡二千一百九十一顷九十四亩有奇，沙荡一百五十一顷八十三亩有奇，新升沙荡一千六百九十二顷四十二亩有奇，仓基二十三亩四分。又白驹场归并，原额草荡一千二百一十九顷七十六亩有奇，沙荡十一顷三十三亩有奇，仓基八亩一分。

刘庄场

原额草荡二千二百九十二顷八十七亩五分，沙荡五百八十九顷三十四亩七分，新升沙荡四十五顷八十六亩有奇，仓基一十七亩三分，新淤沙荡一百七十三顷四十一亩有奇，新升荡地十六顷九十九亩有奇。

伍佑场

原额草荡二千三百四十三顷，沙荡八十一顷二十五亩五分，新升沙荡一百四十八顷八十七亩有奇，仓基九亩有奇，新升公樵地三百二十二顷，新淤沙荡二千三十七顷二十九亩二分。

新兴场

原额草荡一千四百五十五顷七十四亩，沙荡四十顷六十八亩五分，新升沙荡二百二十七顷二十亩，仓基五十亩，新淤沙荡七千六百八十一顷六十四亩有奇。

庙湾场

原额草荡一千七百四十二顷六十五亩，沙荡二百七十八顷四十一亩有奇，新升沙荡二千三百七十七顷一十九亩有奇，新淤沙荡八十八顷四亩。又天赐场归并，原额草荡八十二顷八十一亩有奇，涸出草荡四顷三十五亩有奇，新复草荡五百四十四顷八十八亩七分，涸出沙荡十二顷一十五亩有奇。

板浦场

停屯荡地一百六十四顷六亩二分，新升仓基二十四亩有奇。又徐渎场归并草荡二百七十七顷八十四亩八分，久被潮水冲坍。

中正场

停屯荡地一百三十八顷三十三亩一分，新升仓基五亩。又莞渎场归并，原额草荡三千五十七顷八十七亩有奇，沙荡五百三十六顷一十九亩有奇。于康熙七年因黄河堤

决，被水淹沈，嗣后陆续退出，逐年新复，几及原额。乾隆间，又丈申溢地四千五百二十顷八十三亩。

临兴场

临洪场原额草场，除荒芜外，新复荡地五百三十顷七十一亩有奇。又兴庄场归并，原额草荡地四百七十一顷五十六亩有奇，沙荡地十顷五十五亩。

按：以上各场草荡额数，系据宣统三年折价由单开载两淮运使所属江苏各场荡地额数。

横浦场

原额上、中、下各则课荡二万八百七十六亩有奇，各则税荡一万八千九百七十二亩有奇。现额上、中、下各则课荡二万七百八十一亩有奇，各则税荡一万八千八百四十亩有奇。

浦东场

原额上、中、下各则课荡四万三千二百二十二亩有奇，各则税荡三万三千五百一十三亩有奇。现额上、中、下各则课荡四万八百八十三亩有奇，各则税荡三万三千三百四十三亩有奇。

袁浦场

原额上、中、下各则课荡六千九十八亩有奇，各则税荡一万九百一十七亩有奇。现额上、中、下各则课荡五千七百八十三亩有奇，各则税荡一万一千五百三十一亩有奇。

青村场

原额上、中、下各则课荡三万二千六百五十三亩有奇，各则税地四万三千五百五十亩有奇。现额上、中、下各则课荡三万一千三百八十八亩有奇，各则税地三万三千二百四十四亩有奇。

下砂头场

原额上、中、下各则课荡一十万五百二十四亩有奇，各则税荡六万四千五百五十七亩有奇，又盐墩四千一百二十三所半。现额各则课荡九万七千四百七亩有奇，各则

税荡五万二千一百二十七亩有奇，又盐墩四千一百二十三所半。

下砂二三场

二场原额上、中、下各则课荡一十万六千八百一十四亩有奇，各则税荡一万二千二十五亩有奇。现额上、中、下各则课荡九万九千五百九十五亩有奇，各则税荡一万一千九百八十一亩有奇。三场原额上、中、下各则课荡八万三千七百四十亩有奇，各则税荡六万四千五百一十九亩有奇。现额上、中、下各则课荡六万四千六百六十亩有奇，各则税荡六万三千三百七十三亩有奇。

崇明场

无额征场课，亦无灶丁，不给灶贴，散列永宁、永盛、龙珠、洪勋、仙影、升成六沙。嗣因土深，有迁至七激、小阴各沙者。

按：以上各场荡地额数，据《嘉庆盐法志》开载。其嘉庆以后续有升科坍豁荡地，无凭记载，姑从阙。

灶 丁

顺治十七年，八月，题准抚按檄行道、府、州、县各衙门，凡属灶丁充当胥役，尽行革出，回场煎办。

乾隆九年，九月，详定场灶编立保甲规条。十二月，议准场员编排保甲，奉行不力，仍照失察私盐定例参处。署两淮盐政吉庆以编立保甲为弭盗缉私、绥靖民灶之善法，饬经运司朱续晔详定规条。又奏场员编查保甲，请援照地方官议处议叙之例，经部复准。

乾隆二十一年，八月，奏准盐场编排保甲，每年冬令清查一次，如有玩忽从事，照州县不力行保甲例参处。盐政普福奏准。

乾隆四十一年，八月，咨准灶户滋生丁口，于每纲考核册内题报，毋庸归入民数册内。盐政伊龄阿咨明督抚行司飭遵。

各场灶丁额数：

丰利场

原额办盐灶丁三千六十五丁，加编灶丁烟户二千四百八十八户，共计六千九百九十

九丁。

掘港场

原额办盐灶丁一千六百八十一丁，加编灶丁烟户六千三百六十二户，共计一万七千二百七十九丁。

石港场

原额办盐灶丁二千八百五十丁，又马塘场归并原额办盐灶丁六百二十三丁，又加编灶丁烟户五千七百一十二户，共计一万五千三百七十五丁。

金沙场

原额办盐灶丁一千九百三十丁，又西亭场归并原额办盐灶丁九百五十四丁，又加编灶丁烟户五千六百三十一户，共计一万四千三百八十四丁。

吕四场

原额办盐灶丁除避潮灾逃亡外，实存三百四十六丁，加编灶丁烟户三千九百四十九户，共计一万六千七百六十丁。

余西场

原额办盐灶丁一千六百二十六丁，又余中场归并原额办盐灶丁一千一百一丁，又加编灶丁烟户七千一户，共计二万六百五十三丁。

余东场

原额办盐灶丁二千四百一十丁，加编灶丁烟户四千四百七十三户，共计一万七千二百二十六丁。

角斜场

原额办盐灶丁三百九丁，加编灶丁烟户二千六百三十九户，共计七千二百三十二丁。

拼茶场

原额办盐灶丁四千七百五十二丁，加编灶丁烟户二千六百六十七户，共计七千五百四十一丁。

富安场

原额办盐灶丁一千九十九丁，加编灶丁烟户一万二千八百九十二户，共计四万三千九百六十二丁。

安丰场

原额办盐灶丁一千五百八十五丁，加编灶丁烟户一万九千六百九十四户，共计四万八千四百十三丁。

梁垛场

原额办盐灶丁三千三百八十五丁，加编灶丁烟户七千二百二十五户，共计二万四千七百七十四丁。

东台场

原额办盐灶丁一千九百六丁，加编灶丁烟户八千七百七十六户，共计二万五千七百四十一丁。

何垛场

原额办盐灶丁二千五百四十一丁，加编灶丁烟户八千一百五十一户，共计二万四千四十九丁。

丁溪场

原额办盐灶丁一千七十七丁，又小海场归并原额办盐灶丁四百四十一丁，又加编灶丁烟户一万九千五百二十一户，共计四万八千四百八十丁。

草堰场

原额办盐灶丁一千五十一丁，又白驹场归并原额办盐灶丁四千四百十七丁，又加编灶丁烟户一万一千四百七十七户，共计三万四千八十六丁。

刘庄场

原额办盐灶丁一万六百六十四丁，加编灶丁烟户九千八百三户，共计二万三千七百四十一丁。

伍佑场

原额办盐灶丁七千一百二十一丁，加编灶丁烟户二万七千四百四十二户，共计八万六十五丁。

新兴场

原额办盐灶丁二千三百二十二丁，加编灶丁烟户一万八千一百二十四户，共计四万九千六百二十五丁。

庙湾场

原额办盐灶丁二千三百二十一丁，又天赐场归并原额办盐灶丁五十四丁，又加编灶丁烟户一万七千四百七十三户，共计五万七百十二丁。

板浦场

原额办盐灶丁一千八百五十三丁；又徐渎场归并原额办盐灶丁八百五十丁，除流亡外，陆续招抚复业，实存一百三十四丁；又加编灶丁烟户四千七百八十九户：共计一万三千三百丁。

中正场

原额办盐灶丁一千七百五十六丁；又莞渎场归并原额办盐灶丁一千五百丁，康熙七年黄河堤决，场灶全逃，后陆续招集复业，实存四百五十六丁；又加编灶丁烟户五千一百八十四户：共计一万二千四十二丁。

临兴场

临洪场原额办盐灶丁迁废，康熙十八年开复后，陆续招集复业，实存二百四十二丁；又兴庄场归并原额办盐灶丁迁废，康熙十八年间开复后，陆续招集复业，实存四百六丁；又加编灶丁烟户四千三百七十八户：共计一万一千七百六十三丁。

以上各场灶丁额数，系照《两淮盐法志》开载。

横浦场

原额灶丁四千七百七十七丁。

浦东场

原额灶丁四千八百四十六丁。

袁浦场

原额灶丁六千七百二十丁。

青村场

原额灶丁一万二千八百丁。

下砂头场

原额灶丁一万四千四百丁。

下砂二三场

原额灶丁二万四千一百丁。

崇明场

原额无。

以上两浙运使所属江苏各场灶丁额数，据《嘉庆盐法志》开载。

池

淮南之盐出于煎，有场以摊灰，有坑池以淋卤，所以候煎也。淮北之盐出于晒，有沟井以蓄水，有砖池以积卤，所以供晒也。之筦筑必随荡，池之铺设必计砖，荡若干亩，砖若干片。供盐一引，在昔各有定数，故池亦皆有定额。厥后海势变迁，沙淤滩涨，有移以就卤者，有借地以铺池者，于是池之设，既非故地，亦非原额矣。

道光十七年，查丈淮北三场盐池。海分司童濂稟复，查丈淮北三场盐池，明定额产盐数。经两江总督兼盐政陶澍批准。

道光十九年，禁池丁私铺盐池及将池面私放宽大，并令青口三疔土地一律铺砖。

海分司童濂稟，经两江总督兼盐政陈夔龙批飭运司核准。

同治八年，十一月，详准吕四场在新淤丁荡移筦场，免其升科。
运司方浚颐详，奉两江总督兼盐政马新贻批准。

同治九年，四月，详准余东场修复荒，摊晒办煎暂缓入额。又详准丰利场添筦场，先行试煎，暂缓入额。署运司庞际云详，经两江总督兼盐政马新贻批准。

光绪三年，稟准查禁私晒，将沙基一律犁毁。
海分司于宝之稟，经两江总督兼盐政沈葆楨批飭照办。

光绪五年，闰三月，详准泰属下游报废改垦，即以私卤厚之区拨补产数。
运司欧阳正墉详，经两江总督兼盐政沈葆楨批准。

光绪三十四年，二月，复准淮南庙湾场商人同福昌，在苇荡右营筑圩铺池，创办晒盐，并增置煎灶。所拨苇营公荡，按年缴租，免完盐池折价。
两江总督兼盐政端方咨部复准立案。

七月，奏准淮南盐引产不敷销，亟须培养商灶，并在淮北增铺新池，以顾岸销。
两江总督兼盐政端方奏奉朱批照准。

九月，复准商人同福昌在苇荡右营开铺济南池引。两江总督兼盐政端方咨部复。
按：同福昌共铺盐池二十一圩，内有五圩系承领官圩。

宣统二年，十月，商人大阜承领苇荡左营官铺盐池四圩，并接铺六圩。
两江总督兼盐政张人骏咨明盐政处立案。

宣统三年，五月，商人公济在苇荡左营增铺二十圩。运使增厚详，经盐政处批飭：
查明有名无实之场，分别裁并，移作增铺北圩引额，迅拟办法，详候核夺。

各场池报存实数：

角斜场

存场三百六面。

拼茶场

存场五百七十三面。

石港场

存场二十六面。

丰利场

存场一百二十七面。

掘港场

存场八百九十四面。

金沙场

存场四十八面。

余东场

存场二百八十面。

余西场

存场五十四面。

吕四场

存场四百二十七面。

以上通属。

富安场

存场三百五十面。

安丰场

存场一千一百二十四面。

梁垛场

存场二百七十九面。

东台场

存场三百八十一面。

何垛场

存场六百六十面。

丁溪场

存场六百四十九面。

草堰场

存场六百十九面。

刘庄场

存场二百九十六面。

伍佑场

存场一千六百六十面。

新兴场

存场一千六十二面。

庙湾场

存场六十二面。

以上泰属。

板浦场

存砖池四千九百六十五面。

中正场

存砖池二千四百八十九面。

临兴场

存砖池一千九百九十九面半。

以上海属。

上据光绪十七年各场报存实数开载，计通、泰两属场较原额为减，而海属三场砖池则仍与原额相符。查近年通、泰各场，海迁卤淡，荒日多，屡议移筦，迄未溢额。海属三场产盐虽旺，惟原设砖池定有额引，各场私筑沙基，因属例应查禁，即光绪季年筹议济南开辟新滩，亦未拨引入额，故于各场砖池，仍载原额，以符经制。

附 两浙运使所属江苏各场团灶额数

横浦场 西兴团、中正团、东二团、西二团、东新团，共五团，四十九灶，锅盘四十九副，每灶锅四口。

浦东场 浦一团、浦二团，共二团，一十五灶，锅盘一十五副，每灶锅四口。

袁浦场 朱家墩团、盐房头团、焦盐团、戚滌墩团、吴家路团、庙路口团、横林团、王家墩团、何家大团、牛郎庙团、石桥头团、西湾团、唐家大团、陆鹤团、城东团、城西团、东新团、西新团，共一十八团，一百二十四灶，锅盘一百二十四副，每灶锅四口。

青村场 头团、二团、三团、四团、五墩，共五团，二百六十八灶，锅盘二百六十八副，每灶锅四口。

下砂头场 邵家宅团、大泖西团、大泖稍团、川沙泖东团、也仁村团、黄沙港团、小泖东团、石皮泖团、杨叶港团、老三灶团、水洞桥团、龙尖嘴团、大泖当团、川沙泖西团、马桥团、新哨泖团、小泖西团、石皮泖东团、新三灶团、四灶港团，共二十团，一百七灶，锅盘一百七副，每灶锅四口。

下砂二三场 其地久不产盐，不设团灶。

崇明场 不聚团额，共八十六灶，散列永宁、永盛、龙珠、洪勋、仙景、升成六沙，嗣因土淡，有迁至七泖、小阴各沙者。每灶铁锅三口。

按：浙盐场自明创聚团公煎之法，清初因之，使灶户互相稽察，其法至善。嗣经兵燹，灶舍废弃，板晒盛行，非尽团煎旧制，而各场团灶之名犹存。兹据《嘉庆盐法志》开载额数，以备稽考。

盘

煮盐之器，有铁盘，有锅，明时皆由运库发帑为之。盘者，合数角为一，给各场灶户团煎，非一灶一丁之所有也。其器厚而坚，重辄数千斤。锅差小而薄，每户一口，锈蚀则重给之。自团煎之法废，煮盐器具不由官给。铁盘工大费巨，不能添设，所通用者，锅而已。然亦必得请于官，始能铸造以应用，盖犹古者官与牢盆之遗意也。

雍正六年，禁止盐场灶户私置盘。江南巡察御史载音保条奏，经部复核照办。

乾隆八年，七月，运司详准借动商捐铸，发给贫灶，于盐价内扣银归款。运司朱续晔详，经盐政吉庆批准。

乾隆十年，十二月，奏准添铸煎盐盘角。盐政吉庆奏，奉部复准。

乾隆四十三年，六月，奏准禁止场灶私增盘。盐政伊龄阿条奏，经部复准。

嘉庆三年，二月，详准商需用铁斤，由运司给照，持赴楚省产铁地方购买。运司曾焕等会详，经两江总督、江苏巡抚批准。

同治四年，七月，札飭广招商，添铸口。署两江总督兼盐政李鸿章札飭各场出示招商承办。

光绪四年，十一月，详定商开炉铸，自开铸日起，限两个月停铸，定铸官一千二百口为度。运司欧阳正墉详，经两江总督兼盐政沈葆楨批准。

光绪十四年，二月，禁毁卤锅私。运司福裕稟，经两江总督兼盐政曾国荃批飭照办。

光绪三十年，十月，详准革除商名目，将铸事宜改归官办，每口定价七千五百文。运司恩铭详，经两江总督兼盐政魏光燾批准。

火 伏

煎盐之法，以一昼夜为一火伏。两淮自雍正年间始定稽查火伏之例。于各场灶按盘

角口严定额马，责成头长掌管印牌，举火则领，熄火则缴。而又立簿扇以稽查时刻，设联单以磨对盐数，所以防溢额、杜私煎，法至善也。特以法久弊生，虚应故事，稽查火伏，遂为具文，斯则有治法尤贵有治人耳。

雍正六年，议准行火伏之法。巡盐御史噶尔泰题请举行火伏之法，经浙江总督李卫、江南总督范时绎会同议定照行。

乾隆二十九年，十月，奏准将稽查火伏之巡商裁汰，令大使周流查察。盐政高恒奏准。

乾隆三十五年，七月，详定各场煎盐日期。运司郑大进详，经盐政李质颖批允施行。酌议富安、安丰、梁垛、东台、何垛、丁溪、草堰、刘庄、新兴、伍佑、角斜、拼茶、掘港十三场，均定以一百三十日；丰利场，一百日；庙湾、石港、金沙、余西、余东、吕四六场，定以九十日。遇闰之年，各加十日，作为定制。

乾隆四十三年，六月，复准各场煎盐盘，飭分司场员查勘册报，由司给发循环印簿，查核火伏。盐政伊龄阿奏，经部复准。

乾隆五十七年，四月，详准申严火伏事宜。护理盐运司淮南监掣同知陈洪绪详，经盐政全德批准飭遵。

道光二年，七月，议准火伏之法，是场员专责，倘日期先后参差，致盐数不能确实，即惟场员是问。户部议复两淮盐政曾燠复奏御史条陈一案，申明火伏之法，是场员督煎专责。

十一月，令清查各场盘每日煎盐，按旬折报。运司钱宝甫通令各场遵办。

同治五年，十一月，详准各场灶头灶长巡役按季考核产盐缺溢，分别赏罚。署运司程桓生详，经署两江总督兼盐政李鸿章批准。

光绪六年，九月，禀准确稽火伏，宜恤灶情。泰分司金兆槃禀，经两江总督兼盐政刘坤一批准。

十一月，禀准严核晴雨折报，实稽产数，并酌给灶头灶长赏银，以资鼓励。泰分司项晋蕃禀，经两江总督兼盐政刘坤一批飭运司照办。

光绪三十年，七月，详准严核煎盐火伏。运司恩铭详准照办。

光绪三十一年，八月，详准每灶给发门牌，将煎丁人口、火伏额马、每岁产数，暨有无随草荡，一一填注，给灶悬挂，以凭比煎。
泰分司毛华详，经运使批准照办。

光绪三十二年，二月，定稽查火伏章程。泰分司陈方铭稟准稽查火伏章程十条。

七月，续定稽查火伏章程。泰分司任文澜稟准稽查火伏章程六条。

垣 堆

明行边中海支之法，濒海各场，并办仓盐，商人纳粟于边，持引赴场支盐，官即以仓盐给之。万历后，食盐折征，此制遂废。清初，于各场设立公垣，以为商、灶交易之所，盖已非官仓之旧矣。而运商又不自赴场，皆令人承领课本立垣代买。嗣有自行收买，以转售于运商者，是为垣商，亦曰场商。其后垣商亦有出资自置池者。此又淮南之商、灶，淮北之本池、客池所由别也。垣商收盐，淮北以筐计，淮南以桶计，斤重价目皆有定程，爰并志之。

顺治十七年，十一月，题准盐场设立公垣，场官专司启闭。凡灶户煎盐，均令堆储垣中，与商交易。如藏私室及垣外者，即以私盐论。商人领引赴场，亦在垣中买筑，场官验明放行。倘有私贩夹带等弊，该场官、役，一并重处。
巡盐御史李赞元奏陈，经部议题准。

乾隆二年，十月，奏准动用运库闲款钱粮，选择良商，收买灶盐。
盐政三保奏准。

乾隆七年，正月，以场盐旺产，严饬场员督催场商尽数收买，并饬淮商随时发课。
盐政准泰通令各场遵办。

嘉庆四年，十一月，批准临兴场盐多垣少，将中正场久经闭歇之九垣，裁归临兴场，移建收储。运司曾燠详，奉盐政书鲁批准。

嘉庆十一年，十二月，详准场盐按垣轮派收买。
运司曾燠详，奉盐政额勒布批准。

道光元年，十一月，奏准垣商收盐，务照产额尽数收买。其有实在无力收盐者，准其自行觅售，或租典殷商。盐政延丰奏准。

咸丰三年，十一月，奏准近场食盐，改归就垣拨买。
两江总督兼盐政怡良奏请，经部复准。

光绪四年，二月，定淮南场盐挨年递重之法。
运司欧阳正墉等会详，经两江总督兼盐政沈葆楨批允。

光绪二十八年，三月，咨明通、泰角斜、枞茶、掘港、庙湾等场，招商集股，开办公收。两江总督兼盐政刘坤一咨部立案。

光绪三十年，八月，奏准设厂聚煎，暂就吕四一垣试办，毋庸别立公司名目。
两江总督兼盐政刘坤一奏，奉朱批：着照所请。

桶 价 附 盐 筐

乾隆二十三年，正月，定淮南各场灶盐交易，以两桶配一引，每桶各重二百斤。
运司卢见曾详，经盐政批准。

乾隆三十年，十一月，奏准淮南纲盐以四百斤捆运出场，两桶配成一引。淮北灶户卖盐，向系用筐论担，每担除筐净重六十斤，以十四担配成一引，计重八百四十斤，照此收买捆运。盐政普福奏陈，奉旨允行。

同治四年，七月，核定淮南各场桶价。署两江总督兼盐政李鸿章札饬各场遵照。

同治七年，闰四月，详准酌减各场桶价。运司李元华详准。

同治十二年，十二月，禀准淮北收盐，每筐重五十五斤，两筐为一担。
海州分司禀，经两江总督兼盐政李宗羲批准。

光绪二年，六月，禀准收盐样桶，由官制造，较准发场，仿造应用。
前江西粮道段起等禀，经两江总督兼盐政沈葆楨批准。

光绪二十五年，八月，奏准酌定煎丁工价，不准折扣，并严禁商人克扣桶价。
钦差协办大学士、兵部尚书刚毅奏准。

光绪三十年，八月，详准酌加淮南各场桶价。
运司恩铭详，经两江总督兼盐政魏光燾批准。

光绪三十二年，禀准续加桶价。
泰分司陈方铭、通分司丁士年先后禀，经运司批准。

光绪三十四年，七月，奏准培养商、灶，酌加岸价，以递加桶价。两江总督兼盐政端方奏，奉朱批：度支部知道。

宣统二年，十一月，详准酌提鄂、湘、西、皖四岸运商四成复价，每引津贴场灶，以二百五十文给商，二百五十文给灶。其贴灶之款，商场分，全数发丁收领；灶场分，灶户煎丁各半分领。

运使增厚、淮南盐政公所道员陈惟彦详，奉督办盐政处核准。

附 通泰各场桶价数目

角斜场 尖盐一千二十文，和盐一千十文，碱盐一千六十文。

拼茶场 尖盐九百三十文，和盐九百二十文，碱盐九百七十文。又李堡并场尖盐九百九十文，和盐九百八十文，碱盐一千三十文。

丰利场 尖盐一千一百六十文。

掘港场 尖盐一千五十文，碱盐一千一百九十文。

石港场 尖盐一千八十六文。

金沙场 尖盐一千二百文。

余东场 尖盐一千八十文。

余西场 尖盐一千六十文。

吕四场 尖盐一千文。

富安场 尖盐八百七十文，和盐八百六十文，碱盐九百二十文。

安丰场 尖盐九百十文，和盐九百文，碱盐九百六十文。

梁垛场 和盐九百二十文，碱盐九百八十文。

东台场 尖盐八百三十文，和盐八百二十文，碱盐九百文。

何垛场 尖盐八百四十文，和盐八百三十文，碱盐九百二十文。

丁溪场 尖盐八百文，和盐七百七十文，碱盐八百十文。又小海并场尖盐七百七十文，和盐七百四十文，碱盐七百八十文。

草堰场 尖盐九百七十五文，和盐九百五十五文，碱盐一千二十五文。

刘庄场 和盐八百四十文，碱盐九百文。

伍佑场 尖盐八百四十文，和盐七百五十文，碱盐九百五十文。

新兴场 尖盐七百三十九文，和盐六百七十九文，碱盐七百三十九文。

庙湾场 尖盐九百四十文，和盐八百四十四文，碱盐一千五十六文。

按：以上各场桶价，均据宣统元年查报之数开载。其宣统二年酌提四成复价津贴场灶，按内贴灶之每引二百五十文，不在此数。

盐 色

淮南盐色，向分三等，曰梁盐，曰安盐，曰次盐。梁盐之中，真梁质轻色白，最为上品。正梁、顶梁次之，谓之尖盐。安盐结于底，如炊饭之有锅焦者然，亦谓之碱片。次盐则以池底不洁之卤，更为底尘土所聚，色黑如泥，亦谓之脚盐。场商收盐，以尖、次、碱三项分别堆储，不容揉杂。嗣虑次盐之无售，乃于入垣时，即以次盐和人尖盐，又以碱盐捶碎羼入，统名之曰和盐。此今尖、和、碱三色之所由昉也。

光绪初年，淮南规复引地，讲求煎炼。又有试办重淋之举，卒以场本增重，岸销壅滞，不能敌川，反以病淮，行之不数年，即行停止。此亦定盐色者所宜知也。至淮北盐色，分上、中、下三等。太平三者具备；中富有上、中，无下户；西临有中、下，无上户；临浦、青口均为下户。其大较也。

同治三年，六月，详准湖北淮盐绌销，嗣后收盐捆盐，务须加意讲求，如非上色白盐，不准收垣，不准捆运，并将下色盐价酌减，以津贴上色之盐。湖北督销局道员杜文澜详，经两江总督兼盐政曾国藩批准。

十二月，详准场商于收盐入垣之时，应将尖盐、碱盐、次盐三项分别堆储，准其略增牌价，俾得其平。运司忠廉详，经两江总督兼盐政曾国藩批允。

同治八年，四月，详准以真梁、正梁为一轮，顶梁为一轮，酌定成数，听鄂、湘运商凭色承买。瓜栈道员薛书常详，经两江总督兼盐政马新贻批准。

九月，详准到栈之盐，尖盐低次者，降为和盐；和盐低次者，全数充公。瓜栈道员薛书常详，经两江总督兼盐政马新贻批准。

同治九年，三月，稟准场商余剩脚盐，不准发售。皖岸督销局道员勒方锜稟，经两江总督兼盐政马新貽批允。

同治十年，十月，稟定淮南整顿盐色章程。
运司方浚赳稟陈整顿盐色章程八条，经两江总督兼盐政曾国藩批准。

光绪三年，二月，详准栈盐订交，令运商验明盐色，于护照加盖图记，并严禁行户羼杂泥沙，以保盐色。
运司欧阳正墉、瓜栈道员庞际云会详，经两江总督兼盐政沈葆楨批允。

九月，令通、泰各场试办重淋。两江总督兼盐政沈葆楨通令通、泰各场试办。

光绪七年，七月，稟准整顿和盐，将清堆之盐，加意拣剔，并慎核提尖，勿使因尖害和。运司洪汝奎、仪栈道员徐文达会详，经两江总督兼盐政刘坤一批允。

光绪十二年，十月，以上新兴场正梁壅滞，准其改降顶梁。
署运司程桓生据上新兴场垣商稟请详准。

光绪十三年，十一月，批飭通、泰各场停办重淋。
两江总督兼盐政曾国荃批飭运司，会同局、栈详议照办。

以上淮南盐色。

同治五年，五月，稟准淮北临浦、青口下户之盐，每引酌减经费二钱，并以场分收盐之多寡，定引额之大小。海分司沈炳稟，经署两江总督兼盐政李鸿章批准。

光绪四年，三月，札飭整顿淮北盐色。
两江总督兼盐政沈葆楨札海州分司，转飭各场商遵照。

光绪五年，五月，详定淮北整顿盐色章程。
海州分司于宝之详议整顿盐色章程六条，经两江总督兼盐政沈葆楨批准。

光绪三十一年，三月，稟准淮北三场盐色，分别等差，明定加贴数目，于原定上色外再加顶上色一等。运司恩铭稟，经署两江总督兼盐政周馥批准立案。

以上淮北盐色。

产 额

嘉庆九年，定两淮各场产盐溢缺考成。 户部会议定案。

咸丰八年，正月，议准淮南二十场，大半荒废，照现存煎，核明应煎盐引，将溢额、缺额各职名，年终题报考核。 两江总督兼盐政何桂清奏，经户部议准。

同治三年，定淮南照咸丰七年清查额产，淮北仍照原定额产严定考核。运司详，经两江总督兼盐政曾国藩批准。

光绪二十九年，十二月，奏准清厘两淮产额。户部奏请飭下两江总督，转飭运使，切实查明，设法整顿。

光绪三十一年，八月，议准两淮岁产，以一百万引暂为定额。署两江总督兼盐政周馥奏，经户部议准。

光绪三十二年，三月，奏定淮南各场加增产额。两江总督兼盐政周馥奏，经户部议准。

五月，奏定淮北各场加增产额。 署两江总督兼盐政周馥奏，经户部议准。

细数如下：

角斜场

原额产盐二万六千三百引，遇闰增产盐二千一百九十一引六分。该场重盐一引，开除三桶四分二厘，仍照原额办煎。

拼茶场

原额产盐二万四千七百五十引，遇闰增产盐二千六十二引五分。该场重盐一引，开除三桶四分二厘，仍照原额办煎。

丰利场

原额产盐四千一百七十一引，今加增盐二千引，每年共应产盐六千一百七十一引，遇闰增产盐六百十七引一分。该场重盐一引，开除三桶七分四厘。

掘港场

原额产盐三万九千五百二十五引，遇闰增产盐三千二百九十三引七分。该场重盐一

引，开除三桶五分四厘，仍照原额办煎。

石港场

原额产盐六百四十五引，今加增盐三百五十五引，每年共应产盐一千引，遇闰增加盐一百一十一引一分。该场重盐一引，开除三桶四分六厘。

金沙场

原额产盐九百九十九引，遇闰增产盐一百一十一引。该场重盐一引，开除三桶八分，仍照原额办煎。

余东场

原额产盐一万四千九百八十引，今加增盐一千引，每年共应产盐一万五千九百八十引，遇闰增产盐一千七百七十五引五分。该场重盐一引，开除三桶九分三厘。

余西场

原额产盐四千四百七十引，今加增盐五百三十引，每年共应产盐五千引，遇闰增产盐五百五十五引五分。该场重盐一引，开除三桶八分八厘。

吕四场

原额产盐一万一千引，遇闰增产盐一千二百二十二引二分。该场重盐一引，开除四桶五分八厘，仍照原额办煎。

富安场

原额产盐一万一千九百二十引，今加增盐三千引，每年共应产盐一万四千九百二十引，遇闰增产盐一千二百四十三引三分。该场重盐一引，开除三桶四分六厘。

安丰场

原额产盐四万四百五十九引，今加增盐七千引，每年共应产盐四万七千四百五十九引，遇闰增产盐三千九百五十四引九分。该场重盐一引，开除三桶四分六厘。

梁垛场

原额产盐三千六百引，遇闰增产盐三百引。该场重盐一引，开除三桶四分六厘，仍照原额办煎。

东台场

原额产盐四千七百九十七引，今加增盐四千引，每年共应产盐八千七百九十七引，遇闰增产盐七百三十三引。该场重盐一引，开除三桶四分六厘。

何垛场

原额产盐一万九千七百四引，今加增盐一万三千引，每年共应产盐三万二千七百四引，遇闰增产盐二千七百二十五引三分。该场重盐一引，开除三桶四分六厘。

丁溪场

原额产盐三万一千五百八十引，今加增盐八千引，每年共应产盐三万九千五百八十引，遇闰增产盐三千二百九十八引三分。该场重盐一引，开除三桶四分六厘。

草堰场

原额产盐六万三百三十引，今加增盐三万引，每年共应产盐九万三百三十引，遇闰增产盐七千五百二十七引五分。该场重盐一引，开除三桶四分二厘。

刘庄场

原额产盐一千六百八十引，遇闰增产盐一百四十引。该场重盐一引，开除三桶八分，仍照原额办煎。

伍佑场

原额产盐五万八千一百引，今加增盐二万引，每年共应产盐七万八千一百引，遇闰增产盐六千五百八引三分。该场重盐一引，开除三桶四分六厘。

新兴场

原额产盐三万五千七百五十引，今加增盐一万引，每年共应产盐四万五千七百五十引，遇闰增产盐三千八百十二引五分。该场重盐一引，开除三桶四分六厘。

庙湾场

原额产盐九千七百四十引，今加增盐五千引，每年共应产盐一万四千七百四十引，遇闰增产盐一千六百三十七引七分。该场重盐一引，开除三桶四分二厘。

以上原额产盐四十万四千五百引，今加增盐十万三千八百八十五引，每年统共应产盐五十五万八千三百八十五引，遇闰增产盐四万三千八百二十一引。

又淮北三场加增产额细数：

板浦场

太平局原额十二万四千七百四十三引。青口原额悬引洒派一万四千三百六十二引，新增额三万九千六百九十三引。摊派两临、青、朐四局，新增额一万九千三百七十引，江滁额派六万六千六百七十引。西临局原额三万二千二百十六引，新增额九千一百九十引，提归太中摊派。朐山局原额一万三千四百十六引。青口原额悬引洒派一千六百三引，新增额四千二百九十引，提归太中摊派。

中正场

中富局原额六万一百八十三引。青口原额悬引洒派一万八千引，新增额二百五十引。摊派两临、青、朐四局，新增额九千六百九十引，江滁额派三万三千三百三十引。

临兴场

临浦局原额四万三千四百三十二引，新增额一万二千三百九十引，提归太中摊派。青口局原额一万一千一百六十二引，新增额三千一百九十引，提归太中摊派。

以上原额三十一万一千一百九十七引，新增额八万八千八百三引，江滁额十万引。

附张之洞查明两淮盐务督销局情形折

光绪二十一年十二月

窃臣承准军机大臣字寄光绪二十一年八月初九日钦奉上谕：有人奏两淮盐务督销局一差，江苏候补道员百计钻营，岁可得一二十万金；两湖、江西淮盐引地各设督销局，事权倒置，运司盐道转无从过问，请规复旧制，以专责成。等语。淮盐督销局，应即酌量裁并，着张之洞体察情形，奏明办理。原片着抄给阅看，将此谕令知之。钦此。遵经转饬两淮盐运司江人镜确切查明，妥议规复。去后。

兹据该司江人镜详复：原奏内称：督销局差使，岁可得一二十万金。等语。查鄂、湘、西、皖四岸督销局，经收加课盐厘银两，照章分解司局，拨充京协各饷，向系随收随解，分上、下半年造册奏报，均属有案可稽。此外加局薪缉费等项，亦皆奏奉核定支销。原奏所谓一二十万金，委实查无其事。又原奏内称：盐法道本有稽察盐务，督理行销之责，尽可由盐法道督销。等语。查淮盐运销鄂、湘、西、皖四岸，从前本无督销局名目。然其时各岸无收解课厘之繁，又无保价缉私之责。自同治二年前督臣曾国藩奏定新章，分设鄂、湘、西、皖四岸督销局，专司收解课厘及售盐定价缉私等事，派委道员常川驻局。鄂、湘两岸虽有盐法道会办，仍责成委员经理，以期无扰于商，有裨于用。各岸事务，设有贻误，督销局员即可随时撤换。行之三十余年，尚无流弊。今若改归盐法道督销，非但各省盐道均有管辖之事宜，势难分顾；倘于两淮商情商务未能熟谙，课厘为饷源所系，似未便率尔更章，致贻因噎废食之诮。又原奏内称督销局宜裁则裁、宜并则并一节，查鄂、湘、西、皖四督销局各隶一省，相去千里上下。即就一局而论，行销口岸有数十州县之广，总办一员耳目难周，是以各岸于扼要之处，设立分局，运盐售销，以便民食而遏私梟，似亦难于归并。至各岸局开支用款，凡有可以酌减之处，自应力求撙节，应请飭令各督销局各就各处情形，酌量删减，以副原奏严杜侵漏之意。

并据酌拟整顿四岸督销办法四条。一、四岸督销局向有分销提调文案等要差，应委两淮盐务人员、江苏候补人员及督销局所设之该省地方候补人员经理。此外隔省及候选人员，不准派委此等要差，以昭慎重而免混杂。一、督销局收解课厘正项，向系造册咨司汇报，此外局薪缉费等项杂用，亦应造册咨司，以备查核。一、课厘随销数为盈绌，督销局应将分销各员每月所销盐数，比较上届有无盈亏，注明委员衔名，咨司查核，详定功过。一、各岸盐行经手卖盐，如有积压盐价生息渔利情事，应由该岸局随时查办，务令随售随报，核收价银，不准拖欠。此外正阳盐厘卡兼办淮北督销及五河盐厘卡两处情形，有与四岸局相同者，应一律飭办，以资整顿。各等情。前来。

复经臣设法各路密访，与该运司所奏情形大略相同。

臣查江南盐务，四岸督销局及正阳、五河两卡等差，素有膏腴之名。实由东南初定之时，淮盐畅销，商贾饶足，局用宽舒，委充是差者，不免从容挥霍，传闻称羨。然亦断不至盈余一二十万金之多。近年销滞私多，缉私费用日繁，各局卡情形已渐不如前，本任督臣刘坤一均经概加裁减。臣到两江署任后，又复一律严查，力求节减。除两岸已经前总办道员程仪洛切实裁减、无可再裁外，复飭将仪征总栈一差，责成运司江人镜兼管，不设总办，力节浮费。于商捐局用项下，每年省出银三万两。皖岸督销局于商捐局用项下，每年省出银三万余两。均经奏明拨作储才学堂之用。鄂岸督销局向来颇有挪欠商本缉费之事，经本任督臣刘坤一飭令设法节省，弥补不少。现经臣督飭该局总办道员志钧核定用款，严立章程，每年节省银一万三千余两，永杜以后亏挪商本缉费之弊。此外湘岸亦飭裁减经费银二千余两，裁并沅江、

淶口分卡两处。正阳、五河两卡，迭经札飭力裁浮费，正阳卡先后裁省银四千余两，五河卡先后裁省银四千余两。各局卡统行确加察核，现在实无每年盈余数万金之事。至督销局之设，乃系前督臣曾国藩因时制宜之举，轮销、收厘、运盐、定价、缉私、分销，均须有专员经理，与道光以前盐法旧章截然不同，非有江南委员不可，断非各省盐道所能兼顾。督销道员不力，江南可随时撤换。若专归各省盐道经理，则隔省之实缺道员，岂能由两淮盐政动辄参撤？必致呼应不灵。至设卡分销，多开子店，乃扩充销路力杜私梟之要策。其无益之分卡，应当随时酌量裁并；扼要之分卡，断难自撤藩篱。该运司所陈，均属实在情形，督销局之弊固不能无，然未便因噎废食，诚有如该运司所云者。

至于整饬盐务之道，臣详加体察，不在于省费并局，而在于认真缉私与慎选分销两端。若掣验含糊，巡缉不力，船勇虚冒，私梟横行，此为一弊。分销各员多系冗杂之流，安坐素餐，得规卖放，不能联络营县，不知体察商情，运盐多而解饷少，任意亏欠，套搭不清。其籍贯何处，官职虚实，皆不可知，一有亏欠，则公帑受其累，此又为一弊。欲除两弊，惟在督销得人。若督销各局总办秉公核实，以整顿公事为重，不专以优差佚乐为心，则未销者销路日拓，已销者课价无亏，诸物自可日有起色。至该运司所拟四条，尚属切实，已由臣复加核定，通飭四岸督销局及正阳、五河两卡切实遵办，并责成运司考核，自无原奏所谓事权倒置之虞。果能实力奉行，盐务必有实济。

朱批：知道了。

第六卷 盐法商课

两淮所属盐课

两淮盐课甲天下。清初承明制，而汰其浮征，岁额犹不及百万耳。嗣以浮费编入额课，益之以帑利，又益之以外带杂款，递增至五百万，而纲法敝矣。道光改票，大减浮费，商困以苏。行之未久，军事猝兴，淮北以饷盐抵课，票法大紊。淮南初改就场征课，不效；继改设厂抽税，亦不效。江、淮之间，局卡林立，重叠抽厘，各自为政，盐法扫地尽矣！同治初年，曾国藩重整淮鹺，统一岸收，意在轻课重厘，以赢补绌。其后减厘加课，不过以内外之款相为挹注，于征额固无与焉。及光绪时筹备偿款，而新课始增。至盐斤加价，肇于嘉、道时南河、高堰两大工。当时两淮并未议加，光绪以后，饷需匱乏，新政繁兴，偿款、练兵，一一取资于盐价，于是榷盐所入，遂以课、厘、加价为三大宗，而征额尤视前倍蓰矣。

顺治二年，题准两淮纲引一百四十一万三百六十，每引行盐二百斤，征课银六钱七分五厘四毫。户部题准。

顺治九年，题准增行宁国食盐十有六万七千三百九十八引，每引征课银五钱二分五厘。户部题准。

顺治十三年，题准增行十有六万引，照纲引例征课。户部题准。

顺治十六年，题准上江增食盐九万六千七百引，照例征课。
户部题准。旋于康熙八年停止。

康熙五年，七月，题准江西省吉安府改掣淮盐，增行五万一千三百有二引，照纲引例征课。巡盐御史黄敬玠奏陈，经部复准。

康熙六年，题准湖广省衡州、永州、宝庆三府改掣淮盐，拨销淮南额内纲引八万一千七百有六。其旧额课银，仍于淮南现行引目内，每引摊纳银六分八厘二毫有奇。
巡盐御史宁尔讲疏陈，经部复准。

康熙十四年，八月，题准蜀湖南商盐二十一万五千四百四十五引。户部题准。

康熙十七年，题准加淮南、北纲食盐，闰月课银十三万九千三百七十四两七钱有奇。户部题准。

康熙三十八年，五月，谕：两淮盐课，康熙十六年曾加增四十万两，今恐商人办课维艰，渐至匱乏，着减去二十万两。

雍正三年，复准湖广省荆州府巴东县地涌盐泉，增行二千五百二十六引，课银二千八百六两三钱有奇。嗣于四年十一月，户部议准封闭，令淮商增引纳课。

雍正十一年，十月，题准湖南永顺、永绥增行三千二百七十一引，照吉引例征课。户部题准。

乾隆元年，题准淮北增二万七十引，照例征课。户部题准。

乾隆十年，题准淮北增二万七十引，照例征课。户部题准。

道光十年，十二月，奏准课归场灶，窒碍难行，并定《筹办淮鹺积弊章程》十五条。尚书王鼎、侍郎宝兴、两江总督兼盐政陶澍会奏，奉旨允准。

道光十二年，奏准淮北改行票盐，于海州所属板浦、中正、临兴三场设局抽税，每引征课银七钱二分，经费银五钱二分。两江总督兼盐政陶澍奏陈，经部复准。

道光十三年，奏准淮北票盐试行有效，应照原定科则，每引征课银一两五分一厘，经费银四钱。两江总督兼盐政陶澍奏陈，经部复准。

道光三十年，奏准淮南试行票盐，改定科则：每引征报部正款银一两一钱五分有奇，杂款银一两九钱二分有奇，外带解部纸朱银三厘、立贞接婴等堂经费银八厘、仪河工费银七厘、岸费银四钱、经费银一钱六分、司支银八分。两江总督兼盐政陆建瀛奏陈，奉旨允准。

咸丰三年，议准淮南就场征课，以六百斤出场，作为引半完课，每一大引六百斤，征报部正、杂银一两七钱三分有奇，经费银四钱五分有奇，共征银二两一钱八分有奇。各衙门帑利及解部纸朱等项，一概暂行停止。两江总督兼盐政怡良奏陈，经部议准。

咸丰五年，正月，议准淮南各场设厂抽税，每百斤抽税钱三百文，以二百四十文作为报拨正税，六十文作为外销经费。两江总督兼盐政怡良奏陈，经部复准。

同治三年，正月，奏准江路肃清，淮盐运销楚、西各岸，应完课银仍照咸丰七年奏案征收。两江总督兼盐政曾国藩奏明，奉旨允准。按：咸丰七年奏案每百斤征银一钱五分，合每引六百斤，征银九钱，内以七钱二分作为报部正款，一钱八分作为外销经费。

八月，奏准淮北饷盐截停，招集新旧票贩照常运盐，每引收报部正课银一两五分一厘，杂课银二钱，又外办经费银四钱，仓谷、河费、盐捕营各银一分。

两江总督兼盐政曾国藩奏明，经部议准。

同治五年，正月，奏准淮南减厘加课，每引于现收报部正课银七钱二分、经费银一钱八分外，加银一两二钱一分三厘。

署两江总督兼盐政李鸿章会同原任两江总督曾国藩奏明，经部复准。

光绪二十八年，三月，奏准两淮筹备偿款，淮南运商每引加新课银三钱，新厘银八钱，场商每引捐银一钱五分，食商每引捐钱二钱；淮北票贩每引捐银一钱二分，池商每引捐钱二分。两江总督兼盐政刘坤一奏明，经部议准。

光绪三十四年，十月，定兴、泰、盐、阜、通、如食岸照泰兴例征课。两江总督兼盐政张人骏咨明度支部立案。

宣统二年，九月，定太平食岸照泰兴例征课。两江总督兼盐政张人骏咨明度支部立案。

以上正课。

同治二年，八月，定淮盐运销西岸，每引由局扣存各卡厘银九两四钱四分，西局公费银三钱。

十月，定淮盐运楚每引由楚局扣存厘税银十一两九钱八分，楚局公费银三钱。湖南因加给商本银四钱六分，每引实扣收银十一两五钱二分。

十一月，定淮盐运皖每引缴报效军需银二两五钱，完扬镇军营厘银一两二钱，沙漫洲粮台厘银三钱二分，都营犒赏银四分八厘。盐到大通后，总完下游大胜关、金柱关、荻港、大通四卡厘银四两四钱，大通局费银一钱五分。

按：都营犒赏后改为书院经费，又改为学务经费。

十二月，定税盐由口岸及白塔河出江，售销仪征及江宁七属，每引完扬镇军营厘银一两二钱，沙漫洲粮台厘银三钱二分，都营犒赏银四分八厘，共银一两五钱六分八厘。两江总督兼盐政曾国藩核定立案。

同治三年，正月，定江、甘岸盐每引抽厘银六钱，于请运时随课并缴；高、宝三岸免予加厘。

三月，定楚、西、皖运商酌加栈价每引六钱。楚、西由官认还一半，在于应解安庆盐厘内每引减银三钱，皖岸在于报效项下每引减银六钱。

十月，定天长一岸照江、甘例完厘。两江总督兼盐政曾国藩核定立案。

同治五年，九月，定淮南引盐循环给运鄂、湘两岸，每引预完盐厘一两；西岸每引预完盐厘二两；皖岸先缴报效每引一两九钱。由商贩在各督销局照章完纳，始准发给咨文，接办后运。署两江总督兼盐政李鸿章核定立案。

同治七年，正月，定鄂、湘、西三岸售盐，每百斤减价三钱，每引应减银一两八钱，在于金陵厘款内按照正引核减一两，余于运商本息项下派认；皖岸减价二钱，每引应减银一两二钱，商本、厘金各半扣减。湖北督销局道员程桓生详，经两江总督兼盐政曾国藩批准立案。按：此项盐厘内扣减之款，于光绪三十二年复回八成，宣统二年复回二成，另立一款，谓之复价。

同治十一年，正月，奏准楚岸盐价每引再减银一两二钱，在于应解鄂淮盐厘内各半分扣。两江总督兼盐政曾国藩奏准。

光绪十年，七月，以筹备海防，令各商于本纲应完厘金预厘外，另再每引预缴厘银一两。纲盐分四纲，食盐分两年，按数扣抵。刊发收照，给各商执持，以便呈验，存抵下纲下年之厘。并发给执照，俾环运各商执为永业。两江总督兼盐政曾国荃札飭定案。嗣于光绪十四年万寿山工程、又十五年筹备海军要需各案内，后先仿照海防成案，每引各酌借预厘银五钱。

光绪二十八年，三月，奏准筹备偿款，淮南运商每引加新厘银八钱。两江总督兼盐政刘坤一奏明，经部议准。

以上淮南盐厘。

同治三年，定淮北裁并厘金，五河每包收厘钱五百文，运赴上游，再于正阳关收厘钱五百文，他卡验票放行，不准重抽。两江总督兼盐政曾国藩札飭定案。

五月，定五河卡抽厘应办事宜。
五河卡员同知贺需若稟，经两江总督兼盐政曾国藩批准。

同治十一年，十一月，稟定《五河厘卡办理章程》。
五河厘卡道员程国熙稟拟《办理章程》四条，经两江总督兼盐政何璟批准。

宣统二年，七月，奏准整顿淮北票盐，于江苏清河县西坝地方设立盐厘总局，征收各省厘金加价，统收分拨。督办盐政大臣载泽会同度支部奏明，奉旨：依议。

宣统三年，三月，奏定《淮北盐厘变通章程》。

督办盐政大臣载泽会同度支部奏明，奉旨：依议。

以上淮北盐厘。

光绪十年，正月，奏准筹办江防，将湘、鄂行销淮盐，每斤加价二文。湖广总督卞宝第、湖北巡抚彭祖贤奏陈，经部复准。

光绪二十年，奏准海防筹饷，每盐一斤加价二文。户部奏准。

光绪二十一年，二月，奏准豫省饷源枯竭，将行销淮盐每斤加价二文。河南巡抚刘树堂奏陈，经部复准。

光绪二十四年，奏准湘岸行销淮盐，每斤加价二文，以充练饷。湖南巡抚俞廉三奏准。

光绪二十五年，五月，奏准鄂省行销淮盐，每斤加价二文，以充练兵新饷。湖广总督张之洞等奏准。

八月，奏准安徽练兵需饷，将行销淮南盐斤照鄂岸办法，每斤加价二文。安徽巡抚邓华熙奏准。

光绪二十六年，奏准西岸行销淮盐，每斤加价二文，以充练兵饷需。江西巡抚夏曾奏准。

十二月，议准豫省库款奇绌，将行销淮盐每斤续行加价二文。河南巡抚于荫霖奏准。

光绪二十七年，八月，奏准筹还赔款，每盐一斤加价四文。户部奏准。

九月，奏准淮盐行销湖北，每斤加价四文，为兴学、游历、练兵、制械四项要政之用。湖广总督张之洞等奏准。

光绪二十八年，四月，奏准豫省行销淮盐，每斤加价四文，专抵赔款之需。河南巡抚锡良奏准。

七月，奏准湘省筹捐偿款，将淮盐每斤加价四文；绅民报效口捐，亦每斤四文。湖广巡抚俞廉三奏准。

十月，奏准安徽筹备偿款，于部加盐价外，每斤再加二文。

安徽巡抚聂缉槩奏准。

光绪三十年，二月，奏准江西行销淮盐，每斤再加价二文，凑解赔款。
江西巡抚夏 岷奏准。

光绪三十四年，五月，奏准酌加盐价抵补药税，每斤暂加四文，以一半解部，抵补练兵经费；一半划归产盐、销盐省份，匀拨济用。 度支部奏准。

六月，奏准江南要政需款，于部拨产省一文外，每盐一斤再加二文，划归江南济用。
两江总督兼盐政端方奏准。

以上加价。

光绪三十年，十一月，奏准江西引盐每斤加价四文，拨充铁路经费。
两江总督端方等奏陈，经部复准，嗣于三十二年停止。

光绪三十一年，九月，奏准皖省自办铁路，仿照赣省酌加盐价。
安徽巡抚诚勋奏准，旋即停办。

光绪三十二年，正月，奏准豫省自办铁路，嗣后豫民购盐，无论官运、商运，每斤加价四文。 河南巡抚林绍年奏准。

五月，奏准湘省兴办粤汉铁路，需款紧迫，仿照偿款口捐成案，每盐一斤加捐四文。
湖广总督陈夔龙、湖南巡抚岑春萱奏准。

以上铁路加价。

光绪三十二年，七月，复准收回鄂、湘、西、皖四岸盐厘内一半复价，以八成归公，凑作练兵经费，仍留二成津贴运商。 署两江总督兼盐政周馥咨明户部复准。

宣统二年，六月，奏准收回鄂、湘、西、皖四岸盐厘内二成复价，作为海军经费。
督办盐政大臣载泽奏准。

又饬提鄂、湘、西、皖四岸商本内一半复价，以三成归公，四成津贴场灶，仍留三成贴补运商。 督办盐政大臣载泽核准。

宣统三年，闰六月，续提鄂、湘、西、皖四岸商本内三成复价，以济公用。
运司增厚详，经督办盐政大臣载泽批准。

以上复价。

商课表一 纲盐科则

课目引目科则

正课

淮南并衡、永、宝三府纲盐 每引银一两一钱七分二厘七毫六忽五微六纤。

淮南加丁纲盐 同上。

吉安府纲盐 每引原额并加升银一两一钱七分二厘七毫六忽五微六纤。

吉安府加丁纲盐 同上。

巴东县纲盐 每引银一两一钱七分二厘七毫六忽五微六纤。

饶州府纲盐 同上。

永顺、永绥纲盐 每引银八钱四分八厘九毫五忽。

宁国和含食盐 每引银九钱八分一厘三毫五忽。

江都、甘泉食盐 每引银八钱七分二厘九毫五忽。

上元、江宁食盐 每引银一两五分五厘八毫五忽。

江浦、六合、溧水、全椒、句容、 每引银一两四厘三毫五忽。

高淳食盐

高邮、宝应、泰兴食盐 每引银八钱三分四厘九毫八丝。

淮北纲盐 每引银九钱六分五厘二丝五忽。

淮北加丁纲盐 每引银八钱三分九厘三毫二丝五忽。

淮北新增纲盐 每引银九钱六分五厘二丝五忽。

淮北食盐 每引银八钱四分三厘八毫二丝五忽。

织 造

淮南纲盐并加丁巴东、饶州、吉安
每引银二钱四分三厘二毫八丝二忽七微九纤。

归 纲

铜 斤

池州、太平、饶州 每引银一钱九分四厘六毫二丝六忽二微三纤二
沙。

河 饷

食盐 每引银一钱四分五厘九毫六丝九忽六微七纤四
沙。

卤 税

淮北纲盐 每引银八分一厘四毫。

上表所列正课及附入正项之织造、铜斤、河饷、卤税等款，昔额征银二百十九万七千二百七十二两三钱一分八厘三毫五丝七忽一微一纤八沙。

商课表二 淮南四岸票盐科则

款 别 鄂岸 湘岸 西岸 皖岸

正 款

运库征收 正 课 七钱二分。 七钱二分。 七钱二分。 七钱二分。

加 课 一两一分三

厘。

加课经费 二钱。

新课 三钱。 三钱。 三钱。 三钱。

扬由关税 六厘六毫七 六厘六毫七 六厘六毫七 六厘六毫七

丝。 丝。 丝。 丝。

外江盐厘 三钱七厘。

三一成复价 二钱四分。 二钱四分。 二钱四分。 一钱八分。

续提三成复价 二钱四分。 二钱四分。 二钱四分。 一钱八分。

岸局征收 加课 一两一分三 一两一分三 一两一分三

厘。 厘。 厘。

加课经费 二钱。 二钱。 二钱。

盐 厘 五两二钱六 四两八钱七 六两九钱二 三两八钱。

分七厘。 厘。 分七厘。

新 厘 八钱。 八钱。 八钱。 八钱。

报效 一两九钱。

八成复价 八钱。 八钱。 八钱。 四钱八分。

二成复价 二钱。 二钱。 二钱。 一钱二分。

海防筹饷加价 七钱二分五 七钱三分二 一两。 一两。

厘。 厘。

新案偿款加价 一两二钱。 一两二分四 二两四钱。 二两四钱。

厘八毫。

抵补药税加价 一两四钱五 一两四钱六 一两八钱。 二两。

分。 分四厘。

江南要政加价 七钱二分五 七钱三分二 九钱。 一两。

厘。 厘。

湖广江防加价 七钱二分五 三钱六分六

厘。 厘。

湖北练饷加价 一两六分二

厘五毫。

湖北要政加价 二两四钱。

湖南军需加价 三钱六分六

厘。

湖南练饷加价 一两二分四

厘八毫。

湖南偿款加价 二两四分九

厘六毫。

湖南偿款口捐 二两四分九

厘六毫。

江西练饷加价 一两。

江西偿款加价 一两二钱。

安徽练饷加价 一两。

安徽偿款加价 一两一钱二

分五厘。

杂 款

运库征收经 费 一钱八分。 一钱八分。 一钱八分。 一钱八分。

局 用 四十文。 四十文。 四十文。 二十文。

圩河经费 三分。 三分。 三分。 三分。

贡 捐 一钱一分三 一钱一分三 一钱一分 三六分七厘。

厘。 厘。 厘

学务经费 四分八厘。 四分八厘。 四分八厘。 四分八厘。

办公经费 六分。 六分。 六分。

育 婴 二十八文。 二十八文。 二十八文。 二十八文。

金陵冬赈 四十文。 四十文。 四十文。 四十文。

营 饷 一分五厘。 一分五厘。 一分五厘。 一分五厘。

扬子栈征收 协 贴 七文。 七文。 七文。 七文。

缉 费 一钱六分。 一钱六分。 一钱六分。 一钱六分。

鄂局征收局 费 三钱。

行 用 五钱五分。

商捐津贴 三钱。

德安水脚 二钱七分九

厘。

敌川经费 二钱。

仓租 二钱二分。

边界水脚 七钱五分。

边界经费 三钱、麻城
一钱五分。

湘局征收局费 三钱。

缉私岸费 三钱。

新加缉费 一钱二分。

杂支经费 一钱二分。

善堂经费 六分。

备荒经费 六分。

学堂经费 六钱。

京师湘学堂经 四分。

费

西局征收局费 三钱。

小轮经费 四分。

缉费 五钱五分。

吉安运费 四分。

义宁运费 二钱。

仓 租 六厘四毫。

皖局征收局 费 一钱五分。

缉 费 二钱。

上所列系淮南运商按引应缴之款。

商课表三 淮南仓岸票盐科则

款 别 上、江 浦、六、高、 扬 子 江、甘、天 高、宝 泰 兴
通、如、兴、

溧、句 泰、盐、阜

正 款

运库征收 正 课 七钱二分。 七钱二分。 七钱二分。 一两三钱
一两二钱 一两二钱 一两二钱七

二分七厘 七分三毫。七分五毫 分五毫八

九毫八丝 八丝。 丝。

三忽。

加 课 一两一分三 一两一分 一两一分

厘。 三厘。 三厘。

扬由关税 六厘六毫七 六厘六毫 六厘六毫

丝。 七丝。 七丝。

外江盐厘 三钱七厘。 三钱七厘。 三钱七厘。

江甘盐厘 六钱。

海防筹饷 六百文。 六百文。 六百文。

加 价

新案偿款 六百文。 六百文。 六百文。

加 价

抵补土药 一千二百 一千二百 一千二百 一千二百

税加价 文。 文。 文。 文。

江南要政 六百文。 六百文。 六百文。 六百文。

加 价

江南盐道 大胜关盐 二两二钱。 二两二钱。 二两二钱。

征 收 厘

海防筹饷 六百文。 六百文。 六百文。

加 价

新案赔款 六百文。 六百文。 六百文。

加 价

抵补土药 一千二百 一千二百 一千二百

税加价 文。 文。 文。

江南要政 六百文。 六百文。 六百文。

加 价

善后经费 六钱。

杂 款

运库征收 正课经费 二钱八分。 二钱八分。 二钱八分。

加课经费 二钱。 二钱。 二钱。

局 用 四十文。 四十文。 四十文。

圩 河 三分。 三分。 三分。

学务经费 四分八厘。 四分八厘。 四分八厘。

育 婴 二十六文。 二十六文。 二十六文。 二十六文。
二十六文。 二十六文。 二十六文。

贡 捐 三分六厘。 三分六厘。 三分六厘。 三分六厘。
三分六厘。 三分六厘。 三分六厘。

营 饷 二分。 二分。 二分。 二分。 二分。 二分。

驻堤缉费 五百文。

上所列系淮南食商按引应缴之款。

商课表四 淮南场捐科则

款 别 通泰场盐 江运北盐

运库收款

偿款新捐 一钱五分。

局 用 七十八文三毫三丝四忽。 九十三文三毫。

圩河经费 二分。 二分。

坝 工 六十文。 六十文。

缉 费 一百五十五文。 一百六十文。

勇 粮 三十四文。 三十四文。

炮船经费 十五文 三十文。

裁减成本 通属五十文，泰属三十五文。

坐薪 四十文。 四十文。

善举 十五文。 十五文。

育婴 四十五文。 四十五文。

金陵冬赈 八文。

营饷 各场匀址约二分五厘四毫。

新案缉费 真、正梁盐四十五文，顶、和、碱三百文。

扬子栈收款

栈用 一百四十文。

协贴 三文。 三文。

上所列系淮南场商按引应缴之款。其江运北盐，则由淮南总局于运商订单时，缴存北盐成本内坐扣。

商课表五 淮北票盐科则

款别 食岸 主销泗灵盱 主销五定凤 皖豫岸

海分司征收各款

正税 一两五分一 一两五分一 一两五分一 一两五分一

厘。 厘。 厘。 厘。

杂课 二钱。 二钱。 二钱。 二钱。

经费 太中西胸四 太中西胸四 太中西胸四

钱，临青二 钱，临青二 钱，临青二

钱。 钱。 钱。

仓 谷 一分。 一分。 一分。 一分。

河 费 一分。 一分。 一分。 一分。

盐 营 一分。 一分。 一分。 一分。

贡 捐 六分七毫。 六分七毫。 六分七毫。

礼字河坝工 三分。 三分。 三分。 三分。

淮北盐厘局征收各款

五河盐厘 三两二钱。 四两八钱。 五两八钱六
分八厘。

六岸督销局征收各款

新岸偿款加价 八百文，又
二百文。

江南要政加价 四百文。

缉 费 八百文。

上所列海分司征收者，系票贩按引应缴之款。淮北盐厘局征收者，系湖贩按引应缴之款。其徐淮六食岸，于光绪二十六年改办官运，所有原额及溢销并额外溢销票盐，均照完海州分司课税，免缴经费、贡捐及湖贩坝工、新旧加价，即由六岸督销局自行收解。

各场灶课表

区 域 场 别 额 征 银 数

通州分司所属

丰利场 共征银一千八百六十一两八钱一分六厘。

掘港场 共征银一千六百六十四两八钱九分三厘六毫。

石港场马塘 共征银三千四百七十四两七钱四分四厘。

金沙场西亭 共征银三千七百二十两八分一厘。

吕四场 共征银一千九百十九两六钱三厘。又垦牧公司加完折课银一百四十三两三钱三分六厘。

余西场余中 共征银三千八百十两二钱六分八厘四毫。

余东场 共征银一千八百七十八两九钱二厘。

角斜场 共征银一千七两八钱四厘。

拼茶场 共征银一千四百八十六两三钱。

合计 共征银二万八百二十四两四钱一分二厘。又垦牧公司加完折课银一百四十三两三钱三分六厘。

泰州分司所属

富安场 共征银四千五百九两七钱四分六厘。

安丰场 共征银五千七百三十八两五钱七分九厘。

梁垛场 共征银四千九百三十六两四钱五分三厘。

东台场 共征银五千二百九十四两八钱二分。

何垛场 共征银三千七百七十八两七钱三分四厘。

丁溪场小海 共征银八千四百四十二两九钱八分九厘。

草堰场白驹 共征银五千三百六十三两四钱五分二厘。

刘庄场 共征银五千七百四十九两二钱四分九厘。

伍佑场 共征银五千九十一两六钱八分五厘。

新兴场 共征银八千一百二十九两六钱七分六厘。

庙湾场天赐 共征银四千七百二两七钱七分一厘。

合计 共征银六万一千七百三十八两一钱五分四厘。

海州分司所属

板浦场徐渎 共征银五千五百二十二两六钱四分一厘。

中正场莞渎 共征银四千五百八十四两二钱六分三厘。

临兴场 临洪、 共征银一千八百十一两九钱二分六厘。

兴庄合并

合计 共征银一万一千九百十八两八钱三分。

总计 通、泰、海各场额征折价沙荡仓基银九万四千四百八十一

两三钱九分六厘，吕四场加完折课银一百四十三两三钱三分六厘。

两浙所属盐课

两浙运使所属江苏省苏、松、常、镇、太五属商课：

康熙七年，复准增松所万四千九百引，照例征课。 户部复准。

康熙十八年，题准计丁加松所千三百三十三引，照例征课。

又复准崇明县地居海外，向不行引，亦无包课，今以十三丁派一引，按引包课，共计二千八百五十六引，照温所课则，征银七百四十一两四钱一分八厘。

又复准靖江县逼近淮灶，商人不肯挟费蹈险，今照崇明县例，十三丁派一引，共二千二百六十九引，征银五百八十九两三分三厘。

乾隆四年，题准浙江松所改归绍所万引、台所二千引，自乾隆二年为始，入额办销。户部题准。

乾隆三十七年，议准以松所难销之引，改拨二万引添于绍所行销，即照绍所科则，按引完课。户部议准。

同治八年，六月，议准江苏省苏、松、常、镇、太四府一州引地，招商认行六万六千引，仍照票章完课。浙江巡抚兼盐政李瀚章奏请，经部议准。

同治十年，二月，奏准江苏四府一州盐课，暂照前拟科则，按引征收，仍令正、杂通完，并将耗斤永远裁禁。户部奏准。

同治十三年，定靖江县年销帑引三千引，征正课银八百五十五两有奇。

光绪五年，增丹徒县姚家桥一千引，每引征正课、河饷加价银四钱六分五厘。

光绪八年，议准苏、松、常、镇、太五属于原定六万六千引外，加认帑引三万四千引，照靖江例征课，其余杂款，概免输纳。
浙江巡抚兼盐政陈士杰奏请，经部议准。

光绪二十四年，三月，奏准增上海租界食盐正引一千七百五十五引，为小引四千引，照例征课。
浙江巡抚兼盐政廖寿丰奏准试办，嗣于光绪三十四年豁除，改归官办。

光绪三十一年，增宝山结一、结九图正引二百引，帑引八百引，照例征课。

光绪三十四年，议准苏、松、常、镇、太五属加复正引四万引，帑引三万引，照例征课。浙江巡抚兼盐政冯汝骥奏陈，经部议准。

以上正课。

同治二年，八月，详准嘉松场盐每斤收课厘钱八文，岱盐每斤十文。所有苏、松、常、镇、太课厘，由上海总局分解江、浙两省，一作课款，一济军饷。
浙省牙厘局详，奉浙江巡抚兼盐政批准。

同治八年，五月，咨准停免江厘。
浙江巡抚兼盐政咨商两江总督、江苏巡抚复准停免。

以上盐厘。

光绪二十年，十月，奏准两浙盐斤，一律按斤加价二文。
浙江巡抚兼盐政廖寿丰奏奉允准。

光绪二十二年，正月，奏准续办两浙盐斤加价二文，照现时捆运确数加收。
浙江巡抚兼盐政廖寿丰奏奉允准。

光绪三十二年七月，禀准崇明县试办淮盐化私为官，每斤抽加价钱二文。
署崇明场大使余辅清禀，经浙运司批准。

光绪三十四年，奏准江南财政窘迫，于部加盐价四文外，再收加价二文。
两江总督端方电奏，奉旨允准。

宣统元年，八月，禀准崇明县入口淮盐，仿照淮盐一律抽收加价，年认缴钱一千四百千文。代理崇明场大使黄逊燊禀准。

以上加价。

商 课 表 一

所 别 正 珠 科 则 额 征 银 数

松江所

中 则 每引四钱二厘四丝二忽二微六纤一沙
正课银一万二千七百九两三钱一分三

五尘一埃四渺五漠。厘，滴珠银一百二十七两九分三厘。

下 则 每引二钱八分六厘五丝九忽八微四纤
正课银四千三百一十一两八钱五分七

六沙五渺九漠。厘，滴珠银四十三两一钱一分八厘。

下下则 每引二钱五分一厘四毫二丝九忽四微
正课银三千一百七两二分二厘，滴珠银

七纤一沙九尘四埃一渺一漠。三十一两七分。

靖江县 每引二钱六分二厘二毫六忽二微二纤

正课银七百七十八两八钱三分。

九沙二尘八埃七渺八漠。

上表系据清《嘉庆盐法志》摘录。靖江一县，逼近淮灶，向系包课，雍正十一年题明拨商认办配额三千引，运崇明、岱山两处帑盐销售，共输课银如上数。

商 课 表 二

课 目 引 地

纲 课

引 课 苏五属正引：长洲、元和、吴县、无锡、金匱五县，每引一两五钱四分三厘三毫一忽六微五纤。上海、南汇两县，一两四钱一分五厘三毫七丝五忽七微。常熟、昭文两县，一两三钱九分六厘九毫二丝。吴江、震泽、武进、阳湖、宜兴、荆溪、金坛、溧阳及建平九县，一两二钱九分六厘八毫九丝一忽六微五纤。太仓、镇洋、青浦三州县，一两一钱五分六厘九毫六丝。华亭、娄县、奉贤、金山四县，一两一钱五分六厘二丝五忽七微。昆山、新阳、嘉定、宝山四县，一两一钱四分六厘四毫五丝。江阴、丹徒、丹阳三县，一两六分四厘七毫七丝一忽六微五纤。又以上各州县帑引，每引二钱八分五厘五丝。又靖江县减引，每引二钱八分五厘四丝九微。

加 课 每引四钱。

盐斤加价 每斤二文。

偿款加价 每斤四文。

浙饷加价 每斤二文。

抵税加价 每斤四文。

江南加价 每斤二文。

杂 款

商 纲 每引五分及三分五厘不等。

院司公费 每引五分二厘零及三分一厘零不等。

江 犒 每引二分。

京员津贴 每引二分。

铺 垫 每引五厘及二三厘不等。

安 衙 每引五厘。

岁 修 每引五厘。

赔 课 每引二钱。

汇 杂 每正引四分八九厘及五分六七厘不等。

筹 备 每帑引四分一二厘及五分八九厘不等。

上表所列，系同治以后纲引科则。

凡江苏苏、松、常、镇、太四府一州，暨安徽广德州属之建平县，共三十二州县，统属引地。同治八年，招商复引，减额认运，暂以六万六千为额，厘订科则，名曰正引。每引自三百七十五斤至四百斤不等，每引征正、杂银数至二两余，年共征银九万五千六百八十六两。又靖江孤悬江北，减课敌私，年销帑引三千引，仅完正课及河饷、引规三项，共银二钱八分五厘零，名曰减引。光绪八年，苏五属销数渐旺，加引三万四千道，所有科则，照靖江办理，名曰帑引。光绪二十四年，松属之上海、南汇租界，加认正引一千七百五十五道，帑引四千道。以上共计岁认正、帑引十万八千七百五十五道，年完正、杂课银十万五千九百二十二两八钱零。除上海租界原认正、帑五千七百五十五引，完课银三千六百二十四两一钱八分五厘，于三十四年咨部注销奏归官办另立专款外，实征应完正、杂银十万二千二百九十八两六钱一分八厘。向例由各商捆运之先，按照各地正、杂科则课银，缴呈司库，给发引单，持赴运盐，年清年款。

各场灶课表

区域场别额征银数

嘉松分司所属

横浦场 共征银二千九百六十五两二钱二分九厘。

浦东场 共征银五千四百四十八两四钱六分二厘。

袁浦场 共征银一千六百七十两四钱九分八厘。

青村场 共征银六千五百六十四两二钱三分六厘。

下砂头场 共征银八千一百一十五两四钱四分七厘。

下砂二三场 共征银七千五百五十七两六钱一分七厘。

合计 共征银三万二千三百二十一两四钱八分九厘

上表所列额征银数，据宣统元年奏销册开载。

县课表

县别额征银数

江苏省

苏州府长洲县 共征银六两八钱五分六厘。

吴江县 共征银二两五钱三厘。

震泽县 共征银二两五钱四厘。

太仓直隶州崇明县 共征银三千五百三十二两五钱五分。

镇洋县 共征银五两五分。

海门直隶厅 共征银三百四十二两三分三厘。

松江府华亭县 共征银一千二百四十两五钱一分一厘。

奉贤县 共征银一千四百六十六两四钱八分七厘。

娄县 共征银一千八十六两七钱八分九厘。

金 山 县 共征银一千八十六两七钱八分九厘。

川 沙 厅 共征银三百一十七两八钱九分二厘。

上 海 县 共征银二千六百八十八两三钱八分三厘。

南 汇 县 共征银二千一十七两二分五厘。

青 浦 县 共征银一千七百二十五两一钱七分九厘。

合 计 共征银一万五千五百二十两五钱五分一厘。

上表所列额征银数，据宣统元年奏销册开载。

官 制

盐 政

顺治二年，定巡视两淮、长芦、两浙、河东盐政，差监察御史各一员，岁一更代。

顺治三年，差官督理淮、浙引务，加户部侍郎衔，驻扎扬州。

顺治七年，停差督引部院，仍令盐运使司官吏赴部关领。

雍正九年，十二月，谕：两淮所辖地方甚为辽阔，缉私禁弊，往往官弁视同膜外，该盐政呼应不灵，两淮盐务着署总督尹继善兼行总理。

乾隆三十三年，十一月，奏准嗣后寻常事件，仍听盐政自行陈奏；其有关系钱粮，无论题奏，俱令总督会衔。吏科给事中刘秉恬条陈奉准。

道光十年，十二月，谕：两淮官引滞销，鹺务疲敝，现据王鼎等奏称，由该盐政无论地方之责，文武员弁均非所属，疏销巡缉，难期令行禁止，着将两淮盐务改归两江总督管理，所有盐政一缺，着即裁撤。

咸丰三年，四月，谕：户部奏：请派大员督办淮北盐务。等语。署两江总督杨文定现在江南办理军务，所有淮北盐务，着漕运总督福济暂行督办，一切应行事宜，即着悉心体察，权宜办理，务期于军务、盐务两有裨益。

按：此系军兴时暂行办法，其后淮北盐务仍归两江总督管理。

宣统二年，以两江总督兼会办盐政大臣。先是，元年十一月，奉谕派镇国公载泽为督办盐政大臣，凡盐务一切事宜，统归该大臣管理，其产盐省份各督抚本有兼管盐政之责，均着授为会办盐政大臣。二年，正月，督办盐政大臣载泽于酌拟督办盐政章程案内奏明两江总督遵旨兼会办盐政大臣。

运 司

两淮都转盐运使司盐运使一员，掌理两淮盐法，严察场灶户丁，稽核派销斤引，速征纳，疏积壅。兼辖行盐地方该管州县，兼管下河水利。凡盐场火伏，及三江、青山二营暨各委巡备弁兵役，并各处盐义仓谷，俱归钤束经管。驻扬州府。

乾隆八年，十二月，题定扬州运使为繁、难两兼中缺，请旨简放。

乾隆十九年，以运使兼管下河水利。

道光二十六年，以运使兼兵备衔。

盐运司经历一员，掌文移往来，并北桥秤放淮南各纲食引盐。凡商盐船只自坝开行，出六闸运赴北桥，俟本驳盐船到桥，查验引数报完，发桥旗限票开行，赴仪候掣。并轮流委掣江、甘引盐。及每月三、六、九日，在堂监看收兑盐课、钱粮。

盐运司知事一员，专管淮南、北纲、食引盐。呈纲每引细按皮票并请单呈纲银票，逐一磨对算明，造具真纲册银册，呈送其银，乃得抵所应掣。兼管江、甘垣盐解捆，并督查江、甘缉私事务。

盐运司广盈库大使一员，专司给发淮南、北纲、食盐引。凡有商盐到桥，据巡检塔报印单，投赴大使衙门，领给引目加具印单，交收支房呈请盖印，经管库藏，谨严锁钥。每逢三、六、九日收兑商课，看验入桶储库，余日不拘早晚支收。

盐运司白塔河巡检一员，经管淮南纲、食引盐塔报。凡盐船运至六闸，商人先持照单赴巡检衙门投验，钤用印信给商呈纲。船户将所装商名、引数、舱口、盐数开明呈报，汇到数船或数十船，每船具结报一本，呈送运司核知到桥船数，转发经历赴桥查放。另造草册一本，呈送监掣官稽销银票。每逢三、六、九日，监看收兑盐课钱粮，轮流委掣江、甘引盐。按：白塔河巡检原驻白塔河，后移驻运司衙门，与经历、知事、库大使同为运司四首领官。

盐 道

江南盐法道一员，掌江宁、安庆、宁国、池州、太平、庐州、凤阳、颍州、六安、

泗州、滁州、和州、淮安、扬州、徐州、海州、通州等十七府州属之盐法。驻江宁府。

江西盐法道一员，掌南昌、瑞州、袁州、临江、吉安、抚州、建昌、饶州、南康、九江等十府之盐法。驻南昌府。宣统二年改归藩司兼管。

湖北盐法道一员，掌湖北全省之盐法。驻武昌府。

湖南盐法道一员，掌长沙、岳州、衡州、永州、宝庆、常德、辰州、沅州八府属，并澧州、靖州两直隶州属之盐法，及永顺府、永绥厅专纲苗引。驻长沙府。

河南盐法道一员，掌汝宁、光州之盐法。驻开封府。宣统元年改归藩司兼管。

监掣同知

淮南仪所监掣同知一员，掌验掣淮南引盐之政令，准权衡，割余斤，分拆引目，稽督报运。凡商盐抵所，掣摺秤盘，引目切角订封，核注桅封，给商赴口岸运销。驻扬子县。

淮北监掣同知一员，职掌同淮南。驻淮安府。光绪二十八年裁撤。

批验大使

淮南批验所大使一员，掌协掣淮南纲、食引盐，订封引目，稽查督催进垣解捆各盐数，具揭报院。纲盐口岸课船到仪，申报银数，掣空屯船，给票限日回坝受装。商人雇江船，报明船户姓名，以杜重复。已装盐船，押令开行，不许停留误运。每十日将开行盐船，分别口岸，造具商名、引数、船户姓名册呈院，转咨各省督抚，月终汇造总册呈院，颁发各盐道查照督销。驻扬子县。

淮北批验所大使一员，掌水商赴淮买运后，申请给发水程运票。引皮到日，订封引目，钤盖印信给商领运。原驻淮安府，后移驻清河县西坝。

巡 检

淮北乌沙河巡检一员，掌淮北纲、食引盐，皮票到日，查明引数，填注日期挂号，督率巡役、巡船水手催趲引盐，严稽夹带。并查拿爬窃窝囤，及酗酒、赌博、打降等事。永利、裕民二闸，亦归管理。驻乌沙河。

分 司

通州分司运判一员，掌通州各场盐之政令，辖盐课司大使九。驻石港场。

泰州分司运判一员，掌泰州各场盐之政令，辖盐课司大使十一。驻东台场。

海州分司运判一员，掌海州各场盐之政令，辖盐课司大使三。驻板浦场。

各场大使

淮南、北各盐场，每场设盐课司大使一员，掌经征、折课、稽煎、缉私、弹压商灶各事宜。

设盐课司大使各场：

丰利场、掘港场、石港场、金沙场、吕四场、余西场、余东场、角斜场、栟茶场。
以上通州分司所属。

富安场、安丰场、梁垛场、东台场、何垛场、丁溪场、草堰场、刘庄场、伍佑场、新兴场、庙湾场。 以上泰州分司所属。

板浦场、中正场、临兴场。 以上海州分司所属。

监掣官

泰坝监掣官一员，经管淮南通纲引盐秤掣，凡皮票马簿，以及屯船给发验单，并稽查通、泰两属偷漏、夹带等弊。驻泰州。其属有溱潼巡缉委员一员、海安巡缉委员一员。

永丰坝监掣官一员，经管淮南通纲引盐，查缉私盐，堵截泉贩。兼秤掣邳州、清河、桃源、睢宁、宿迁等州县食盐。驻清河县。

盐捕营

扬州盐捕营都司一员，千总二员，外委二员，把总二员，额外四员，马步兵四百六十名。

各局委员

淮南总局总办委员一员，帮办、会办委员三员，总理文案委员一员。凡通、泰二十场垣盐，分别真梁、正梁、顶梁、和盐、碱、片各名色，按堆按年派单给重，鄂、

湘、西、皖四岸暨各食岸运商纳课缴捐，给咨发照，收放前后五成盐价，诸务悉隶焉。每月大政，由司交局核议。驻扬州府。

扬子淮盐总栈总办一员，会办一员，掌淮南二十场所产之盐运至总栈，储于栈仓，酌其先后之序，而为之轮，挨轮牌示商，勿敢侵越。调剂盐色而匀配焉，稽其如式、不如式者而升降之。立法要旨，不外整轮保价。总栈之与督销局，实有相辅而行之义。

湖北汉口督销局总办一员，以候补道员任之；兼办一员，以湖北武昌盐法道为之。凡淮盐到岸，赴局挂号，守轮待售，勿许挠越。时价贵贱，悬牌晓示，商不得自为增减。其盐由盐行代售，缴其值于官，官扣厘税，以其本利给商，无有逋欠。稽其私行贴价者罚之。其邻私应盐逾界，皆讥禁不使溢界。统分销局九，子店十有三，缉私卡二十有四，而鄂省鼎字一营亦隶焉。

湖南长沙督销局总办一员，以候补道员任之；兼办一员，以湖南盐法长宝道为之。凡淮盐到岸，赴局挂号，守轮待售，勿许挠越。时价贵贱，悬牌晓示，商不得自为增减。其盐由盐行代售，缴其价于官，官扣厘税，以其本利给商，无有逋欠。稽其私行贴价者罚之。其粤私、川私，皆讥禁不使溢界。统分销局二十，子店一，稽私卡七，而常德西港一营亦隶焉。

江西南昌督销局总办一员，以候补道员任之；兼办一员，以江西盐法道为之。凡淮盐到岸，赴局挂号，守轮待售，勿许挠越。时价贵贱，悬牌晓示，商不得自为增减。其盐由盐行代售，缴其值于官，官扣厘税，以其本利给商，无有逋欠。稽其私行贴价者罚之。其浙私、闽私、粤私，皆讥禁不使溢界。统分销局二，分栈五，缉私卡十七。

安徽大通督销局总办一员，以候补道员任之。凡淮盐到岸，赴局挂号，守轮待售，勿许挠越。时价贵贱，悬牌晓示，商不得自为增减。其盐由盐行代售，缴其值于官，官扣厘税，以其本利给商，无有逋欠。稽其私行贴价者罚之。统分销局九，缉私卡十三，而南、北岸水陆总巡员弁亦隶焉。

江宁食岸督销局，以江南盐法道兼管，职掌与四岸督销局同。

徐、淮六岸督销局总办一员，掌徐、淮六岸运销事务。统分销局八。

淮北盐厘总局总办一员，掌淮北征收盐厘加价事宜。宣统三年，由督办盐政大臣载泽奏准，将五河、正阳豫岸各盐厘卡一律裁并，设局开办。驻西坝。

两浙运司

两浙江南都转盐运使司盐运使一员，辖两浙、江南等处盐政，疏销引课，盘查支放事宜。

所属首领官为盐经历一员、广盈库大使一员。

分 司

嘉松分司运判一员，辖黄湾、海沙、鲍郎、芦沥、横浦、浦东、青村、袁浦、下砂、下砂二三、崇明十一场，嘉兴、松江两批验所。

按：横浦、浦东、青村、袁浦、下砂、下砂二三、崇明七场，系江苏区域。

批验大使

松江批验所大使一员。

各场大使

横浦场盐课司大使一员。

浦东场盐课司大使一员。

袁浦场盐课司大使一员。

青村场盐课司大使一员。

下砂头场盐课司大使一员。

下砂二三场盐课司大使一员。

崇明场巡盐大使一员。

各局委员

苏五属掣验督销局督办一员，督饬浏河掣验商运盐引，稽察销数，核收报获私盐加价等款。

浏河收运掣验局提调一员，商盐由余岱进口，督饬上廩盘运，并查对单照，掣验引数。所属有稽查委员一员、文案委员一员、督秤委员四员，分司掣验文报暨商盐上廩、分运、掣验各事宜。

第七卷 盐法引目

淮南淮北纲食各岸引地额

两淮行盐以引。清初设引部于扬州，以便领运。嗣引部裁撤，仍由运司赴部请领。改票而后，部引停颁，而行盐犹以引计。淮引初依明制，剖一为二，行盐二百斤。其后迭次增重，至道光时，又于例重三百六十四斤外，加耗三十六斤。淮北改票，即以四百斤为额，而淮南又加乙盐二百斤，共重六百斤。

淮盐行销江苏、安徽、江西、湖北、湖南、河南六省，引地最广，赋课甲于全国。

顺治二年，题准两淮纲引一百四十一万三百六十道，分行淮南一百十有八万一千二百三十七引，淮北二十二万九千一百二十三引。

顺治八年，部札加行宁、和、含、淮、扬等食窝十六万七千三百九十八引。

顺治十年，部札颁行宁珠引九万二千六百九十七引。

顺治十三年，题准增行十有六万引。户部尚书车克、孙廷铨等题准。

顺治十五年，加增上元、江宁等八县食盐九万六千七百引，将原派纲盐十三万八千八百四十七引仍归纲地行销，引价照旧。

顺治十七年，题准停止宁珠新增二项二十五万二千六百九十七引，并将正盐二引附销积盐一引。又淮北并引，以二引合为一包。巡盐御史李赞元奏陈，经部复准。

康熙五年，题准江西吉安府改掣淮盐，增行五万一千三百有二引。巡盐御史黄敬玘题准。

康熙六年，题准湖广省衢州、永州、宝庆三府改掣淮盐，拨销淮南额内纲引八万一千七百有六引。巡盐御史宁尔讲题准。

康熙八年，题准停止归引十有三万八千八百四十七引。巡盐御史郭丕疏请，经部议准。

康熙十四年，八月，题准蠲湖南商盐二十一万五千四百四十五引。

康熙十六年，题准两淮食盐加课，重照正纲一例。

又题准增纲食盐引，每引加盐二十五斤。

康熙十七年，题准增宁国、和、含等处食盐五万六千引。

六月，题准江西南安、赣州二府改食淮盐，暂行一万五千一百引。

又题准将湖南长、岳、辰、常四府停蠲十三万五百十九引，减斤行销，权济军需。每引只照原额纳课，不带新加二十五斤盐课，俟地方开复之日，照例行销。

康熙十八年，三月，题准湖南衡、永、宝等属渐有开复，三府停蠲八万一千七百六引，援吉安例，于戊午纲先行一半，计四万八百五十三引。俟人民底定，照额全行。

八月，题准计丁增行二万七百四十二引。巡盐御史郝浴题复，陕西道御史傅廷俊条奏，经部议准。淮南、北增二万五百四十引，吉安增二百二引。

康熙二十一年，题准停宁国、和、含等处新增盐引。

康熙二十四年，议准南安、赣州二府仍食粤盐，减纲盐一万五千一百引。广东巡抚李士正奏请，经部议准。

康熙二十六年，题准淮北陈州等六州县改食芦盐，减纲盐九千一百引。河南巡抚章钦文题请，经部议准。

康熙二十七年，复准淮南宁国等处增食盐万引，太平、池州、安庆三府增纲盐二万引。

康熙二十八年，复准安庆、池州、太平等府食盐所加三万引，准其除去，仍循旧额行销。巡盐御史德珠会同督抚题请，经部复准。

康熙四十三年，题准两淮增织造、铜斤、河工等项银三十余万两，每引加盐四十二斤。

康熙五十五年，题准增湖南衡、永、宝一万八千三百八十四引。
按：此项引目于五十六年经巡盐御史李熙题准，由商摊纳课餉，永停不行。

雍正二年，九月，议准淮南行盐地方湖广、江西、江南上江等处，每引加盐五十斤，山阳等八县、邳州一州不必加盐，仍照旧例遵行。
钦差大臣户部侍郎李周望等奏陈，经部议准。

雍正三年，复核湖广省荆州府巴东县地涌盐泉，增行二千五百二十六引。
湖北巡抚纳齐喀疏陈，经部议准。

雍正七年，题准江西饶州府增行二万引。巡盐御史噶尔泰奏请，经部复准。

雍正十一年，十月，题准湖南省永顺、永绥增行三千二百七十一引。
湖广总督迈柱等会题，经部复准。

乾隆元年，题准淮北增引二万七千道。两江总督赵宏恩等题请，经部议准。

乾隆二年，四月，奏准挑浚淮扬运河，预运盐斤，量加卤耗。
巡盐御史升任河南巡抚尹会一奏请，经部议准。

又奏准湖北巴东等四州县，湖南道州等五州县，如遇淮盐不能接济，厅民买食川、
粤零盐不得过十斤以上，亦不许转相货卖。湖广总督史贻直奏准。

乾隆四年，题准江西饶州府增行万五千引。盐政三保奏请，经部议准。

乾隆六年，奏准淮南引盐产于场灶，原系卤煎，旋煎旋包，火气未除，易于淌卤，
时当暑月，尤多折耗。酌定于五、六两月每引加耗十五斤，七月加耗十斤，八月加
耗五斤，至九月时已秋凉，停止加耗。

乾隆八年，题定江苏高邮州额销二千五百引，宝应县一千引，泰兴县二千五百引。
署两江总督尹继善题定。

乾隆九年，四月，奏准嗣后遇闰之年，先尽该纲正带额引行销。倘有不敷，预提带
乙纲引接济。至乙卯引盐带销完日，有无不敷销售，应否另筹增引，临期查核酌办
。盐政准泰等题请，经部议准。

乾隆十年，题准淮北增引二万七千道。两江总督尹继善题定。

十一月，奏准江西吉安府安福、永新二县之上西、砦西二乡，改归莲花厅管理。上
西应销盐六百三引四分，砦西应销盐一千一百三十引，归厅督销。
江西巡抚塞楞额奏请，经部复准。

乾隆十一年，二月，议准贵州镇远、思州、铜仁、黎平四府属附近楚省界内，零星
买食淮盐，毋庸另增引目。
署两淮盐政吉庆会同湖广、两江、贵州各督抚题请，经部复准。

九月，奏准拨江苏高邮州额引六百引，宝应县额引四百引，增于泰兴县行销。两淮盐政吉庆奏请，经部议准。

乾隆十三年，二月，谕：两淮盐政吉庆奏称：两淮纲食引盐，近因蒲草歉产，包索减轻，盐斤易致亏折，请量予加增，俟蒲草广产，奏闻停止。等语。近年淮商急公输课，颇为踊跃，着加恩于引额之外，每引增给十斤，俾商本不致亏折，民食永资利益。

又奏准淮北引盐照淮南引盐加耗之例，除五月份中河水浅尚未运掣，毋庸议给卤耗外，六月每引加耗十五斤，七月加耗十斤，八月加耗五斤。两淮盐政吉庆奏准。

九月，议准两淮行盐引目，嗣后岁额不敷，盐政先期约数奏请，即于次年额引内提出行销，至次年正纲，仍照岁额请领。其预提之引，于引内注明预提字样。一切皮票桅封等类，俱照样注明，以免正纲重复。不足增领，余剩缴销，统于奏销册内声明具领。户部议复署两淮盐政吉庆原奏定案。

乾隆十九年，九月，题准安徽凤阳府属临淮县裁并凤阳县管辖，额行二千三百四十八引，归入凤阳县行销。两江总督鄂容安等题准。

乾隆二十一年，十一月，议准湖南添设清泉县，与衡阳县分地管理，分销二千七百一十七引。户部议复湖南巡抚原奏。

乾隆三十三年，六月，奏准湖北蕲州小江口地方改归江西德化县管辖，应销食盐八引，归入德化县行销。江西巡抚吴绍诗等奏准。

乾隆四十二年，正月，奏准安徽凤阳府属虹县裁并泗州管理，额行二千三百四十八引，归入泗州行销。安徽巡抚闵鄂元奏准。

乾隆六十年，六月，议准淮北推广并引，以四并引洒带一并引，每包共重九百一十斤。盐政苏楞额奏请，经部复准。

嘉庆十年，四月，复准淮北推广并引，以三引并为一包。盐政佶山奏请，经部复准。

十二月，议准蒲草歉收，包价骤长，每引暂加盐十斤，三年停止。两江总督铁保奏请，经部议准。

道光七年，议准商力拮据，每引再加盐十斤，三年停止。两江总督琦善奏请，经部议准。

道光十一年，四月，奏准商人赴场捆运，以五百斤出场，除额盐三百六十四斤外，加盐二十斤，并例给暑耗十六斤，作为常年抛洒，准免其课。其余所加一百斤，带销积引，照依新纲科则完纳正课。户部议复两江总督陶澍原奏定案。

道光十五年，奏准商盐每包五百斤出场，除捆盐四百斤外，其余一百斤循照割引成例，配割本纲正引，按照科则正、杂钱粮，全数完纳。
两江总督兼盐政陶澍奏准。

以上纲盐。

道光十一年，十二月，奏准淮北滞岸改行票盐。两江总督兼盐政陶澍奏准。

道光十二年，五月，奏准淮北每盐四百斤为一引，自十引至百引以上为一票。其距场较近之州县海、赣以百斤起票，余准一引起票，以便民食。
两江总督兼盐政陶澍奏准。

道光十三年，二月，奏准淮北湖运畅岸一律改行票盐，每票一张，运盐十引。
两江总督兼盐政陶澍奏准。

道光三十年，二月，奏准淮南试行票盐。每纲一百九万五千五百一十引，每引盐四百斤，加运乙未纲盐二百斤，每引以净盐六百斤出场。盐至仪所，不分楚、西，一律改捆一百斤大包。盐照每张十引，每十张为一号。
两江总督兼盐政陆建瀛奏准定案。

咸丰三年，九月，奏准淮南就场征课，以六百斤出场，作为引半完课。
两江总督兼盐政怡良奏请，经部议准试行。

咸丰七年，九月，奏准淮北开办乙卯纲盐，先派正额二十九万六千九百八十二引，尚有溢销十六万余引，俟河道通行，接续配运。两江总督兼盐政何桂清奏准。按：淮北额行二十九万六千九百八十二引，自改票后，销数大畅，岁常溢销十六万余引。历届奏销，均经声明，将溢销银两归入协贴淮南案内办理。此淮北正、溢四十六万引之所由来也。是年始将溢引奏停。

十月，议准于泰州及丁堰、东台设局收税，按六百斤给大票一张，赴场捆盐，由局验放。两江总督兼盐政何桂清奏陈，经部议准。

同治二年，九月，定淮盐运西每年十万引，以六百斤成引外，加卤耗六十斤，包索三斤半。每引分八包，运包索重八十六斤。分春、秋两纲，每纲认足五万引，即行截数。两江总督兼盐政曾国藩核定淮盐西岸认运章程八条。

十月，定湖北每年运盐十六万引，湖南每年八万引，以六百斤成引。
两江总督兼盐政曾国藩核定淮盐运楚章程八条。

十一月，定安徽每年运盐七万二千引，每照一张，运盐一百二十引，以六百斤成引。
两江总督兼盐政曾国藩核定淮盐运皖章程五条。

同治三年，九月，奏准淮北户口大减，现在接开乙未新纲，先办正额二十九万六千九百八十二引，每引正盐四百斤，分捆四包，每包连卤加耗重一百十斤。
两江总督兼盐政曾国藩奏明，经部复准。

同治四年，五月，定鄂岸、湘岸各以十二万引为额，仿照西岸，分作两次开办。
两江总督兼盐政曾国藩批准。

同治五年，十月，定江西行淮盐十五万引，自丙寅春、秋两纲，及丁卯春纲为始，分三纲环运。署两江总督兼盐政李鸿章核定试办。

同治六年，五月，定平江碱片一万引，在湘岸十二万引内循环给运。
署运司程桓生详，奉两江总督兼盐政曾国藩批准。

同治七年，五月，增湖南一万二千引，专运辰河以上销售。
湖南督销局道员陆增祥等详，奉两江总督兼盐政曾国藩批准。

七月，定六合县额销一千五百六十引，江浦县额销九百六十引。两江总督兼盐政曾国藩批准定案。

同治八年，二月，定江都、甘泉县额销一万三千引，高邮州额销二千五百引，宝应县额销一千引，天长县额销三千五百引。两江总督兼盐政马新贻批准定案。

同治十年，加西岸二万引，鄂岸一万引，湘岸一万引。两江总督兼盐政曾国藩批准。西岸每引捐银六两，鄂、湘岸每引捐银四两，共计银二十万两，以赈直隶水灾。

同治十一年，四月，奏准川盐侵占淮南引地，将湖北武昌、汉阳、黄州、德安四府先行归还淮南，专销淮盐。其安陆、襄阳、郧、荆州、宜昌、荆门五府一州，仍准川盐借销淮分界，不准淮盐侵入川分界。仍可由淮商酌设子店，拨售零引。湖南岳州、常德专归淮销。澧州与荆州相近，应暂分与川销。先是，七年十月，两江总督兼盐政曾国藩奏请，停止川私行楚，规复淮盐引地。经部议行，各该督抚妥筹具复。至十一年正月，曾国藩会同湖广总督李瀚章、四川总督吴棠、湖南巡抚王文韶奏明：先将武、汉、黄、德四府归还淮盐引地，其安、襄、郧、荆、宜五府暨

荆门一州，仍准川盐借销。湖南岳、常两府专归淮销，澧州暂分川销。经部复准定案。

光绪元年，奏准安徽颍州府属新添涡阳县，分食两淮山东之盐。山东巡抚丁宝桢奏，颖属向食淮盐，其新兴等十九集虽拨归涡阳管辖，仍隶东运分界食盐。经部复准。

光绪八年，四月，奏准加淮北十六万引，限一年奏销。
两江总督兼盐政左宗棠奏请，经部复准。

光绪九年，二月，奏准加鄂岸二万引，湘岸二万引，平江专岸二千引。
两江总督兼盐政左宗棠奏准。

三月，奏准加皖岸一万七千六十引。两江总督兼盐政左宗棠奏准。

光绪十年，四月，奏准停止淮北新增十六万引。
署两江总督兼盐政曾国荃奏陈，经部复准。

光绪十二年，十二月，奏准湖北应城膏峒所产之盐，准予应城本邑及向销川盐之天门、京山二县照旧行销。其分淮界内应山等六州县，不准应盐侵入。
署两广总督裕禄奏准。

光绪二十一年，八月，奏准加皖岸一万二千引，平江专岸四千引。
署两江总督兼盐政张之洞奏请，经部议准。

光绪二十二年，正月，奏准加鄂岸一万引，湘岸五千引。
署两江总督兼盐政张之洞奏请，经部议准。

光绪二十五年，八月，奏准加湘岸八千引。两江总督兼盐政刘坤一奏准。

光绪三十年，五月，奏准加淮北五万引。两江总督兼盐政魏光燾奏准。

光绪三十一年，六月，议准于淮北原额二十九万六千九百八十二引并已加五万引外，再加一万三千十八引，共三十六万引。以十一月为一纲。
两江总督兼盐政周馥奏请，经部议准。

宣统元年，正月，奏准加湘岸三万五千引，鄂岸一万五千引。
两江总督兼盐政端方奏请，经部复准。

十一月，定淮南通、如食岸额销六千引，兴、泰额销七千八百引，盐、阜额销四千引。两江总督兼盐政张人骏咨部复准。

宣统二年，九月，定泰兴、太平食岸各额销九千五百引。
运使增厚详，经督办盐政处复准，部咨立案。

宣统三年，四月，议准湖南衡、永、宝三属划分淮、粤引界。
督办盐政大臣载泽会同度支部奏奉允准。按：此案虽经议准，未及实行。

以上票盐。

引地引额表一

引 地 引 额

淮南纲盐行安徽省各府州县口岸

安庆府 五县 外桐城一县行销北盐

怀 宁 县 额行并加丁，共一万四千六百六十八引。

潜 山 县 额行并加丁，共五千八十七引。

太 湖 县 额行并加丁，共五千六百八引。

宿 松 县 额行七千三百八十引。

望 江 县 额行一万八千二百六十六引。

池州府 六县

贵 池 县 额行并加丁，共一万二百四十引。

青 阳 县 额行并加丁，共二千三百十九引。

铜 陵 县 额行并加丁，共四千一百十引。

石 埭 县 额行并加丁，共四百四十九引。

建 德 县 额行五千一百四十引。

东 流 县 额行二千一百六十引。

太平府 三县

当 涂 县 额行并加丁，共四千六十引。

芜 湖 县 额行并加丁，共一万二千三百十引。

繁 昌 县 额行三千一百引。

淮南纲盐行江西省各府州县口岸

南昌府 一州七县

南 昌 县 额行三万二千八百八十引。

新 建 县 额行三万二百五十四引。

丰 城 县 额行二万二百五十三引。

进 贤 县 额行一万四千八百六十六引。

奉 新 县 额行一万八百九十五引。

靖 安 县 额行一千九百四十八引。

武 宁 县 额行三千八百九十三引。

义 宁 州 额行一万一百三十六引。

饶州府 七县

鄱 阳 县 额行三万五千五百二十七引。

余 干 县 额行一万五千二百七十引。

乐平县 额行一万五千八百九十二引。

浮梁县 额行一万九百十引。

德兴县 额行八千九百七十四引。

安仁县 额行九千四百引。

万年县 额行六千一百六十四引。

南康府 四县

星子县 额行一千八百五十一引。

都昌县 额行三千八百九十六引。

建昌县 额行五千九百二十三引。

安义县 额行一千七百三十七引。

九江府 五县

德化县 额行并归并湖北蕲州小江口，共五千二百三十一引。

德安县 额行一千一百二十四引。

瑞昌县 额行一千一百六十引。

湖口县 额行一千二百八十五引。

彭泽县 额行四千八百四十八引。

建昌府 五县

南城县 额行一千九百二十五引。

新城县 额行并加丁，共一千九百十一引。

南丰县 额行并加丁，共二千二百四十一引。

广 昌 县 额行九百七十五引。

泸 溪 县 额行五百三十八引。

抚州府 六县

临 川 县 额行一万六千二百九十引。

金 溪 县 额行九千一百七十四引。

崇 仁 县 额行六千八百三十三引。

宜 黄 县 额行五千七百六十五引。

乐 安 县 额行五千六百六十六引。

东 乡 县 额行三千八百二十五引。

临江府 四县

清 江 县 额行四千九百十引。

新 淦 县 额行五千八百三十四引。

新 喻 县 额行四千五百九十五引。

峡 江 县 额行三千八百二十六引。

吉安府 一厅九县

莲 花 厅 额行一千七百三十四引。

庐 陵 县 额行一万七千七百二十八引。

泰 和 县 额行八千二百六十八引。

吉 水 县 额行四千二百三十四引。

永 丰 县 额行并加丁，共四千一百八十四引。

安 福 县 额行三千八百六十引。

龙 泉 县 额行二千七百八十七引。

万 安 县 额行四千二百二十九引。

永 新 县 额行三千八百三十引。

永 宁 县 额行六百五十引。

瑞州府 三县

高 安 县 额行六千七百三十一引。

新 昌 县 额行四千九百四十三引。

上 高 县 额行三千五百七十引。

袁州府 四县

宜 春 县 额行四千七十九引。

分 宜 县 额行二千四百六十二引。

萍 乡 县 额行三千六百三十四引。

万 载 县 额行三千五百九十八引。

淮南纲盐行湖北省府州县口岸

武昌府 一州九县

江 夏 县 额行十万六千二百五十引。

武 昌 县 额行八千五十引。

嘉 鱼 县 额行一万四千九百七十引。

蒲 圻 县 额行一万一千七百五十引。

咸宁县 额行五千六百四十引。

崇阳县 额行五千六百四十引。

通城县 额行四千八百五十引。

兴国州 额行九千六百六十引。

大冶县 额行六千四百五十引。

通山县 额行三千八百七十引。

汉阳府 一州四县

汉阳县 额行六千四百五十引。

汉川县 额行三万二千二百引。

孝感县 额行八千六十引。

黄坡县 额行八千五十引。

沔阳州 额行五千六百三十引。

安陆府 四县

钟祥县 额行一万七千七百引。

京山县 额行并加丁，共一千九百十四引。

潜山县 额行一千九百四十引。

天门县 额行一千一百三十引。

荆门直隶州 一州二县

荆门州 额行三千二百二十引。

当阳县 额行一千六百一十引。

远安县 额行四百八十引。

襄阳府 一州六县

襄阳县 额行二万二千五百五十引。

宜城县 额行三千六十引。

南漳县 额行八百引。

枣阳县 额行九百七十引。

谷城县 额行九百七十引。

光化县 额行六百五十引。

均州 额行八百引。

郧阳府 六县

郧县 额行一千一百三十引。

房县 额行四百引。

竹山县 额行六百五十引。

竹溪县 额行二千七百五十引。

保康县 额行六百五十引。

郧西县 额行并归并上津县，共九百引。

德安府 一州四县

安陆县 额行七千一百引。

云梦县 额行三千二百三十引。

应城县 额行一千三百引。

随 州 额行并加丁，共四千六百八十六引。

应 山 县 额行并加丁，共一千一百八十二引。

黄州府 一州七县

黄 冈 县 额行二万四千一百五十引。

黄 安 县 额行四千八百三十引。

蕲 水 县 额行一万六千一百引。

罗 田 县 额行一万六千一百引。

麻 城 县 额行一万一千二百六十引。

蕲 州 额行一万七千六百九十二引。

广 济 县 额行一万四千五百引。

黄 梅 县 额行八千五百引。

荆州府 七县

江 陵 县 额行三万五千四百五十引。

公 安 县 额行三千二百二十引。

石 首 县 额行三千二百二十引。

监 利 县 额行八千八百五十引。

松 滋 县 额行一千七百一十引。

枝 江 县 额行一千六百二十引。

宜 都 县 额行一千三百引。

宜昌府 一州四县

东 湖 县 额行一千三百引。

归 州 额行四百八十引。

长 阳 县 额行六百四十引。

兴 山 县 额行六百四十引。

巴 东 县 额行六百四十引。

淮南纲盐行湖南省各府州县口岸

长沙府 一州十一县

长 沙 县 额行一万二千九百引。

善 化 县 额行八百引。

湘 潭 县 额行二千九百引。

湘 阴 县 额行一千七百七十引。

宁 乡 县 额行三千二百三十引。

浏 阳 县 额行一千一百三十引。

醴 陵 县 额行九百六十引。

益 阳 县 额行三千二百三十引。

湘 乡 县 额行一千三百引。

攸 县 额行一千三百引。

安 化 县 额行一千一百三十引。

茶 陵 州 额行一千六百二十引。

岳州府 四县

巴陵县 额行一万九千引。

临湘县 额行三千二百二十引。

华容县 额行一千九百三十引。

平江县 额行九百六十引。

澧州直隶州 一州三县

澧州 额行二万六百引。

石门县 额行四百八十引。

安乡县 额行四百八十引。

慈利县 额行一千六百十九引。

宝庆府 一州四县

邵阳县 额行八千八百九十引。

新化县 额行六千八百九十引。

城步县 额行一千八百四十八引。

武冈州 额行八千二百三十七引。

新宁县 额行三千六百九十五引。

衡州府 六县

衡阳县 额行二千七百十六引。

清泉县 额行二千七百十七引。

衡山县 额行六千九百十九引。

耒阳县 额行七千三百二引。

常 宁 县 额行一千六百八十五引。

安 仁 县 额行二千六百八十七引。

常德府 四县

武 陵 县 额行二万五千八百引。

桃 源 县 额行八千八百五十引。

龙 阳 县 额行二千四百二十引。

沅 江 县 额行一千六百十引。

辰州府 一厅四县

沅 陵 县 额行一万二千五百八十引。

泸 溪 县 额行三百二十引。

辰 溪 县 额行四百八十引。

溆 浦 县 额行四百八十引。

永 绥 厅 额行五百五十引。

沅州府 二县 外黔阳一县旧隶于辰州

府时，即于府属分销，未有额引。

芷 江 县 额行三百二十引。

麻 阳 县 额行三百二十引。

永州府 一州七县

零 陵 县 额行九千四百七十六引。

祁 阳 县 额行六千六百十三引。

东 安 县 额行四千六百四十六引。

道 州 额行二千八百四十二引。

宁 远 县 额行一万三百十四引。

永 明 县 额行一千一百九十七引。

江 华 县 额行六百九十五引。

新 田 县 额行一千三百三十七引。

靖州直隶州 一州三县

靖 州 额行六百四十引。

会 同 县 额行三百二十引。

通 道 县 额行三百二十引。

绥 宁 县 额行三百二十引。

永顺府 四县

永 顺 县 额行一千二十四引。

龙 山 县 额行八百九十一引。

保 靖 县 额行六百六十三引。

桑 植 县 额行一百四十三引。

淮南食岸盐行江苏省各府州县口岸

江宁府 七县

上 元 县 额行二万六千八百六引。

江 宁 县 额行二万六千八百六引。

句容县 额行九千七十六引。

溧水县 额行八千一百引。

江浦县 额行六千五百六十八引。

六合县 额行五千引。

高淳县 额行六千八百二十九引。

扬州府 四县

江都县 额行一万三千三百五十五引。

甘泉县 额行一万三千三百五十五引。

高邮县 额行一千九百引。

宝应县 额行六百引。

通州直隶州 一县

泰兴县 额行三千五百引。

淮南食岸盐行安徽省各府州县口岸

宁国府 六县

宣城县 额行二万五千七百三十引。

宁国县 额行一万四千一百七十二引。

泾县 额行一万四千七百九十四引。

太平县 额行六千四百三十一引。

旌德县 额行一万二千八百三十八引。

南陵县 额行二万二千五百四十五引。

和州直隶州 一州一县

和 州 额行一万一千七百七十八引。

含 山 县 额行五千七百引。

滁州直隶州 一县

全 椒 县 额行七千五百十五引。

淮北纲盐行安徽省各府州县口岸

凤阳府 一州四县

凤 阳 县 归并临淮县，额行并新增、加带，共六千六百二十四引。

怀 远 县 额行并新增、加带，共四千一百十引。

定 远 县 额行并新增、加带，共九千三百九十四引。

灵 璧 县 额行并新增、加带，共一万四千六百二十四引。

寿 州 额行并新增、加带，共一万四千六百二十四引。

泗州直隶州 一州三县

泗 州 归并虹县，额行并新增、加带，共五千九百十八引。

盱 眈 县 额行并新增、加带，共三千八百七十四引。

五 河 县 额行并新增、加带，共四百八十二引。

天 长 县 额行并新增、加带，共七千三百五十六引。

庐州府 一州四县

合 肥 县 额行并新增、加带，共二万三千六百五十引。

巢 县 额行并新增、加带，共六千一百六引。

庐江县 额行并新增、加带，共八千六百九十引。

无为州 额行并新增、加带，共八千四百五十四引。

舒城县 额行并新增、加带，共一万二百十六引。

六安直隶州 一州二县

六安州 额行并新增、加带，共一万二千四百四十八引。

霍山县 额行并新增、加带，共七千六百三十三引。

英山县 额行并新增、加带，共一千一百七十四引。

安庆府 一县

桐城县 额行并新增、加带，共一万五百七十二引。

滁州直隶州 一州一县

滁州 额行并新增、加带，共四千三百四十六引。

来安县 额行并新增、加带，共二千二百三十引。

颍州府 一州五县

阜阳县 额行并新增、加带，共九千九百四十九引。

颍上县 额行并新增、加带，共四千六十七引。

霍邱县 额行并新增、加带，共八千一百四十一引。

亳州市 额行并新增、加带，共五千三百三十三引。

蒙城县 额行并新增、加带，共三千一百九十九引。

太和县 额行并新增、加带，共三千六百二引。

淮北纲盐行河南省各府州县口岸

汝宁府 一州八县

汝阳县 额行并新增、加带，共八千五百七十二引。

正阳县 额行并新增、加带，共三千八百七十六引。

上蔡县 额行并新增、加带，共三千八百七十六引。

新蔡县 额行并新增、加带，共四千一百十引。

西平县 额行并新增、加带，共三千一百七十引。

遂平县 额行并新增、加带，共一千七百六十引。

确山县 额行并新增、加带，共三千一百七十引。

信阳县 额行并新增、加带，共六千四百五十八引。

罗山县 额行并新增、加带，共七千四十六引。

光州直隶州 一州四县

光州 额行并新增、加带，共一万二百十六引。

光山县 额行并新增、加带，共四千六百九十六引。

固始县 额行并新增、加带，共一万一千七百四十四引。

息县 额行并新增、加带，共五千五十引。

商城县 额行并新增、加带，共三千九百九十四引。

淮北食岸盐行江苏省各府州县口岸

淮安府 三县 外安东等三县逼近盐场，

例不销引。

山阳县 额行一万一百五十引。

清河县 额行二千二百二十引。

桃源县 额行九百七十引。

徐州府 一州二县

邳州 额行四千一百八十引。

宿迁县 额行六千二百四十引。

睢宁县 额行一千五百五十引。

海州直隶州 二县

赣榆县 额行六百引。

沭阳县 额行七百引。

以上旧纲，两淮纲、食盐一百八十二万四千二百三十九引。内淮南纲盐一百二十八万三千九百六十九引：行安徽省三府九万四千八百九十七引，江西省十府一厅四十万九千一百四十六引，湖北省九府一州五十五万九千六百十引，湖南省九府一厅二州二十二万三百十六引；又食盐二十四万三千三百八十八引，行江苏省二府一州十二万一千四百九十三引，共一百五十二万七千三百五十七引。淮北纲盐二十七万二百七十二引，行安徽省四府三州十九万二千五百三十四引，河南省一府一州七万七千七百三十八引；食盐行江苏省二府一州二万六千六百十引，共二十九万六千八百八十二引。除淮南、上元等八县归纲十三万八千七百四十七引，系课不行盐外，实计两淮额行一百六十八万五千四百九十二引。

按：两淮盐引，清初仍明之旧，惟剖一为二。每盐一引，额定二百二十五斤，又解费加盐二斤。继于康熙十六年，每引加盐二十斤。又自康熙三十八年起至五十二年，节次加添河饷、铜斤、织造等银三十二万七千六百二十两，每引加盐四十二斤。雍正四年，户部议准加盐五十斤，免其增课。乾隆十三年，盐政吉庆奏请于引额之外，加盐十斤。乾隆十年，又奉旨加盐十斤，所有两淮纲、食盐，每引以三百六十四斤为额。嘉庆十年，两江总督铁保以蒲草失收，包价骤长，奏准每引加盐十斤。道光七年，两江总督琦善于筹办淮南事宜案内又奏加每引十斤。道光十一年，两江总督陶澍又奏准将例给暑耗十六斤作为常年抛洒，计每引额重四百斤。

引地引额表二

引地引额

淮南纲岸

鄂岸 行湖北武昌、汉阳、黄州、德安、安陆、额行十六万引。同治四年减为十二万引，十

襄阳、郧阳、荆州、宜昌、荆门十府州。内年加一万引，光绪九年加二万引，二十

安、襄、郧、荆、宜、荆门六属于同治十二年加一万引，宣统元年加一万五千引，

一年奏明，川、淮并销。又德安府属应城 共行十七万五千引，计三百五十票。

县，安陆府属天门、京山二县，光绪十二

年奏明，借行应城井盐。

湘岸 行湖南长沙、岳州、宝庆、衡州、常德、额行八万引。同治四年增为十二万引，内

辰州、沅州、永顺、澧州、靖州、永绥十平江碱盐一万九百引；七年加一万二千

二府州厅。内衡州府属酃县例行粤盐。又引；十年加一万引；光绪九年加一万引，

澧州一属同治十一年奏明，川、淮并销。又平江碱盐二千引；二十二年加五千引，

按：衡、永、宝三府，咸丰年间借销粤盐，嗣仍又平江碱盐四千引；二十五年加八千引；

配销淮盐。宣统三年奏明，划分淮、粤引界，未宣统元年加三万五千引：共行二十万六

买行。 千引，内平江碱盐一万六千九百引，共

计四百二十票。

西岸 行江西南昌、饶州、南康、九江、建昌、
额行十万引。同治五年增为十五万引，十

抚州、临江、吉安、瑞安、袁州十府。内
年加二万引，共行十七万引。分三纲环

建昌久成废岸，宣统元年奏明，改运北盐。
运，计三百四十票。建昌官运在外。

皖岸 行安徽安庆、池州、太平、宁国、庐州、 额行
七万二千引。光绪九年加一万七千七

和州、滁州七府州。内宁国、和州原行食
百六十引，二十一年加一万二千引，共

盐，同治年间改行票盐。庐州府及安庆府
行十万一千七百六十引，计八百四十八

属桐城县、滁州并所属来安县，原行淮北
票。以四百九十八票环运南盐，三百五

纲盐，亦于同治年间改隶淮南，划为北盐
十票环运北盐。滁、来、全官运在外。

南运专岸。

淮南食岸

上 元 县 额行五千三百二十八引。

江 宁 县

溧 水 县

高 淳 县 额行四千引。

句 容 县

江 浦 县 额行九百六十引。

六 合 县 额行一千五百六十引。

扬 子 县 额行一千引。

江 都 县 额行一万三千引，光绪十六年暂减三千引，二十九年复额。

甘 泉 县

高 邮 州 额行五百引。

宝 应 县 额行一千引。

天 长 县 额行三千五百引。原行淮北纲盐，现附淮南食岸。

泰 兴 县 额行四千引，宣统二年增为九千五百引。

太 平 厅 额行九千五百引。

通州如皋县 额行六千引。

泰州兴化县 额行七千八百引。

阜 宁 县 额行四千引。

盐 城 县

淮北纲食各岸

皖 岸

行安徽凤阳、颍州、泗州、六安四府州。内
原额并溢销共四十六万引。咸丰四年奏停

府属同治四年添设涡阳县，其新兴等 溢额十六万余引，同治三年定先办正额

十九集仍行东盐。 二十九万六千九百八十二引，光绪八年

增溢额十六万三千十八引，十年停止溢额，三十年加五万引，三十一年续加一万三千十八引，共行三十六万引。

豫 岸

行河南汝宁、光州二府一州。

徐淮食岸

行江苏淮安府属山阳、清河、桃源，徐州府属邳州、宿迁、睢宁六州县。

以上改票以后，淮南纲岸现行六十五万二千七百六十引，食岸现行六万九千六百四十八引，每引六百斤；淮北纲、食岸现行三十六万引，每引四百斤。

苏五属引地额

两淮运使所属江苏省苏、松、常、镇、太五属引地额：

康熙二年，题准改绍所六千七百八十四引于松所行销。巡盐御史顾如华题准。

康熙七年，复准增松所万四千九百引。巡盐御史敖哈、杨毓兰题请，经部复准。

又题准改绍所二万五千十有六引于杭、嘉、松三所行销。巡盐御史敖哈题准松所代销四千二百一十六引。

康熙十八年，复准崇明县地居海外，向不行引，亦无包课。今以十三丁派一引，按引包课，共计二千八百五十六引。按：崇明县系按引包课，例不行引。嗣于乾隆年间，将崇明之半洋等沙划隶海门同知管辖，故海门亦包浙课。

又复准靖江县逼近淮灶，商人不肯挟费蹈险，今照崇明县例，以十三丁派一引，共二千二百六十九引。按：是时靖江县亦按引包课。至雍正十二年，始行余引三千道。乾隆六年入额。

雍正二年，奏准镇江府仍销浙引，毋庸改食淮盐。两浙巡盐御史谢赐履、两淮巡盐

御史噶尔泰会议奏准。

乾隆四年，二月，题准松所改归绍所万引、台所二千引，自乾隆二年为始，入额办销。浙江总督兼盐政稽曾筠题请，经部议准。

乾隆六年，题准靖江一邑，原系浙盐引地，因淮盐引贱，多食淮私，应仍归浙省运销。将崇明余盐拨运，每年行销三千引。如崇盐不敷，即发岱山之盐接济。江南河道总督高斌等会题，经部议准。

乾隆三十七年，十月，议准松江所行销壅滞，以松所难销之引，改拨二万引添于绍所行销。署浙江巡抚兼盐政熊学鹏奏请，经部复准。

同治八年，议准江苏省苏、松、常、镇、太四府一州引地，招商认行六万六千引。浙江巡抚兼盐政李瀚章奏请，经部复准。

同治十一年，正月，谕：浙西苏、松等四府一州为浙盐引地，自改复商引以来，试办已逾两年，迄无成效，所有耗余加认之数着暂行宽免，以恤商力。浙江巡抚兼盐政杨昌浚奏陈，奉旨宽免。

又议准江苏靖江县向食浙盐，自浙省改票运后，暂食淮盐，包完浙课。嗣后仍将靖江引地归还两浙。如有淮商藉包课之名侵蚀浙境，由浙江巡抚参办。浙江巡抚兼盐政杨昌浚咨部复准。

同治十三年，十一月，定靖江县年额三千引。浙江巡抚兼盐政杨昌浚咨部定案。

光绪八年，七月，议准苏、松、常、镇、太五属于原定六万六千引外，加认帑引三万四千引。浙江巡抚兼盐政陈士杰奏请，经部议准。

光绪十一年，正月，复准溧阳县帑引五百七十三引拨归丹徒县行销。浙江巡抚兼盐政刘秉璋咨部复准。

光绪十八年，正月，增丹徒县姚家桥二千引。两浙盐运使惠年详，奉浙江巡抚兼盐政崧骏批准。

光绪二十四年，三月，奏准增上海租界食盐五千七百五十五引。浙江巡抚兼盐政廖寿丰奏准试办。

光绪三十四年，七月，议准苏、松、常、镇、太五属加复正引四万引，帑引三万引。浙江巡抚兼盐政冯汝奏陈，经部议准。

光绪三十四年，十二月，奏准裁撤上海府海公司，除正帑五千七百五十五引，将租界食盐改归官办。浙江巡抚增韫奏请，奉旨允准。

引地引额表一

引地引额

苏州府

吴县 年销正引二万五千七十七引，内杭所掣销三千五百三十引、嘉所掣销二万一千五百四十七引。

长洲县 年销正引一万二千二百三十八引，内杭所掣销一千五百二十引、嘉所掣销一万七百余一十八引。

元和县 年销正引一万二千二百三十七引，内杭所掣销一千五百二十引、嘉所掣销一万七百余一十七引。

吴江县 年销正引五千三十七引，内杭所掣销一千二百九十七引、嘉所掣销三千七百四十引。

震泽县 年销正引五千三十六引，内杭所掣销一千二百九十六引、嘉所掣销三千七百四十引。

常熟县 年销正引七千六百一十四引，内除改绍行銷五百引、改台行銷二百五十引、又改绍行銷八百引，实销六千六百一十四引，松所掣销。

昭文县 年销正引七千六百一十四引，内除改绍行銷五百引、改台行銷二百五十引、又改绍行銷八百引，实销六千六百一十四引，松所掣销。

昆山县 年销正引四千七百引，内除改绍行銷三百引、改台行銷一百引、又改绍行銷一千引，实销三千三百引，松所掣销。

新阳县 年销正引四千七百引，内除改绍行銷三百引、改台行銷一百引、又改绍行銷一千引，实销三千三百引，松所掣销。

太仓州直隶州

太仓州 年销正引五千七百五十引，内除改绍行銷四百引，实销五千三百五十引，

松所掣销。

镇洋县 年销正引五千七百五十引，内除改绍行销四百二引，实销四千一百四十八引，松所掣销。

嘉定县 年销正引一万一千三百六十四引，内除改绍行销二千四百五十引、改台行销二百引、又改绍行销一千二十八引，实销七千六百八十六引，松所掣销。

宝山县 年销正引一万一千三百六十四引，内除改绍行销二千四百五十引、改台行销二百引、又改绍行销一千二十八引，实销七千六百八十六引，松所掣销。

松江府

华亭县 年销正引三千八百七十七引，内除改绍行销一千七百八十三引，实销二千九十四引，松所掣销。

娄 县 年销正引三千三百七十五引，内除改绍行销一千九百九十五引，实销一千三百八十引，松所掣销。

奉贤县 年销正引三千八百七十七引，内除改绍行销二千五百三十引、又划金山县四十五引，实销一千三百二引，松所掣销。

金山县 年销正引三千三百七十五引，内除改绍行销二千八百一十八引，又奉贤县划归四十五引，共销六百二引，松所掣销。

上海县 年销正引二千五百八十六引，又计丁加引六百九十一引五分，又南汇县并入五分，共销三千二百七十八引，松所掣销。

南汇县 年销正引二千五百八十六引，又计丁加引六百九十一引五分，内除并归上海县五分，实销三千二百七十七引，松所掣销。

青浦县 年销正引五千八百五十九引，又并归福泉县年销正引五千八百五十九引，内除改绍行销一千五百引、改台行销五百引、又改绍行销三千七百引，实销六千一十八引，松所掣销。

常州府

武进县 年销正引一万五千二百九引，内杭所掣销二千一百二十五引、嘉所掣销一万三千八十四引。

阳湖县 年销正引一万五千二百九引，内杭所掣销二千一百二十五引、嘉所掣销一万三千八十四引。

无锡县 年销正引一万七千一十引，内杭所掣销二千一百二十五引、嘉所掣销一万四千八百八十五引。

金匱县 年销正引一万七千九引，内杭所掣销二千一百二十五引、嘉所掣销一万四千八百八十四引。

江阴县 年销正引五千一百三十七引，又计丁加引九千一百七十五引，共销一万四千三百一十二引，内杭所掣销八百引、嘉所掣销一万三千五百一十二引。

宜兴县 年销正引二万三百九十五引，内杭所掣销四千二百九十五引、嘉所掣销一万六千一百引。

荆溪县 年销正引二万三百九十五引，内杭所掣销四千二百九十五引、嘉所掣销一万六千一百引。

靖江县 年销正引三千引，崇明县余盐运销。

镇 江 府

丹徒县

年销正引四千四百七十二引，内杭所掣销二百七十二引、嘉所掣销四千二百引。

丹阳县 年销正引一万二千五百一十七引七分五厘，内杭所掣销七百引、嘉所掣销一万一千八百一十七引七分五厘。

金坛县 年销正引一万三千六百八十九引，内杭所掣销五百五十引、嘉所掣销一万三千一百三十九引。

溧阳县 年销正引二万四千六百九十九引，内杭所掣销六千三百引、嘉所掣销一万八千三百九十九引。

引地引额表二

引 地 引 额

苏 州 府

长洲县 长、元、吴三县额行正引一万四千四百引，加认帑引一千八百八十三引，共一万六千二百八十三引。

元和县

吴 县

吴江县 江、震二县额行正引四千九百引，加认帑引一千一百引，共六千引。

震泽县

常熟县

常、昭二县额行正引二千九百引，加认帑引三百九十四引，共三千二百九十四引。

昭文县

昆山县 昆、新二县额行正引四百引，加认帑引一千二十引，共一千四百二十引。

新阳县

松 江 府

华亭县 华、娄二县额行正引一千五十引，加认帑引一千五十引，共三千一百引。

娄 县

奉贤县 奉、金二县额行正引四百八十引，加认帑引六十九引，共五百四十九引。

金山县

上海县 上、南二县额行正引四千八百引，加认帑引一千四百四十五引，共六千二百四十五引。

南汇县

青浦县 额行正引三百七十引，加认帑引四百五十二引，共八百二十二引。

常 州 府

武进县 武、阳二县额行正引五千七百引，加认帑引三千五百六十八引，共九千二百六十八引。

阳湖县

无锡县 锡、金二县额行正引一万二千八百引，加认帑引一千六百五十四引，共一万四千四百五十四引。

金匱县

江阴县 额行正引七百引，加认帑引三千一百十六引，共三千八百十六引。

宜兴县 宜、荆二县额行正引四千七百引，加认帑引二千九百九十三引，共七千六百九十三引。

荆溪县

靖江县 额行帑引三千引。

镇 江 府

丹徒县 额行正引一千五百引，加认帑引三千七百四十五引，共五千二百四十五引。又姚家桥一千引，加认二千引。

丹阳县 额行正引一千八百引，加认帑引三千五百八十五引，共五千三百八十五引。又埠城、朱家圩六百引。

金坛县

额行正引一千七百引，加认帑引一千二百二十九引，共二千九百二十九引。

溧阳县 额行正引四千引，加认帑引二千引，共六千引。

太仓州直隶州

太仓州

太仓、镇洋额行正引二百引，加认帑引一千四十五引，共一千二百四十五引。

镇洋县

嘉定县 嘉、宝二县额行正引八百引，加认帑引九百三引，共一千七百三引。又宝山结一、结九图正引二百引，帑引八百引。

宝山县

上苏五属引地，同治八年招商复引案内，额认六万六千引。嗣于光绪八年，加认帑引三万四千引，连靖江县帑引三千引，共计十万三千引。其埤圩减引六百引，姚家桥减引三千引；宝山结一、结九图正引二百引，帑引八百引不在此内。合并声明。

商 运

清初废开中之法，招商行运，所行者纲法也。道光年间，纲法既敝，浮费多而成本重，商盐壅而国课亏，于是票法兴焉。陶澍创之于淮北，陆建瀛踵之于淮南，均有成效。咸丰军兴，岸悬商散，票法大坏。同治后，军事敕平，设局招商，重整票法，而为之循环给运，寓纲于票，其法又稍稍变矣。两淮盐法变迁之迹，略可睹焉。

纲 法

顺治三年，二月，题准将有引有主垣盐还商，每引纳银五钱。其无引残盐，照新制给引征课。巡盐御史李发元题请，经部复准。

雍正三年，复准两淮旧例，于商人之中，择家道殷实者，点三十人为总商。每年开征之前，将一年应征钱粮数目核明，凡散商分隶三十总商名下，令其成管催迫。嗣后该盐政、运使不时查访，遇有分外科派、无故私索者，一经发觉，从重治罪。户部议准定案。

雍正七年，二月，奏准江西饶州府于淮南额外增引二万道，专商行销。巡盐御史噶尔泰奏请，经部复准。

乾隆四年，奏准江西饶州府于纲盐二万外增引一万五千，择良商二人合同办运。盐政三保奏请，经部议准。

乾隆二十六年，奏准嗣后引盐畅销，奏请提引，应派通河众商，即以各商本纲纳过请单呈纲钱粮若干引定派给，余引之数行盐纳课。大学士公傅恒等条奏，奉旨允准。

乾隆三十三年，九月，奏准两淮预提纲食盐引，除食盐口岸甚疲及淮北纲盐向无余利外，淮南所提纲引，共四百四十二万五千三百七十四道。历年引价，每引值银二两至三两不等。商人除完纳正饷正项钱粮外，共有余利银一千九十二万二千八百九

十七两六钱，应尽数追缴，以清国帑。大学士公傅恒等议复江苏巡抚彭宝等奏办提引一折：除拨解抵支各款外，商人应缴银九百二十七万余两。本年戊子纲先缴银一百二十七万余两，其余八百万两，自明年起，每年完银一百万两，分作八年全完。嗣于乾隆三十五、三十六、四十五等年，节次奉谕展限。又于四十七、四十九两年，奉旨豁免三百六十三万余两有奇。

嘉庆七年，九月，奏准准盐运至汉镇，原定封轮挨售，仍照旧章办理。湖广总督吴熊光、两淮盐政佶山奏奉批准。

道光十一年，二月，谕：卢坤等奏筹销楚岸积盐一折：现在存岸盐船，有历一年十月之久尚未开封者，虽到船月份多寡不一，尽可酌数开售。着照所议，上年正、二、三等月到岸最久之船，计五万余引，合为一次，先行尽开。其在后月份，到船数多者，一月一开；到船数少者，并为两、三月一开。总期广为疏销，俟新纲运岸，随到随售，永除封轮名目。按：自道光元年孙玉庭奏请停止封轮之法，而曾燠以为必须整轮，屡次奉谕会议，以恤商便民为主，先准开轮销售，试行一、二年后，再将实在情形奏明办理。至十一年，始决定永除封轮名目，以利商运。

九月，议准运商窝单，即令照窝行运，不必官为定价。如本商力绌，准其售于新商认运，不准转卖于不行盐之人。倘该商于开纲后，并不设法办运，又不退与新商，即由运司提窝改签。户部议准定案。

道光十二年，闰九月，谕：陶澍另片奏饶州府岸销缺额，准其援案，将饶岸额引改摊通岸纲店有力之家一体带运，无须专商赔垫。仍照饶岸科则纳课，以励众商。

淮北票法

道光十一年，十二月，谕：陶澍奏：开纲以来，淮北只捆二万余引，较定额不及十分之一。本年将官收灶盐督商办运，均择畅销之岸，先行运往，以冀早收库项。而滞岸仍无盐济售，民间既无官盐，不得不买向民贩，灶丁积有余盐，亦不得不卖与民贩。等语。着照所请，淮北畅岸仍归商运，其余滞岸即仿照山东、浙江票引兼行之法，于海州所属之中正、板浦、临兴三场，分设行店，听民投行购买，运往售卖。择各场要隘之地，设立税局，给以照票，注明斤数，及运往何处字样。凡无票及越境者，仍以私论。陶澍即饬运司妥议条款，酌量试行。两江总督兼盐政陶澍奏奉允准。

道光十三年，五月，奏定淮北票盐设局收税章程。两江总督兼盐政陶澍奏定章程十条，奉批：依议妥办。

道光十四年，二月，奏准湖运畅岸，照淮北滞岸章程，招商贩运，一律改行票盐。

两江总督兼盐政陶澍奏准定案。

道光十五年，六月，定票盐简明章程。两江总督兼盐政陶澍议定章程十三条。

道光十六年，七月，奏准停止票盐由海入黄，以杜透漏。
两江总督兼盐政陶澍奏准。

道光十八年，二月，奏准淮北票引有定，兴贩人多，应令验资挂号，按折派买。
两江总督兼盐政陶澍奏准。

道光二十八年，四月，议准淮北票盐畅行，于验收丁未纲课额之外，将戊申纲税课预纳银八十九万四千余两一并兑收。两江总督兼盐政李星沅奏请，经部议准。按：道光季年，票盐畅行，并收两纲课银，称为极盛。此后兵兴，北鹺不可问矣。

咸丰四年，奏准淮北开办癸丑纲票盐，将代纳淮南悬引一款，暂行停止。两江总督兼盐政怡良奏陈，经部议准。

咸丰七年，九月，奏准淮北开办乙卯纲票盐，先派正额二十九万六千九百余引，尚有溢额之十六万余引，系应归协贴淮南之款，俟河道通行，接续配运。
两江总督兼盐政何桂清奏陈，奉旨允行。

咸丰十年，十月，奏准淮北开办丙辰纲票盐，查照乙卯纲章程，先尽额运二十九万余引，各纲未运之盐，一概停止。署两江总督兼盐政薛焕奏奉批准。

咸丰十一年，九月，详定淮北丁巳纲票盐试办章程。
海州分司赖以彬详拟试办章程十二条，经运司乔松年批准。

同治二年，十一月，谕：户部奏淮北票盐提充军饷，请分别截留以保正课一折，皖、徐平靖，淮北销路渐通，亟宜将饷盐分别截留，以挽颓纲而裕正课。着曾国藩严饬盐运使忠廉设法遵照办理。户部奏奉谕行。

同治三年，五月，定己未纲票盐章程。
两江总督兼盐政曾国藩厘定章程八条，附订官运章程四条。

八月，议准截停淮北饷盐，以复票盐1日制。
两江总督兼盐政曾国藩奏明停止，经部复准。

淮南票法

道光三十年，三月，谕：据户部遵议陆建瀛奏淮盐兴利除弊一折，据奏原议各条，如按旧科则酌减外费，酌复额引加带乙盐，均以轻成本而恤疲商，永禁整轮，核实岸费，以及删除繁文，务归简易，亦与从前奏案相符。至改捆盐包以剔除弊混，分年批补以调剂灾商，均属妥协，已依议行矣。惟分岸运销一层能否不致越界侵灌邻省引地，其纲食科则请归一律官定场价以免居奇两条，亦皆议改章程，有无窒碍，殊难悬揣。该督不避嫌怨，力筹整顿，于淮盐疲极之秋，筹补偏救敝之策。但此三层果否确有把握，可以久行无弊，着妥议具奏。两江总督兼盐政陆建瀛奏淮盐兴利除弊一折，酌议章程十条，经部议复，奉谕允行。

四月，奏定淮南新章未尽事宜。两江总督兼盐政陆建瀛奏陈，经部复准。按：是年开纲数月，已全运一纲之盐，越二岁即滞销抢跌，又值引地沦陷，江路梗塞，淮盐遂以不振。

同治三年，正月，奏准江路肃清，运道畅行无阻，酌定楚、西各岸盐运章程。两江总督兼盐政曾国藩于二年八月核定淮盐西岸认运章程八条，十月核定淮盐运楚章程八条，十一月核定淮盐运皖章程五条，三年三月奏明，经部复准。

循环给运

同治五年，九月，定鄂、湘、西、皖循环给运章程。
署两江总督兼盐政李鸿章核定循环给运章程六条，札行照办。

又裁撤楚、西招商局。署两江总督兼盐政李鸿章札饬裁撤。

同治八年，三月，定鄂、湘、西环运票商，不准更名。
运司方浚颐申请两江总督兼盐政马新贻批允。

同治十一年，奏准淮北票贩停止验资，就旧纲花名，循环转运。
署两江总督兼盐政何璟奏陈，经部复准。

光绪十年，七月，以淮南扣借预厘，刊给执照，俾各票商执为世业。
两江总督兼盐政曾国荃札行照办。

官运

咸丰九年，十月，详准泰兴县试行官运。
署运司乔松年详，经两江总督兼盐政何桂清批准。

咸丰十年，四月，详定泰兴县官运章程。运司乔松年详定官运章程四条。

同治八年，八月，定滁州、来安试行官运章程。
皖岸督销局道员袁保庆稟拟章程十一条，两江总督兼盐政马新贻批准。

十一月，稟准变通滁、来官运章程，并将全椒一岸，暂食北盐。
皖岸督销局道员勒方 琦稟，两江总督兼盐政马新贻批准。

光绪三十二年，闰四月，详准通州、如皋、兴化、泰州、盐城、阜宁六州县创办官运，以济民食。 运司赵滨彦详，经两江总督兼盐政周馥批允。

光绪三十四年，六月，稟定建昌官运章程。
候补知府饶士瑞稟拟掣运章程十一条、运建章程二条、筹销事宜二条。

宣统元年，四月，奏准试办官运北盐，拓销建昌废岸。
两江总督兼盐政端方奏奉批准。

宣统三年，六月，以建昌官运局归西岸兼辖。 督办盐政处札饬照办。

以上淮南官运。

同治五年，二月，定淮安府属桃源，徐州府属宿迁、睢宁、邳州四食岸专销余盐，官收官运。 运司丁日昌稟，经署两江总督兼盐政李鸿章批准。

十一月，禁止桃、宿、睢、邳四邑私设盐槽。 两江总督兼盐政李鸿章札饬禁止。

同治六年，四月，详定徐、淮食岸官运，应缴课税以一半为清淮防费之用，一半为徐台接济之需。 署运司程桓生详，经两江总督兼盐政李鸿章批允照办。

光绪二十六年，奏准将徐、淮岸商革退，试办官运，以济民食。两江总督兼盐政鹿传霖奏陈，经部复准。按：徐、淮四食岸于光绪九年招商认运，销滞商疲，是年试办官运。

四月，札饬四岸开办官运，应先尽买票盐，其余斤、功盐两项，亦应核实办理。
两江总督兼盐政鹿传霖札饬照办。

光绪三十二年，三月，奏准官收余盐，开办山阳、清河、安东三县食岸。
两江总督兼盐政周馥奏陈，经部复准。

九月，咨明停撤安东食岸。 运司赵滨彦详，经两江总督兼盐政周馥咨部查照。

宣统二年，七月，奏准河南西平、遂平、确山三县办理官运，抵制芦私。督办盐政大臣载泽会同度支部奏奉允准。

以上淮北官运。

两浙运使所隶江苏省苏松常镇

太五属商运官运事宜

同治六年，九月，议准苏、松、常、镇、太四府一州引地暂行改章试办，责成各州县各归各境，筹款领运。浙江巡抚兼盐政马新贻奏陈，经部议准。

同治七年，详准苏五属各州县政务殷繁，未能兼顾盐务，遵照议招复引商认运。运司、牙厘局、浙西局、司道等会详，经浙江巡抚兼盐政李瀚章批准，奏咨立案。

同治八年，六月，议准江苏省苏、松、常、镇、太四府一州引地招商认行六万六千引。浙江巡抚兼盐政李瀚章奏陈，经部议准，并核定试办章程十二条。

光绪三十年，五月，详准设立府海公司，承销上海租界食盐。运司详，经浙江巡抚兼盐政聂缉 槃批准，并咨明两江总督、江苏巡抚查明饬遵。

光绪三十四年，十二月，奏准裁撤上海府海公司，将租界食盐改归官办。运司陈玉麟详，经浙江巡抚兼会盐政大臣增韞批准。

附各所甲商管理区域

杭所甲商：江苏之镇江一府引地归其管理。

嘉所甲商：江苏之常州一府，苏州之长、元、吴、江、震五县，松江府全属，太仓州全属引地归其管理。

配 运

南盐开江，以十二圩为总汇之地。北盐出湖，以西坝为萃聚之区。场商之与运商，票贩之与湖贩，订交易，事转般，皆于是乎在。而其价值低昂，必由官定，悬牌宣示，不得紊越。淮南设栈，檄盐司大员司之。而淮北则海分司驻西坝，董率其事。诚重之也。

圩 栈

道光十三年，十月，奏准仿淮北西坝办法，于仪征解捆处所设立栈房，收盐发贩。
两江总督兼盐政陆建瀛奏准。

咸丰九年，七月，稟准仿照从前仪栈之式，于泰州设立公栈，令场商各将垣盐运栈堆储，由栈发贩。署运司联英稟，经两江总督兼盐政何桂清批准。

咸丰十年，八月，详准设立口岸分栈，收价发盐，以便客贩。运司乔松年详，经两江总督兼盐政薛焕批准。

同治三年，三月，以楚、西、皖运盐踊跃，酌加栈价，津贴场商。
两江总督兼盐政曾国藩檄飭照办。

同治四年，四月，定瓜洲设栈章程。两江总督兼盐政曾国藩核定章程八条。

同治七年，以场商疲乏，令运商预缴五成盐价。运
司、瓜栈会详，经两江总督兼盐政马新貽批准。

同治九年，八月，详准栈盐缺斤，分别已未订交，统令缴过钱粮关捐，再将缺数开除。署运司庞际云、瓜栈薛书常会详，经署两江总督兼盐政魁玉批准。

同治十二年，四月，奏准淮南盐栈，移设仪征。两江总督兼盐政李宗羲奏准。

九月，定仪征移栈章程。
运司方浚颐、瓜栈薛书常会详，经两江总督兼盐政李宗羲批准。

十月，详准淮南盐栈移设仪征，令运商按包酌加场商津贴。
运司方浚颐、瓜栈薛书常会详，经两江总督兼盐政李宗羲批准。

同治十三年，二月，稟准栈掣溢斤，归商另行堆储，积有成数，除弥补缺斤外，照交钱粮，挨轮定买。仪栈道员庞际云稟，经两江总督兼盐政李宗羲批准。

光绪三十二年，定仪栈零盐由官收买，运岸销售。
两江总督兼盐政周馥咨部复准。

光绪三十四年，九月，复准淮南培养商灶，酌加岸价，以递加牌价。
两江总督兼盐政端方咨部复准。

宣统元年，详准江运北盐，援照南盐培养商灶成案，加增岸价，递加牌价，以补钱亏。两淮盐运使赵滨彦详，经两江总督兼盐政端方批准。

坝 栈

咸丰十年，四月，禀准票盐到坝，由钱粮局分别盐色，定价牌示。
海分司陈照、委员杜文澜会禀，经运司乔松年批准。

同治三年，五月，定淮北票盐西坝各栈售价，由海分司就近稽查，每引至贱不准跌至三两二钱以内。如遇畅销，准其随时提长。两江总督兼盐政曾国藩札饬照办。

同治六年，十一月，核定西坝盐价。两江总督兼盐政曾国藩札饬核定。

同治十二年，五月，详定整顿北盐章程。
运司方浚颐详议整顿北盐章程四条，经两江总督兼盐政李宗羲批准定案。

九月，禀定西坝票盐公所轮流稽查章程。
海分司于宝之禀议轮流稽查章程四条，经两江总督兼盐政李宗羲批准。

两浙盐引配运江苏省苏松常镇太五属额数

同治十二年，二月，详准江苏五属改复引盐，认额六万六千引，一场一岱，各按五成搭销。运使灵杰详准立案。

配销章程

场盐配销旧例

横浦场盐，分配嘉、松二所。浦东场盐，行销上海、青浦二县。袁浦场盐，配嘉、松二所分掣。

崇明场盐，不设引，亦不运所，听民挑销。先济本地民食，余盐发帑收买，尽数运赴靖江销引。

温州府平阳县所属肥槽地方，乾隆二十九年总督杨廷璋等奏明，动帑收买盐斤交商领运。其余盐运往乍浦，归嘉、松二所商人领配。

定海所属舟山地方，乾隆三十六年总督崔应阶等奏明，动帑收买盐斤交商领运。其余盐亦运乍浦，归嘉、松商人领配。仍照各所科则完课，缴帑归款。

定海县之岱山地方，雍正十二年总督程元章委员贾帑收办盐斤，配销渔盐。其余盐捆运靖江，交商配销，照章缴纳帑课。

现行配销章程

许村场盐，配销海宁、石门二州县肩引，及湖属纲引，苏、常、镇商引。西路场盐，配销嘉、湖纲引，苏、常、镇商引。黄湾场、鲍郎场盐，均配销嘉、湖纲引，苏五属商引。海沙场盐，配销海盐、平湖二县肩引，嘉、湖纲引，苏五属商引。袁浦场、青村场、横浦场、浦东场盐，均配销苏五属商引。余姚盐，配销苏五属商引，五府八县并嘉、湖纲引。岱山盐，配销苏五属商引。党山盐，配销徽、广纲引，及苏、常、镇商引。河庄盐，配销嘉、湖、徽、广纲引，苏、常、镇商引。崇明下沙头、二三等场，或向不产盐，或所产无多，由灶民就地销售，或委员督商收运。

掣 验

顺治九年，二月，题准秤掣溢斤，应追割没银两。巡盐御史张璿题请，经部议准。

顺治十四年，五月，题准江掣地方，当于仪征旧港为便。巡盐御史白尚登题请，经部复准。

顺治十五年，议准裁撤南关，归并北桥。巡盐御史高尔位题请，经部议准。

康熙九年，禁止两淮运盐额外多派，及淮盐掣拏弊端。巡盐御史席特纳、徐旭龄奏请禁止，经部议准。

雍正六年，十一月，奏准革除泰坝之弊。江南巡察御史戴音保条奏，经部复准。

乾隆三十三年，十二月，奏准通属九场盐船顺道至泰坝南关查船处所，就近抽查验放。盐政尤拔世奏准。

以上纲盐掣验。

同治二年，十二月，以泰州为盐运出江首要之区，饬定认真秤掣。两江总督兼盐政曾国藩札饬照办。

淮南坝掣。

同治五年，十一月，定瓜栈掣验章程。瓜栈道员程国熙稟议章程八条，经两江总督兼盐政李鸿章批准。

淮南栈掣。

同治二年，十月，委员于湖口之大王庙地方，设立掣验卡。
两江总督兼盐政曾国藩札委设立。

同治三年，正月，以大胜关卡为准盐出江复抽掣第一关，专派道员，会同厘卡办理楚、西、皖引盐抽秤等事。两江总督兼盐政曾国藩札饬照办。

二月，委员于湖北武穴地方，设立掣验卡。两江总督兼盐政曾国藩札委设立。

同治四年，十月，将安庆掣验卡移设大通。
委员袁爱存禀，经两江总督兼盐政李鸿章批准。

光绪二十九年，正月，奏准裁撤大通、湖口、武穴三掣验卡，由督销局自行派员掣验。署两江总督兼盐政张之洞奏奉批准。

又以楚、西掣验归并大通一卡办理。
皖岸督销局禀，经署两江总督兼盐政张之洞批准。

宣统二年，十月，示谕整顿下关掣验。
督办盐政大臣载泽、两江总督兼会办盐政大臣张人骏示谕照办。

宣统三年，二月，禀准扼要掣验，将大通归并下关卡，派员经理。其湖口、武穴、岳州等处掣验卡，一律裁撤。运使增厚等禀请，经督办盐政处批准。

以上淮南各卡掣验。

道光十五年，二月，禀准西坝顺清河为淮北票盐总汇，委员设卡验票截角。
委员谢元淮、分司童濂禀请，经两江总督兼盐政陶澍批准。

同治五年，五月，详准淮北顺清河卡移设十二堡。
海州分司沈炳详，经署运司程桓生批准。

光绪三年，五月，禀准淮北票盐舱单由十二堡卡填给。海分司于宝之禀准。

光绪四年，正月，定淮北票盐自十二堡截角给单日起，限十五日到五河卡；自五河起，限二十五日到正阳卡。两江总督兼盐政沈葆楨示谕照办。

宣统二年，奏准设立临淮掣验局。督办盐政大臣载泽奏准设立。

以上淮北各卡掣验。

光绪七年，详准张库、浏河为余岱进口必经之地，于浏河设掣验总局，张库设掣验分局。苏、常、镇由浏河进口，松、太由张库进口，如苏、常、镇有愿由张库进口者听。靖江虽在江北，由海入江，漫无稽查，应一并进口掣验，由内河到地，以杜影射。 运司、纲盐局会议详准。

以上浙盐运苏掣验。

以上均票盐掣验。

第八卷 厘金

厘金沿革

自咸丰初，副都御史雷以誠主江南饷事，采归安诸生钱江之议，首他省行厘金法，取廉而入巨，商贾不病，兵气遂扬。曾、胡踵之，事平不去，复增其数，岁约得钱三、四百万，可谓巨矣。其后卡愈多，捐愈苛，弊亦日甚。商民输什，公家所入仅三、四，余则为官司所耗费而鱼肉之。滋为民害，直无已时也。江南、北总局有三，迄今未更。兹分系其沿革著于篇。

金陵厘捐总局

江、淮、扬、通、海、徐、海七府厅州属之。

咸丰三年，金陵失陷，饷源枯竭，副都御史雷以誠治军扬州，始于仙女镇倡办厘捐。按：是时雷以誠驻兵万福桥，与各营相犄角，以保东路里下河各州县门户。江都县属仙女庙，商贾辐辏，各业旧有抽收厘金章程，因即仿行，以济军需。坐贾则按月收捐为板厘，行商则设卡收捐为活厘，按获利之厚薄，约百分二、三。初试行于米行，继推及于各大行铺，由仙女、邵伯诸镇递及里下河各州县。是为苏有厘金之始，亦即全国行厘金之始。金陵总局为以诚所创办者，初名江北厘捐总局，由大营粮台经理。其捐项分南、北两台，南台给淮南军饷，北台给淮北军饷，故名。

四年，刑部侍郎军务大臣雷以誠奏称，试行厘捐助饷，业有成效，请推广照办，以裕军储。诏两江总督怡良、署江苏巡抚许乃钊、江南河道总督杨以增各就江南、江北地方情形，速商筹办。自是乃先后设立苏州牙厘总局、松沪厘捐总局。

五年，奏准扬府属接壤地方设立三江营、荷花池等局。

十年，诏：江北厘局林立，泰兴口岸镇与泰州、江都、如皋相去甚近，商民之情不协，即停止。

十一年，诏：江北粮台有指捐、借捐、炮捐、船捐等名目，饬督办大员严杜苛扰。

同治元年，户部奏准将江北粮捐、亩捐、草捐等项概行停罢。

是年，奏准设局于江宁大胜关。

三年，金陵克复，军务稍定。诏：大江南、北裁并厘局，改设江北厘捐总局于金陵省城，委派道府经理，留存分卡二十六处。下关、大胜关、六合、大河口、荷花

池、宝应、车逻、昭关坝、湾头、樊汊、孔涵、大桥、仙女庙、姜堰、东台、泰兴、口岸、靖江、如皋、力发桥、丁堰、周圩巷、通州、任家港、海门、吴淞口。

又于徐州府城设立淮北厘捐总局，专充淮北水陆军饷。

四年，改江北厘捐总局为金陵厘捐总局，并酌留沿江厘卡，充长江水师军饷。

十二年，署江督张树声等奏准停止江南粳米谷捐。

光绪元年，江督沈葆楨奏准停止江南糯米杂粮捐。

二十二年，署江督张之洞奏准专派大员任金陵总局事，以向隶徐州道之淮北总局并归管理。

三十一年，增设沪宁铁路厘局。

苏州牙厘总局

苏、常、镇三府属之。

咸丰三年，苏、常迭陷，仅存上海一隅，丁漕丝毫无收，沪关税项不足贍军，乃设立厘局，藉资接济。

咸丰四年，诏巡抚许乃钊飭所属劝谕绅士，设局捐厘。创办之初，仿上海得胜卡章程抽捐。

五年，奏准于常、镇府属接壤地方设立小河口等局。

六年，钦差大臣曾国藩疏请抽收上海厘金，拨助江西军饷。谕：上海厘金仅能供苏省饷需，着勿庸议。

七年，钦差大臣德兴阿等请于上海劝捐抽厘，接济扬营军饷。谕：两处抽收，迹近重征，不允。

八年，上海旧有船捐捕盗局，改为官办。局向由沙卫东宁各船商捐办。此项岁入可二十余万金。

同治元年，改设松沪厘捐总局于上海县，管辖松、太境内水、陆各局卡。船捐一项，亦并属入。

二年，奉令裁并厘局，留存分卡十四处。吴淞、刘河、闵行、五库、吴淞钩船，以上水卡。布捐、木捐、糖捐、货捐、出口捐局、筹防捐局、盛泽丝捐、刘河厘局、崇明厘局，以上落地捐局。

同治二年，苏、常克复后，改设苏州牙厘总局于苏州省城。会诏裁并厘局，留存分卡十四处。苏州六门厘捐、木渎、车坊、同里、盛泽、常昭内河、常昭海口、常州奔牛镇、宜荆、锡金、江阴、溧阳南渡镇、镇江上游、镇江下游。

五年，浙江省代收丝捐。在浙先捐后售，给商执照，至上海南卡呈验，每年派员往浙提取。又浙江海塘工程丝捐复由淞沪总局于苏省丝捐项下附收，汇解至浙，缘海塘工程捍卫杭、嘉、湖及苏、松、常、太七府州县民田，关系两省利害之故。

光绪三年，议准各国租界洋货免厘。按：租界洋商售卖洋货及运入内地，已在海关完纳子口半税者，自是不再抽厘。惟洋药不在此限，与土货厘金均仍常例抽收。然自洋票行后，其运入内地土货亦遂不纳厘，浸至华商效尤，托名诡寄，洋人包庇，留难索偿，国家与商民交受其困。是时外人并倡免厘加税之说，江海关道刘瑞芬上书江督，谓：洋货完厘定章久成虚设，土货增值势在必重。因华商利少害多，转滋流弊。后总署卒从德国巴使之议，然事亦未得实行也。

光绪八年，奏准裁撤常昭内河之西庵分巡、李泾分卡、宜荆之凤沟河分巡。

八年，裁并布货捐局、闽广三帮杂货捐局，暨东沟厘卡四处，并撤屯山水桥巡卡。

九年，裁撤东沟、华泾两处巡卡。

是年，浙江省代收茧捐，收法与丝捐同。

十一年，奏准总局分设之落地捐暨附郭各卡，并锡金之黄埠墩卡，皆地处冲要，照旧征收。

十一年，奏准抽收落地捐之货布捐局，暨沿海吴淞钩船、刘河落地二局，并严家桥、吴淞江二卡，皆地处冲要，照旧征收。

二十九年，增设沪宁、沪嘉两铁路厘局。年代或误，然必在是年至三十一年之间。

三十年，以布捐局归并出口捐局。

宣统元年，以木捐局并入出口捐局，改名布木出口捐局。

又以糖捐局归并货捐局。

又设卡六，为南卡、北卡、西卡、虹卡、吴淞分局、绸捐北局。

按：岁征之数，当光绪元年间，金陵总局为银三十万两有奇；苏州总局为六十五万八千八百余两；松沪总局受洋票之敝，在同治末为一百二十四万五百七十余两，至光绪元年，已减为一百三万六千余两矣。据光绪三年江督沈葆楨缕陈江苏厘金支绌情形疏，此盖为历年比较最短之数。此项岁计，在淮北归并、沪宁增设以前，且距今三十余年，为时久远，本不足为定数。而别无簿册可备考征，始举之以见概略。嗣此征收之数未详。厘捐之设，本为军兴筹饷不得已之策。咸丰九年、十一年、同治二年、三年间，皆有严定章程，不得累扰商民之谕旨。二年，御史丁绍周条陈江北厘金积弊，诏富明阿、吴棠严加整顿，以事非专属苏省，故不著。当时犹有顾念商艰民困之意，以视后之百方掊克，专事残民以逞者，为之犹贤乎已。

厘金大要

国产税法本为东、西各国通例，而中国厘捐久为世病，则征收法之关系也。苏省厘金始于咸丰辛酉，初试办于上海，继推行于松、太各属，而筦之以江南厘捐总局。同治壬戌，苏省肃清，设牙厘总局于省会，筦苏、常、镇三属榷务，改上海先设之总局曰松沪厘捐总局，至今垂五十年矣。至于正、杂各捐，有与厘金同时并举者，亦有因事筹款，随时增设者。本类二款九项，说明如下。

卡捐

一、水卡捐

苏属水卡共一百六十一处，分隶于十三厘局。

苏城厘局 辖分局、分卡十七处，曰：虎丘卡、新塘桥卡、阊门卡、寿星桥卡、胥门卡、娄门卡、齐门卡、葑门卡、蠡口卡、南桥卡、十字港巡卡、西龙桥巡卡、三板桥巡卡、新造桥巡卡、官渎桥巡卡。内以虎、新及十字港卡为一，阊、寿及西龙桥卡为一，盘、胥及三板桥卡为一，娄、刘、葑及官渎、新造桥卡为一。分委佐职四员，专司稽征，而受成于苏城局。惟蠡、南两卡直隶苏城。该局分卡十一处，抽收散捐，皆设在省垣附郭，为到苏要隘；巡卡五处，专查绕漏，向不收捐，他局所辖之巡卡仿此。另设之分局，专收落地货捐。捐款以绸缎等项总捐为大宗，丝、经、洋广货等项认捐次之。通年额比货厘银五万七千三百余两，洋一万四千四百余元，钱十七万六千九百余千文；米厘钱二万二千四百余千文。落地捐一并在内。

木渎厘局 辖分卡五处，曰：横泾卡、光福卡、胥口卡、下沙巡卡、后巷巡卡。该局正、分各卡滨临太湖，为浙省渡湖入苏之首途。捐款以烧酒、夏布、菜子为大宗。通年额比货厘洋七千余元，钱一万三千四百余千文；茧捐洋一万余元；米捐钱三千一百余千文。

车坊厘局 辖分卡十处，曰：斜塘卡、高埭卡、江田卡、陈墓卡、甬直卡、正义卡、唯亭卡、渔泾桥卡、白塔头卡、驷马关卡。该局正、分各卡地当苏、沪孔道，及苏、浙往来所必经，河港分歧。捐款皆零星日用之物，无甚大宗。通年额比货厘钱三万三千五百余千文，米厘钱二万二千四百余千文。

盛泽厘局 辖分卡十四处，曰：震泽卡、平望卡、暮缸桥分巡、梅堰、士古桥卡、三里桥卡、唐家路卡、又巡卡、南麻卡、又副卡、又巡卡、澄溪桥卡、东泾桥卡、太平桥卡。该局正、分各卡地处要冲，为苏、浙交界毗连之区，港汊路路可通。捐款以本镇所产绸货为大宗，并由浙运苏木植、药材、南腿等物。通年额比货厘银四百余两，洋六千九百余元，钱九万六千五百余千文；米厘钱二千九百余千文。

同里厘局 辖分卡十七处，曰：尹山桥卡、花泾桥卡、碓坊头卡、鲇鱼口分巡、洪桥卡、陆家港分巡、大埔桥卡、南库卡、七里桥卡、芦墟卡、镇北卡、汾湖卡、周庄卡、镇西卡、南库分巡、叶泽卡、度善桥卡。该局正、分各卡，处由浙入苏及由沪赴浙之要道，湖荡极多，四通八达。捐款颇少大宗。通年额比货厘钱四万三千六百余千文，米厘钱五百余千文。

常昭内河厘局 辖分卡二十三，曰：三里桥卡、水仙庙卡、通河桥卡、缸桥卡、沿城分巡、王庄卡、羊尖卡、界泾桥卡、徐六泾卡、支塘卡、长桥卡、白茆新市卡、蔡泾卡、吴塔卡、吕库分巡、湘城卡、万庆庵卡、菰茳卡、白塘港卡、小泾底卡、钓仙闸分巡、斜堰卡、山塘子卡。该局正、分各卡遍布常、昭两邑，界连苏城暨昆、新、江、锡各邑，昆承阳、尚两湖介乎其间，河道丛杂，到处可通。捐款以棉为大宗，布次之。通年额比货厘洋六十八元，钱六万七千六百余千文；米厘钱三万五千余千文。

锡金厘局 辖分卡十六处，曰：常埠墩卡、普济桥卡、五河浜卡、北棚口卡、南桥卡、大渲卡、堰桥卡、四河口卡、清明桥卡、冷渎港分巡、望亭卡、茅塘桥卡、观音墩卡、马口卡、雪雁桥卡、白亦山卡。另派佐职二员，一驻黄埠墩稽征，一驻雪雁桥稽征，而受成于锡金局。该局正、分各卡，当苏、常、江阴、常昭等处之冲，又为太湖出入口门。捐款以丝茧、米粮为大宗。通年额比货厘银七千二百余两，洋三万四千余元，钱九万四千七百余千文；茧捐洋十七万七千五百余元；米厘钱六万四千三百余千文。

奔牛厘局 辖分局、分卡十五处，曰：扁担河卡、邹堰卡、小河口卡、石桥、水塔

、夏墅三分巡、魏村卡、圩塘卡、丫河桥卡、查堰分巡、青河桥卡、七厘桥卡、阳庄桥分巡、丹阳、常州绸土捐局。该局正、分各卡扼常、镇运河及其支河，北通长江，旁达太湖。捐款以茧、米、麦、豆为大宗。通年额比货厘洋一千余元，钱五万六千四百余千文；茧捐洋四万六千九百余元；米厘钱二万八千二百余千文。

宜荆厘局 辖分卡十三处，曰：乌溪卡、徐舍卡、义西圩卡、沙棠港卡、大区卡、和桥卡、南北各港及凤沟河巡船、分水墩卡、张泽桥分巡、施荡桥各港巡船、聚隆桥分巡、五洞桥巡船。将分水墩一卡划归锡金雪雁桥分卡委员就近兼管，南渡等三卡另派专员稽收，仍受或于宜荆局。该局正、分各卡地滨太湖，小港杂错。捐款以窑货为大宗。通年额比货厘洋九百余元，钱二万七千二百余千文；茧捐洋一千九百余元；米厘钱二万九千七百余千文。

江阴厘局 辖分卡九处，曰：夏港卡、新沟卡、申港卡、芦埠港卡、横丹港卡、桃花港卡、黄山港卡、石牌港卡、石头港卡。该局正、分各卡地滨大江，系上江、江北各路商贩往来苏、沪、嘉、湖之要路。捐款以茧为大宗，进口、落地、木捐次之。通年额比货厘钱七万一百余千文，茧捐洋三万四千七百余元，米厘钱三千三百余千文。

南渡厘局 辖分卡二处，曰：中桥分巡、施家桥卡。该局正、分各卡地接皖南，为长江进东坝口入苏之冲要。捐款以茧丝、米谷为大宗。通年额比货厘银五两，洋二万六千四百余元，钱九千十百余千文；米厘钱一万三百余千文。

下游厘局 辖分局、分卡十二处，曰：越河卡、象山卡、都天庙卡、运河卡、南门水关分巡、东门卡、八濠口卡、七濠口卡、新河口卡、新开河卡、篇湾卡、绸捐分局。该局正、分各卡濒临大江，稽收上下船只百货捐暨运苏出江各项货捐。捐款以桐油、柏油、白麻等项为大宗。通年额比货厘银四百余两，洋一千一百余元，钱十九万九千四百余千文；米厘钱二千五百余千文。

另有上游一局，于光绪二十四年改隶宁属，更名瓜泗，所收米捐仍解苏济用。

沪属水卡共五十四处，分隶于五厘局。

吴淞钓船捐局 设在吴淞口内，无分卡。专收入浦、入江钓船船捐，及出江、入江钓船货捐。捐款以建木、鲜猪为大宗，米粮禁运出口，久经停捐。通年额比货厘银二千一百余两，钱九万三千六百余千文。

刘河厘局 辖分卡十七处，曰：新镇卡、时家桥卡、刘河东卡、新塘市卡、杨林卡、岳王市卡、南码头卡、沙溪卡、双凤卡、河川塘卡、七鸦卡、新造桥卡、东门外卡、横泾卡、项桥卡、直塘卡、王泾仓场巡船。该局正、分各卡大半地滨海口。捐

款以刘河东卡、七鸦、杨林等三卡进口北货酒、豆饼、咸猪等货及各卡出口籽花、花衣为大宗。通年额比货厘银九千五百余两，钱五万三千余千文；米厘钱一千八百余千文。

吴淞江厘局兼丝茶北卡 辖分卡十二处，曰：赵屯港卡、龙嘴卡、小南翔卡、大泗江口卡、大场卡、小泗江卡、真如卡、缸桥卡、关港卡、张家塘卡、沈家堰卡、朱家行卡。该局正、分各卡，地当苏、常、镇、太及浙省杭、嘉、湖各处之要道。捐款以南北杂货、油、豆饼、米粮为大宗。通年额比货厘钱九万一千九百余千文，米厘钱五万九千一百余千文。丝茶北卡专司查验苏、浙运沪丝茧护照，遇有偷漏，补捐加罚，并无大宗捐款。

闵行厘局 辖分卡十二处，曰：闵南卡、白庙堂卡、闸港卡、杜家行卡、泾渭桥卡、周浦塘卡、北桥卡、沙港卡、天塘桥卡、东沟卡、严家桥卡、界浜卡。该局正、分各卡，为由沪赴松及浙江杭、嘉、湖各属之通衢。捐款以籽花、南北杂货、油、豆饼为大宗。通年额比货厘钱十一万八千余千文，米厘钱一千三百余千文。

五库厘局 辖分卡五处，曰：浏港卡、石河塘卡、得胜卡、明正庵卡、泗浦塘巡船。该局正、分各卡均皆扼要，由浙入沪，此其冲途。捐款以窑货、纸、酒、竹簾、柴、炭、米粮、鱼、羊、瓜、果为大宗。通年额比货厘钱六万三千七百余千文，米厘钱三万九千一百余千文。

另有崇明一局，于光绪十三年由就地各商董，各归各口分认，交县转解，汇存济用。

二、旱卡捐

苏属旱卡共计五处，惟苏州铁路一局直隶于总局，其余如无锡旱卡归锡金厘局兼办，常州、丹阳两旱卡归奔牛厘局兼办，镇江旱卡归下游厘局兼办，专收火车往来所运之货捐。设置未久，均无比较，尽收尽解。

沪属旱卡计共三处，惟沪宁铁路一局及所辖潘家湾分卡一处直隶于总局。其余如沪嘉铁路旱卡，虽另派专员，仍归上海货捐局管辖；松江东门及枫泾等处铁路旱卡，归五库厘局兼办。专收火车往来所运之货捐。设置未久，均无比较，与苏属同。

名 称

邮政捐

邮政局归海关税司兼管。客商寄带物件无厘局捐票者，代收卡捐一道，以补水卡之

不足。税司按月汇交两总局。

船 捐

沪属向有船捐并入卡捐核收，惟吴淞钓船捐另款报解。苏属仿沪属办法抽收船捐，由各厘局专款报解。并无比较，随同卡捐并收。

销场捐

膏 捐 苏、松各属膏捐均归州县征收，按月汇缴。苏、常、镇三属捐款解江苏省总局，松、太两属捐款解上海总局，责成售卖烟膏店在售价内扣收。

烟酒坐贾捐 苏、沪各属烟酒坐贾捐向归各厘卡就近征收，按季解缴。苏、常、镇三属捐款解江苏省总局，松、太两属捐款解上海总局，责成烟刨、酒作在售价内扣收。

落地捐

沪厂运苏棉纱落地捐 沪厂纺纱运销苏属，完落地捐一道。

苏锡各厂棉花落地捐 苏州、无锡两处均有纺纱厂，购运棉花到厂后，缴完落地捐一道。苏州岁约收银二千五百余两，无锡岁约收银二千四百余两。

上海百货捐 苏城落地捐另设专局，除苏城厘局所收总捐、认捐外，归落地分局收捐者，只有洋货、广货、洋油、洋烟、靛青、水烟、小布、夏布、南北腿、油腊、白麻、锡箔、药材、皮货、茶叶、硝磺等十数种。上海则百货皆有落地，其实货捐局所收乃进口卡捐，产地混合为一，并非于卡捐外另抽落地一捐也。该局向有查验委员十人，另派委员四人，分理所辖吴淞分局、南绸捐局，兼货捐南卡、北绸捐局、货捐北卡。惟南、北两卡专司稽查，并不收捐。上海为通商最盛之区，货捐为捐数最巨之局，极为繁重。捐款以北货、油、豆饼、米粮、绸缎、纱缎，及洋、土各项棉纱、窑货、皮、猪、烧酒、纸、棉等货认捐六十余种为大宗。通年额比货厘银三十四万八千六百两，钱十六万九千二百余千文；米厘银二千七百余两，钱十万四千四百余千文。

上海树木捐 树木一项，向设专局，捐款以钓船进口建木为大宗。四月至八月谓之“大背”，九月至三月谓之“小背”，收捐以时分轻重焉。通年额比钱五万二千四百余千文。宣统元年，因收数短绌，归并出口局兼办。

上海糖捐兼丝茶南卡 糖厘一项，向设专局，捐款以闽、广夹板船及红绿头船装来

糖包为大宗。其香港运沪洋糖，凭墨头派司准按半税章程完捐。填给四联运单，通省照免。兼办之丝茶南卡，专司稽查，与丝茶北卡同。宣统元年，因收数短绌，归并货捐局兼办。

上海布捐 上海布捐，向设专局，兼收布货捐款。布匹一项，以沪地四乡所出为大宗，苏、松、通、崇海运来者次之。洋布、呢羽等货，华商运销松、嘉、湖等处，系属认捐。苏、杭近已退认，按件报捐。洋布无比较。土布通年额比钱六万一千九百余千文。光绪三十年，因收数短绌，归并出口局兼办。

产地捐

丝 捐 苏属丝捐以苏城局为最多数，南渡、盛泽两局次之，同里、木渎、奔牛、下游、宜荆五局又次之，锡金局为最少数，因锡金乡民恒售茧而不缫丝故也。沪属除震泽一局专收丝经捐款，其在上海者，糖捐局兼办丝茶南卡，吴淞江局兼办丝茶北卡，此外均无丝捐，额比数目，已汇入茧捐数内。另有带收丝包饷捐、带收丝包塘工捐，系在正捐之外，随同征收。岁共约收银四千四百余两。

茧 捐 苏属茧捐，以锡金局最多数，奔牛、江阴次之，木渎又次之，宜荆、南渡为最少数。沪属无茧捐，由苏属拨给。

厂纱捐 苏属厂纱，惟苏、锡两处有之。沪属出数最多，并带收苏落地捐。

花布捐 苏、沪皆有花布捐，此专指苏属而言。常、昭花布于出运时征收捐款一道；小布经过他卡照章完捐；棉花系属统捐，不再重征。

棉 捐

苏属棉捐尚非大宗，此系沪属棉捐。以闵行为最多数，吴淞江、五厝次之。

出口捐

上海沙船出口捐 苏、沪各厘局抽收落地，兼收分运内地货捐。上海出口设立专局，沙船装运土货出口，完捐一道。

上海轮船出口捐

苏、沪内地小轮向不装货，惟上海商轮华商装运土货出口，完捐一道。

机 关

厘金之收入，其组织之法，向以两总局为总汇之区，故苏、沪各有一总机关，而所

辖各厘局为分机关。各厘局既定为收入之分机关，然对于所辖之分卡，则又自为一部分之大机关，而各分卡为无数之小机关。其商董所设之认捐公所，与分卡同。

捐 章

水卡捐

定章之初，大致以值百抽五为率。今昔物价悬殊，衡以时值，至多不过值百抽三强。章程所不载者，估本五厘抽收。苏、沪两属各有刊本，水卡捐章以非一时一人所规定，故参差不齐，名目互异。光绪戊申，因卡捐成数未能划一，通飭除向捐七八成之货外，余照捐章，一律五成收捐。

旱卡捐

定章之初，参酌苏、沪向章，另定章程。光绪戊申，徇铁路公司之请，重定宁、苏、沪铁路划一捐章，按所指远近、道数两项总收。

落地捐

苏、沪两属各有落地捐章。沪属收落地者非一局，又各自有专章，各收各捐，向不划一，惟均须十足补收。

产地及出口捐同。

船 捐

船捐按所装重量，以担数核计，每担捐钱二十文，只收一道。沪属向系并入卡捐之内，苏属仿办在后，专款列收。

膏 捐

膏捐与厘金性质不同。定章之始，每两捐钱二十文，按年递加，禁绝为止。

坐贾捐

烟酒坐贾，系就销场之多寡酌量定数，多则千文，少则数百文，照案征收。

办 法

普通捐

厘金定则，遇卡完捐，凡百货、米粮一切普通之捐皆是也。嗣因局卡征收，或商民因完缴之便利，始有特别办法，然亦不过数种。

统捐

统捐者，统治途之卡捐也。在本省各产地征收，如丝、茧、棉捐之类。

总捐

总捐者，他省来苏之货，在入境首卡一气捐足；或先领验单，到地再完总捐；及进口先缴四成，落地再捐六成。亦无一定。如苏城之绸绉、药材、皮货、茶叶、洋广货、木植之类。

四联单捐

四联单者，系仿海关子口单办法，完捐一道，沿途概不重征。如上海香糖、洋杂货之类。

认捐

认捐者，由各同业公同认定捐数，按月呈缴。如苏城之绣货、丝线、冶坊、花卉，上海之米粮、棉纱、纸业、窑货之类，不下数十种。

包捐

包捐与认捐同，亦由同业出面，特经理者为业外之人耳。

官员

捐数较多之厘局，捐数既大，责成较重，向委州县以上之员办理，由抚院札派。

捐数较少之厘局，此等分局、分卡稽征委员虽系独当一面，仍归各厘局管辖，并不直隶。

两总局，向由藩司会同管榷之道员遴员派委。其分卡稽查及派充司事委员，两厘局径委。现均改归藩司主政。

临时委员，苏城、木渎、锡金、奔牛四局每年丝茧上市时，委佐职四员，分赴帮同办理。现亦由藩司遴委。

新旧章比较

厘局开办之初，有考核而无比较。光绪七年，定章程七条，比收数之盈亏，三年为期满。十八年，更定章程六条，凭盈、亏以衡功过而定去留，以三年为期。二十三年，因时损益，订清弊章程五条，展留办之期，定赔缴之例。二十五年以后，章程少有增改，大致无殊。新章定于宣统元年，各厘局额比均有增加，冀收入较多。仍以两年为期满，不准再留。

利 弊

征收转输之弊

货物税与人民经济关系最切，厘金局、卡林立，在领土内有无数之通过税，赋课之重复，转输之阻滞，固不待言。兹所举略，亦就事论事而已。说明如下：

税厘参差不均之弊 厘金定章之始，大致以值百抽五为则。数十年来物价变迁，与原定税率相去已远。例如白糖，市价每担约钱十千文，捐钱三百文；湖约，市价每斤约钱二十二千文，捐钱三百二十文，只值百抽三而已。南腿，市价每只约三千文，捐钱一百五十文，只值百抽二五而已。然自沪至镇，应完卡捐七道，按道稽征，过于十一。远者过而近者不及，此固内地通过税之无可矫正者也。

税员任用不善之弊 一局一员综司管榷，而直接征收不能不寄于司巡之手。司巡虽由委员任用，而分卡星罗棋布，距局远或数十里，近或数里、十数里，耳目所及，顾此失彼，势难遍为躬亲查察。偶疏则私弊百出，甚有分司事之余润以肥己橐者，需索侵蚀，更不可问。至各厘局分卡多者二十余处，少亦五六处，一卡之费犹一家也，司巡薪水、工食不过数千、十数千文，数本菲薄，而不肖局又从而腹克之，无怪其别谋取偿也。

课税丛杂之弊 货物课税大要，应分消费品、日用品二类。各国课税方法，或就原料，或就制造，或用定额法，或用外标法，有指定之种类，有递推之等级，亦未尝不繁且密也。我国厘金，则有分歧丛脞之弊。若总、认捐，若落地、产地，若分运、分销，若坐贾，若出口，若纱缎则捐诸机，若烧酒则捐诸灶，或限地，或限物，几至一物一税法，一事一税章。即就苏属而论，其条件已无虑数十百种，无论征收手续困难已甚，且事项逾璣，则流弊益多，条理过纷，则政令歧出，此固穷则必变者矣。

征收习惯之弊

征收习惯之弊，随时随地而不同。分举如下：

水卡之弊 船户运货大都包装包卸，绕越偷漏，是其惯技。至于投卡完捐，又有贿买之一法。规费与正项并纳，视为常例。上卡已捐之货，下卡亦可持其短长照票需索，犹二五之与一十也。若航船，若划船，或月规，或节费，更无论矣。

旱卡之弊 旱卡总捐成数较轻，定章不准减短，且轮轨直驶，与水卡之港汊分歧，易于绕越者不同。惟查验稽征，站长、商人，均非所便，口舌争执之际，难免通融，而水卡亦受影响也。

落地捐之弊 水卡有上、下卡之牵制，有委员、总巡之查察，又有倒换验单缴解总局之稽核，徒法不行，尚难廓清弊窦。若落地则货已到地，无查察，无稽核，更鲜防范觉察矣。所恃者，员司同处一局，耳目稍近耳。

统捐总捐之弊 统捐、总捐弊端尚少，但从衡计者，斤两多浮，从量从件计者，数目不实，亦积弊之一也。

认捐包捐之弊 请负征收本非善法，既不能保其不自私，又不能保其不横取，故便商之说亦有未尽然者。经理之人，视盈余为应得，与官吏中饱何以异乎？

改良方法

昔人云，治河无善策，其厘金之谓矣。辛丑改订商约，已有裁厘之议。若照美约所载，厘卡既裁，常关并撤，仍留产地、销场两税，选择税目，为国产课税之地，此诚根本之解决也。标治之法，论者或主增加比较，或主推广认捐，不知比较之法所以惩中饱之弊，与其枝节而索之，诚不若定为常额，勤为考成。然而上司责之委员，委员责之司巡，但求比较如额，其他不遑顾问，于是减折招徕之弊起矣。减折既多，税饷日绌。此任法而穷于法者也。至于推广认捐，各地情形不同。产地可认，卡捐难认。本境销场之捐可认，他省过境之捐难认。且请负征收，尤非善法。认捐既办，厘卡必裁，设新认之额有亏，而已裁之卡难复，更不能不慎之于始。就今日而求彼善于此之策，自以改办统捐为扼要办法。化散为总，如食盐之就场征税，一征以后，不问所以。无论本省物产及经过转运货物，均可一律征收，既免复杂之讥，又去留难之弊。惟江南水乡，港汊分歧，如仍查验，则局卡难去，如不查验，则绕漏难防。统捐之议，或尽美而未尽善欤？

名目

营业捐

牙帖捐 牙行领贴，例须纳捐，归苏、沪两总局径收。

烧酒捐 苏属木渎镇开设烧锅，按灶纳捐，归木渎厘局收解。

机捐 苏城产纱缎，就机征捐，归苏城厘局收解。

另有茧行分庄印照捐与丝包饷捐、塘工捐，性质又有不同，系仿茧行、牙帖捐变通办理。

膏捐 此项本非厘金，归厘局代司收解而已。苏省五府州收数，以苏属为最多数，松次之，常、镇又次之，太属为最少数。

杂捐

三县膏捐 长、元、吴三首县境内膏店所完之捐，均解警务公所，储作经费。

路灯捐 苏城内外各街巷燃点路灯，按铺收捐，归警务公所充作经费。

车马捐 阊、胥、盘马路往来马车、人力车均须纳捐，为警务公所充作经费。

营业捐 苏垣城外马路一带，开设店面、茶、酒馆、戏园、客栈等业，均须纳捐，解缴警务公所充作经费。

铁路车站马头捐

苏州铁路车站、马头，搬运货物脚夫均有牌照为凭，农工商局收捐，充作经费。

石屑捐 苏城西乡金山等处，凡采运石屑者，须完此捐，除以七分之四拨入善堂外，其七分之三解缴洋务局充作经费。

吸户执照费

吸烟各户，凭照挑膏，领照时须缴此费，即手数料也。归禁烟公所充作经费。

土店牌照费

开设土店，必有牌照，方准售卖洋、土药及烟膏，领照缴费，充作禁烟公所经费。

进口出栈捐

轮船进口之货，于华商购运出栈时补抽此捐，为筹防捐之一种，解道充作经费。

香糖杂货捐 香糖杂货亦筹防捐之一种，解道充作经费。

土货认捐 土货系行商认定每月缴捐若干，亦筹防费之一种，解道充作经费。

出口捐 出口捐亦筹防捐之一种，解道充作经费。

沙船认缴捕盗捐 上海捕盗捐向有专局，光绪戊申以收数短绌裁归沙船公所认捐，缴解巡道衙门充作经费。

棉纱公所认缴经费 上海棉纱厘金认捐，于捐额外认缴经费。

吴淞埠工捐 吴淞开埠，设有水码头，凡在此上下货物者，由钩船局代收此捐，缴解巡道衙门充作经费。

征 收

正、杂各捐之收入种类不一，最为繁杂。应以主管之上级各署局为总机关；征收之处，应以下级各署局及各业董所办之认捐公所为分机关。然亦有总局自为机关者，统系颇淆乱也。

捐 章

营业捐

牙帖捐 以名目之贵贱、精粗，区分四等，下等捐银五十两，每上一等加银五十两，至二百两为止。

烧 酒 按灶抽收，每灶月捐洋一元，停酿则免。

机 捐 按机抽收，每机月捐钱一千文，停织则免。

房 捐 房捐专捐店面，定章照租金抽捐一成五厘，业户、租户各半分缴。

三县膏捐 捐章见前。

杂 捐

警务公所杂捐 捐共三种：曰路灯捐、马车捐，数系酌定，参差不一，并无标准；曰营业捐，所包甚广，名目尤觉猥琐。

农工商局杂捐

捐只一种，曰铁路车站马头捐，即脚夫捐也，每月酌令缴捐洋二十元。

洋务局杂捐 捐只一种，曰石屑捐，每吨捐洋一角四分。

禁烟公所杂费 费有二种：曰吸户执照费，于颁发时，每张缴钱二十文；曰土膏牌照费，于请领时，每张缴洋二元。

上海筹防局杂捐 捐有四种：曰进口出栈捐、出口捐、香糖杂货捐，均仿沪属厘金办法，按货抽收；土货认捐，系酌定捐数，饬各行商按月照缴。

上海道衙门杂捐 捐有三种：曰棉纱公所认缴经费、沙船公所认缴捕盗捐，均系酌定数目，由各认捐公所按月呈缴；吴淞埠工捐，由钓船局代收。

办 法

额 捐

额捐，有定数者也，如烧酒捐、苏机捐、路灯捐、车站马头捐、土货认捐、沙船认捐、棉纱认缴经费等类是已。

无额捐

无额捐，无定数者也，如房捐、三县膏捐、车马捐、营业捐、石屑捐、进口出栈捐、香糖杂货捐、吴淞埠工捐等类是已。

委任

省城各署局主管者，征收杂捐。其隶于省城各局、所者，由各局、所酌量委任各州县及所属之局，与当地之绅董经征。上海道衙门主管者，上海杂捐隶于道署，由道酌量委任所属之局或其他局所及各业公所经征。

比较

与厘金相同之捐，比较盈亏，惟厘金有之。机捐、烧酒捐之收数，即在苏城、木渎两局比额之内，并不提出另比。与厘金不同之捐、杂捐，向系尽征尽解，如房捐、三县膏捐以及农工商局、禁烟公所、警务公所、上海道与筹防局所收之各项捐款，均无比较。

附 奏 折

雷以誠军需紧急试行商贾捐厘助饷折

咸丰四年三月

奏为军需紧急，试行商贾捐厘助饷，业有成效，应推广照办以补军需事。

窃自粤匪窜扰以来，地已十省，时及四年，各处添兵，即各处需饷。兼之盐引停运，关税难征，地丁钱粮复间因兵荒而蠲缓。国家经费有常，入少出多，势必日形支绌。而逆匪蔓延，又不知何时可能平定。有饷无兵，尚须招募；有兵无饷，更难支持。上年夏间，奏请于里下河设局劝捐，藉练壮勇，保守东路，一经开导，无不踴躍。盖绅民身家念重，痛痒相关，故臣之劝捐视各处较易。然皆不过晓以大义，动以忠爱之良，非别有抑勒把持之术也。特为时既久，精力已竭，诚恐未能源源接济。昼夜思维，求其无损于民，有益于饷，并可经久而便民者，则莫若行商贾捐厘一法。因里下河产米之区，米多价贱，曾飭委员于附近扬城之仙女庙、邵伯、宜陵、张纲沟各镇，略仿前总督林则徐一文愿之法，劝谕米行捐厘助饷，每米一石，捐钱五十文。计一升仅捐半文，于民毫无关碍，而聚之则多。计自去岁九月至今，只此数镇米行几捐至二万贯，既不扰民，又不累商。数月以来，商、民相安，如同无事。

古人云：逐末者多，则厘以抑之。捐厘之法亦即古人征末之微意，而变通行之。入少则捐少，入多则捐多，视其买卖所入为断，绝不强以所难。况名为行铺捐厘，其实仍出自买客，断不因一二文之细，争价值之低昂，即为征于无形而不觉者也。臣因此法商、民两便，且细水长流，源远不竭，于军需实有裨益，是以现复将此法推之里下河各属县米行，并各大行铺户一律照捐。大约每百分仅捐一分，甚有不及一分者。令各属县会同委员斟酌妥议，奏明、出示起捐。其小铺户及手艺人等，概行免捐，以示体恤。现在仙女庙各行铺户均已议妥，业于三月初十日起捐。并将该镇新章程刊刻刷印，发交各属县照办。俟里下河各处劝齐捐后，究竟可以收捐若干，应随时据实奏闻。如果为数较多，不惟臣营可资守御，并可协济琦善军营之需。

夫富家之捐输有尽，而商贾之转运无穷。当此帑项拮据之时，若不设法熟筹，必至束手坐困而取之无方。又恐于民有碍，故不得不于藉资民力之中，仍寓勤恤民隐之意，轻而易举，绝无苦累。惟里下河特弹丸一隅，臣杨以增劝捐于斯，前漕臣李湘菜劝捐亦于斯，此往彼来，商、民几无所适从。其实臣捐厘之处仅止扬、通两属，其余大江南北各府州县未经劝办者尚多。如果江苏督抚及河臣各就防堵地方分委廉明公正之员，会同各该府州县于城市、镇集之大户铺，照臣所新拟捐厘章程一律劝办，似于江南、北军需，期大有接济。统俟军需告竣，再行停止。

附 酌定里下河推广捐厘章程

一、扬州各属逢灾赈，去年本有一文愿之法，无论绅民、商贾均行出捐，以救时之急。本年逆氛不靖，各乡绅富大约皆捐军需，各村镇自行团练防堵，所费又属不少，时为过久，未便再令续捐。今只捐大行铺户，不令住户捐厘，以纾民力。

一、捐厘之法，本古人征末之遗意，每百分仅捐一分，或有不及一分者。在各行铺户原无所捐，况仍出自买物之人，不过由伊经收者，所费无多，亦断不以为苦。查各行铺户平常多有抽厘办公之举，相沿已久，并非始自今日。于商、民两无妨碍，而聚少成多，实于军用有裨。商、民受国家二百余年豢养之恩，涓埃之报，未有不从者，诚能剴切晓谕，自莫不鼓舞欢欣。

一、江、甘二县米行每石捐厘五十文，原因其逼近大营，自应以助饷为保卫身家之计。现在推广各州县，每石酌定三十文，稻谷减半。为数既少，更属轻而易举。

一、江、甘二县米行捐厘已经数月，绝无滞碍扰累，此次推广，自应一律仿办。除小铺户及手艺人等不计外，其余城市、镇集之大行铺户，均由各该州县会同委员，各就地方买卖大小，传知各董，分别应捐与否，共同酌定数目多寡。若恐稽查难周，自愿议收定数者，亦听其自便。仍稟请出示起捐，以杜牙佻借题渔利之弊。

一、各处典商均捐过军需，且民团惟典商出钱最多，而当物者大半皆系穷民，此次自应免其零捐。

一、书役不准经手，更不得令其稽查收取，致滋扰界。如有借端需索者，除将书役治罪外，仍将各该地方官严参。

一、利与弊，源相连，断不能因噎废食。查各行铺户大约领官帖开张俱多，亦间有无帖者。有帖之行应责成行头，无帖之铺户即责铺中之总管稽查。倘查有隐匿，即加倍罚赔。其或有侵蚀情弊，从重惩办，以儆其余。

一、各行头均系同业，难保不徇私容隐，应由该地方官慎选本地公正绅董专司稽查。即由该绅董经收，或解军营，或交捐输局。其实在出力者，事竣后酌量请奖。至米行捐厘均设有印簿，此次推广各行，亦应照办，由官盖印饬发，以杜混淆。此举原为军饷而设，一俟军务告竣，即行停止。

李鸿章复奏殷兆镛等条陈江苏厘捐折

同治四年六月

奏为钦奉谕旨，据实复陈，仰祈圣鉴事。

臣承准军机大臣字寄同治四年五月十九日奉上谕：有人奏：功臣宜知警戒，请严加训迪，俾得保全。等语。据江苏巡抚李鸿章战功虽著，而子惠未孚，百姓之流离者未尽收恤，地亩之荒芜者未尽开垦，不闻德政，惟闻厚敛。并以侍郎殷兆镛前疏极言江苏横征暴敛之害，皆指李鸿章而言。等语。李鸿章自简任江苏巡抚以来，迭克城池，肃清全省，厥功不为不大。惟以该省事同创始，委用之人较多，则流品易杂；筹饷之途稍广，则民怨易滋。今军务未竣，待用孔亟，抽厘之局自不能全行裁撤。若如该侍郎所奏各折，未免太形琐屑。至官亲、幕友、游客、劣绅争充委员，擅用令箭旗牌等事，绅董稍假事权，擅作威福，恐亦事所难免。着李鸿章将不肖委员严加裁汰，厘卡仍以归并为主，俟军务肃清，再行次第裁撤。另片奏：江苏各项捐款，加以各项田捐，岁可收银肆千万两。等语。江苏捐款虽繁，亦断不能如所奏之多。究竟可得若干，如何开支，着李鸿章造册报部核销。该抚受委任之重，惟当体朝廷恫瘝在抱之念，与民休息，以期日臻上理。以上各情，有则改之，无则加勉，以无负谆谆告诫之意。原折片并殷兆镛折均着抄给阅看，将此谕令知之。钦此。伏读再四，既感我皇上优容之厚，训诲之殷；又愧臣忝任疆吏，以军需为急，不能要结绅士，致招物议。又自恨不守儒生愚拙之分，谬附战功，叨窃太过，盈满致灾。惟既带兵不得不筹饷，既筹饷不得不任怨。殷兆镛至以恃功腹民相讥，又以岁收四千万耸听，未免意存倾陷。若非圣主明鉴万里，洞烛隐微，则当局为难之苦衷，无以自明，后此办事之掣肘，罔知所措。中夜以思，骇汗战惧，曷能自己？但近年以来，廷臣奏请裁减厘捐者不止一人，不止一次，而外省未有一处停减，岂督抚大吏皆不肖，皆恃功耶？亦事关大局，有所不容已也。臣早欲复陈，去冬准广东督抚咨钞会奏抽厘助饷熟筹利弊一折，于本末源流，言之最为切尽，而未闻明诏如何指示。兹奉旨以军务未竣，待用孔亟，厘局未能全裁，是圣明实已鉴及。凡毛鸿宾等已陈各节，臣固毋庸再渎，姑就江苏情形论之。

向称财赋最盛，以地丁、漕粮、盐课、关税四者为大宗。自咸丰三年贼陷金陵，江南北大军云集，分两台供支，苏、宁两藩司进款各顾一面，不相通融。和春、张国梁统兵七、八万人，月饷五、六十万，上海税捐及苏藩司丁粮正款已足敷用，尚不借厘金之力。而其时绅士把持，议论纷繁，当事亦未能认真兴办。自苏、常迭陷，仅存上海一隅，藩库丁、漕丝毫无收。薛焕招集兵勇四万余人，仅资沪关税项，幸汉口、九江尚未开关，洋税月收三十余万。仍不足用，乃扩充厘局以增益之。臣于同治元年四月接署抚篆，随带水、陆各营仅及万人，将薛焕旧部裁汰简练，合之华尔常胜军，亦不过四万人，以入抵出，欠缺无几。旋值汉、九开关，沪税递减，仅足养洋兵及分济镇江一军。而臣军攻剿日急，添募愈多，至二年夏间，水、陆已增至七万余人，饷无所措，不得不专恃厘捐。乃将沪厘大加整顿，并仿照上游楚军办法，克复一处，即酌添卡局，以济军需。商、民僉谓官兵能杀贼救民，无不踊跃乐输。创巨痛深之余，方有好义轻财之举。苏、松被扰较轻，生意尤旺，故捐卡稍密。常、镇蹂躏最苦，至三年四月克复常州后，不再添厘局。臣固斟酌行之，非敢一

意操切。此苏省抽厘助饷之原委也。

凡有卡局处所，臣均亲历查勘，于河湖扼要处，立总卡收捐。于港汊纷歧，立巡卡照票，以杜绕漏。一征一验，相隔或五、七十里，实无十里、五里设卡重征之事。照上海定章，每千钱取三十、四十不等，实无十钱抽三之事。由浙、沪至苏，或捐两次，或三次，按成本之轻重，货色之高下，刊章共守，亦无绸缎须捐八、九次，木料须捐五、六次之事。殷兆镛折内所称茶棚、桌子、赌场、点心、剃头担、粪担，日捐数千文至数十文，并有妓女捐名色。苏省捐目虽多，本由商贾繁盛，货物辐辏，因地制宜，亦何至有此等荒唐之事？造谣诬蔑，骇人听闻，不知其意何居！

至所称官亲、幕友、游客、劣绅争充委员董事，擅用令箭旗牌等事，前湖北抚臣胡林翼尝言：办理厘捐，须依唐臣刘晏之法，引用士人，不使胥吏经手，则弊端较少。是以湖南、北厘捐分济本省及各省征剿之饷，为日最长，而功效最著，由于择人而用，不专令候补人员及地方州县经办。臣初仿而行之，无论本籍、外籍，但求廉勤不苟者延请人局，官亲、幕友实未充当此差，游客、绅士亦必审慎择取。迨全省肃清，或谓候补人员必须兼用，于是外省员绅渐去渐少。臣督同总局司道明察暗访，一有弊窦，立予参撤。数年来，奏参咨革之案层见叠出，未敢稍事姑容。至令箭系行军所用，未闻用之厘卡。旗牌、告示，以晓谕商贾，炮船弁勇，以保护行旅，亦无擅作威福之事。此苏省厘卡办法之大略也。

至有人另片奏：江苏各项捐款，加以各项田捐，岁可收银四千万两。等语。奉旨：江苏捐款虽繁，断不能如所奏之多，究竟可得若干，如何开支，着造册报部核销。仰蒙圣慈洞鉴，曷胜钦感！查我朝定鼎之初，每年直省所入丁漕仅一千数百万。自乾隆六十年海内殷富，盐务、关税迭加整顿，户部所入每年多至四千万。嘉庆、道光以后，入不敷出。至咸丰间，每年例入之数十不及三、四矣。兹乃谓苏省偏隅凋敝之余，能筹出乾隆盛时各省所入四千万之巨款，非独不识时务，且似不通掌故。其正折责人以学道，不知彼之所学何道也？查苏省出入各款，缘奉上年七月初十日上谕：各处办理军务未经报销之案，准将收支款目总数，分起开列清单，奏明存案，免其造册报销。臣即钦遵办理，业于本年二月十七日将苏、沪军需第一案收支款目开单具奏，兹又将第二案收支各款另折陈奏，均系实收实放，毫无捏饰。综计先后单开，如厘捐一项，自元年四月至二年六月止，共收银三百四十九万余两。又另单自元年十月至三年六月止，共收银八十八万七千余两。又自二年七月至三年六月止，共收银二百六万二千余两。此其已报达部者，计两年有零，共收厘捐银六百四十余万，数目不为不巨。江、楚各省厘金，每年各不过百十万。兹于苏、松二百余里内，岁收厘捐将三百万，办事不为不力。自苏、杭、金陵克复，东南腹地肃清，商贾四散，不尽聚于上海，亦不尽走苏境，厘金日以减色。目今衰旺牵算，月不过二十万。若如殷兆镛所奏，非惟不减，反从而日增月益，果有增益，何至收数转绌耶？

至如何开支，其三年六月以前，经臣分案逐款胪列，固可一目了然。嗣后当遵旨报部汇销。独念去秋以来，金陵及各路兵勇陆续遣散，臣军将士亦未尝不久役思归，苏省绅商更莫不冀撤兵裁卡。臣若乘机尽撤所部，慰军士凯旋之乐，邀流俗免捐之誉，而臣得解兵柄，进退绰然，未始非计之得者。徒以余氛未净，厚恩未报，一旦有警，无以应君父之急，逡巡未决。乃至今年奉旨调苏军援闽，三月奉旨调苏军援淮、徐，五月奉旨调苏军援直东，事变叠生，强起立应。计郭松林、杨鼎勋八千余人，潘鼎新五千五百人，皆雇用轮船航海远征，船价、行粮、军装各项，格外骤费至三十万两。而刘铭传、周盛波各军一万四千人转战皖北、山东，粮饷转运弗绝于路。其分防苏境及金陵、扬州、徐州、内外江海、淮河各处水陆各营，又将近四万人。馈饷不继，则哗噪堪虞。军数不减于在苏攻剿之时，而费用转倍于寻常有事之日，徒恃厘捐养战士，出款增而卡局未增，商民尚不甚怨。殷兆镛以苏属巨绅，为贵近之臣，不以国家大局为念，乃倡为浮议，肆口诋诬，上以眩惑朝廷之听，下以鼓动愚民之气，远近传播，使有藉口，以遂其背公藐法之私。臣固不能不寒心，以后官斯土者，更无所措手矣。既荷圣明垂鉴，臣当引疚自责，随时督饬甄汰委员，酌量归并卡局，仍筹顾各路紧要饷需，仰副我皇上谆谆告诫之意。

至所称百姓流离未尽收恤，地亩荒芜未尽开垦，此臣日夜疚心太息者。窃惟抚吴三年，到处捐赈、施粥、施寒衣、织具，岁不下数十万缗，存活尚众。常、镇荒田太多，今春遴委员绅、知府高梯、简用道陈鼐等前往设局招垦，由苏筹发谷种六万石，捐款六万串，农具十数万，约计十一县中，官垦、民垦之田新添百余万亩，雨泽应时，欣欣有生意。江、皖毗邻灾区，且有闻而慕者。臣实自愧惠政之未周，仁心之未尽也。

抑臣更有请者。臣由上海用兵，兼办通商洋务，稔知西洋各国兵饷足、器械精，专以富强取胜，而中国虚弱至此，士大夫习为章句帖括，辄噤噤然以经术自鸣，攻讦相尚。于尊主庇民一切实政，漠不深究，误訾理财之道为腹利，妄拟治兵之人皆怙势，颠倒是非，混淆名实。论事则务从苛刻，任事则竞趋巧伪，一有警变，张皇失措。俗儒之流弊，人才之败坏因之，此最可忧。

我皇上冲龄践阼，秉承两宫皇太后圣训，攘除寇乱，中兴盛业，必可驯致。惟于用人、听言二端，推求实济，坚持定见，务为远大之谋，深维富强之术，消内患，杜外萌，蔑不由是。臣虽懵愚无识，幼读父书，早躋科第，咸丰三年，蒙文宗显皇帝派往军营，迄今十有三年，饱历艰难，出入生死，身家度外，荣利泊然。乃蒙圣朝委任之隆，宵旰望治之切，忍辱负重，不敢自避嫌怨，恒兢兢焉以军实未充，民生未安为惧。要其设施，无非为公家筹划，绝无一毫自私自利，谅亦可以共见共闻。现捻患方亟，曾国藩督师在外，后路筹饷、筹兵，关系至要。臣何忍别有希冀？一俟捻贼荡平，撤军归农，届时有以谢中外之责望，庶无负圣主始终保全之恩。所有感激愧悚下忱，据实披沥复陈，伏乞皇太后、皇上圣鉴。

谨奏。

张树声善后动用厘金按成酌提折

同治□年

奏为苏省历年办理善后动用厘金，现在需款尚多，拟请按成酌提以示限制，恭折具陈仰祈圣鉴事。

窃查江苏省城自同治二年十月克复后，即经前抚臣李鸿章奏明开办善后设局经理，先之以资遣降众，抚恤灾黎，继之以开垦荒田，散给牛种；定兵勇犒赏之项，筹文武办公之资，以及修城池、浚河道、设书院、立善堂、葺祠宇、建衙署。或及时修举，或次第兴办，均所以下拯颠危之众，上溥浩荡之仁，吴民处水火涂炭中者始有更生之庆。

无如灾伤太酷，百物荡然，缔构经营，委实繁重。历时既久，需费浩繁，均经各前抚臣督饬司道权衡缓急，铢积寸累而为之。阅今十载，虽规模略具，而兴废举坠，其事尚多，不能不接续筹办。如巡防水路要隘，员弁兵役津贴薪资，转运西北各路饷需，军火制造川费，以及重建祀典、祠庙、公廨，各府州县修葺城垣、衙署、桥梁、沟渠等项工程，省城文武月课加奖，此外采访忠义，搜辑志乘，会办洋务，刊刻舆图、书籍，总核善后收支，分别派员设局，皆系地方因时补救之计。即为目前万难停待之需，分用虽属无多，并计即成巨款。

查初办善后时，经李鸿章奏拨饷捐并苏属租捐，以为善后之用。旋于各属钱漕次第起征，捐款日少，用款日增，不得不以随时提用苏、沪两局厘金，历任抚臣无不循照办理。臣上年八月到苏未久，即蒙圣恩调署两江，苏省善后收支头绪纠纷，未能周悉，当于赴宁时，派员会同藩、臬两司分年分案督局查清。兹臣回苏任事，据司道开折呈送，详加复核，一切均照前督臣曾国藩、前抚臣李鸿章定章，无论所发何款，手批饬局按月列报。虽于例案未能尽符，而出入互相稽考，事事核实，毫无虚糜。惟前项经费，并无专款动支，而随时提用厘捐，亦未定有划一章程，正恐漫无限制。

伏查金陵清淮善后用款，均经前督臣、漕臣先后奏明，免其造册报销，并经张之万在漕督任内，请于厘捐项下按月酌提二成，留办清江善后，奉旨允准。各在案。苏省事同一律，而局面较广，需用尤多，拟请援案按月酌提苏、沪两局厘金一成，以济要需，而免旷误。仍由臣督饬司局各员，逐加厘定，格外撙节。只准以按月一成为率，倘实在不敷给发，留待下月动支。总期实力实心，任劳任怨，将江苏应办各事，从容经划，渐复旧观，以仰副皇上垂廑南疆之至意。如蒙俞允，应请查照金陵清淮善后成案，邀免造册报销，以省纠葛，而昭核实。

所有查明苏省善后事，拟请按成提用厘捐，接续办理各缘由，理合恭折具陈。

吴元炳等江苏厘源日竭拨款日增

谨将实在支绌情形缕晰陈明折

光绪二年闰五月

窃江苏厘局内分三处：一为金陵厘捐局，前督臣曾国藩奏明，每月专供甘饷三万两，不足则由运库拨补。一为苏州牙厘局，一为松沪厘捐局，向来收数较多，供应湘、淮各军月饷及京外各处协饷、本省善后等用，款目纷繁，久已入不敷出。现在收数日绌，拨款日增，迭据宁、苏两藩司暨驻局道员等稟请具奏前来。臣等详加察核，出入不敷数目太巨，不能不将实在情形为皇太后、皇上缕晰陈之。

江苏各厘局厘金，从前军务初平时，抽收极旺，嗣则逐年减少，有江河日下之势。臣等督饬承办总局，悉心稽核，力杜中饱。本年二月间，曾将委员特参数人，甄核未尝不严。而厘金日见其少，盖以抽厘本无定额，全视商贾之盛衰为转移。近来百物翔贵，货滞不销。商人折阅既多，转输难继，假如往年运货两次者，今年只运一次，则公家厘税即因之少收其半。上海沙船从前有三、四千号，近则不及十之一。生意萧索，厘金焉得不衰？此无形之消耗，公私具困者也。

商情困苦如此，不得不曲加体恤。苏、沪设卡抽厘，初办时卡多捐重，自同治四、五年后，年年核减，前督臣曾国藩于同治七年、十年大减两次；同治十二年，前署督臣张树声等奏明，将江南之粳米谷停捐；光绪元年，臣元炳又奏明将江南之糯米杂粮停捐。凡此轸恤民艰，均出于万不得已。而所减之数，综计已不下数十万。此有定之短绌，虽有蠲于公而尚有益于民者也。

其为害最甚，而莫可谁何者，则莫如洋票。洋人运入内地土货，概凭单照验免，不得抽厘。当定章之始，专指洋商而言，所短尚不甚多。近则内地华商避重就轻，托名诡寄，由内河而至长江，到处皆是。偶一扣留，则洋人出头包庇，动以留难索赔为词。此无穷之漏卮，而良商并受其害者也。

光绪元年收数，苏局仅六十五万八千八百余两，沪局仅一百三万六千余两，金陵仅三十万两有奇，为从来未有之奇绌。

其放款则尽数用罄，苏局欠解淮军月饷等项十七万七千余两，沪局欠解淮军月饷等项三十万四千余两，而金陵局所短之甘饷，运库无能拨补，且须挪甘饷以应部拨他处之急。所以西征出关军饷，奉天练饷、东三省俸饷，以及织造承办实录馆绫缎等项银两，明知其有燃眉之急，而羽书鳞叠，解济无多。海防奉旨饬拨江苏厘金四十

万两，则丝毫未解。臣等非不念南、北洋防务为切己至要之图，无如厘金收支各款按籍可稽，实已尽收尽放，毫无余剩。势不能将向来应拨之款横行截止。或者谓：裁撤防勇，以节饷需。窃恐帑藏竭以外输，本省设有缓急，毫无足恃，则所以贻误大局者尤深。或又谓：仍须整顿厘捐。岂知目前良贾纷纷歇业，更何堪竭泽而渔？其黠者方以洋单为护符，又何可为丛驱爵？再四踌躇，无从补救。

窃思部臣综核度支，凡遇应拨之款，分省指拨，原有一定权衡。外省接到部文后，照例转行各该局饬令遵办。各该局接到行知后，始则未尝不设法筹解，乃迟之又久，迄无以应，左支则右绌，顾此则失彼，各处索饷之文，络绎如织，而经管支放之员，空文搪塞，仰屋叹嗟。以去年收数较之往年，其骤绌已出人意表。而查今年春夏情形，欲上追去年之数，又万万不可得。必待大局决裂，再行和盘托出，虽从严参处，而已晚矣。臣等详慎酌核，本年奉拨之款，如万年吉地惠陵工程，典礼攸关，自当先尽筹解，断不敢稍涉迟缓。其余已拨未解之款，名目最为繁多者，莫如西征饷银、东三省饷银两项。西征饷银，臣等于本年三月间会同具奏，拟按月统协八万两，除划还洋款外，尽解左宗棠后路粮台，凡老湘营及关内外各军均由左宗棠统收分解，以一事权。可否仰恳天恩俯准，敕部查照，免予添拨东三省饷银？现拟就已奉部拨之款，饬令各局竭力攒凑，惟力是视；此后如有续拨之款，可否饬部暂免派拨，以资周转，而苏喘息。至海防案内厘金四十万两，日前一无指望。臣等身在局中，万难饬提。直隶督臣李鸿章亦深知江南艰窘，不忍迫促。将来只有察看情形，另行筹议。此又不敢不预为陈明也。区区愚诚，伏求圣慈垂察。

所有江苏厘源日竭，拨款日增，陈明实在支绌缘由，理合恭折具奏。

沈葆楨等商贩运赴灾区米粮恳请照旧完厘

全数解充灾赈以期实济折

光绪三年十一月

窃臣准户部咨：本年八月二十七日奉上谕，山西、河南灾黎待食孔亟，凡有商贾运赴晋、豫米石，经过地方，该督抚饬属暂免抽厘。等因。又准户部咨：议复御史张道渊奏筹运仓储暂免米厘禁止囤积以平市价一折，十月二十日奉旨：依议。钦此。均经转行遵办去后。

兹据金陵厘捐总局江宁布政使孙衣言、南河补用道郭阶详称：国家轸念灾黎，是以有暂免米厘之举。惟思米厘虽免，而富商巨贾贩到灾区者，未必尽照所免之数跌价贱售。且并非贩往灾区者，亦借此影射。是朝廷格外宽政，徒资商贾渔利，不尽实惠及民。而厘局去此大宗，饷源立形短绌。通盘筹划，拟请所有运赴灾区米谷，照旧抽厘。即按来照所填数目，尽数提存，仍行解给晋、豫两省，以充赈荒之用。部

文饬免米厘至明年十月止。查苏省代还西征洋款，为期孔迫，逾限加息，滋多。若将运赴晋、豫米石厘金解至明年十月为止，则抵还洋款一节，愈无可支撑。窃念赈荒以明春青黄不接之时最为吃紧，入夏以来，麦已登场，拟请运赴晋、豫米石厘金以明年四月为期，五月以后停解，庶于赈务、军饷两便。详请具奏前来。

臣查苏省厘局有三，曰苏总局，曰沪总局，曰金陵总局。苏、沪两局早将米谷厘金奏明永远停止，独金陵一局甘居人后。非不知其名之甚美也，良以江南商贾除米谷外，尚有奇货可居，江北则舍此无可他求，一时又无从撤局故也。本年以山东灾歉停米厘至四月，非特西征急饷须另筹腾挪，即各卡薪工且无所出。犹幸为日尚浅，补苴罅漏，费力无多。目下晋、豫两省之荒甚于山左，明岁江南洋债之重过于今年。该局请将抽存米厘尽解晋、豫，仍以四月为限，俾顾西征饷源，均出自万不得已之苦衷，务期实事求是。臣踌躇再四，未便壅于上闻。合无仰恳逾格天恩，俯如所请，将四月以前所抽运赴灾区米厘，分拨六成解晋，四成解豫，使穷黎沾其余利，以待新麦。侧闻西征机事甚顺，指日定可成功，倘凯旋之余，停其协济。

臣谨将江北厘卡以次裁撤，上慰九重与民休息之心，理合会同江苏巡抚臣吴元炳恭折具陈。

曾国荃金陵厘捐竭蹶片

光绪□年

再，据金陵厘金局、江宁布政使梁肇煌等详称：厘金之盈绌，视年岁之丰歉、市面之盛衰为凭。金陵局从前收数畅旺之时，亦仅抵支额解各饷。近年以来，商贾凋敝，洋票畅行，以至捐数之微，日甚一日。而拨款递年加增，所有竭蹶情形，经前督臣左宗棠于上年十月间奏明在案。本年较之上年，尤为奇绌，计五个月仅收银十三万八千余两。而通计额解甘、吉、京、黔各饷，边防、海防经费，织办活计、织造津贴等项，及拨广东、广西协饷，东省河工筹补截留各饷，备荒经费，京官津贴各款，共需银四十七八万两。此外尚有新派南洋购办船炮经费，在在均关紧要。即使收数能与上年相埒，亦难供办。况值上年江、皖水灾以后，米厘大减。里河木棉，又因风潮歉收，廛市萧条，捐数愈减。现当旺日，收数不过如此，以后可以想见。通盘核计，不独添拨各款无可筹拨，即额供之饷，亦恐未能按期应解。惟有将额供各款先为竭力腾挪措解，余实难以兼济之势，详请具奏前来。

臣查金陵厘金但恃米厘为大宗，百货本属寥寥。上年江、皖灾赈，米船稀少，此外亦种种减色，所称入不敷出，系属实在情形。合无仰恳天恩，俯准于拨款之内权其缓急，分别措解，俾舒喘息。仍一面由臣饬令，督同局员认真稽收，实力整顿，以期渐有起色。但得多收一分捐款，即令多解一分饷需，不任稍有推诿。除咨部外，谨会同江苏巡抚臣卫荣光附片具陈，伏乞敕部查照施行。

卫荣光苏局厘金竭蹶片

光绪□年

再，据总办苏省松、沪两厘局、苏州藩司谭钧培等详称：窃维厘金之盈绌，必视乎生意之盛衰；而生意之盛衰，尤在乎年岁之丰歉。此理之固然。近年以来，邻省灾荒，百货滞销，兼之各处钱庄纷纷倒闭，市廛萧索，为从来所未有。而苏、沪来源，向以进口货物为大宗，现值市面清淡，捐数更形减色。以之尽拨额放京饷、淮饷、甘饷、边防、北洋经费，并本省留防水陆各营饷需，已属入不敷出。乃本年奉部指拨各款，除京饷照案加派二万两外，又增拨调防粤东之毅合四营月饷、广西协镇滇省购办军火价银、贵州运铅水脚，以及织造奉办龙袍褂工料等项，在在均关紧要。惟捐收只有此数，顾彼势必失此。所有奉拨京饷等项最要各款，无论如何为难，自当先其所急，尽力匀筹，陆续起解外，其余如山东河工、伊犁善后、备荒经费、八旗官学、织造工需，以及黔省协饷，甘肃、云贵暨东三省各项官兵俸饷，固知同为要款，苟可设法腾挪，万不敢稍存畛域之见，但时逼至此，委难筹办并顾。再四思维，惟有恳请奏咨缓改此款，此后各款并请暂免派拨，俾得稍苏喘息。等情。会详请奏前来。

伏查苏省近来市面萧条，厘金收数短绌，拨款浩繁，入不敷出情形，业经臣等上年十月内附片奏明在案。现在商贾裹足不前，捐数亏减较往年为尤甚。虽经督饬总办各员严定章程，大加整顿，无如时势使然，只可徐待转机。兹据该司等所陈，奉拨山东河工、伊犁善后、备荒经费、八旗官学、织造工需，以及黔省协饷，甘肃、云贵暨东三省官兵俸饷等项银两，此时无力兼筹，委属实在情形。合无仰恳天恩，俯准暂缓筹解。此后如有续拨之款，并乞敕部暂免指拨江苏厘金，俾资周转，而舒喘息。

除咨部查照外，谨合词恭陈。

张之洞整顿厘金折

光绪二十一年十二月

窃照前准户部咨，以筹饷孔亟，由部臣筹拟七条具奏，内有整顿厘金一条，奉旨允准，飭令各省筹议，并准户部咨催复奏在案。

臣惟修明政事，贵在得人，而理财为尤甚。即如厘金一端，累经札飭司局筹议，而所议者不过整饬空言，并无切实办法。查各省厘金利弊，大率相同。而江苏地大物博，官吏习为华舫风气，习为瞻徇，故其弊较甚。河港纷歧，征榷繁复，商贾则苦局卡苛扰之害，公家则受员司侵蚀之亏。严比较，则商旅病；务宽容，则军饷病。

臣体察经年，欲救时弊，惟有变通任人一法。

向来厘金之弊，诚如部臣所云：委员视为真除，上司以此调剂，司事、巡丁交相荐引，或碍于亲知，或屈于势力。等语。于是总办不能无所瞻顾，中饱积弊不能深问，贤者不奖，劣者不惩，厘务颓敝，职此之由。总计江苏全省，共分金陵、苏州、松沪三总局。除苏、沪两局向归抚臣奏报外，即就江宁藩司所属江、淮、扬、徐、海五府州论之，局卡林立，积弊繁多，商民素来以为口实，良由藩司政事殷繁，查核自难周到。近来总办道员尚属稳练，然责以尽扫积弊，其权力亦有所难至。徐州府所属厘金，向归徐州道委员抽收，就近拨充军饷，亦不归省城总局考核。其间员司弊端，自皆一辙。窃思此弊，查不胜查，防不胜防。若得其人而专任之，复能假以事权，则事事核实，饷不绌而民不累。

查有江苏候补道程仪洛，学识端严，清介绝俗，才长心细，坚定有为，臣前已于六月内奏陈在案。该员在江年久，熟习情形；曾署扬州府，官声甚好；从前曾委充厘捐局提调，现经臣委会办金陵厘捐局。兹筹一变通切实办法，拟请将江宁所属各府州县厘金及徐州厘金，即派该员为总办，一切用人立法，统由该员主持，藩司、徐州道暂且勿庸兼管，亦不另委道员会办，以一事权。所有该局抽收章程，或应量减，或应酌增；用人章程，或应留差，或应撤换，不拘向来一年、两年之限，事事不掣其肘。如有舞弊中饱及扰累商民之员，即由该道单衔详请督抚臣参黜示惩。其得力者，亦即由该员详请奖励。照此办法，臣决其必有成效可观。应请试办两年，如行之无效，再仍照旧案，司道各员会同办理。

再，此外尚有金陵木厘局、皖南茶厘局、芜湖新设米厘局，收数皆系巨款大宗，皆原系道员总办。今应将此三局均统归该员督饬总办，原派之道员作为会办，去留功过统归该员考核酌定。如须另委知府以下之员方能应手，亦即由该员酌定改派。该员系曾经本任督臣刘坤一保荐之员，刘坤一到任后，亦必能推诚委任。似此择人而任，胜于枝节考求者多矣。

历考从前军务方殷、需饷孔亟之时，湖南厘金专任道员黄冕，湖北厘金专任京员胡大任，上海厘金专任内阁中书何慎修，皆系破格专任，著有成效，得以济饷成功。前事之师，可为取法。当此民困饷急之时，若再不破除常格，令其耳目一新，心志一肃，诚恐厘务断无振作收效之期。臣反复筹思，无以易此。合无仰恳天恩，允臣所请，其于厘务裕饷、恤商两端，必能兼有裨益。惟此举系格外任劳任怨之事，必为同列侧目，并准饬下督抚臣，不准该员逊谢推辞，方能一扫积习。

朱批：著照所请，户部知道。

附一 金陵厘捐局

一、第一项，此款名目繁多，详载厘捐总局订定长江、淮河、里下河各局捐例表，难以枚举。就产地而论，长江各局百货来源在皖、赣一带，淮河各局百货来源在鲁、豫及本省徐、海一带，里下河各局来源随处皆是。

第二项，米捐，来源在皖、赣各省，及本省里下河一带产米之区。

第三项，代收江北漕捐，因改办统捐，将里下河一带旧有江北漕捐四处拨归宁属代收，其来源同前。所收捐款，汇解江北收支局兑收。

第四项，二四成捐，系由各分局于征收正捐时带收。金、扬二成，清、淮四成捐款，历经照办。

第五项，罚款，系各局查出商人偷漏，照章科罚，解交总局例收。

第六项，房租，系各钱庄倒欠局款以房屋抵押，由局收租。

第七项，典息，系森福接典闭歇，亏欠公款，分期摊缴本息；又江宁府及通州花市捐局解大生纱厂等项息款。

第八项，串余，系该局支用钱款所余九八底串，每届年终，详奏批准，归入外销项下作收。

以上各款共得八项，按宣统元年有闰之年，约收银一百七万两有奇，洋八千余元，钱二十五万余串。

二、第一项，厘捐收款名目繁多，捐则互异，详载各局捐例表内，难以条举。各分局于扞定之货，按照捐例，自六折至九折收捐不等，均照定章办理；其估本之货则值百抽二。

三、第一项，百货正捐、米捐、代收江北漕捐等，系报部正款。

第二项，二四成捐、罚捐、房租、典息、串余等项，均系未报部杂款。

四、第一项，厘金一项久为弊藪。比年以来，虽经严立章程，明定赏罚，层层箝制，仍难弊绝风清。盖以长江内河设有二十余局，一局又有分卡多处，员司之侵渔，商家之偷漏，积习已深，断难一旦除尽。大部久有加税免厘之议，果能实行，诚裕国便商之良法也。

五、第一项，解支经常各款银七十四万六千八百余两，洋六千七百余元，钱二十二

万九千五百余串。

第二项，解支临时各款银三十三万五十余两，洋七百余元，钱八千四百余串。

六、第一项，按该局现已归并财政公所，且奉部电饬减收款，已据认减总、分各局每年经费银四万两。

附二 木厘局

一、第一项，该局专收木厘，系报部正款。另有附收平余、罚款两项，系不报部杂款。

第二项，该局额定正款比较，系十八万七千七百九两七钱六分。

二、第一项，该局征收各木植板片捐厘正款，或以段计，或以丈计，或以支计，类别甚细，数目不一，悉遵照捐例办理。

第二项，该局附收平余、罚款，系由上新河及仙镇两处进口捐，每百两随收银四钱。其罚款，系夏、秋季遇有大冶帮、江汉帮、江西帮各木簰溜口者，于正款外加罚之款。其定章大冶帮、江汉帮均附收罚款三成，江西帮附收罚款一成五。每年收数多寡，并无一定。

三、第一项，该局所收木厘，系报部正款。

第二项，该局附收平余、罚款系不报部杂款，仅按月将收支款项册报两江总督查考，归入外销。据称：此项附收之款，除以平余五成，又大冶帮罚款二成，江汉帮罚款三成，江西帮罚款一成五，向不陈报，只按上、下半年支作津贴员司，充赏巡检之用。其册报两江总督之款，如牛痘局经费、官医薪水、团练经费、各庙香资、救吞生烟、收检字纸、掩埋枯骨、抚恤孀嫠等费，为地方公益者居多，将来划分税项，似应将此项收数划属地方税。等语。按：附收平余、罚款，其支为地方公益者，不及十成之五，其余率为津贴、充赏之用，实属漫无限制。应否请予酌定数目，以及承办地方公益，其余提归公家；仍酌加公费，以代津贴、充赏之用，伏候裁定。

四、第一项，该局征收正项捐款定有比较，似无庸轻议更张。惟办理厘捐，全在得人。所有办事员司，以至巡检人等，自应责成主管之员，随时认真考查，以期有利无弊。

第二项，该局征收捐项正款，送有簿票册式至局。惟附收平余、罚款两项，并无簿票各式，未免漫无稽考，俟应令其另拟妥式，送局核明办理。

五、第一项，该局局用，向系遵奉部饬，按照捐数九厘开支，约岁计银一万六千余两，内现据认减银二千三百余两，其余系解长江水师额饷。

第二项，该局支解各款，均系经常费。

厘定茶捐折

奏为厘定皖南各属土产茶叶征收税捐办法，并委员接办局务，期收实效，恭折具陈，仰祈圣鉴事。

窃照皖南各属及江西浮梁等处所产之茶叶，向系请领部引配运。军兴之后，停领部引，设局稽征，定为每引完纳引课捐厘等项，共银二两；又公费银八分，归军饷拨用。同治五年，改办落地税，议仍照原定应征银数，由业户牙栈在配茶之区一处完缴。嗣于光绪十四年，经前督臣曾国荃奏准，减免捐银二钱。二十年，遵奉部章加抽二成银三钱六分，除减免外，计每引实征银二两二钱四分。历经照章征收在案。

惟查落地税实即就地所征出产之税。近来物价腾踊，采值工本日增，前项税内原有茶捐一项，连续加之二成，计每引应征银七钱二分，本系运商应缴之款。从前定章尚应予以奖叙，今奖案虽停，然若与应完引课等项全数责令业户完纳，植茶者皆系山农，恐担负过重，不无困累，于维持本业之道颇有所妨。况近年洋商时有请单采运之事，若不将应征税捐划清界限，内地行户即不免藉单影射趋避，弊将百出。且此项系专供解还洋款及长江水师并各防营月饷之需，计授攸关，尤须预防其渐。现经臣悉心酌议，拟将原征之茶捐银七钱二分照数划出，归运茶之商按引完纳；其余应征引课等项银一两五钱二分，即定名日产地税，仍归业户完纳。惟业户零星卖茶，势极散漫，应仍查照定章，责成经手行号扣收照缴，必须俟完清产地税后，方准发贩起运，俾免弊混。其在本省销卖之茶，只完产地一税，概不重征；如运往外省，或做洋庄，须由运商另完茶捐。完捐之后，经过苏、皖三省局卡，亦概免收。厘税照、捐单均由臣衙门印发备填，并饬将各局卡旧有陋规、私费，严行禁革，不准稍有需索。其在内地开设，经手收茶卖茶之行号等，分别有无牙帖，由局督同分所董事一律查明，注册给照，不许私设，以杜亏骗等弊。并因该局经征之款以税项为重，饬令改为茶税总局，以副名实。以上办法，皆系参考旧章，酌量变通，使业户、运商各完各款，既不致偏重滋累，而影射包揽之弊亦不禁自绝。

惟是茶为出口大宗，近年洋茶日盛，华产行销日滞，其焙制之法应如何劝令改良，使销路逐渐推广；内地商情应如何互相联络，不受外界挟持，均应切实讲求，加意振兴。必须遴派廉明干练熟谙商务之员，总司其事，乃有实际。兹查有奏调江南差委湖北候补道孙廷林，干练精明，实心任事，在省历充要差，均能认真整顿，颇著成效。应即委令前往接办，以期得力。

除札飭遵办，并咨部查照外，所有厘定征收茶叶税捐，并委员接办局务缘由，理合恭折具陈。

附一各厅州县杂款

一、第一项，契税。系民间买受田地房屋，赴该管州县税契过户，粘给司颁契尾执业，官收其税，解司充饷。正税本征三分，嗣又每两带收奏拨赔款六十文，嗣又带收抵补练饷钱四十文。迨光绪三十四年财政局整顿税契案内改章，以光绪三十三年十二月三十日以前置买之产作为旧案，每价银一两只收正税三分，折钱六十文，限至宣统元年六月底止，逾限不税，即不得享此利益；其三十四年正月初一日起置买之产作为新案，每两除正税照旧解外，其带收钱一百文以八十文解局，转解司库抵拨赔款、练饷等项，二十文留县拨用以外，不得多收分文。后于宣统元年改奉部章，自七月份起买契每价银一两收税九分，典价银一两收税六分，在九分、六分内拨还本省额征各款，并飭经征官于加收税银每一分内扣公费一厘。现遵部章办理。

第二项，杂款。宁属各邑所收大同小异，牙税征诸领帖之牙户，畜牲税征诸牛、驴、猪、羊之贩户，典税征诸典商，商税征诸市廛之商铺，陆杂税征诸北路之旱商，宰牛税征诸各处之屠户。内惟典商每商每典额征正银五十两；其余各税则大部分为四等：上等每年二两，二等每年一两五钱，三等一两，四等五钱。宁属岁额正银约不足二万两。

第三项，杂租。宁属所征者，湖租征诸湖产执业之户，场租征诸场地执业之户，樵租征诸樵户，渔租征诸渔户。滩租则征诸湖河所涸之滩地，民人领种，官收其租。以及田租、地租、麦租等项情形，大致均同，惟租价多寡各按出产之优绌产定之。宁属报部之款，岁额征收正银不过四五百两。

二、第一项，契税。只征正银，不征耗银，尽征尽解，系属无额之款。宁属每岁征银约不足二十万两。

第二项，杂税、杂租。各属征收各与地丁收价相同，每征正银一两，随征耗银一钱。亦有不征耗银者。因相沿已久，无可稽考。

三、第一项，契税、杂税、杂租，皆系报部杂款，解司充饷。

四、第一项，契税。民间买卖，官难周察，于是设立牙户，颁发官立契纸，令买户必领官纸书契，原所以防隐漏也。乃积弊既深，扩清匪易。民间匿税者，往往贿通牙户，或仍用白纸，或短写契价，或杜绝书作永抵，或典契另作找据，种种弊窦，不堪枚举。总之，充当牙户，实力稽查，倘敢通同弊混，立予严办，庶税收较有起色，而饷源日以充裕也。

第二项，牙税。领帖纳税只准一户一帖，一帖一地，故帖报缴，易主报换，此定例也。乃往往一帖而二户朋充，或跨越数处，甚至故帖朦充，租帖顶替，此税款之所以日绌。嗣后应令各州县严加访查，如有以上情弊，立予押闭严办，另招新户补充，庶于牙税一项不无裨益。至其余各税完纳较疲，有延至次年奏销前后始行完纳者，大都为书差私收挪用，应杜此弊。

第三项，杂租。田地租、滩租、麦租等，民间或称水旱不齐，冀图减折。此全在州县查勘，秋歉时随时留意，不为所朦，似尚不致短少。其余各租，无可藉口，自当照额缴完也。

五、第一项，契税。遵奉部章，买契征税银九分，内拨还本省额征各款。典契征税银六分，内减半拨还本省额征各款。每加收税银一分，内扣经征官公费一厘，余解江南财政公所。

第二项，杂税、杂租。各解正银一两，随解耗银一两，火工银六分六厘。其间有不解耗银者，则每两仅随解火工银六分。

附二 各厅州县未报部各款

一、第一项，就地筹捐。一曰串捐。自光绪三十四年起，每征银一两、米一石，各带收钱一百文，以补抵练饷之用。间有兼收学堂费者，每串一纸收钱十文、十余文不等。一曰铺房捐。自光绪二十八年起，按铺房租价十分中收捐一分五厘，主、东各半，正、腊、闰减半。一曰膏捐。自光绪二十八年起，每售烟膏一两，收捐钱三十文。三十二年改为牌照灯捐，三十三年三月停止。三十四年六月起，因禁烟，开办膏店牌照捐。宣统元年六月，又奉改章每土一两捐钱四十文，膏一两捐钱六十文，作为土膏牌照捐。一曰烟酒捐。自光绪三十四年起，每烟一斤、酒一斤，各捐钱八文。一曰牙帖捐。自光绪三十一年起，凡有帖牙户，每年缴捐四等：上等十二元，二等八元，三等六元，四等四元。无帖者，请照按年一换，年上等捐洋三十二元，二等二十四元，三等十六元，四等八元。甲年之款，乙年征收。有帖之常年额税即在捐款内扣解，余抵赔款。一曰架本捐。按典商架本之多寡酌捐。以上除串捐外，皆系抵补新案赔款之用。一曰自治捐。自光绪三十四年或宣统元年起，每忙银一两，收钱三五十文；米一石，收钱六七十文不等，充作自治局经费之用。一曰积谷捐。此捐历年已久，大都亦于钱粮内带征，数十文、一二百文不等，用以买谷储仓，以防荒歉。现亦有改充学费者，亦有助学、防荒、分歉拨用者，各邑情形不同。

第二项，平余。一曰丁漕平余。丁银，现在银价甚昂，所收忙银除无余外，每两尚须赔贴钱数十文。其冬漕折价买银批解，虽稍有所余，不敷一年办公之用。故各属每石应解盈余钱四百文，大都无力筹解，交御后，拖欠累累。此亦近日州县不能上达之苦衷也。一曰杂税。其余与丁银同。一曰驿站平余。有驿州县开支驿站各款，

大都折钱每千文、千余文不等，故稍有盈余。一曰税契平余。从前税契每价银一两收税银三分，折钱六十文，银价甚低，尚有盈余。近改新章，买契收税九分，典契收税六分，除拨还本省额款外，仅准予加税每银一分内扣公费一厘，所得甚微。

第三项，火耗。各属批解民、卫各款，每正银一两，随解耗银一钱，火工钱六分六厘。批解民、卫各款，米折银有随折六分火工者，有随解三分公费、二升耗米者，各属不同。坐支驿俸项下，应扣解节省二分火工。

第四项，公费。有谓之缉捕公费者，或由盐务津贴、或由滩租拨款济用者，有谓之办公经费者。州、县则全恃钱粮平余，知府则由本属各州、县按缺分之大小定额，按月筹解。

第五项，规费。各属大都由盐、典两处捐出，或按月，或按节，多寡不同；亦有由槽坊致送者，非邑邑均有之款。从前州、县于此款无足重轻，近来缺况皆苦，为数虽属无多，却亦不无小补云。

二、第一项，就地筹捐。串捐、房捐、土膏牌照捐、烟酒捐、架本捐，均系收钱易银批解；牙帖捐，收洋解洋；自治捐，收钱拨局济用；积谷捐，收钱存典生息，或买谷储仓，兼有拨充学费者。

三、第一项，就地筹捐。串捐、房捐、土膏牌照捐、烟酒捐、架本捐、牙帖捐，或抵充练饷，或抵补新案赔款；自治捐、积谷捐，均系未报部杂款，充作地方需要。

第二项，平余、火耗、公费、规费。火工系倾镕银两以作工资。耗银、耗米，系倾镕银两，及米石过斛，各备补耗之用。节省二分火工，为司书纸饭之用。平余、公费、规费及所属各署办公之需，均系未报部杂款。

四、第一项，署用支款。解款业已见前，此项只述支款。其大宗：一曰常年捐廉，名目繁多，每岁约需捐银三、四百两。一曰脩火，署内所延刑、钱帐房、书启、朱墨各席及上下人等火食，岁约需钱一千余串，及二千串不等。一曰孤贫口粮。此款各属俸工内，虽有孤贫柴、布及间有恤孤米粮可以开支，但孤贫者有正额及额外之分，人数众多，不敷分给，大都支款之外，由官捐发者，较支款尤多，每年约二三百千、六七百千不等。一曰囚递口粮。照例本准开支，各属虽仍造册报销，从不给领，以故州县每年多则约捐钱五、六百千，少亦须钱三、四百千文。其余解勘人犯，勘验命盗上房规费，委员程敬及节敬、漕惰等项，在在需款。此外如纸张杂用，以年计之，亦甚可观。以上皆系经常费，如遇大差，或特别捐款、特别工程，则为临时费。此则州县之大略情形也。

周馥等光绪三十一年上半年金陵厘捐局

收解数目循案开具清单折

光绪三十二年三月

窃查金陵厘局抽收厘金，历系遵章按半年奏报一次，业经开报至光绪三十年下半年止。其局用，经部核准遵照向章开支，各在案。

兹据办理金陵厘捐局司道详称：金陵厘捐局所辖地方，只有江宁、扬州二府，及通州、海门二属，本非商贾荟萃之区。所恃收捐者仅止过往货物，而大宗杂货每藉洋旗运送，经过各卡，概免抽厘。此外则米捐为大宗，若遇年成丰稔，商贩流通，捐数方有把握。近来米粮虽经开禁，而各处米价较平，贩运稀少。自光绪二十五年以后，每岁增筹银二十万两，常年收数以七十万两为比较定额。迭经设法整顿，严定章程，核计三十一年上半年共收银四十三万七千一百余两，不特已足增筹之额，即比三十年上半年共收银四十万二千五百余两，亦增三万四千余两。无如奉拨各要饷，逐年加增，收数虽旺，仍属不敷周转。惟有严督各卡员核实稽征，多收一分，即获一分之益。所有光绪三十一年上半年厘金收解各数，及茶、土两项捐厘数目开单详请具奏前来。

臣复核无异，谨循照旧章，开具简明清单，恭呈御览。其局用照章开支，仍邀免造报细数，以归简易。除飭严督各局员认真整顿，核实稽征，以裕饷项，并将本届所造清册咨送户部查照以后，仍循案半年开报一次，以符定限外，理合会同护理江苏巡抚臣濮子潼恭折具陈，伏乞圣鉴，敕部查照施行。

谨奏。

奉批：户部知道。

荫昌等扬州府属厘捐局卡重复现饷归并统收分解折

光绪三十二年

窃照各省设局抽厘，原为万不得已之政，迭准部咨，钦奉谕旨饬令认真整顿，筹办统捐。凡有可以裁并之处，自应删繁就简，以便商、民。查江北扬州、淮安、海州各属，从前本有清淮厘捐局卡，向归漕运督臣管辖，所收捐款，专济清淮军饷，名曰漕捐。与金陵厘捐所收捐谷解支京饷、洋债及本省协饷各款，情形不同。淮安、海州地方素称瘠苦，前因既设漕捐，是以金陵厘捐并未再设局卡。惟扬府所属漕捐之仙镇、车逻、戚家汊、子婴闸四局并所属各分卡，与金陵台捐之仙镇、孔涵湾、邵伯、高邮、宝应等局卡，或并列一处，或相距匪遥。并办之初，各收各捐，各济各饷，章程本极详备。无如行之既久，巧伪日滋。计其程途，二、三百里，两捐局

卡重复错杂，员司、巡役，稍不得人，动滋流弊。即使办理认真，而商货往来，两局皆须查验，迟延濡滞，受累已深。于是洋单乘隙，日益畅行，实于捐务、商情均有关系。况江北当灾

祲之后，民生凋敝，元气颇伤，若不设法抚循，诚恐商困日深，市廛隐受其患。

臣荫昌体察情形，与臣端方一再晤商，除金陵、清淮各捐所收大宗货物应饬由各该总局悉心筹议，逐渐改办统捐，以为征收出产、销场等税基础外，其扬州府属之仙镇、车逻、戚家汊、子婴闸漕捐四局，及所属各分卡，拟即先行裁撤。所有该四局应收捐款，即归并附近之金陵台捐局卡查验，照漕捐旧章代为统收，按月分解，专归江北济饷。仍按四局近年收数比较，随时查核。并饬不准稍有需索情弊。似此一为转移，于捐款既毫无短绌，而沿途查验无复留难，商贾愿出其途，捐务亦当有起色。臣等为裕饷恤商起见；往返商酌，意见相同。除分饬金陵厘捐总局、江北收支总局遵照，于七月十六日一律遵办。

陈启泰江苏省苏州松沪两厘局光绪三十三年份

代征货厘收解各数分缮清单折

光绪三十四年十一月

窃各省抽收厘金，钦奉上谕，饬令查照两淮盐厘章程，按半年奏报一次等因，业将苏州、松沪两厘局代收货厘出入各款，先后开单奏报至光绪三十二年十二月底止在案。

兹据督办报销苏州布政使瑞征等详称：苏州、松沪两局货厘奉饬归税务司代征，拨还洋款。其收解数目，税务司未接管以前，仍应由局造报，以便稽核。除剔出不归代征各捐另行造册详办外，将苏州、松沪两厘局光绪三十三年份代征货厘及米粮各捐收解各款开列细数，同各卡委员衔名分别造册详送。再查苏、沪厘金拨解京协各饷，历按半年各报一次。今专交税务司归还洋款，逐月放解数目，随时呈请咨部有案，是以按年汇报。等情。具详请奏前来。

臣复核无异，除清册咨送度支部外，理合会同两江总督臣端方分缮清单，恭折具陈。

奉旨：度支部知道，单二件并发。

附一 苏省牙厘总局光绪三十三年份代征货厘收解银钱数目

计开：

银钱收款：

一、收各局货厘库平银四万五千一百三十七两八钱二厘一毫六丝六忽。

一、收各局货厘洋三十六万七百二十八元二角八分八厘七毫。

一、收各局货厘钱八十七万二千九百三十八千三百四十五文。

一、收各局米捐钱三十四万六千二百三十千一十四文。

一、收松沪厘局解分拨上海铁路旱卡代收苏、锡、常旱卡捐库平银一十两八钱三分四厘，钱一千八百四十八千一百七十二文。

一、收苏关税务司解内地邮政分局代抽厘金洋六千六百九十八元九角。

一、收松沪厘局解运菜牛认捐洋一万五千七十五元。

以上共收库平银四万五千一百四十八两六钱六分六厘一毫六丝六忽。洋三十八万二千五百二元一角八分八厘七毫，兑换库平银二十五万五千九百七十二两五分五厘九毫九丝。钱一百二十二万一千一十六千五百三十一文。内扣奉准开支九分局用，除上海铁路厘局代抽苏属卡捐，及邮政代抽厘金、菜牛认捐均不支经费外，共支钱一十四万八千六百九十千五百四十六文，实收钱一百七万二千三百二十五千九百八十五文；又上届存钱四十六万二千三百九十一千五十六文，内提钱一百一十五万五千九百四千二十三文，兑换库平银七十五万三千七百五十六两七钱二分一厘八毫四丝四忽。总计连上存共实收库平银一百五万四千八百七十七两四钱四分四厘，钱三十七万八千八百一十三千一十八文。

银数出款：

一、解税务司，光绪三十二年十二月十一日起至三十三年十二月初十日止，代征收货厘计十二次，共放过库平银八十万两。

一、米捐项下提拨松沪厘局凑济还款，库平银一十四万两。

一、解善后局转放轮拨浦东水陆营六个月薪饷，库平银一万五千两。

一、解善后局转放轮拨松江留防队六个月薪饷，库平银一万三千八百两。

一、解善后局转放轮拨飞划前旗六个月薪饷，库平银七千八百两。

一、解善后局转放轮拨飞划后旗六个月薪饷，库平银七千八百两。

一、解善后局转放常备新军十二个月薪饷，库平银四万二千两。

一、解江海关派筹浚浦工费连补水，库平银一万九百七十七两四钱四分四厘。

一、解江苏提学使派筹学务经费，库平银一万五千两。

一、解苏藩司库解金陵陆军学堂派筹第三年经费，库平银二千五百两。

以上共解放库平银一百五万四千八百七十七两四钱四分四厘。除将上届所存并新收抵支外，计存钱三十七万八千八百一十三千一十八文，归于下届开报，理合陈明。

附二 松沪捐厘总局光绪三十三年份代征货厘收解银钱数目

计开：

银钱收款：

一、收各局货厘，库平银三十九万七千五百一十四两二分二厘六毫，内除奉准开支九分局用银三万五千七百七十六两二钱六分二厘，实收库平银三十六万一千七百三十七两七钱六分六毫。

一、收各局货厘，洋二十万八千四百四十五元一角四分三毫，内除奉准开支九分局用洋一万八千七百六十元六分二厘六毫，实收洋一十八万九千六百八十五元七分七厘七毫。

一、收各局货厘，钱七十七万一千五百九十二千五百八十二文，内除奉准开支九分局用钱六万九千四百四十三千三百三十二文，实收钱七十万二千一百四十九千二百五十文。

一、收江海关解协济本局洋款不敷，库平银四万。

一、收江海关解三十二年八月起至三十三年底止民轮纱税拨补厘金，库平银一万八千一百九十七两五钱八分六厘六毫。

一、收沪关税务司解邮政代征递包裹捐，库平银八千三百五十五两二钱九分四厘七毫。

一、收苏牙厘局解协济米捐，库平银一十四万两。

一、收苏牙厘局解苏属铁路旱卡代收沪属卡捐，库平银一百一十两五钱二分，洋八百三十二元，钱二千八百三千二百六十八文。

一、收货捐局解苏、浙运沪菜牛认缴捐，洋七千五百七十五元。

一、收提借剔除各款协济洋款不敷，库平银八万九千九百六十四两一钱八分二厘七毫。

以上共收库平银六十五万八千三百六十五两三钱四分四厘六毫；洋一十九万八千九十二元七分七厘七毫，内提洋一十九万九百二十四元六角一分一厘八毫，兑换库平银一十二万八千一百二十一两二分五厘四毫；钱七十万四千九百五十二千五百一十八文，内提钱六十九万八千一百五十四千一百七十二文，兑换库平银四十一万五千三百五十六两七钱九分六厘。总计实收库平银一百二十万一千八百四十三两一钱六分六厘，洋七千一百六十七元四角六分五厘九毫，钱六千七百九十八千三百四十七文。查上届三十二年十二月底止，存银八千九百五十八两六厘；洋七千八百三十五元二角九分三厘四毫，兑换库平银五千二百五十七两九钱一分六厘四毫；钱一万九千八百七十二千一百九十四文，兑换库平银一万一千八百二十二两六钱七分七厘九毫。统计存库平银二万六千三十八两六钱三毫。

银数出款：

一、解税务司光绪三十三年正月十六日起三十四年正月十五日止代征货厘，计十二次，共放过库平银一百二十万两。

一、解江南财政局派筹陆军小学堂第三年经费，库平银二千五百两。

除将上届所存并新收抵支外，计存银二万五千三百八十一两七钱六分六厘三毫，洋七千一百六十七元四角六分五厘九毫，钱六千七百九十八千三百四十七文，归于下届开报，理合陈明。

奉旨：览。

刘坤一徐州土药统捐局情形片

光绪二十八年七月

再，据办理徐州土药统捐局务、江宁布政使吴重、徐州道桂嵩庆详称：本年徐属罍

粟因播种之时雨泽愆期，未能一律出土。今春得雨，稍资补救，二、三月间，苗叶敷布，又以春寒过甚，雨水较多，禾苗率多黄萎。及至扬花结实，西南风大作，天气燥热异常，受损尤甚。是以包粒虽大，浆汁极微，通境牵计收成约三分有奇。据印、委各员先后稟报，经该道履勘相同。现值新土上市，商、民交易无多，南商亦极稀少。山东罌粟收成更歉，价值昂贵，私贩因之充斥。复经该道广为劝谕，认真巡缉，并于新土上市之先，添设局卡，期昭周密。徐州毗连三省，地属平阳，举步即入邻境，防范实非易易。当此用繁费绌，库款艰难，惟有督饬该局殚竭心力，严杜偷漏。并随时派委干员前往稽查，以畅销路，而裨捐务。等情。详请具奏前来。

臣复核无异，理合会同江苏抚臣恩寿附片陈明。

奉批：户部知道。

刘坤一徐州土药统捐局稽查情形片

光绪三十一年六月

再，据办理徐州土药统捐局务、江宁布政使黄建筦、徐州道袁大化详称：本年徐属罌粟去年播种后，雨雪较迟，未能一律出土。今春得雨滋培，苗叶虽已发生，又复阴雨连绵，天气寒冷，枝干不茂。及至收割，忽受狂风摧折，收成大为减色，道境牵算约收十分中之二分有奇。据印、委各员先后稟报，履勘相同。现在新土甫经上市，乡民售者无多。兼之汜、镇一带陈土堆积甚巨，价廉销滞，商人无利可沾，南客来徐收买者甚少，即已来者，又多观望，迄未开庄购买，是以交易寥寥。而偷漏绕越，实有防不胜防之势。已先添设局卡，酌委员弁，各处堵缉。惟有督饬该局设法招徕，核实征解，并随时派委干员前往稽查，以杜流弊，而重饷需。等情。具详前来。

臣复查无异，理合会同江苏巡抚臣陆元鼎附片陈明。

刘坤一江苏徐州府属抽收土药厘捐情形片

光绪三十一年六月

再，江苏徐州府属抽收土药厘捐，业将光绪三十年九月底止所收捐款奏报在案。

兹据办理徐州土药统捐局务、江宁布政使黄建筦、徐州道袁大化详称：督饬各局员照章设法招徕，实力稽查。计自光绪三十年十月初一日起，至本年三月底止，各局共收捐银二十二万二千八百二十六两七分五厘。连同上年四月至九月所收银两，统计共自三十年四月初一日起，至三十一年三月底止，共计收银四十一万五千七百九

十七两七钱五分五厘。除先后解赴户部兑收银三十万两，及照案开支各项经费汇费外，其余未解银两，即当接续清解。至出省加捐一项，本系听商自便，现计报捐无多。等情。详请具奏前来。

臣复查无异，除饬严督各局员竭力整顿，核实征解外，理合会同江苏巡抚臣陆元鼎附片陈明。

江苏徐州土药行銷本境内情形片

光绪三十一年十一月

再，江苏徐州土药行銷本省境内，每一百斤向征税银三十三两，又按赔款膏捐银十二两，如果出口，再捐税银十九两八钱。本年因四川、云南、贵州土药行銷湖南、湖北、广东、广西、江苏、江西、安徽、福建，八省合办土膏统捐，徐州土药亟应酌照八省统膏章程实力推行。饬据徐州道袁大化劝谕土商加增膏捐，于本年四月初一日起每百斤加收银五两；又经臣节饬再行加征。

迭据该道禀复：徐州土药滋味淡薄，比四川土药百斤约少售六十两。且四川土药每百斤熬七十余斤，徐州土药仅能熬膏四五十斤，折耗悬殊。徐州西接河南，北接山东，南接安徽，该三省税捐皆比徐州减少。人情皆知避就，平原千里，无隘可扼，处处可以走私，委属无法查禁。再劝谕该土商等请加银八两等情，当因该处商情疑阻不前，其时已在六月下旬，为时迫促，只能批准于七月初一日起，暂照每百斤共征税捐银五十八两。明年如何议加，再行举办。一面将臣经徐州土药新加膏捐每百斤共银十三两先行奏明，凑办江北练兵经费在案。

嗣又电据徐州道复称：本年旺市已过，收数较去年大为减绌，已吃加捐之亏。全年究能收数若干，实无把握。自宜通筹全局，视各省土质优劣，酌定捐数之多寡，方能畅行无阻，历久不敝。等语。

臣与管理八省统捐膏事宜正任贵州巡抚柯逢时往返商酌，核准咨复，业已妥定章程，咨商财政处暨户部外，所有徐州土药现办情形，理合附片陈明。

周馥缘准户部指查米捐章程复奏折

光绪三十二年三月

窃准户部咨开：本部议复署两江总督周馥等电奏请米禁展限一折，光绪三十一年十二月二十七日具奏，奉旨：依议。钦此。抄录原奏咨照前来。查户部原奏内以光绪二十九年署-督臣张之洞奏案，有芜湖运米出口江、皖两省，每石各抽米厘一钱四

分四厘，及未卖与贩商之前，酌抽备荒经费每石一钱语；而臣迭次电奏，有请上海仿芜、镇成案，带征义捐，及沪道现谕华商，每石捐一钱之语。谓参观后奏案电文，似每石缴各该省米厘银一钱四分四厘是一事，每石抽备荒经费银一钱又是一事。今该署督既称奏收米捐，洋商仍不纳捐，华商每石捐一钱，则是明明指二十九年会奏内驳之备荒经费一钱而言也。旋复称平糶义捐存储备荒，每石收规银一钱四分四厘。嗣减去零数，只收一钱，则又似以米商历年遵缴之米厘作为华商现时所捐之备荒经费，混两事为一事也。究竟芜湖章程江、皖两省各另抽米厘银若干？该署督前所称江北开禁，照芜湖收捐，此次上海照芜、镇收捐，有何划一章程？本年冬季，芜、镇、上海、盐、阜、海、赣等处各收前项捐数若干？华商每石认捐一钱，有无窒碍？臣部均难悬断，拟请下两江督抚，将臣部指查各节，迅即详细查明，先行复奏，以便臣部斟酌办理。等因。

臣查芜湖米捐，安徽向收每石四分四厘。二十九年奏明，加收一钱。江苏于二十一年奏明，在芜湖设卡，每石收米厘银一钱；二十八年又加收四分四厘，作为平糶义捐，俾与皖省数目一律。现又各减为每石一钱一分四厘，内一钱系米厘，归八厘捐项下拨用，四分四厘系义捐，解司备荒。现又减为一分四厘。张之洞前奏所称酌收备荒经费每石一钱，系预拟镇江、上海开禁后办法，与芜湖所收之款无涉。诚如户部原奏，每石缴各该省米厘银一钱四分四厘是一事，每石抽备荒经费一钱又是一事。但张之洞前奏因镇江、上海两口其时米价增长，未经开禁，并未办理。上年二月内，臣会苏、淮抚臣奏请暂开镇江仙濠米禁片内，陈明除关税之外，并准带缴义捐，留归地方公用，即系照张之洞前奏所陈而言。初议比照芜湖米厘数目，每石收银一钱四分四厘；后因行销迟滞，米商求减，又减为每石收银一钱一分。十月内，臣复会同前苏抚臣电奏，暂开上海米禁，并仿照芜、镇成案，除关税外，带缴义捐。初亦拟每石收银一钱四分四厘，后亦以众商请求，减为每石一钱。因每石一钱四分四厘之数，系比照芜湖米厘数目而收之法，系查照镇江义捐办理，故称仿照芜湖成案，非混两事为一事也。现在芜湖抽收义捐一分四厘，解宁藩司备荒，每年办理粥厂，动拨凑用。镇江收义捐一钱一分，内一钱宁、苏各半，专备岁歉赈糶，及地方善举之用；一分作镇江警察经费。上海收义捐一钱，经臣电奏，请留作上海会审衙门修理中牢之用，现经户部议奏，奉旨允准，钦遵办理。此历议抽收运米出口平糶义捐原委，及芜湖、镇江、上海复后减收，并现在支用款目之实在情形也。

至海、赣向无米谷出口，并无平糶义捐可收。盐、阜虽属米产之区，向来由仙濠出运，余仅零星售运附近各州县，并无大宗运出海口，亦未在该处抽收平糶义捐。芜湖、镇江、上海现办章程，皆出自华商认缴，与洋商无涉，办理尚无窒碍。缘准户部奏明指查，谨据实陈明，请敕下户部知照。

所有遵飭复奏缘由，理合会同护理江苏抚臣濮子潼恭折谨奏。

奉朱批：户部知道。

第九卷 杂税

元江苏税务提领

真州税务提领 从六品，万定之上。

平江税务提领 正七品，五千定之上。

扬州税务提领 正七品，五千定之上。

建康税务提领 从七品，三千定之上。

淮安税务提领 从七品，三千定之上。

镇江税务提领 从七品，三千定之上。

通州税提领 正八品，一千定之上。

泰州税提领 正八品，一千定之上。

高邮州税提领 正八品，一千定之上。

常州税提领 正八品，一千定之上。

华亭税提领 正八品，一千定之上。

无锡税提领 正八品，一千定之上。

昆山税提领 从八品，五百定之上。

嘉定税提领 从八品，五百定之上。

常熟税提领 从八品，五百定之上。

长洲税提领 从八品，五百定之上。

吴县木渎税提领 从八品，五百定之上。

金坛税提领 从八品，五百定之上。

宜兴府税提领 从八品，五百定之上。

江阴税提领 从八品，五百定之上。

矜山县税提领 从八品，五百定之上。

兴化税提领 从八品，五百定之上。

杂 税

江宁府

上元县

牙税，查咸丰元年牙行一千二百五十七户，额征牙税银三百六十六两六钱。截至光绪四年止，计捐帖牙行一百一十一户，应征正银六十四两五钱。其前缺征银三百零二两一钱，因兵燹商贾稀少故也。

又无额田房税二百七十六两一钱七分三厘，无额卫属田房税一百八十两一钱七分七厘，无额佃民税五十九两七钱九分一厘，无额房屋税三百九十七两七钱五分四厘，无额芦洲课银五十二两二钱五分三厘。

牛驴税自咸丰元年册报正银三十三两七钱三分七厘，截至光绪四年止，清出正银十两七钱九分，余缺。

以上上元共解司银一千零四十四两四钱三分八厘。七属参差不等，如旧额者少也。

江宁县

牙税自咸丰元年五百八十三户，今存四百零八户。上等四十一户，二等十八户，三等四十七户，四等三百零二户。额征牙税三百零七两，今完银二百九十一两二钱五分，未完民欠十五两七钱五分。

牛驴税十二两。

民属田房税一百九十七两一钱六分二厘，卫属田房税一百二十六两口钱八分三厘，省房税正银一千九百八十二两二钱六分六厘。

耗羨牙税银三十两七钱，今民欠耗银一两五钱七分五厘，牛驴耗银一两二钱，田房

民属耗银十九两七钱一分七厘，田房卫属耗银十二两六钱七分八厘，省房税部饭项五十九两四钱六分八厘。

句容县

牙税原额二百三十一户，税银一百零五两六钱。今计三等八户，四等六十三户，共完银三十九两五钱。盖三等者完一两，四等者完五钱，耗银十两五钱六分，已完银三两九钱五分，余欠在民。

田房税一百五十八两八钱一分六厘，耗银十五两八钱一分六厘，耗银十五两八钱八分一厘，耗银二分二厘。

典税，每典五两，耗银五钱。

溧水县

牙行九十四户，征银四十六两九钱三分四厘。今十六户，征银十两，缺银三十六两九钱三分四厘。

田房税二百一十四两八钱六分八厘。

牛猪税十九两。

牙税耗银一两，田房税耗银十一两四钱八分七厘，牛猪税耗银一两九钱。无典。

共完正银二百四十三两八钱六分八厘，耗银二十四两三钱八分七厘。杂税理无一定，尽征尽解，惟在官之廉明耳。

江浦县

牙税正银二十七两五钱，耗银二两七钱五分。牙行五百一十二户，今五十一户。

牛猪税八十两九钱一分三厘，耗银八两九分一厘。

田房税，征银三百六十五两二钱五分六厘，耗银三十六两五钱二分六厘。

共正银四百七十三两六钱六分九厘，耗银四十七两三钱六分七厘。无芦课，无典。

以上俱据光绪四年年底奏销清册。

六合县

各行牙税，银一百一十一两五钱。

典税，银五两。

牛骡税，银一百十四两整。

渔课银二十五两八钱五分。

猪汤税，银七十八两七钱九分二厘。

无额田房税银每两纳税三分。

以上光绪九年启征。元续清出各税银，俱尽收尽解。

河泊所管山苗渔户二十六家，岁征鱼坞银三十两，分六月、十二月两期，解藩库交纳。例不征耗，归税课大使征解。

高淳县

渔课银五十九两五钱五分二厘二毫，比旧缺征银二百四十三两二钱八分一厘。

象租银二十四两四钱四分九厘八毫，比旧缺征银三十五两一钱四分。

又窑冶、义田两款全未清出。

牙行一百零五户，税银六十五两七钱四分一厘。现请部帖一百二十九户，户税五钱，共银六十四两。又三等户一，征银一两。

田房税二百零二两九钱三分五厘四毫二丝。无典。

牙税耗银六两五钱，田房税耗银二十两二钱九分三厘五毫四丝二忽。

苏州府

吴县

田房税，每价一两输银三分。用司颁契尾，尽收尽解。各县相同。

牙行税银不等，给以牙帖。向无额数，乾隆元年始奉 上谕定额报部。《乾隆志》。一千四十三户，税银三百二十八两五钱，随正五分耗羨银一十六两四钱二分五厘。《道光志》。同治二年克复后，奏定新章，由牙户赴牙厘局报捐领帖。上等银二百两，二等银一百五十两，三等银一百两，下等银五十两。每年应征税银，上等银二两，随正五分耗羨银一钱；二等银一两五钱，随正五分耗羨银七分五厘；三等银一两，随正五分耗羨银五分；下等银五钱，随正五分耗羨银二分五厘。凡报开歇闭，随时增除，并无定额。

典税，每户岁输银五两，增歇不一，尽收尽解。《乾隆志》一百三十七户，《道光志》九十二户。税银四百六十两，随正五分耗羨银二十三两。同治十一年一百八户，核征税银九十两，随正五分耗羨银四两五钱。

牛羊猪税，额征银二十八两五钱，随正五分耗羨银一两四钱二分五厘。《道光志》。同治十一年，羊税银五钱，随正五分耗羨银二分五厘。

牙税额征银一十七两。《道光志》。按：牙税滴珠银，兵燹后改行盐店，分上、中、下三等征税。上等税银一两五钱，中等税银七钱五分，下等税银四钱五分。凡报开歇闭，随时增除，并无定额。

长洲县

牙行税六百户，税银一百九十四两，随正五分耗羨银九两七钱。《道光志》

典税，《乾隆志》八十户，《道光志》四十六户。税银二百三十两，随正五分耗羨银一十一两五钱。同治十年九户，核征税银四十五两，随正五分耗羨银二两二钱五分。

牛羊猪税，额征银《道光志》二两七钱，随正五分耗羨银一钱三分五厘。同治十年，猪税银八两，随正五分耗羨银四钱。

牙税，额征银一十九两。《道光志》。按：牙税滴珠银与吴县同。

元和县

牙行税九百一十二户，税银二百七十五两，随正五分耗羨银一十三两七钱五分。《道光志》

典税，《乾隆志》七十三户，《道光志》五十五户。税银二百七十五两，随正五分耗羨银一十三两七钱五分。同治十一年一十三户，核征税银六十五两，随正五分耗

羨銀三兩二錢五分。

牛羊猪稅，額征銀《道光志》六兩九錢三分，隨正五分耗羨銀三錢四分七厘。同治十一年牛稅銀一兩，隨正五分耗羨銀五分。

牙稅，額征銀一十九兩。《道光志》。按：牙稅滴珠銀與吳縣同。

崑山縣

牙行稅三百三十四戶，稅銀一百三兩，隨正五分耗羨銀五兩一錢五分。《道光志》

典稅，《乾隆志》十五戶，《道光志》七戶。稅銀三十五兩，隨正五分耗羨銀一兩七錢五分。同治十年自克復後並無開設。

牛羊猪稅，額征銀《道光志》六兩六錢八分，隨正五分耗羨銀三錢三分四厘。同治十年猪稅銀一兩五錢，隨正五分耗羨銀七分五厘。

牙稅，額征銀九分五厘。《道光志》。按：牙稅滴珠銀與吳縣同。

新陽縣

牙行一百六十九戶，稅銀五十兩七錢，隨正五分耗羨銀二兩五錢三分五厘。
《道光志》

典稅，《乾隆志》六戶，《道光志》五戶。稅銀二十五兩，隨正五分耗羨銀一兩二錢五分。同治十年一戶，核征稅銀五兩，隨正五分耗羨銀二錢五分。

牛羊猪稅，額征銀《道光志》一十二兩九錢二分，隨正五分耗羨銀六錢四分六厘。同治十年猪稅銀一兩五錢，隨正五分耗羨銀七分五厘。

牙稅，額征銀九分。《道光志》。按：牙稅滴珠銀與吳縣同。

常熟縣

牙行稅三百八十四戶，稅銀八十七兩九錢，隨正五分耗羨銀四兩三錢九分五厘。
《道光志》

典稅，《乾隆志》三十五戶，《道光志》十九戶。稅銀九十五兩，隨正五分耗羨銀四兩七錢五分。同治十二年六戶，核征稅銀三十兩，隨正五分耗羨銀一兩五錢。

牛羊猪税，额征银《道光志》五两四钱二分，随正五分耗羨银二钱七分一厘。同治十二年，牛猪税银一十六两，随正五分耗羨银八钱。

牙税，额征银三分。《道光志》。按：牙税滴珠银与吴县同。

昭文县

牙行六百三十二户，税银九十一两二钱，随正五分耗羨银四两五钱六分。
《道光志》

典税，《乾隆志》四十四户，《道光志》十九户。税银九十五两，随正五分耗羨银四两七钱五分。

牛羊猪税，额征银《道光志》五两七钱三分，随正五分耗羨银二钱八分六厘。同治十三年，牛猪税银九两，随正五分耗羨银四钱五分。

牙税，额征银三分。《道光志》。按：牙税滴珠银与吴县同。

吴江县

牙行税，三百三十八户，税银一百三十五两四钱，随正五分耗羨银六两七钱五分。
《道光志》

典税，《乾隆志》六十三户，《道光志》四十一户。税银二百五两，随正五分耗羨银一十两二钱五分。同治十三年一十户，核征银五十两，随正五分耗羨银二两五钱。

牛羊猪税，额征银一十三两一钱，随正五分耗羨银六钱五分五厘。《道光志》。自克复后，至同治十三年，并无投充。

牙税，额征银四分五厘。《道光志》。按：牙税滴珠银与吴县同。

震泽县

牙行税，四百六十一户，税银一百十九两八钱二分五厘，随正五分耗羨银五两九钱九分一厘。《道光志》

典税，《乾隆志》三十六户，《道光志》三十五户。税银一百七十五两，随正五分耗羨银八两七钱五分。同治十三年六户，核征税银三十两，随正五分耗羨银一两五

钱。

牛羊猪税，额征银八两四钱，随正五分耗羨银四钱二分。《道光志》。自克复后，至同治十三年，并无投充。

牙税，额征银四分。《道光志》。按：牙税滴珠银与吴县同。

松江府

上海县

额征之渔课五十一两二钱八分七厘。

门摊铺钞八十七两七钱一分七厘。

奉贤县

田房契税，凡民间置买田地房产者，随时领给司颁契尾，按所载契价，每两输税银三分。岁无定额，尽征尽解。旧志

牙行税，正银七十三两，耗银三两六钱五分。查此项税银，现由牙厘局劝办，逐年饬知征解，并无定额。

典税，正银三十五两，耗银一两七钱五分。按七典征解，或有启闭，报明藩司增减。

牛税，银一十两五钱，此条于乾隆十二年奉文免征。旧志。

金山县

渔课银八十六两二钱七分四厘，随正五分耗羨银四两三钱一分二厘。

牙税银，领帖各牙行现征银四十四两，随正五分耗羨银二两二钱。

典税，现征银二十两，随正五分耗羨银一两。

田房税，照契价每两三分，尽征尽解。

以上三项，俱无定额。

南汇县

元时杂税，有酒醋课、税课、河泊课诸名目。明永乐间，有商税钞、契本工墨钞、酒醋钞、果木租钞、房屋赁钞诸名目。清康熙年间，有酒税、烟税。俱见府志，数不细载。今就现存杂税，开列如下。

匠班银一项，明万历间，上海县征二百三十四两。清朝顺治、康熙间，征正扛银共二百三十六两八钱八厘。雍正四年分县后，南邑应征正扛银共一百二十二两九钱五分八厘。嘉庆十五年分川沙后，额征一百十四两七钱七分。此项于雍正七年，督抚题准在田亩摊征，不列杂税内。

门摊银，明永乐间，上海门摊钞九百四十七定四贯五百文。万历间，门摊税课银一百两。清朝顺治、康熙年间，俱一百两。雍正四年分县，额征十六两。嘉庆十五年分川沙后，额征十四两五分，耗银七钱三分。同治十二年，知县金福曾以胥吏等分派累民，详请由县于钱漕公费内筹拨归解，永免派征。奉宪批准，遵行在案。

渔课银，明万历间，上海渔课银一百一两六钱一分四厘六毫七丝。清朝顺治、康熙年间，额征数同。惟顺治间分解部、存留二款。雍正四年分县，额征五十二两七钱七分。嘉庆十五年分川沙后，额征四十五两二钱三分九厘，耗银二两二钱六分一厘。同治十二年，知县金福曾以渔总人等分派累民，详请由县于钱漕公费内筹拨归解，永免派征。奉宪批准，遵行在案。

田房税，按：府志始见于康熙二十一年。又引《通志》云：四十三年，浙江道御史王炜奏田房税契用司颁契尾，时江、苏等属，皆遵照此例。照契价每两征银三分，每税银一两，加耗银五分。随征随解，无定额。

典税，每典征银五两，加耗银二钱五分。《胡志》云：康熙十六年议增五两，再于第一急务事案内又增五两，二十二年免五两，二十六年又免五两，仍照旧每户征银五两。乾隆间，四十典，共征银二百两，加耗银十两。嘉庆间，三十典，共征银一百五十两，加耗银七两五钱。现在二十典，共征银一百两，加耗银五两。如有新开闭歇，随时增除。

牙税，《鲁府志》云：牙税起于顺治十年。据牙行告帖，分别上、中、下等科则征收。雍正四年分县后，征银一百二十四两三钱五分。乾隆五十七年，征银一百三两三钱五分，每两加耗五分。嘉庆二十年，征银一百二两七钱一分，每两加耗五分。现在征银一百十二两五钱，加耗银五两六钱二分五厘。如有新开闭歇，随时增除。

牛猪税，府志始见于康熙二十一年。
雍正四年分县后，征银二两九钱。乾隆五十七年，奉部删除。

府志云：乾隆十二年奉文裁免。

同治十三年，由牙帖局给帖，征牛户税银一两五钱，加耗银七分五厘。

青浦县

宋绍兴间税务岁办四万八千四百六十三贯七百七十四文。按：《云间志》税务租额六万一千七百一十三贯七百七十四文。自绍兴以来，蠲柴薪麦面等税外，岁办前数。

元至元间，大盈务酒课六百一十八定一十八两，税课八十五定二十六两九钱二分，河泊课二十三定二十二两三钱八分。青龙务酒课七十八定，税课二十五定十八两二分，河泊课一定八两八钱二分四厘。蟠龙务酒课三百三十五定三十二两，税课二十五定四十七两五钱六分，河泊课五定二十七两二钱。至正十五年，额办钞八千二百三定四十四两六分九厘，酒醋课五千五百七十八定四十一两五钱六厘，税课二千六百二十五定二两五钱六分三厘。

明永乐十五年，商税钞一万七千二百一十二定一贯九百九十文，契本工墨钞二定六百四十文，门摊钞五千七十五定一贯文。黄渡河泊所渔课钞一万七千一百八十二定四贯四百六十文。天顺至成化八年，税课司钞二万四千八十六定九百七十文，黄渡河泊所钞一万八千五十九定一贯八百六十文，七宝税课局钞九千五百三十五定四贯九十文，凤凰山税课局钞一万六千五百四十八定二贯文，小贞税课局钞四百九十四定一贯七百六十六文。杨巷税课局钞六百七定一贯九百三文，金泽税课局钞四百三十定一百二十七文，新泾税课局钞一万一千二百八十四定一贯五百二十八文。按：《郭志》诸税课局、河泊所，自弘治七年至万历八年，以渐裁革。详见官署。万历十七年至崇祯末，门摊税课银八十三两五钱五分四厘，渔课银一百一十一两五钱一分五厘三毫。匠班银存留上工局匠三十三名，实征班匠二百二十五名，每名四钱五分，共银一百一两二钱五分。按青升县后明时旧额。

清顺治二年，渔课银抵解工部麻铁银一十三两四钱七分二厘五毫，存留一百一十八两四分二厘八毫。门摊课钞银八十三两五钱五分四厘。匠班银二百二十五名，每名正银一两加扛银一分一厘，共正、扛银一百二两四钱六分五厘。康熙二十一年，牛驴猪羊税银七两六钱六分，牙税银一百一十七两七钱八分二厘六毫，田房税银四百两，典税银三百六十两，典户二十四名。酒税银八十两，烟税银七两四钱二分七厘。按：渔课、门摊课钞、匠班等三款，俱载在全书，常年并无增减。雍正七年，总督范时绎题准将匠班银归田亩摊征。乾隆十二年裁免。牛猪等税，按旧志云，牙税、典税无定额。牙税、典税均按帖征银，每帖之税银固有定额。而行典有增减，帖有领缴，逐季编征，尽收尽解，实无定额也。嘉庆二十年，牙税六十八两，随正耗羨银三两四钱。典税九十六两三钱三分，随正五分耗羨银四两八钱一分七厘。同治年间牙税，同治二年，饬各牙行换领部颁新帖，设立牙帖局，除应缴帖银外，每季

将局册发县征收税银。典税未复额，学租详见学校。

常州府

武进县

每年征牙行五百九十二户，额税正银一百二十二两三分，耗银八两五钱四分二厘。

典铺三十二户，额税年正银一百六十两，耗银十一两二钱。

代步六户，额税年正银六两，耗银四钱二分。

田房税、契税，年无定额。

阳湖县

每年牙行四百六十七户，额税正银一百三十五两三钱九分，耗银九两四钱七分七厘。

典铺二十九户，额税年正银一百四十五两，耗银十两一钱五分。

代步二户，额税年正银二两，耗银一钱四分。

田房税、契税，年无定额。

宜兴县

牙行二百六十九户，每户税银不等，共额征牙税银一百二十一两一钱，耗银八两四钱七分七厘。查雍正十一年钦奉上谕：牙帖由司颁发，因地制宜，着为定额，报部存案，不许有司任意增添。嗣后止将额内各牙退帖顶补之处，查明按给新帖。再有新开集场应设牙行者，酌定名数，亦报部存案。等因。江省于乾隆元年定额造册报部，随于乾隆二年奉部文，如果牙行无力贸易，情愿歇业者，该州县查系确实，即开除报部，不必俟顶补有人方准退帖。嗣后牙行历届新增，于乾隆五十八年复奉部查核，至五十九年奏明准其开张，与旧帖并行。

牛猪税银一十三两五钱，耗银九钱四分五厘。

查落地税，雍正十三年钦奉上谕，分别应裁、应留，详请开除。乾隆六年钦奉恩诏：自乾隆十年起，以后落地税银，准其裁革免征。

乡城典铺十一户，每户税银五两，共额征银五十五两，耗银三两八钱五分。典铺税收无常，如有增设、停止，随时详明藩司准其增除。

田房税、契税无定额，尽征尽解。

以上详《重刊宜兴县志》。

荆溪县

额设茶引正银二十四两七钱七分四厘，耗银一两七钱三分四厘。张渚司办正银二十两七钱七分四厘，耗银一两四钱五分四厘。湖汊司办正银四两，耗银二钱八分。额外芽茶一百斤，折价一十六两。

牙行三百二十五户，每户税银不等，共额征牙税银一百六两二钱八分，耗银七两四钱四分。

牛猪税银一十三两五钱，耗银九钱四分五厘。

乡城典铺九户，每户税银五两，共额征银四十五两，耗银三两一钱五分。典铺税收无常，如有增设、停止，随时详明藩司，准其增除。

田房税、契税无定额，尽收尽解。

以上详《重刊荆溪县志》。

宜荆县契税，定章每契价银一两，征银三分。银价由苏藩司颁定，行县照征。民间田产契价，率以制钱二千文合银一两。纳税讫，由县掣粘印收，俗称税尾，每张带征钱四百二十文。宜兴、荆溪两县每年征解银，自五、六百两至千余两不等。

牙税，即牙帖税。向章分四等：上等每年征银二两，加耗银一钱四分；二等一两五钱，耗银一钱五厘；三等一两，耗七分；四等五钱，耗三分五厘。光绪庚子后，奉文加五倍征收，两县每年征解之数，大率增至三、四千两矣。银价同契税。另有短期牙照捐，以一年为限，缴捐自四圆至十二圆不等，不列奏销。

当税，即典税。宜兴辖一，荆溪辖四，凡五当典，每年各征银五两。光绪庚子后，奉文加十倍征收，各征正银五十两，又耗银三两五钱。银价同牙税。辛亥改革停止。

烟税，烟叶每百斤捐钱六百文；烟筋，每百斤捐钱二百文。由宜荆厘局总收汇解。

光绪二十六年加坐贾税，每年认缴银五百圆，二十七年又加四百圆。

牲畜税，大猪每口捐钱二百文；中猪，一百文；小猪，五十文。湖羊，每口捐钱七十文；山羊，五十文；小羊，三十文。每年额征捐钱六百九十四千一百文，由宜荆厘局统收汇解。前志有牛税，县统计未登，当系漏载。

房捐，光绪二十八年奉文每房租一千文，抽捐钱一百五十文，主额各半，按期由县署派员收捐。每年四季，约共收捐钱二千余千文，汇解苏省房捐局，无定额。

以上详《光宣宜荆续志》。

靖江县

门摊课钞银六两四分五厘，解费银一钱二分九厘。遇闰加正银四钱七分五厘，解费银九厘五毫。

渔课银八两五分九厘，解费银一钱六分一厘一毫八丝。遇闰加正银五钱八分八厘有奇，解费银一分一厘有奇。

匠班三十一名，征银十三两九钱五分，解费银二钱七分九厘。

无锡县

租钱钞，民山一十五亩九分五毫，折银一分一厘。

门摊课钞，银二百六两一钱一分一厘，解费银四两一钱二分二厘。遇闰加征银一十四两八钱四分五厘，解费银二钱九分七厘。

渔课银一十三两八钱二分四厘，解费银二钱七分六厘。遇闰加征九钱九分五厘，解费银二分。

城租银一百三两五钱四分八厘，内蠲除缺额银四十三两五钱四分六厘，实征银六十两二厘。

田房税无额，每价银一两，输银三分。

典税无额，每户岁输银五两。

牙税无额。

旧额六十六两，经乱旧户无稽，现开牙行俱颁部帖，就新定科则征解。

旧又有牛羊猪税，今无。

金匱县

分管租钱钞，民山一十五亩九分五毫，折银一分一厘。

门摊课钞，正银二百四十三两七钱，解费银四两八钱七分四厘。遇闰加征正银一十七两五钱五分三厘，解费银三钱五分一厘。

渔课，正银一十一两八钱五分四厘，解费银二钱三分七厘。遇闰加征正银八钱七分九厘，解费银一分八厘。

城租银八十九两一钱五分三厘，内除蠲免缺额银四十三两五钱四分五厘，实征银四十五两六钱八厘。

田房税无额，每价一两，输银三分。

典税无额，每户岁输银五两。

牙税无额。

旧额八十二两二钱，经乱旧户无稽，现开牙行俱颁部帖，就新定科则征解。

旧又有牛羊猪税，今无。

江阴县

门摊课银三百五十八两三钱四分八厘，随正七分耗羨银二十五两八分四厘；解费银七两一钱六分七厘，随正七分耗羨银五钱二厘。遇闰加征银三十两五钱六分，随正七分耗羨银二两一钱三分九厘；解费银六钱一分一厘，随正七分耗羨银四分三厘。

渔课，银一十五两一钱八分四厘，随正七分耗羨银一两六分三厘；解费银三钱四厘，随正七分耗羨银二分一厘。遇闰加征银一两一钱九厘，随正七分耗羨银七分八厘，解费银二分二厘，随正七分耗羨银一厘。

城租，银三十六两八钱五分二厘二毫六丝，随正七分耗羨银二两五钱八分。杨厝营田租息银三十六两四分，随正七分耗羨银二两五钱二分三厘。

以上四项，均归地丁，统解司库。

牙税，银二百二十七两五钱，随正七分耗羨银一十五两九钱二分五厘。截至光绪四年夏季止，共计二百一十四户。

典税银三十五两，随正七分耗羨银二两四钱五分。兵燹以后，旧典无存。同治十年，奉宪招商开设，至光绪四年止，共计七户。

田房税银无定额，每契价一两，税银三分，随正七分耗羨银二厘一毫。

牛猪税，银四十四两五钱，随正七分耗羨银三两一钱一分五厘。截至光绪四年夏季止，共计二十九户。

匠班银，此项于雍正七年奉文免征，匠户摊入田亩并征。

镇江府

丹徒县

渔课，银三十两七钱七厘，随正七分耗羨银二两一钱五分。

苧麻，银三两三分三厘，随正七分耗羨银二钱一分二厘。

麻胶渔课，银一十四两五钱五分三厘，随正七分耗羨银一两一分九厘。又照康熙十二年题定时价，应增编银三钱二分，随正七分耗羨银二分二厘。

淮安府

山阳县

田房税契，于乾隆五年奉督抚题准归县征解。每正价一两，完税银三分，随收加一耗银，汇解布政司衙门，报部充饷。

又典铺税，王肇庆、济锦源二户，每户每年完正税银五两，水脚银一钱五分，解布政司衙门，报部充饷。

又牙行税，额役四百八十五户，每年共征银一百七十五两七钱；额外捐请十一户，每年共征银八两五钱。

又牛驴猪税，额役三百二十五户，每年额征银七十六两九钱五分三厘。

水面渔课，银一十三两五钱三分，由湖泊及各八鲜牙行输纳。

以上《同治淮安府志》。

盐城县

牙税，额征银五百一十一两五钱三分九厘二毫。城镇铺户，额征银四十六两二钱七厘。

田房税，同山阳。

典税无额，每典征银五两。

学田租，四十一两五钱六分。

渔船钞，渔船梁头在五尺内者免征；五尺外者，每一尺岁征银三钱。

以上《同治淮安府志》。

清河县

田房税尽收尽解。

牙税，额征正银七十一两七钱，耗羨加一。

牛驴猪羊税，正银十六两七钱，耗加一。

渔课，正银三两一钱二分三厘，耗加一。

典税，正银三十五两，耗加一。

以上《同治淮安府志》。

桃源县

牙税，银一百二十九两七钱九分三厘。又同治初捐充部帖税银十五两。

牛驴猪税，正银六两，加一耗银六钱。

以上《淮安府志》。

阜宁县

田房税契无额，归县征解，每正价一两，完税三分，随正加一耗羨。

又典铺税，李振新、李恒裕二户，每户每年完税银五两。

又牙行税额每年共征银一百三十三两八钱，内除陆续闭歇缴帖四户税银一两五钱，实在三百五十二户，该征银一百三十二两三钱。额外捐请十八户，每年共征银九两。

又额征牛驴税银二十二两四钱一分一厘，内除闭歇缴照税银一两一钱五分，实征银二十一两二钱六分一厘。

又额征例捐洲场税银三两八钱。

以上牙、典、牛驴、洲场等税，耗羨随征加一。汇解布政司衙门，报部充饷。

以上各项银两，均系查照光绪五年实征数目。

以上《淮安府志》。

扬州府

江都县

旧额行夫银一千六百八十两七钱一分一厘五毫七丝，遇闰加银二十二两三钱三厘二毫。

碾饷，银四百二十一两五分二厘五毫七丝三忽八微。

麻租，银五十五两八钱五分七厘六毫，遇闰加银一两六钱二分五厘。

吏农班，银十两一钱。

余米军饷银十两七钱四分。

湖租，银十二两五钱二分八厘九毫。河滩地租，银一百一十一两七钱七分四厘三毫七丝七忽七微。营卫地租，银七十九两二钱九厘。

牙税，四百八十六两七钱六分一厘九毫二丝。

典税，银二百两，又增二十五两。

田房税，一千六百五十两五钱，尽收尽解。

牛驴等税，六十八两四钱五分五厘四毫。

甘泉县

旧额行夫银一千三百六十一两八钱二分二厘四毫，遇闰加银十八两一钱九分六厘八毫。

碾饷，银二百二两四钱四分七厘四毫二丝六忽二微。

塘租，银二百五十九两六钱七厘三毫七丝二微五纤七沙六尘。麻租，银三十八两二钱五分九厘五丝二微二纤五沙，遇闰加银二两七钱一分四厘五毫。

吏农班，银十两一钱。

余米军饷，银十两七钱四分。

废地升科银五两三钱七分四厘五毫七丝七忽七微二纤。

湖租银二百四十九两四钱九分，河滩地租银六十九两二钱一分七厘，营卫地租银四十二两二钱三分。

牙税三百九十四两四钱三分八厘八丝。

典税，银一百三十五两。

田房税，一千六百五十两五钱。

牛驴等税，四十五两六钱三分七厘。

仪征县

旧额夫厂单夫银二千四十八两。

商垣出办四司料价，银四百五十七两三钱五分六厘九毫。

刘塘租，银五十一两三钱八分九厘八毫六丝。陈公塘佃租，银三百二两四分四厘三毫八忽一微一纤。荡租，银六十五两八钱四分九忽六微五纤。胭粉地租，银九十一两三钱九分一厘四毫三丝五纤。城壕地租，银四十五两六钱六分三厘三毫。

牙饷，银一百一两。

吏农班，银十五两一钱五分。

老活船税，二百六两八钱。

田房税，一千六十三两四分，遇闰加银二十一两六钱二分六厘六毫四丝。

碾饷，九十九两五钱。

包索饷，六十两。

余米军饷，二两五钱四分五厘。

商税，二千三百四十五两四钱五分八毫八丝，又增带征清河县运军麦折银二十五两，派解操赏银二十两，遇闰加银三两六分三厘一毫二丝六忽。

河滩地租，二十九两六钱六分五厘。

典税，尽收尽解。

塘饷，银四十四两五钱九分四厘四毫。

活猪羊税，三百三十两一钱八分。

牙税，七十九两六钱，又增九两六钱。

牛驴税，四十两。

花布、烟、酒曲等税，十四两一分八厘四丝。

高邮州

旧额碾饷银三百七十两。

吏农班，银二十两二钱。

余米军饷，十八两五钱一分三厘。

柘塘租，银一百四十四两。河滩地租，五十三两七钱一分三厘。

渔户出办本色麻胶，银三十八两一钱七分八厘八毫五丝七忽三微，遇闰加银二两六钱四分五厘一毫四丝二忽五微。

牙税、典税各杂税、田房税等项，共银一千七百六十七两二钱一分四厘五毫五丝，遇闰加银六两六钱六分八毫。

埠头出办中伙，银二百两。

兴化县

旧额碾饷银一百七十六两五钱。

吏农班，银八两八分。

余米军饷，三十三两二钱九分一厘。

牙税，三十五两六钱，又增银二十七两四钱。新增代步牙税四两八钱，牙饷盈余银六十两三钱。

典税，十两。

牛驴税并盈余，银二十三两。猪羊税并盈余，银二十四两。

花布、烟包税并盈余，一百六十两。

田房税并盈余，三百五十两。

商税并盈余，三百九十二两三钱四分七厘。

宝应县

旧额碾饷银六十八两。

吏农班，银八两八分。

余米军饷，十四两七钱三分。

牙饷，银四十两。

商税，五百五十一两五钱六分九厘七毫六丝三忽四微九纤二沙，遇闰加银三两二钱六分四厘二毫三丝。

渔户出办折色黄白麻、鱼胶、翎毛等项，一百十二两九钱九厘四毫五丝一忽，遇闰加银八两三钱五分七厘八毫一丝五忽六微二纤五沙。本色麻胶等，银十九两五钱一厘四丝七忽，遇闰加银一两四钱五分六厘二毫九丝六忽一微八纤七沙五尘。本色钞贯，折征银五两九钱九分八厘四毫八丝二忽。

河滩租，九十四两五钱四分二厘二毫。潼河租，一百七两七钱九分，升租九十八两二分九厘，升河滩租五十六两五分。

牧牛租，二十两七钱二分六毫五丝一微四纤九沙三尘二渺三漠九埃七巡。

田房租抚操部饷，银三百八十六两。

牙税，银四十六两。

陆税盈余，银三百两。

典税，十五两。

花布税，三十九两二钱。

牛猪税，尽收尽解。

东台县

《全书》：牙行出办牙饷，银五十三两六钱三分五厘。碾户出办碾饷，银一十一两八钱二分。家鸭等行出办银二十七两八钱四分，闰月银二两五分九厘。

泰 州

旧额碾饷银三百两。

吏农班，银二十两二钱。

余米军饷，八十两七钱五分三厘。

城濠地租，十五两三钱二分。湖滩地租，八十六两六钱一分五厘。

本色麻胶等，银十两六分九厘一毫八丝一纤四沙三尘七渺五漠。折色麻胶等，银四十一两五钱二分五厘二毫二丝五忽二微一纤八沙七尘五渺。

牙税，六百五十六两八钱。

猪羊税，十二两九钱六分。

田房税，原额一千一百十三两六钱，尽收尽解。

商税，原额七十三两六厘二毫一丝六忽七微。

花布、烟包税，四十七两二钱。

牛驴税，尽收尽解。

牙税，额征银三百五十八两三钱四分八厘，于道光五年奉准减银八钱八厘，实征银三百五十七两五钱四分。旧额五百二十六两八钱，捐银五两二钱六分八厘。

田房税，额征银五百五十六两八钱，如有盈余，尽征尽解。按：旧志但云尽收尽解。

典铺，每户岁输银五两，增歇不一，尽收尽解。
如道光六年份应完银一百六十两，旧志云：一百三十两，捐银一两三钱。

牛驴税，额征银一十七两四钱九分。旧志但云尽收尽解。

徐 州 府

铜山县

牙税银，军兴后续有蠲豁。据同治十一年《徐州府册》，铜山县原额正银五百二十五两七钱五分，今实征银三百九十五两五钱；额外牙税正银一两五钱。陆税银无。

其各属典税，每典征银五两。军兴，典户歇业，萧、砀、丰、沛、邳、宿、睢七州县皆停征，惟铜山县存典户一，岁额征银五两。

又各属皆有田房税，邳州有商税，皆无定额，尽收尽解。

又宿迁设关征税，兼收徐州陆税，每年额征银四万八千八百八十四两，又盈余银七千八百两，淮关监督领之。旧志：关在宿迁县北运河南岸。明时有中河工部分司在夏镇、徐州、吕梁、宿迁四处征税，又有徐仓户部分司在夏镇、徐州征税。清康熙五年，归并淮扬道管理。七年，改归徐属河务同知管理。八年，复归中河分司。十一年，以徐仓分司归并中河分司，裁徐州等关，专在宿迁征收，止留陆税，令同知在徐州征收，仍解中河分司汇解。十七年，罢分司，归并徐海道兼理。雍正五年，将宿迁关归并淮安关监督兼理。

以上详《同治徐州府志》。

又有课程银，额征正银三十两四钱；有牛驴猪税银，额征牛驴税正银二十九两四钱二分八厘。

砀山县

牙税，原额正银十两八钱四分，今实征银九两五钱四分。

牛驴猪税银，额征牛猪税正银二十九两一钱四厘，又额征牛猪税盈余银十五两九钱四分七厘。

陆税银原额正银八十二两，今实征银三十三两四钱六分；又额征陆税盈余银二十一两三钱。

积谷军饷盈余银，额征盈余正银三十三两八钱四分。

萧县

牙税，额征正银六十六两。

陆税银，额征正银五十六两。

丰县

牙税，原额正银七十七两四钱，今实征银三十四两五钱，额外牙税正银五钱。

牛驴猪税银，额征牛猪税正银三十五两八钱四分。

陆税银，额征正银八十两。

积谷军饷盈余银，额征盈余正银四十三两一钱三分六厘。

沛县

牙税，原额正银一百四十四两九钱六分一厘。

牛驴猪税银，原额征牛猪税正银七十五两二钱八分八厘。

陆税银，原额正银一百三两七钱三分五厘。

积谷军饷盈余银，额征牙户认充军饷盈余正银二两三钱一分二厘。

邳州

牙税，额征正银二十二两二钱，额外牙税正银十四两五钱。

牛驴猪税银，额征牛猪税正银一两七钱六分六厘。

宿迁县

牙税，原额正银七十两四钱，今实征银六十九两九钱，额外牙税正银四两。

牛驴猪税银，额征牛猪税正银八两四钱四分一厘。

睢宁县

牙税，原额正银三十六两七分三厘，今实征银二十一两六钱七分八厘，额外牙税正银四两。又原额续征正银六十六两六钱二分七厘，今实征银四十二两七钱八分二厘。又原额新增正银十两八钱，今实征银七两二钱。

牛驴税银，额征牛驴税正银三十五两三钱二分九厘。

太仓州

嘉定县

山房税，无额，康熙十五年额解六百两，以后仍无定额。雍正六年，布政司颁给印尾，每契价银一两，税银三分。

牙行税，旧给司帖，分上、中、下三等。原额一百五十五两五钱，除分编宝山县外，额存八十两四钱。雍正十一年，额定税银八十二两三钱，牙行五百三十五户。同治元年，奉文换领部帖。现存八十三户，额征正银八十三两五钱，每两加耗五分。

典税，无额，每户税银五两，每两加耗五分。康熙初，两次加至十五两。二十六年，仍照原额征收。现征五户。

原额盐牙铺税，银十五两，今未设。

牛驴猪羊税，原额每户三钱，共二十九两七钱，除分编宝山县外，额存十五两九钱。现存牛牙、羊牙各一户，每户正银五钱，耗银二分五厘。

崇明县

牙税银二十一两。康熙三十一年，兵饷缺额，令花布、柴、鱼行等牙户出办。雍正三年，续报出牙户课银三两六钱八分，共银二十四两七钱八分，扛银二钱四分七厘八毫。乾隆三十三年，税银七十六两五钱。内四两九钱划归海门征解。同治三年，巡抚委员章乃登会同知县梁悦馨捐牙户换给部帖，分上、中、下三户，上户捐银二百两，岁税银二两；中户捐一百五十两，岁税银一两五钱；下户捐一百两，岁税一两。给部帖后，有故替换，有八成、五成之例。

按：唐建中时，市牙给印纸，为牙帖所始。元、明牙税入经制科则二两至一两。

典税银，每户五两。光绪五年，加年纳五十两。

牛税银，九两八分，耗银四钱五分四厘，买牛人户出办。康熙四十八年，知县王廷灿因耕牛系农功至重，不忍抽税，蠲赀赔解，通详勒石。乾隆三十三年，划分海门厅地，并划牛税银九钱八厘，耗银四分五厘。

有猪税银，七两五钱六分，耗银三钱七分八厘，买猪牙户出办。乾隆三十三年，划分猪税银七钱五分六厘，耗银三分七厘八毫，归海门征解。

按：元制民间马、牛、羊、豕，百取其一。明以来编入门摊商税。

通 州

泰兴县

牙税，银一百四十四两。与杂办中牙饷，统征分解。

抚饷，银一百十三两五钱。

汤税，四十两。

花布税，银三十两五钱七分六厘。

典税，银五十两，每户输银五两。今存周德元、周履恒、戴一善、戴义和、张泰恒、瞿泰丰、王元庆、李公顺、周恒益、周祥元十典，实征此数。

牛税，银三十八两四分。猪羊税，银六十一两二钱六分六厘。

以上诸税，共耗银四十七两七钱三分八厘。 具批解司。

田户税，银五百七十两，耗银五十七两。

海 州

赣榆县

额领司帖五百四十三纸，每岁征解银四百三十四两二钱。 旧志：牛马猪羊杂税，银五两。田房租契，银五两。康熙初，知县俞廷瑞捐俸补解。

附 奏 疏

刚毅等整顿江苏税契大略情形片

光绪二十五年七月

再，税契一项，名为杂款，实同正供。臣刚毅前将整顿江苏税契大略情形，于本年五月初十日附片陈请圣鉴在案。当经与臣坤一、臣德寿熟商办法，一面札派苏州布政使聂缉槩、候补道朱之榛妥拟章程，呈候核办。

兹据该司道详称：苏省四府一州风俗，契买田房等产，往往匿有投税；其无印单执

业者，间或纳税；世家旧族，尚存百余年前置田白契，积习相沿，莫觉其非。究其不税之由，州县羨余悉系条漕，税契多寡，无关考成。官既不趋，办税书吏可高下其手，业户乐得从缓。且若税价之外尚多浮费，又有善堂等捐，例载契银一两，税银三分，银数折收钱八十至百余文不等。欲矫其弊，非定划一规模，无以鼓舞众心。应请嗣后税银照地丁定价，三分准钱六十文；所有浮费，一概革除；从前逾限未税各户，格外从宽，予限六个月补税，倘再自误，照例追价人官；其在限内者，不在展限之列。并拟具章程四条，详复前来。

臣等察核所议办法，尚属妥善。当经飭令克日举办，地方官奉行不力，即予随时详撤，毋稍徇隐。除俟办有成效，实能收数若干，应由抚臣陈明，随时报解外，谨附片会陈。

奉批：户部知道。

鹿传霖遵旨查禁苏州供布津贴折

光绪二十五年十月

窃查接管卷内，承准军机大臣字寄光绪二十五年三月二十七日奉上谕：有人奏《苏州供布津贴飞派累民》一折，据称：例供色布，向由长洲、元和、吴县号商承办，解费亦由该商津贴，后乃飞派他县。同治年间，久有明禁。乃知县设调停之术，藉端影射，虽经奏请减征产地布捐，而究其所用，仍为供布水脚津贴飞派。弊累布业，至于闭市，请飭查禁。等语。着德寿查明禁止，据实具奏。原折着交给阅看，将此谕令知之。钦此。即经前巡抚臣德寿恭录行司，分飭钦遵查禁。去后。

兹据署苏州布政使陆元鼎详称：复查苏省例办、添办供布，向由吴县督商承办，不敷水脚，亦由商津贴。咸丰十年以前，苏商与松商分任办理。兵燹后，苏商乏人接充，历年欠解供布，奉部奏咨严催。同治四年，苏城布业公举职员戴权充当董事，议由苏属九县布庄、布店，每匹提捐钱二文作为帮贴。六年，该董事又与无锡、金匱、江阴三县毗连常熟、昭两县处所，此捐彼无，不足以昭平允，议照常熟、昭文庄、店派数捐办；其余不毗连乡镇，概行免捐。十年，认办五年份添派布八万匹，该董事请飭三县辖境一体提捐，以资协济。经该三县议，由无锡县捐廉钱五百串，金匱县捐廉钱二千串，江阴县捐廉钱一千一百串，作为贴补，仍免捐钱。而前项供布，终不能办齐起运。于是革退董事，始改官办官解。同治十年以后，收捐刊有捐票，每匹循旧抽收钱二文，名曰产地布捐。历来办理，常熟、昭则就地收捐，无锡、金匱、江阴则由行庄分别认缴，每岁所收不满万串，由厘卡收存，汇缴司库，储备飭办供布津贴水脚不敷之用。照章抽收，统归划一。上年经前升抚臣奎俊专折奏明，自八月分起，减半征收，以恤民隐；供布水脚不敷津贴，另行筹备。此供布津贴即产地布捐历办之实在情形也。原奏所称供布解费，由商津贴，后乃飞派常熟、昭文

、无锡、金匱、江阴等处，历经藩司示禁等语，均指未经改归官办以前而言。官办官解以后，捐由厘卡经收，州县并不经手，何能藉端影射，朦混取巧？原奏所称或令布行盈余项下拨款抵缴，或商之乡董令减成遵缴等语，想系传闻之讹。至称金匱布业，因此为难，至于闭市，确加访查，实无其事。惟方今洋线盛行，土布滞销，纺织生涯，已成弩末。前项捐款原定取诸商客，不派机户，而各行庄买布，难保不暗中缩扣，贫妇终岁勤劳，不免因此受累。既蒙圣恩高厚，明降谕旨，飭令查明禁止，自应钦遵办理，以恤民艰。嗣后遇有办解供布，由司另行设法办理，不准再收产地布捐，以期仰副朝廷勤恤民隐之至意。等情。详请具奏前来。

臣复查无异，除飭司示谕常熟、昭文、无锡、金匱、江阴等县严行查禁，并行苏、沪两厘局转饬各局卡一体钦遵办理，暨咨户部查照外，理合恭折复陈。

整顿苏省税契拟议办法折

光绪三十二年五月

窃照苏省田房税契向多漏匿，经前协办大学士刚毅奏明整顿，复经前督抚臣飭由司局酌定年限：兵燹以前不究，自同治三年起至光绪二十四年止，除原领印单管业者不问外，其余展转售卖之产，责令现在管业之户补税；从前白契概不追究。并因此三十余年中，民间置买田产价值参差不齐，从宽核定划一之价，每田一亩，作价六两，每地一亩，作价四两，如浇薄田地不及六两、四两者，仍照原价投税。光绪二十五年以后，则令遵例按照契载买价定限完纳。会同奏奉朱批：知道了，酌定税契章程，甚属妥善。倘有不肖官绅勒索阻挠，即着从严参办。钦此。钦遵在案。于光绪三十年因税契收数仍未起色，仿照江宁办法，改用官板契纸，其未用官契以前之契，则令赶紧补税，仍粘司颁契尾。是年，税银收数即较前数年稍旺。

现就各属所颁契尾官契张数，按县查核，不特民间置买田、房并未尽用官契，即旧契之限令六月补税者，数亦无多。实因各牧令以税契多寡，无关考成，不甚措意，以致仍多疲玩。查各省分认筹款案内，钦奉上谕，仍饬将田房税契切实整顿，则税契一项，本为各省应理之财。且置产之人皆属有余之户，揆诸食毛践土之义，宜尽急公奉上之忱。现在铜元奉文限钱，余利甚微，而练兵、兴学、警察、工艺诸要政，无不待款而行。值此库储支绌之时，自应将苏省税契，循照从前奏案年限及现行官契，明定章程。分其大纲为二，一曰清匿税，一曰稽现税。大纲中又分目为二，一曰定税价，一曰减税耗。于整顿之中，复曲加以体恤。所有从前幕书、役丁浮税一概革除，由司分委委员，会同州县认真经理，不涉书吏之手。并不准正价外有丝毫之费，以期款集而民不扰。值此时艰财匱，无论为官为民，允宜图报国家，各尽义务。如有勒索阻挠等弊，惟有钦遵谕旨，分别从严参办，以示惩儆。据江苏布政使濮子潼、署按察使朱之榛拟草会详请奏前来。

臣复核所拟章程，尚属妥善。除批司督飭实力整顿，如有奉行不力及违抗不遵，随时详请惩办外，理合会同署理两江总督臣周馥恭折具陈。并将拟定章程，另缮清单，恭呈御览，伏乞圣鉴训示。

谨奏。

奉朱批：户部议奏，单并发。钦此。

第十卷 捐输

第十卷 捐输

汉令民入粟买爵。

南朝宋泰始二年，子勋即位于寻阳城，太宗遣领军王玄谟率军南讨。时军旅大起，国用不足，募民上米二百斛，钱五万，杂谷五百斛，同赐荒县除。上米三百斛，钱八万，杂谷千斛，同赐五品正令史；满报，若欲署四品在家，亦听。上米四百斛，钱十二万，杂谷一千三百斛，同赐四品令史；满报，若欲署三品在家，亦听。上米五百斛，钱十五万，杂谷一千五百斛，同赐三品令史；满报，若欲署内监在家，亦听。上米七百斛，钱二十万，杂谷二千斛，同赐荒郡除；若欲署王国三令在家，亦听。见《宋书·邓琬传》。

《文献通考》：宋仁宗、英宗，一遇灾变，必发仓廩，或平价以糴；不足，则转漕他路；又不足，则诱富人入粟，秩以官爵。

神宗熙宁元年，降空名度牒五百道付两浙运司，召人纳米或钱赈济。

高宗建炎元年，劝谕富豪出粟米赈糴饥民，赏各有差。糴及三千石以上，与守进义校；一万五千石以上，与进武校尉；二万石以上，取旨优异推赏。

捐 例

康 熙

十六年，开捐纳生员例。《靖江县志》，下同。

二十二年，罢捐纳生员例。

三十年，以征噶尔丹，开捐输粮草例。

乾 隆

元年，六月，苏松镇总兵免西里也国纳税，谕以国家抚绥四方，自有大纲，斥之。

三年，十二月二十，以江苏水灾，准捐纳谷石减三收捐。《清实录》，下同。

四年，五月十二，准江苏捐监兼收折色，赴邻省采买。

七年，五月四日，准淮、徐、海属捐监事例减三成收捐。

八月二日，高斌等请江苏被灾地，仿照乐善好施之例，准令各省人员出资备赈；无职衔者，京职自中书、行人、评事、博士以下，外职自知县以下佐贰等官，分别给予议叙。

五日，淮、扬等府奏准减三成收捐监生。工部尚书韩光基奏：江南被灾地方，议行乐善好施之例，有情愿急公纳捐米谷者，报于立班开选之日，将交纳米谷人员，先尽选用。

六日，开江南河工捐例。

十六日，赈江苏灾，并拨邻省银备明春接济之需。高斌请于乐善好施案内归款，允之。

八年，四月七日，两江总督德沛奏：每捐监一名，收谷二百二十石，粟谷兼收，二麦并纳。批：大学士会同吏部速议。

九年，二月二十五日，江南捐监生每名捐谷二百二十石，今以米价高涨，减为捐谷一百八十石。

十一年，九月二十六，以江南水灾，命开捐例助赈。

十二年，三月十三，准江苏仍收捐监本色。

十七年，七月，禁行使宽永钱。

十八年，八月二十九，定江苏办赈开捐事宜。

二十年，十二月二十五，予江苏捐赈绅士奖叙。

二十六年，十一月二十，允两淮商人捐省方大典备赏银一百万两。

三十二年，十二月，允淮商捐滇省军需银一百万两。

四十年，八月二十一，允淮商捐金川军需银四百万两。

四十五年，二月初，淮商捐办差经费一百万两。

四十六年，十一月，拨两淮盐课银五十万两修沛县城。

五十年，十二月，予江苏绅士大赈及集资贩米平糶议叙。

五十一年，闰七月，李世杰等以河工及赈恤请开捐。谕以现在户部库尚有七千余万，开捐于铨政、官方两无裨益，斥之。

五十三年，正月，允淮商捐台湾军需二百万两。

十月五日，允两淮商人捐荆州工赈银一百万两，分五年带纳归款。

五十四年，九月，苏松太道张铭开捐修海塘。

五十七年，正月，允淮商捐廓尔喀军需三百万两。

六月，奇丰额奏苏松太道恩详修华亭戚家墩海塘工程。

五十八年，八月三十，谕：英吉利贡使由内河水路赴广东，附船回国，派提督王炳管领兵弁接替护送。

五十九年，八月，修宝山海塘。

六十年，闰二月，允两淮商人捐剿苗匪军需一百万两。

十二月二十一，允淮商再公捐征苗军需银一百万两，分年带完。

嘉 庆

四年，七月，收两淮商捐银两。

五年，二月，允淮商民公捐银一百万两。

三月，再允两淮盐商捐银五十万两。

七月，允淮商捐工需银五十万两。

六年，十二月，拨两淮商捐银二十万两济川省善后。

七年，五月，允费淳等请，免江苏归公银三十七万有奇，并谕永禁江苏漕余折色。

八年，五月，允淮商捐抚恤赏需银一百万两。

十一月，两淮商捐衡工银一百一十万两。

九年，四月，收两淮商捐银一百万两。

八月，允两淮盐商捐苏、徽赈恤银二十万两。

十一月，允淮商捐高堰堤工银四十万两。

十一年，五月，收淮商公捐盐河工料帮价银三十万两。

七月，允淮南、北商人公捐黄流改由六塘河至灌口入堤崖公费银三百万两。

十二年，六月，以漕船挽渡艰涩，谕铁保赴清江浦妥筹漕运。

十三年，五月，允铁保等请，淮商等捐河南工需银三百万，于旧捐六限全完之后，分四年带完，仍加余息一分五厘。

六月，允淮商捐银三百万两，备河南工需。

七月，户部议淮南河捐办土方筹议章程。

九月，允淮商报效庆典银四十万两。

十四年，七月，允淮商公捐庆典赏需银一百万两。

十五年，五月，允淮商捐银五十万两，为漕运添设剥船之需。

十一月，允陈凤翔请，开苏山闸，借黄济运。

道 光

三年，七月，谕：江苏等五省捐监事例，仍归本省藩库报捐。每收足五万两解部，备直隶水灾经费。

是年，江苏水灾，官绅、商富捐银一百九十五万余两。
见道光十三年江苏巡抚林则徐《江苏田稻歉收片》。

七年，二月，拨淮南商捐一万两解甘肃。

九年，三月，允陶澍奏，以捐监银两归补江宁藩库封储银两。

十一年，江苏水灾，绅富捐银一百四十二万两。

十二年，正月，以朱士彦奏，谕：江苏绅士随同劝捐助赈，陶澍等飭查明例应议叙者，于赈务告竣之日，即申送核实具奏。

十三年，五月，陶澍等奏十一年扬州所属被灾，两淮各商许维等捐银十一万九千八百八十一两助赈，予叙有差。

十四年，二月，予江苏捐赈之廩贡吴大田等奖叙。

三月，予江宁藩司属、江苏藩司所属州县捐赈奖叙。

十五年，十月，允陶澍等奏，修宝山县海塘，土石各工官、绅捐银二十万两。

二十二年，五月，允淮商捐军需银五十万两，修江苏宝山塘工。

六月，允淮商捐输漕防经费。

二十三年，十二月，谕淮商公捐经费全数拨发，加给操练水师津贴。

二十四年，十月，壁昌奏：英夷就抚案内，有五十万先由上海绅商捐助，今据文柱详，此项捐数绅商续捐银三十六万两，请奖。允之。

二十五年，五月，壁昌等奏：海疆捐输，江宁官绅、商民捐银五十四万五百九两。

九月，江宁布政使护江苏巡抚陈继昌奏：江宁藩库自嘉庆五年至道光二十五年共收捐监银三百六十万两。

二十九年，六月，两江总督陆建瀛奏省城居民房屋被淹，劝捐抚恤。

三十年，七月，予坐补苏松太道吴其泰劝捐出力奖。

咸丰

三年二月，命江苏绅士前赞善赵振祚、编修冯桂芬等，办理团练捐输。

八月二十三，向荣请苏、常捐局仿八折收捐，下户部议。

二十八，准江苏将各属捐项充军饷。

四年，三月，谕怡良等就江南情形，劝谕绅董筹办厘捐。

按《靖江县志》载，苏省各州县捐军需银钱颇详，兹汇录备考。

三年四月，捐军需，知县齐在镕奉札劝捐钱一万九千八百缗，分解各营，循例叙奖。

是年，江南开办实官捐，由户部发部文、武职空白执照。

四年，续捐军需。

时江苏布政使发空白部监照，饬知县冯誉驹劝捐，缴银两若干解藩库。

均见《靖江县志》。

六年，七月，常镇道委员捐军需。

捐军需钱一千七百缗，解送粮奖叙捐户十五人从九职衔。《靖江县志》

七年，二月十七，以怡良等奏江苏捐输军饷已逾百万，潘曾莹等予奖有差。

五月十五，江苏巡抚赵德辙奏江苏遵办捐、借兼行。

五月，捐军需。

常镇道乔松年檄委齐在镕劝捐军需钱一万千缗有奇。《靖江县志》

闰五月，以扬营缺饷，谕何桂清等办上海劝捐。

八月二十一，以江苏山阳县捐输军饷，永广学额四名。

十一月，以捐输军饷，永广东台县学额四名，兴化一名。

八年，十月，捐解江北粮台添造炮船经费，江北粮盐运使乔松年札饬劝捐炮台经费，靖邑派捐实二千两，如数清缴，批解有案。《靖江县志》

十月十六，以巴栋阿奏，谕扬属八州县房捐、亩捐归江北粮台办，通、海等五厅县亩捐归镇防饷需。

十一月，捐解江南粮台接济镇营兵糈。时洪军肆扑，镇江官兵口粮缺乏，江南粮台札饬捐米接济，每石照漕斛折价二千二百文，随缴运脚钱一百二十文。

是年，劝办捐、借。时江南、北军需紧急，总办筹饷局札饬劝办捐、借，以济军饷。靖邑共捐借实足制钱二万八千三百三十九千二百九十文，均经解批回有案。《靖江县志》

咸丰八年，七月，以捐输军饷，永广铜山学额二名，宿迁一名。

九年，正月，以捐输军饷，永广江苏长洲、元和、吴县学额各三名。

三月，以捐输军饷，永广江苏如皋、金山学额三名。

四月，以捐输军饷，永广青浦、溧阳学额各二名。

十月，以捐输军饷，永广泰兴学额二名。

十年，八月，允道员吴文锡办理扬州劝捐事宜。

同 治

元年，四月，复起典捐。藩札饬起典捐济饷，自咸丰六年起，至十年四月止，共捐解制足钱三千四百五十六千文。兹复札饬办典捐，自同治元年四月起，至三年六月止，共捐解制足钱一千一百二十千文。均批回奖叙有案。《靖江县志》

二年，捐解沪营兵米。时沪营军需紧急，督办捐输局署常镇道许道身饬办米捐以济兵食，齐在镕会委劝办，共解过制足钱八千一百三十八千文。又遵饬开支委员盐折局用公费钱二千五百二十六千文。批解报销有案。《靖江县志》

三年，统捐军需。二年十一月，奉江宁布政使乔松年札饬淮、汴、镇、扬等处兵米统捐，知县齐在镕稟请求免未准，共实捐解库平银二千九百八十九两。有批回存案。《靖江县志》

正月四日，以捐输军饷，广兴化县学额四名。二十九日，以捐输军饷，广清河县学额三名。

五月，广盐城学额七名，高邮三名。

九月，以捐输军饷，广海州学额六名，靖江二名。

是年，两江总督曾国藩奏开办金陵善后捐输，按照筹饷新例减成给奖。见《李文忠集·同治五年江北大水成灾请另筹捐项奏》。

是年，五月，予苏州府属按租捐助军饷续报请奖。

四年，四月，以捐输军饷，广太仓学额□名，崇明十名。

六月，广上海文、武学额各四名，宝山各二名。

五年，十月，署两江总督李鸿章奏：江北大水成灾，请另筹捐项，以赈灾黎。

原奏略曰：

上年，金陵善后捐输均经奏准，按照筹饷新例减成给奖。此次捐输，事尤重大，若不优予奖叙，难期踊跃。应请援案照例银递减二成，准报捐实职、虚衔、封典、翎枝等项；如本身不愿请奖，并准移奖子弟亲族，由司先给实收，随时造册报部，换给执照。其贡监职衔，拟查明藩库有无旧存空白部监各照，先行填用。仍并单咨部，如蒙俞允，当即飭司赶办。

光 绪

二年，闰五月，江苏巡抚吴元炳奏江宁藩库欠放各省官养廉给票抵捐案内，将报捐合例官生截作第四次请奖。

是月，漕运总督文彬奏：查明捐局未经停止以前所收银两钞价，分缮清单请奖，钞一千折收银一钱。

八月，两江总督沈葆楨奏：淮商捐输，请仍照清水潭成案办理。

四年，停实官捐。

五年，五月，江苏巡抚吴元炳奏历年所收捐项及分解各省数目，详细开单咨部，并将十七、十八两案分别咨部核奖。

六月，两江总督沈葆楨奏江宁捐局分别展限。

十年，江苏办海防实官捐。

十三年，江苏办郑工实官捐。

十四年，四月，两江总督曾国荃奏准商捐输请奖。又奏办苏、皖赈捐。

十五年，三月，两江总督曾国荃奏停止赈捐日期。

十二月，两江总督曾国荃奏江苏、浙江被灾极重，拟仍开办赈捐。

原奏略曰：

臣奏办江苏、安徽赈捐，经部臣议准，凡捐封典、虚衔、贡监，均照常例减五成给奖。翎枝三品以上，捐银二千两；四品以下，捐银一千两给花翎，五百两给蓝翎。限半年截止，由臣填发实收，将副实收随册送部，由部核准，颁发执照。于正捐毫无所碍，于灾民裨益良多。现与司道再四筹思，拟即循照此章，续行开办半年，由臣派员及咨邻省各督抚广为劝募。

十八年，刘坤一等奏准江宁、扬州各属，因旱成灾，开办赈捐。

二十二年，四月，刘坤一等奏：十八年赈捐集款至一百二十余万两。

二十三年，刘坤一等奏准淮、徐、海等被水成灾，开办赈捐，予限一年。

二十四年，刘坤一等奏：淮、徐、海复被水灾，工、赈并举，需款浩繁，请照原章展限一年。 阁钞奉朱批：著照所请。

二十六年，闰八月，两江总督刘坤一等奏明开办助饷捐输，照新海防例减成核奖。

二十七年，三月，刘坤一等奏助饷输捐银，截至二十六年底止，共劝集四十四万余两。

四月十三，两江总督刘坤一等奏准江宁筹饷捐输，仍照秦、晋两省办捐成案，敕部颁发空白执照。

先是，二十七年正月十六，两江总督刘坤一等奏略曰：

江宁开办筹饷捐输，业经奏奉谕旨允准，饬属一体筹劝，设局开办。现在时局未定，一时固难筹办，即使按卯详咨，而行在部案未齐，恐亦无从核办，颁照无期，捐务终难起色。查山西、陕西办理赈捐，业已仿照咸丰三年成案，颁发五品以下实官空白执照。近年捐输已成弩末，惟有仰恳敕下户部，照秦、晋赈捐成案，颁发文职五品以下空白执照二千张，武职五百张，存臣衙门，由局造送履历清册，呈送副实，收时在衙门加盖关防，饬局填发。奉朱批：户部知道。旋准行在户部咨，以江宁

劝捐筹饷虽属孔亟，较之秦、晋赈捐情事不同，未便一律颁发空白执照。致与赈捐有碍，应仍令先发实收，俟奖册到部，核明赶颁执照。等因。臣查江苏奉拨款项最为繁重，近年以来，厘金抵还外债，外省拨补之款，大都无着腾挪，因竭蹶万分。若不及早变通，徒有开捐之虚名，终无筹饷之实济。江南滨海临江，防务紧要，非他省情形可比。且此项饷捐奏准一半济饷，一半解部，惟有仍恳特敕户部颁发文、武职空白执照，庶与捐务、饷需两有裨益。奉朱批：着照所请，户部知道。

二十九年，闰五月，两江总督魏光燾奏报江宁筹饷捐输办竣，查明收支数目。

原奏略曰：

宁省于二十六年遵旨开办筹饷捐输，经前督臣刘坤一奏明所收捐款，以一半解部，一半留为本省添军办防之需。嗣因江苏猝被水灾，奏请截留解部一半之款，以济赈抚，先后奉旨允准。查全案共收捐款库平银一百二十万七千四百四十两，共放饷需及赈抚各款计库平银一百一十四万九千四十六两，尚存银五万八千三百九十三两。据各处呈报，均系实用实销，余存银两已解交司库，作三省师范学堂之用。奉批：户部知道。

二十九年，十月，两江总督魏光燾奏江苏前办淮、徐、海等属赈捐报销完竣，拟将出员绅悬予分别保奖。

原奏略曰：

光绪二十三、四等年，江苏淮安、徐州、海州等处迭被水灾，随办水灾，筹办赈抚。经前督臣刘坤一先后奏蒙恩允，截留漕粮，饬拨各省昭信股票等银赈济，并照顺天等省章程，设局开办赈捐，遴派委员，分赴各省，广为设法筹劝，工、赈并举，以济灾黎。续又奏准前项赈捐展办一年，所收捐款及支销各数，业经分别清单奏报，经部复准。当日灾区既广，为日又久，捐款所集或分拨抚恤，或以工代赈，或接济平糶，以及采办米面、豆饼、薯芋、棉衣等项，兼拨济皖省赈款。截数清厘，拨还归垫，皆须时日。今核统收各捐，共支销库平银四百三十九万余两，除截留漕粮、昭信股票、彩票抽厘、各省协济，及前奏奖各员官绅捐助等银一百三十余万两外，计外省、本省各官绅劝集银三百余万两，皆官绅等不辞劳瘁，得以集成巨款。仰恳俯准前办淮、徐、海等属赈捐在事各员绅，由臣分别保奖，以示鼓励。奉批：着照所请，该部知道。

三十一年，署两江总督周馥等奏准江南工、赈紧要，开办赈捐。

九月二十一，江苏巡抚陆元鼎奏沿海各厅、县风潮为灾，筹办赈抚需款甚巨，请附江南工赈捐输，各为沙洲赈捐分拨济用。

三十二年，十月，两江总督端方等奏，苏省各州、县水灾极重，筹办赈抚需款甚巨，请展办赈捐一年。并援湖北、湖南成案，加办七项常捐，藉资凑济。

三十三年，十二月，两江总督端方等奏：江北水灾第一案报销，收到恩赏部款、官赈、捐借各项银三百八十七万四千二百六十两，又收义赈捐钱九十五万二千一百七十文，共支留养遣、冬赈、春赈等项银五十四万六千四百八十二两，钱六百八万七千九百七十四千七百文。内以义赈九十五万二千一百七十文抵支外，其余钱五百十三万五千八千七百文，合银三百三十一万三千四百二十四两，共支银三百八十五万九百四两。

宣 统

元年，两江总督张人骏等奏准开办赈捐。
按度支部议复：自宣统二年正月，起，予限一年。

二年，两江总督张人骏等奏准以前请开办赈捐限满，请展一年。

附 奏 疏

张之洞劝令盐商集捐专备海防折

光绪二十一年二月

窃照光绪二十年十月二十日，准总理衙门来电：奉旨：张之洞电奏拟援案劝令盐商集捐百万，照海防例给奖，专备江南海防之用等语，着照所请办理。等因。钦此。遵经札饬两淮盐运使江人镜钦遵，传集商人，妥为劝办去后。

兹据详称：淮南、北商贩共认捐银一百万两，内淮南、湖北、湖南、江西、安徽四岸各商共摊捐银七十八万两，江宁、扬州等属食岸各商共摊捐银二万两，淮北票贩共摊捐银二十万两。自光绪二十一年三月起，尽一年之内，每三个月为一限，分四限缴清。等情。详报前来。

伏查近年淮销疲滞，捐输重叠。本年又令淮南运商预征盐厘一百余万两，商力迥不如前。当此积困重累之余，复因江南本省海防紧要，公同捐集巨款，各该商上感国恩，下卫桑梓，深知大义，实堪嘉尚。除飭查照现章随时给奖外，所有淮商捐输济饷缘由，理合恭折具陈。

朱批：户部知道。

张之洞江苏并无勒借派捐折

光绪二十一年四月

窃臣等承准军机大臣字寄，光绪二十一年二月二十五日奉上谕：有人奏江苏勒借派捐，请旨严禁，并将办理不善州县惩处一折，据称：江苏州县办理捐、借两事，于上年冬间各绅商等陆续呈缴款项后，现又奉檄筹办，搜括无已。有款已交官不准作数，勒使重出者；有措缴未齐，签派多差，到门守提者；有无力完缴，编管家属者。挨门搜查，市井骚然。等语。捐、借绅商款项，原系朝廷不得已之举，各疆臣等如能办理得宜，凡属食毛践土之伦，无不急公奉上。若如所奏各情，骚扰腹削，厉民病商，殊失始事本意。着张之洞、奎俊认真查明，果有前项弊端，即行从严申禁，并将办理不善之州县分别惩处。总宜妥筹劝办，仍以固结民心为主，不准抑勒苛求，藉端扰累，致遭众怨。原折着抄给阅看，将此由五百里各谕令知之。钦此。臣等跪诵之下，惶悚难名，当经钦遵札行两藩司、筹饷局，转饬确查严禁。并先准部咨，以外省不准按漕粮加捐，及房捐宜加体恤两条，咨行查禁，亦经照行司属严切查禁在案。

兹据江宁藩司瑞璋详称：前奉行令筹款济饷，当就宁属情形酌拟章程三条：一、饬官员报效；一、捐典辅月息；一、劝绅富捐输。详蒙前督臣刘坤一奏准开办。除官捐本归自筹，典捐系按架本提缴外，其绅富捐一项，系经筹饷劝捐局派员分赴各属，会同地方官，以捐奖章程善为劝导，悉听量力乐输，不准稍涉抑勒，从无于地丁漕粮项下加收之议。即苏属续奏章程，议提漕粮公费每石五十文，亦系取之于官，并非取之于民。宁属因漕粮向征折色，并无公费名目，是以官捐条内州县亦未曾拟定捐数，但属其量力竭诚捐助。至房捐一节，本拟仿照苏属章程试行，因体察目前海防多警，市廛不甚繁盛，未经举办。

又据江苏藩司邓华熙会同筹饷局详称：去年十月奉文开办息借，奉派候补道员汪福安、沈玉麒、丁兆基、周莲等，督饬地方官绅，在四府一州分提劝办殷实之户。因事属创始，未解如何归还之法，其初多不愿出借。经明白晓譬，遂酌量输借，并无违言。截至年底止，绅富只借银三万六千八百两。原奏内称苏州集至七十余万，盖并官借之九万、典商之二十五万、积谷公款之三十七万合而言之，其实绅富所借并不甚多。原奏又称款已交官，不准作数，勒使重出。查绅士为商民表率，劝借必先向商议。顾全大局者固自乐从，间有不明事体、匿而不面，或饰词搪塞，动因一二人稽阻，致阖邑观望。该县、委等往复邀请，或劝令增加，自是事理所有，实无如原奏所云到门守提、勒使重捐之事。究之，有印票之给执，有重息之归偿，吝嗇于前者现皆乐输于后。查允借各户多由官绅互劝，各量产业丰约，与商借数多寡。至谓无力完缴，编管家属，即使鹵莽州县亦不敢暴戾至此，况拖欠钱粮犹未闻逮系家属，安有不得已之息借转忍加以编管？虽江苏州县劝借情形难易不同，而苛虐结怨固未有也。至苏省肃清以后开征漕粮，同治年间前督抚臣严禁浮收，因州县办公无资

，奏定完漕一石，随缴公费一千文，历经循办多年。近年因常、镇被灾，奏明由州县在前项公费内，每石出钱五十文解济赈需，事竣给奖。此次奉飭筹捐，因令州县仍循赈捐成案，照捐一次，与民间无涉。今以州县解囊急公，而谓之加收漕米，大非事实。至铺户房捐一节，前经详请奏明，普办两个月以济饷需，准其汇奖。目下甫议举办，系飭各州县谕派公正绅董查明城乡铺户，先捐房租一个月，刊发司印收票，不涉书差之手，无从索扰。等情。先后详复前来。

臣等复加查核，该司局等所详，均系实在情形。查询印、委各员，所禀亦俱相同。除宁、苏两藩司劝办各款外，则上海捐、借各项皆上海道劝导各大行商，并由官倡捐、倡借，始得渐有成数。查上海情形，华、洋错处，官、商杂居，所有富绅巨贾大率捐有二、三品职官虚衔，或兼充各省局差，意气甚盛，平日与上海道分庭抗礼，厅县更不待言。此次议捐议借，皆经上海道转邀各绅，优礼延请，委婉劝商。各行久在沪上，深知海关借票税司签字为可信，故借数较多。若谓上海富户地方官敢为抑勒，胥吏敢于守提，尤为必无之事。臣等渥荷圣恩，同膺疆寄，深知养卫民之兵，必先施恤民之政。且分驻宁、苏，耳目尤近，如果地方官有因捐病民，断不至毫无见闻。原奏所云江宁、苏州省城内挨户编查，横搜大索，似乎无此情理。此非捕盗诘奸，何为有挨查大索之举？即开办数月以来，臣等衙门查无上控勒捐之案。现在宁属劝办之数较少，苏属所收较旺，然款分数等，出于绅富之捐者为数亦不甚多，其无操切从事，实堪共信。且臣之洞先经奉到上年十二月十八日谕旨，以江南地方奉行不善，飭令查明严参等因，正在查禁复奏之间，岂有复行严檄，转加勒派、搜括之理？惟是江省辖境甚广，耳目或有难周，臣等当再行分飭承办印、委各员，不准稍有抑勒、苛求情事。若有如言官所指各节，定即严参示惩，不敢稍涉庇纵，以仰副圣主安富恤民之至意。

朱批：知道了。

张之洞严杜捐借扰民片

光绪二十一年四月

再，捐、借充饷一事，前于上年十二月钦奉寄谕，有人奏江南地方奉行不善，飭臣查明，如有前项情弊，即着指名严参。等因。钦此。当经确切详查。正在复奏间，续奉本年二月二十五日寄谕：有人奏：江苏勒借派捐，请旨严禁。等因。钦此。跪诵之余，仰见圣主轸念民艰，严惩苛扰，尤为倣切。而原奏所陈病商厉民各情形，皆属罕见罕闻之事。且谓种种骚扰弊端，皆由臣严檄苛求所致，尤深惶悚。除会同抚臣奎俊查明另折复奏外，特是微臣筹办捐、借实在情形，有不得不缕晰陈明者，敬为我皇上陈之。

伏念臣自去冬到江南以后，正值军务日紧，征调日繁，军火转运，劳费百端。司关

正杂款项，皆有应支、应解定额，无可挹注，而出款顿增数百万之多，一时委难筹措。臣力持款宜急筹、捐宜缓办之议，于十一月十一日、十二月十九日迭次电奏在案。每当接见司道各局，痛切言之，诚以用款为急不可待之需。惟借自外洋，则款巨而仓猝可集，捐款乃日后补苴之事，惟徐为筹划则力纾而操切可除。是以臣于各属劝捐一事，从未行一严批，下一催檄。而州、县禀陈抗捐之案，如元和县道员陆同寿家赀百万，捐、借两事，屡劝不应，城乡官民公论皆以为非；又奉贤县附贡生陈麟并伊孙举人陈鸿翊，身为首富，丝毫不捐，而且不知大义，语言悖谬，沮惑捐生，各据该县禀请训饬儆戒。臣以重利轻义，世俗恒情，若予严批，必至奉行操切，至今并不批复，案牍具在。又通州及淮安官绅禀请仿照咸丰年间章程，每亩输捐，经臣批驳。又苏属各州县经江苏藩司遵奉部文，提积谷存本作为息借，已提银五十余万两，然因丹徒灾赈之余，臣复批令留县，勿庸提借。而宁属各州县经江宁藩司屡请仿办，臣即未允照行，至今分文未提。盖以备荒之款，亦固本要需，将来筹补艰难，未可轻动。其房捐一款，系本任督臣刘坤一会同抚臣奏准之案，苏属奉准部复后，即议举行，去冬经臣电饬前署江苏藩司黄祖络暂从缓办。今又据江苏藩司详明开办，臣尚未经批答。至宁属则臣与藩司近在同城，饬令缓办，至今并无举动。以上各节，省内、省外各衙门皆有案牍可查，是臣于抗捐巨户尚不苛求，何至搜括及中人之产？房捐奏准之案，积谷现存之款，尚未举办，何必取盈于追比之劳？至原奏所谓本任督臣刘坤一会奏筹捐案内，每漕米一石加收钱五十文，此乃官捐之款，出之州、县应得收漕公费，与民捐无涉，实无加收分文之事。至江北州县捐输，因淮、海、清江一带防务方亟，除初解一批外，大率俱令留充本地团练经费，未经提省。以官发实收给奖之款，而留为民间自卫桑梓之需，是体恤民艰之苦衷，似亦可以概见。臣所饬筹办者，惟奏明劝谕两淮盐商公捐海防经费，及照前任奏案劝令典商捐缴一月息钱，及委员携带实收分赴各省劝办海防捐输三事。盐商之捐，由运司查照成案，令场、岸各商自行分认，无劳督责。典息之捐本系殷商，又有架本可查，无须苛扰。各省实收之捐，设局招徕，悉听捐生自便，无从抑勒。

再，查江苏省向章，江宁藩司所属各府县由总督主政，江苏藩司所属者由巡抚主政，藩司更系各有专责。今宁属捐、借各事，既大率皆未举办；宁属截至二月底止，计开办半年，仅收绅富捐款六万一千余两，借款一万一千两。收数止于如此，其有无骚扰，固已显然。至苏属捐、借较多，然大宗皆系典商及提用积谷之款，出于富户者亦不甚多。抚臣奎俊素性谨慎和平，臣敢保其断无凌厉抑勒之事。以上各节，皆凿凿有案可稽，有数可核，非能虚饰。其是否骚扰腹削，当在圣明鉴照之中。

臣虽为外吏，本系迂儒，深知固结民心，乃可捍御外患。且到任未久，无德及人，纵无干誉之心，亦岂肯故为敛怨之事？若谓臣过于拘泥矜慎，不能猝筹巨款，则诚有之；若谓肆意苛求，似与臣用意正谓相反。原奏所云各节，何以讹传力诋至于如此之甚，臣实未解其故。总由臣德不足以孚士民，才不足以裕财用，叨窃非分，致召人言。惟有痛自咎责，益加循省。但宁、苏两属州县甚多，地方有司或有办理未能得法，以致流播讹言，自当严行查禁，以杜流弊。已由臣通行各属严切禁止，一面

遴委妥慎可靠之员六人，分赴各府州县密行确查。如有借、捐扰民之员，即当从严参办，以仰副朝廷恤民剔弊之至意。

朱批：知道了。

张之洞请将江省所收捐款全留分拨军用折

光绪二十一年七月

窃准部咨：议核推广捐例一案，行令将实官、虚衔分别造报，请将虚衔归筹饷新捐所收，捐款准其一半留用、一半听候部拨；实官应归新海防捐所收，捐款均应全数解部，不准截留。等因。当经咨行遵照去后。

兹据总办筹饷劝捐江宁布政使瑞璋等称：江宁绅富捐输仍请准奖实官，业经详请具奏在案。惟存留报拨一节，前因倭事初起，东北用兵，钦奉谕旨飭令就地筹款。经本任督臣刘坤一酌议官报捐、绅富捐、典息捐章程三条，声明一半留备部拨，一半留为本省筹防之用。奏奉朱批：户部议奏。钦此。经部议核：如有绅富捐银一万两以上者，准专折奏请特恩奖叙；其在一万以下及典息捐钱，俱准照新海防例，奖给实官、虚衔、封典，暨准移奖子弟，以昭激励。并称集有成数，赶紧报部，分别留用备拨。等因。于光绪二十年十月十二日具奏，奉旨：依议。钦此。咨行前来。则是江南筹饷局所收绅富之捐，一半留用，一半候拨，久经户部议核，奉旨允准在案，本与他省情事不同。惟因本任督臣具奏之时，仅止陈浞、程文炳两军奏调北上，用项无多，此项捐输专为本省筹防，是以仅请留半。嗣后防军奉旨北调，合计多至五十余营，月饷之外，又有车驼、皮衣及柴米价津贴，踵事而增，繁费无算，月计已需银二十余万两。加以本省招补增募江海兼防水陆一百余营，月计又需银数十万两。又以重价密购大批军火，分济前敌诸军，节次议立购运等局运送饷械，费用太繁，是以又有详请全数截留之奏。查每月所收捐数，汇算不过五、六万两，即以全济北军，亦仅敷月饷十分之二、三，则所请南省分半之说，止系奢望空言，并无济用之实。乃因湖南开办筹饷新捐，部议照顺直赈捐给予虚衔奖叙，及因议核江西绅富捐输请奖一案，咨令实官归新海防捐，虚衔、封典等项归筹饷新捐，实官捐全行解部，通行各省照办。奉文之始，窃以为湖南、江西在腹地，并无海防，固与南洋迥异。且续奉之案，似与先经专案奉准者不同，前项通行江南，应不在内。今奉部咨，亦令一体照办，不胜彷徨焦灼。细绎历奉部文，海防捐实官旧例也。筹饷新捐奖叙虚衔等项议复，湖南通行之新章也。江省绅官等捐准照新海防例奖给实官，分半留拨，则又奉准复之专案也。今以江西驳案，而令江省亦分别虚衔、实官，一归筹饷案内造报，一归海防案内造报，筹饷者一半留拨，归海防者全数报解。是原奉部议，尚系不问虚衔、实官准留一半，今改为虚衔准留一半，则可留者益少。夫以江苏一省供支南、北各军饷需之巨若彼，而本省准留捐款之微若此，窃恐杯水车薪，于饷路无济矣。现在海防虽已解严，而目前之月饷，与夫裁官资遣等费，尚属不

费。每月凑解北军饷项十分为难，屡向东征湘军两粮台挪借垫欠，为数甚巨，尚须设法筹还。若再腾出捐款报解，更属无从措手。即如安徽北上练军奏动漕折，湖南奉调勇营奏动库款，他省正项尚准留拨，乃独至江省捐款系由外省劝导所得，转不得留为供支军饷之用。查此项捐款，既系供支军饷，为户部省饷，实与解部无异。乃亦不准留用，较之湘、皖成案，似未持平。且原议两歧，外省无所适从，诸事艰于筹办。等情。详请具奏前来。

臣复查江南用繁饷绌，委系实在情形。所收捐款准奖实官，须分半留用，原系部议复准。且此款不过凑解奉调北饷二、三成，江南并未支用，是今日并无用之事实，与全行解部无殊。合无仰恳天恩，俯念奏准有案，准全留江省，专以凑拨北军饷需。至江南本省军饷，断不分用其半以贍征军，而符原案。如将来收数畅旺，每月可收十万两以外，必当划出解部，断不敢再行请留。似此另拟办法，其迹虽系请留江省供支，其实与部臣慎重实官，注意近畿饷需之意，尚不相左。不胜急切待命之至。

朱批：户部议奏。

张之洞办理团防情形折

光绪二十二年正月

窃照上年东洋构衅，扰及山东。南洋襟带毗连，如海州、赣榆，即系南来始境；阜宁、盐城，亦滨海要区；沭阳、安东，为海、赣后路：皆清淮屏蔽，南北运道攸关。由盐城、阜宁而南，则东台、如皋以及通州、海门均属沿海，而海门、通州尤为由海入江门户。内扬州、里下河盐米利源所在，关系更重，必须择要扼守，节节严防。

勇营分布难周，全赖团练弥缝其阙。方军事初起时，即已飭令各该地方官筹办。迨后，海氛日逼，人心惊惶，屡次奉旨飭令筹防。经臣派委江苏候补道李镇邦、陆元鼎、钱德培分督往办。因练丁应给口粮、旗帜、枪械，与夫筑堤开濠工费，一切需款甚巨。时值饷需极绌，公中兼顾为难，不得不藉资民力。经臣奏请，仿照江宁饷捐章程，劝令绅民捐助，给奖实官、花样等项。旋经部议，准照筹饷新捐例，给奖虚衔、封典、贡监、翎枝，通行遵办。顾当军情紧急之际，供支日见浩繁，捐户不无畏阻。复经臣札飭总办筹饷捐局熟悉沿海盐场情形之江南盐巡道胡家桢遴派委员，分赴沿海各州厅县场，劝令绅富量力输助。并会同原派印、委相度地势，激励士民，于近海港岸多挖长壕，广筑堤墙及土炮台，并暗埋水、旱雷。其紧要处所，简练团丁，分段设守。海口之可通出入者，则令渔船轮流出洋侦探。布置渐密，操防益严，具有众志成城之象。各处绅富知保卫地方即以自顾身家也，于是慷慨捐输，各竭其力。综计北自海、赣，南迄海、通，延袤千有余里，练丁一万八千余人。前

后支持或三、四月，或五、六月。除帐棚、枪炮、药弹等项，并臣酌发赏犒，系由支应局等处拨给外，凡团丁口粮、土造枪械、旗帜、平时操赏杂支，无不取给于捐款。

又淮南之清江浦，扼南北运道之冲，经淮扬海道谢元福禀明，修筑土坝炮台，凭河屯守，亦系就地筹捐拨济。

四月底，和议就緒，海防解严，汇核用过经费，共银三十三万三千一百八十二两一钱六分。据各该印、委开报，由筹饷劝捐局、司、道复加查核，均属实用实销，毫无浮冒。详请援照近年赈捐办法，开单请奏前来。

臣惟团练所以补兵力之不及。溯自威海失陷，江南沿海各邑风鹤频惊，勇营扼要驻防，每虑顾此失彼。幸有民渔盐场各团练同仇偕作，踊跃从公。款则官劝民捐，事则官督民办，虽未交绥接仗，而沿海数百万居民得以安堵，不至惊窜流离，实赖团练维持保障之力。合无仰恳天恩，俯准将用过经费援照赈捐成案，敕部照销，免其造册，以示体恤而省案牍。除捐助团费各户照章开造履历，另行咨部给奖外，所有淮、海、扬、通、海门等属团防经费动用民捐各款，谨援案开缮清单，恭折具陈，伏祈圣鉴，饬部核议施行。

朱批：该部议奏，单并发。

刘坤一毓贤南洋华商投效江苏山东工赈银两

业已拨清谨将劝办出力员绅拟给奖叙折

光绪二十五年十一月

窃于光绪二十四年十二月十四日奉上谕：李鸿章、刘坤一、张汝梅奏出洋华人投效工赈巨款恳恩给奖一折，本年山东、江苏地方连被水灾歉，需款浩繁。据道员李征庸等禀：据南洋各埠华人李戴清等电称：约集出洋经商华人报效山东、江苏工、赈银各二十万两，共银四十万两。等语。李戴清等身在外洋，心存乡国，慨捐巨款，实属深明大义，有裨时局，自准其按照银数给奖，以示优异。等因。钦此。当即转行钦遵，派员将前报效银两分起运解济赈，一面查造各捐者履历，分起咨奖。现已结报完案。

查赈捐久成弩末，专恃銜封贡监，所捐无几，非收集巨资，无以应急。上年冬间，江苏、山东被灾地方宽广，待赈孔殷，迭次蒙恩拨帑截漕，并本省、外省劝募赈济。无如灾黎甚众，为日方长，深恐未能普遍。幸经道员李征庸、洪恩广分派委员，驰赴南洋商埠，竭诚谆劝。旋据李戴清约集出洋经商华人，共同报效银四十万元，

先行垫解分济。地方工、赈万难措手之时，得此巨款接济，于灾区深资利赖，饥民全活甚多。各该委员远涉重洋，先则多方劝办，继则解款络绎，终始在事出力，其劳绩诚不可泯。查直隶省前次办理赈捐出力人员，系按劝捐二万两保奖一员有案。今前项报效工、赈银四十万两，既经结报完竣，自应照章请奖，以昭激励。谨择其尤为出力者二十员，拟请给予升阶、升衔，核与寻常劳绩章程相符；所保员数，按照银数给奖之案，亦无浮滥。据直隶候补道洪恩广开单详请具奏前来。

臣等复核无异，谨将拟保各员衔名缮具清单，恭呈御览。合无仰恳天恩，俯念该员绅远涉重洋，劝捐济赈，著有微劳，准予照拟给奖，以示鼓励。除飭取该员等履历另行咨送吏部查照外，谨合词恭折具奏。

第十一卷 漕运一

虞 夏

《汉书·沟洫志》：禹堙洪水十三年……自是之后，荥阳下引河东南为鸿沟，以通宋、郑、陈、蔡，与济、汝、淮、泗会。于楚，西方则通渠汉川、云梦之际，东方则通沟江、淮之间。于吴，则通渠三江、五湖。

西 汉

郑当时为大司农，言异时关东漕粟，从渭上渡，六月罢。而渭水道九百余里，时有难处，引渭渠起长安旁南山下，至河三百余里径易。上以为然，令齐人水工徐伯表发卒数万穿漕渠，三岁而通以漕，大便利。《文选》班孟坚《西都赋》：东郊则有通沟大漕，溃渭洞河，泛舟山东，控引淮湖，与海通波。

后 汉

《水经注》卷十六：谷水又东，屈南，径建春门石桥下，即上东门。桥首建两石柱，桥之右柱铭云：阳嘉四年乙酉、壬申，诏书以城下漕渠，东通河、济，南引江、淮，使中谒者魏郡清渊马宪监作石桥梁柱。敦敕工匠，尽要妙之巧。攒立重石，累高周距，桥工路博，流通万里。云云。又：自乐里屈而东，出阳渠，又东，径马市石桥。汉司空渔阳王梁之为河南，将引谷水以溉京都，渠成而水不流，故以坐免。后张纯堰洛以通漕，洛中公私穰赡。是渠今引谷水，盖纯之所创。亦谓之九曲渎。九曲渎在河南巩县西，西至洛阳。傅畅《晋书》：都水使者陈狼凿运渠，入注九曲，至东阳门。按：晋之运渠亦由谷水。

晋

《晋书·荀美传》：美退下邳，慕容兰以数万众屯卞城，甚为边害。美自洗水引汶通渠，至于东阿以征之，临阵斩兰。

《建康实录》：晋孝武帝太元九年，八月，诏谢玄出屯彭城，经略中原。玄率诸军堰吕梁山树栅，立七埭为派，拥二万之雍，曰一岸之流，以利运漕。进代青州，故谓之青州派。

隋

《隋书·文帝纪》：开皇七年四月庚戌，于扬州开山阳渎，以利运漕。

大业元年，三月丁未，营建东都。辛亥，发河南诸郡男女百余万，开通济渠，自西苑引谷洛水达于河，自板渚引河通于淮。

唐

唐都长安，而关中号称沃野，然其土地所出，不足以给京师、备水旱，常转漕东南之粟。

初，江、淮漕租米至东都输含嘉仓，以车或驮陆运至陕。而水行来远，多风波覆溺之患，其失常十七八，故其率一斛得八斗为成劳。而陆运至陕，才三百里，率两斛计佣钱千。民送租者，皆有水陆之值，而河有三门、底柱之险。

开元十八年，宣州刺史裴耀卿朝集京师，玄宗访以漕事，耀卿条上便宜，曰：江南户口多，而无征防之役。然送租、庸、调物，以岁二月至扬州人斗门，四月以后，始渡淮入汴，常苦水浅，六七月乃至河口，而河水方涨，须八九月水落，始得上河人洛，而漕路多梗，船檣阻隘，江南之人，不习河事，转雇河师水手，重为劳费。其得行日少，阻滞日多。今汉、隋漕路，濒河仓廩，遗迹可寻。可于河口置武牢仓，巩县置洛口仓，使江南之舟，不入黄河，黄河之舟，不入洛口。而河阳、柏崖、太原、永丰、渭南诸仓，节级转运，水通则舟行，水浅则寓于仓以待。则舟无停留，而物不耗失，此甚利也。玄宗初不省。二十一年，耀卿为京兆尹，京师雨水，谷踊贵。玄宗将幸东都，复问耀卿漕事，耀卿因请罢陕陆运，而置仓河口，使江南漕舟至河口者，输粟于仓而去，县官雇舟以入河、洛。置仓三门东西，漕舟输其东仓，而陆运以输西仓。复以舟漕，以避三门之水险。玄宗以为然。乃于河阴置河阴仓，河清置柏崖仓，三门东置集津仓，西置盐仓，凿山十八里以陆运。自江、淮漕者，皆输河阴仓，自河阴西至太原仓，谓之北运，自太原仓浮渭以实关中。玄宗大悦。

《唐会要》：开元二十七年，十月，幽州节度使除李适之，又加河北海运大使。

按：杜甫《出塞诗》：云帆转辽海，稻粳来东吴。

（《通鉴》注：范阳粮五十四万石是也。）

又按：李适之前平卢节度已兼海运大使，见《文苑英华》左羽林大将军臧心碑。

广德二年，废句当度支使，以刘晏颢领东都、河南、淮西、江南东、西转运、租庸、铸钱、盐铁，转输至上都，度支所领诸道租庸观察使，凡漕事亦皆决于晏。晏即盐利顾佣分吏督之，随江、汴、河、渭所宜。故时转运船由润州陆运至扬子，斗米费钱十九，晏命囊米而载以舟，减钱十五。由扬州距河阴，斗钱费钱百二十，晏为歇艍支江船二千艘，每船受千斛，十船为纲，每纲三百人，篙工五十人，自扬州遣将部送至河阴，上三门，号上门填阙船，米斗减钱九十。调巴、蜀、襄、汉麻枲竹筱为绹挽舟，以朽索腐材代薪，物无弃者。未十年，人人习河险。江船不入汴，汴

船不入河，河船不入渭。江南之运积扬州，汴河之运积河阴，河船之运积渭口，渭船之运入太仓。岁转粟百一十万石，无升斗溺者。轻货自扬子至汴州，每驮费钱二千二百，减九百，岁省十余万缗。又分官吏主丹杨湖，禁引溉，自是河漕不涸。

按：海运自唐末又行。《旧五代史·钱镠传》：自唐朝以来，扬帆越海，贡奉无关。《王审知传》：每朝贡，帆海至登莱。

宋

宋都大梁，有四河以通漕运，曰汴河，曰黄河，曰惠民河，曰广济河，而汴河所漕为多。

开宝五年，率汴、蔡两河公私船，运江、淮米数十万石以给兵食。先是，四河所运，未有定制。太平兴国六年，汴河岁运江、淮米三百万石，菽一百万石；黄河粟五十万石，菽三十万石；惠民河粟四十万石，菽二十万石；广济河粟十二万石：凡五百五十万石。非水旱蠲放民租，未尝不及其数。至道初，汴河运米五百八十万石。大中祥符初，至七百万石。

江南、淮南、两浙、荆湖路租余，于真、扬、楚、泗州，置仓受纳，分调舟师，泝流入汴，以达京师，置发运使领之。

江、湖上供米，旧转运使以本路纲输真、楚、泗州转般仓，载盐以归，舟还其郡，卒还其家。汴州诣转般仓漕米输京师，岁折运者四。河冬涸，舟卒亦还营，至春复集，名曰放冻。卒得番休，逃亡者少。汴船不涉江路，无风波沉溺之患。后发运使权益重，六路上供米，团纲发船，不复委本路，独专其任。文移垒并，事目繁伙，不能检察。操舟者赇诸吏，得诣富饶郡，市贱贸贵，以趋京师。自是，江、汴之舟，混转无辨，挽舟卒有终身不还其家，老死河路者，籍多空名，漕事大敝。

江淮等路发运副使蒋之奇、都水监丞陈祐甫开龟山运河，漕运往来，免风涛百年沉溺之患，诏各迁两官。

张根为江南西路转运副使，岁漕米百二十万石给中都。江南州郡僻远，官吏艰于督趋，根尝存三十万石，为转运之本，以宽诸郡，时甚称之。

自熙宁以来，其法始变，岁运六百万石给京师外，诸仓常有余蓄。州郡告歉，则折收上价，谓之额斛。计本州岁额，以仓储代输京师，谓之代发。复于丰熟以中价收余，谷贱则官余，不至伤农，饥歉则纳钱，民以为便。本钱岁增，兵食有余。崇宁初，蔡京为相，始求美财以供侈费，用所亲胡师文为发运使，以余本数百万缗充贡，入为户部侍郎。来者效尤，时有进献，而本钱竭矣。本钱既竭，不能增余，而储积空矣。储积既空，无可代发，而输船之法坏矣。

天圣中，发运使方仲荀奏请度真、楚州堰于水闸，自是，东南杂运，直至京师，惟六路上供斛斗，犹循用转般法，吏卒糜费，与在路折阅，动以万数。欲将六路上供斛斗，并依东南杂运直至京师或南京府界卸纳，庶免侵盗乞贷之弊。自是，六路郡县，各认岁额，虽湖南、北至远处，亦直抵京师，号直达纲，丰不加余，歉不代发。谭稹上言：祖宗建立真、楚、泗州转般仓，一以备中都缓急，二以防漕渠阻节，三则纲船装发，资次运行，更无虚日。自其法废，河道日益浅涩，遂致中都粮储不继。淮南三转般仓不可不复，乞自泗州为始，次及真、楚，既有瓦木，顺流而下，不甚劳费。俟岁丰计置储蓄，立法转般。淮南路转运判官向子诬奏：转般之法，寓平余之意。江、湖有米，可余于真；两浙有米，可余于扬；宿、亳有麦，可余于泗。坐视六路丰歉，有不登处，则以钱折斛，发运司得以斡旋之，不独无岁额不足之忧，因可以宽民力。运渠旱干，则有汴口仓。今所患者，向来余本岁五百万缗，支移殆尽。

宣和五年，乃降度牒及香、盐钞各一百万贯，令吕淙、卢宗原均余斛米，专备转般。

靖康元年，令东南六路上供额斛，除淮南、两浙依旧直达外，江、湖四路并措置转般。

建炎二年，诏二广、湖南北、江东西纲运输送江宁府，福建、两浙路输送平江府，京畿、淮南、京东西、河北、陕西及川纲输送行在。又诏二广、湖南北纲运，如过两浙，许输送平江府；福建纲运过江东、西，亦许输送江宁府。三年，又诏诸路纲运现钱并粮输送建康府户部，其金银、绢帛并输送行在。

绍兴初，因地之宜，以两浙之粟供行在，在江东之粟饷淮东，以江西之粟饷淮西，荆、湖之粟饷鄂、岳、荆南。

元

元世祖至元二十九年，开通惠河，以郭守敬领都水监。

初，言水利有十一事，其一欲道昌平县白浮村神仙泉过双塔榆河，引一亩玉泉诸水入城，汇于积水潭，从东折而南，入白河；每十里置一闸，以时蓄泄。帝称善。复置都水监，命守敬任之。丞相之下，皆亲操畚鍤为之倡。置闸之处，往往于地中得旧时砖木，人服其识。逾年毕工，自是免都民陆挽之劳，上悦，赐名曰通惠。

至治三年，江浙行省言镇江运河全藉练湖之水为上源，官司漕运，商贩舟楫，无不由此以供亿。前朝尝浚此湖，潴蓄潦水，若运河水浅，开放练湖一寸，可添河水一尺。近年淤浅，以致递运不通，乞加修治。制河工毕，又置湖兵百人，专任修理。

至正十五年，江浙省臣乞减海运，以苏民困。户部定拟本年税粮，除免征外，其寺观并拨赐田粮，十月开仓，尽行拘收；其不敷粮，拨至元折中统钞一百五十万锭于产米处采一百五十万石，贮濒河之地，以听拨运。从之。

至元至天历海道岁运数表

至元二十年，四万六千五百石，至者四万二千一百七十二石。

二十一年，二十九万五百石，至者二十七万五千六百一十石。

二十二年，一十万石，至者九万七百七十一石。

二十三年，五十七万八千五百二十石，至者四十三万三千九百五十石。

二十四年，三十万石，至者二十九万七千五百四十六石。

二十五年，四十万石，至者三十九万七千六百五十五石。

二十六年，九十三万五千石，至者九十一万九千九百四十三石。

二十七年，一百五十七万五千石，至者一百五十一万三千八百五十六石。

二十八年，一百五十二万七千一百五十石，至者一百二十八万一千六百一十五石。

二十九年，一百四十万七千四百石，至者一百三十六万一千五百一十三石。

三十年，九十万八千石，至者八十八万七千五百九十一石。

三十一年，五十一万四千五百三十三石，至者五十万三千五百三十四石。

元贞元年，三十四万五百石，至如数。

二年，三十四万五百石，至者三十三万七千二十六石。

大德元年，六十五万八千三百石，至者六十四万八千一百三十六石。

二年，七十四万二千七百五十一石，至者七十万五千九百五十四石。

三年，七十九万四千五百石，至如数。

四年，七十九万五千五百石，至者七十八万八千九百一十八石。

五年，七十九万六千五百二十八石，至者七十六万九千六百五十石。

六年，一百三十八万三千八百八十三石，至者一百三十三万九千一百四十八石。

七年，一百六十五万九千四百九十一石，至者一百六十二万八千五百八石。

八年，一百六十七万二千九百九石，至者一百六十六万三千三百一十三石。

九年，一百八十四万三千三石，至者一百七十九万五千三百四十七石。

十年，一百八十万八千一百九十九石，至者一百七十九万七千七十八石。

十一年，一百六十六万五千四百二十一石，至者一百六十四万四千六百七十九石。

至大元年，一百二十四万一百四十八石，至者一百二十万二千五百三石。

二年，二百四十六万四千二百四石，至者二百三十八万六千三百石。

三年，二百九十二万六千五百三十二石，至者二百七十一万六千九百十三石。

四年，二百八十七万三千二百一十二石，至者二百七十七万三千二百六十六石

皇庆元年，二百八万三千五百五石，至者二百六万七千六百七十二石。

二年，二百三十一万七千二百二十八石，至者二百一十五万八千六百八十五石

延祐占元年，二百四十万三千二百六十四石，至者二百三十五万六千六百六石。

二年，二百四十三万五千六百八十五石，至者二百四十二万二千五百五石。

三年，二百四十五万八千五百一十四石，至者二百四十三万七千七百四十一石。

四年，二百三十七万五千三百四十五石，至者二百三十六万八千一百一十九石。

五年，二百五十五万三千七百一十四石，至者二百五十四万三千六百一十一石。

六年，三百二万一千五百八十五石，至者二百九十八万六千一十七石。

七年，三百二十六万四千六石，至者三百二十四万七千九百二十八石。

至治元年，三百二十六万九千四百五十一石，至者三百二十三万八千七百六十五石。

二年，三百二十五万一千一百四十石，至者三百二十四万六千四百八十三石。

三年，二百八十一万一千七百八十六石，至者二百七十九万八千六百一十三石。

泰定元年，二百八万七千二百三十一石，至者二百七万七千二百七十八石。

二年，二百六十七万一千一百八十四石，至者二百六十三万七千五十一石。

三年，三百三十七万五千七百八十四石，至者三百三十五万一千三百六十二石。

四年，三百一十五万二千八百二十石，至者三百一十三万七千五百三十二石。

天历元年，三百二十五万五千二百二十石，至者三百二十一万五千四百二十四石。

二年，三百五十二万二千一百六十三石，至者三百三十四万三百六石。

明

永乐元年，令于淮安用船运粮入淮河、沙河，至陈州颍溪口跌坡下，用浅船运至跌坡上，别以大船载入黄河。至八柳树等处，令河南车夫陆运入卫河输北京，变海运。

十二年，海运粮四十八万四千八百一十石于通州，又卫河攒运粮四十五万二千七百七十六石于北京，所谓海陆兼运者是也。一由江入海，出直沽口，由白河运至通州，谓之海运。一由江入淮、黄河，至阳武县，陆运至卫辉府，由卫河运至蓟州，谓之河运。

十三年，时会通河成，遂令浙江嘉、湖、杭与直隶苏、松、常、镇等府，秋粮除存留并起运南京及供给内府等项外，其余原坐海运之数尽拨运赴淮安仓。扬州、凤阳、淮安三府秋粮内，每岁定拨三十万石，俱令民运赴济宁仓。以浅河船三千只，于

会通河支淮安粮，运至济宁仓。二千只支济宁粮，运赴通州仓。每岁通运四次，所谓支运者是也。其天津并通州等卫官军，于通州接运至京，自是海运不复行矣。

又令浙江都司并直隶卫分官军于淮安运粮至徐州，置仓收囤；京卫官军于徐州运粮至德州，置仓收囤；山东河南都司官军于德州运粮至通州交收。陈瑄计议，令民运粮，俱于淮安、瓜洲补给脚价，兑与军船领运。瑄又奏请于淮安、瓜洲水次，令军民于此对船交兑，令军船出给通关，付还与民。令民补脚价，在淮安水次者，每正粮一石，外加五斗；在瓜洲水次者，每正粮一石，加五斗五升。

十六年，又令浙江、湖广、江西布政司并直隶苏、常、镇等府兑粮，坐派二百五十万石，令粮里自备船只，运赴通州、河西务等处上仓。

二十一年，奏准每岁漕运，以两运赴京仓，一运赴通州仓交收。

宣德二年，令浙江、江西、湖广并直隶苏、松等府，起运淮安、徐州仓粮，拨民自运赴通州仓；其运粮军士，于淮安、南京仓支运。

四年，仍令江西、湖广、浙江民运粮一百五十万石，贮淮安仓；苏、松、宁国、庐州、池州、安庆、广德民运粮二百七十四万石，贮徐州仓；应天、镇江、常州、太平、淮安、扬州、凤阳及滁、和二州民运粮二百七十四万石，贮徐州仓；应天、镇江、常州、太平、淮安、扬州、凤阳及滁、和二州民运粮二百二十万石，贮临清仓。令官军支运山东、河南北、直隶府州县粮，径赴北京。其攒运军船，量地远近与粮多寡，如淮安上粮民船十抽其一，徐州十三抽一，临清十五抽一，给与官军，兼旧船运载赴京。此兑运之始。

六年，奏准浙江、江西、湖广、苏、松、常、镇、太平等府签拨民丁，及军多卫所添拨军士，与现运军士通二十四万，分两班更替攒运。

七年，议准民运多失农月，及官运空船，往还艰苦，着例民粮加耗脚，各于附近水次，兑与军运。

南京江北府州县粮，于瓜洲、淮安支兑。

应天、苏州、松江、常州、镇江、太平、宁国、池州、庐州、安庆每石加耗米五斗六升，又两尖米一斗，共六斗六升。内除四斗随船作耗，余米二斗六升，折银一钱三分，名二六轻赍。今减去二升，止征二斗四升，改为二四轻赍，于内仍扣留银一分。

凤阳、淮安、扬、徐州每石加耗米四斗六升，尖米一斗，共五斗六升。内三升随船

作耗，余米二斗六升，折银一钱三分，名二六轻赍，后改为二四。脚米二斗六升，折银给运官同有司为买办物料修船之费。通惠河成，省脚价，始立减扣法，留者以备修惠通河闸，量减者以宽民力。按：此为兑运法。

九年，令官军运粮五百万石，以三分为率，通州仓收二分，京仓收一分。

成化七年，都御史滕昭议罢瓜淮兑运，里河官运，雇江船于江南水次交兑，民加过江之费。按：此为改兑法。

令瓜淮官军过江兑运，除加耗外，每石添给水脚米六升，改兑耗米。应天、苏州、松江、镇江、广德每石三斗二升，凤阳、淮安、扬州每石二斗七升，徐州每石二斗二升。以上各加耗内，各折米二升，易银一分，名折易轻赍。凡改兑俱无尖米盘剥之费。

二十年，奏准河道浅阻，粮运迟滞，运到京者，悉免晒颺，每石加耗米四升，每石兑运该收耗米并免晒颺米四升，俱作正数支放。

万历二年，题准各处随粮轻赍银通解漕司，内将三分给运官，其七分选定解官，装入标船，星夜越帮前进，送通仓坐粮郎中秤过寄库，候该帮船到，验给运官完粮。

七年，又令完掣通关之日，查无挂欠，亦便与运官领回分给。

是年，题准每船许带土宜六十石，多者尽数入官。如遇浅起剥，自备脚价。

初，内官监收白熟粳米，科索无厌，大率正粮一石，加费二石，始获批单。至是，以应天巡抚吴廷举言，始令今后内官监收粮悉如故事，每石加耗一斗，不许分外多收。军余人等有仍前立各色科索民财者，如法究治。

九年，议准漕司及各巡抚将江南五府应运白粮，令各粮长仍雇五百料中船，勿令夹带私货，应得水脚，当官议定，先给一半；其余印封，船过徐州，总部官验给。

又题准每岁解京白粮，务照殷实粮户正身解纳，不许棍徒包揽。应用米数，先尽本名，如有官户银米，责令运送仓库，转给领解，以杜短少赔累。船只许令粮长自雇五百料中船，每百石定给银三十三两，埠头等役，悉行查革。经过钞关，如果止于土宜四十石，免其纳税。

清

顺治二年，复准粮长签解白粮，受累无穷，宜改为官解，路费脚价额派之外，不许

多索民间分毫。

三年，江苏巡抚黄徽请苏、松诸府漕、白二粮，与岁贡绢布，俱官兑官解，以纾民累。每正银一两，别征银三分，为领解员役沿途经费。

八年，总督漕运沈文奎以官运经费不敷，题准加给耗办米各有差。

九年，题准雇募民船水脚，江南苏、松等处每石自三钱至二钱五分，均于月粮耗米并轻赍银内动给。

又准总漕马国柱疏请查黄屯丁审定运军。

十一年，六月，奉恩诏，内开：白粮民解，仍以累民，今后于该省漕粮船分带，以苏官、民之累。应行事宜，该督抚作速议奏。经该督抚以江南之官运民解，久已相安，漕船带运不便，仍照旧例。按明季白粮签派里民解运，深为赔累。自本朝定鼎后，改民解为官解，选府贰为总部，县佐贰为协部，雇募民船装运。

十二年，准仓场王永吉疏，将笮夫、苇把、小封、纸札、羨余五项，并防欠、水脚、行月三项，全给官旗，其买销一概禁革，以杜葛藤。

十四年，户部复准江南白粮，照浙省例，抽选漕船装运。

又准巡按御史秦世祯疏，定漕粮官收官兑。令各府、州、县印官，照派定区图贮收在仓，验依准单交兑。每正粮百石，除正、耗外，加米五石，银五两，交与旗弁。

十六年，准巡按御史马腾升疏，自今民户各照应纳粮米并耗赠及五两、五石，尽数交纳收粮官。官随收给串，即发归农。俟旗船到次，卫官竟与印官、粮官交兑。军、民两不相见，则五两左右之外无苛求，官收官兑之法为至便。

又准科臣朱绍凤以苏、松、常、镇四府粮多路远，领运旗丁不无常例杂费，于五两之外再加五两。其江安等十一府州，俱仍系五石、五银。

漕粮正兑进京仓，每正米一石，加原带耗米二斗五升，共一石二斗五升。过坝进仓内，收正米一石，又收耗米七升，尖米四升二合，又尖米加耗米二合九勺四抄，共一石一斗一升四合九勺入廩。其余一斗三升五合六抄，旧例听作盘闸折耗及仓中晒扬亏折。此外有剩，作该卫所余米，给还运军。如正兑之米改进通仓，加收五闸耗米五升。康熙十四年，题以运进京仓漕粮余耗米内盘闸耗米五升，将三升收廩，入五支销，以二升听各闸折耗。

漕米进通，江宁府正兑米一石，原带耗米四斗，内交仓二斗五升，余一斗五升为旗丁盘耗。改兑米一石，原耗米三斗，内交仓一斗七升，余一斗三升为旗丁盘耗。淮、扬、海、通并邳、宿、睢正兑米一石，原耗米三斗，内交仓二斗五升，余五升为旗丁盘耗。改兑米一石，原耗米二斗五升，内交仓一斗七升，余米八升为旗丁盘耗。徐州正兑米一石，原耗米二斗五升，全交仓。改兑米一石，原耗米二斗五升，内交仓一斗七升，余八升为旗丁盘耗。

康熙十四年，复准江南苏、松、常等府白粮照浙江例，于漕船带运。计白粮十五万一千余石，每船装米五百石，约用船三百二只，共应给经费银九万九千九百十九两七钱有奇。其三百二船之漕米，分洒于各漕船带运，每船带运米六十余石，每石给银五分，约每船给银三两。

康熙十七年，将苏、松、常、镇赠银裁减五两。

二十年，将苏、松、常、镇四府所裁赠银五两内，复给三两五钱。

本年九月，奉上谕：积贮为国家大计，岁运漕米，充实京仓，最为紧要，旗丁人等，挽运勤劳，宜加存恤。朕顷巡行近畿，至通惠河一带，见南来漕船旗甲人丁，资用艰难，生计窘迫，深为可悯。若不预为筹划，恐其苦累难支，以致沿途迟滞，贻误仓储，所关非细。前以军需浩繁，漕运额设钱粮，节行裁减，今行作何酌复款项，尔部详议具奏。户部议复：此项银米，原系额设应给之款，自今年起运十九年起，各省所裁减耗赠银米，俱行复给。

二十五年，粮船概定每船十丁。又定三分本色席片，止征解二分五厘，减去五厘，一并折银，与前七分折色银，均解通济库。

二十六年，总督慕天颜题定漕船料价银二百八两七钱七分。按：漕船料价旧例，各省多寡不一。康熙二十一年，监造副都御史包克德议令各省一例定价。

四十三年，令江省白粮，照依漕粮帮船一例支給行月钱粮，其漕赠银米经费银两，概行裁减。

四十六年，七月，奉旨：旗丁领运，照数全完者，总漕奖赏；额粮之外有多交者，计算米数，并领运次数议叙。

五十一年，二月，从总漕赫寿之请，定漕政八款。一、令粮道亲历水次稽查，如正、耗等米有折干情弊发觉，该管官各照例处分，仍将所折之米，如数追赔。一、江南省粮船三千一百余只，浙江省一千三百余只，前后开行，相隔千有余里，每省内派通判一员，首尾不能稽查。嗣后江南省派七员，浙江省派三员，每员押船四、五

百只抵通，以无欠与挂欠之次数为升降。一、监兑官务令坐守水次，将正耗、行月、搭运等米，逐船兑足，亲身督催，到淮盘验。一、每帮设立千总二员，轮流押运，倘一弁留通，一弁事故，则领运无人，势难兼顾。请将候选千总拣选三四十人，发总漕衙门委派，一次领运全完者，遇缺即行补授。一、江、浙每年积欠之帮，押运千总如二运全完，其次挂欠之帮三运全完，别帮五运全完，皆准其即升。一、定例一船十丁，嗣后每船于本丁兄弟子侄内，再派一丁注入册内，随船驾运。如抵通挂欠，留一丁追比，一丁驾空回南，设措完欠。如到淮短少，令一丁驾运北上，一丁买米赶帮。每帮十船，连环保结。一、签丁令千总保结报卫，备府厅等官再行看验，加具印结。如有挂欠，千总、守备仍照例处分外，府厅粮道亦照挂欠多寡，递加罚俸。一、过淮违限一二月者，仍照例处分外，违限二月以上，或七十日、八九十日，计日不计月，分别议处。

五十二年，准苏抚张伯行疏，江南漕船仍照原限，勒令正月以例过淮。

五十六年，复准：苏、松、常三府，白粮经费，先经民运，每船需银七百余两。后于康熙十四年，照浙省例，改为漕船装运，每船给经费银二百九十两有奇，为沿途盘驳、添篴、提留，抵通堆囤、看守、交仓、铺垫等费。又给行月银米，以为运军安家之费。二十七年，于奏销案内，停其支給行月。四十二年，因停支行月，于经费之外，给饭米银五十四两。四十三年，以运漕、运白，均属一例，将经费尽裁，照漕例支給行、赠银米。但浙江白粮，除行月外，每石给漕截银三钱四分七厘，饭米七升二合。江南除行月之外，每石止给赠银一钱四分五厘，比浙江少二钱二厘。应准其照浙江白粮漕截之例，每石补给银二钱二厘，以为沿途盘驳、堆囤、交仓、铺垫诸费，在道库减存银内支給。

雍正元年，十二月初九日，谕：漕船关系紧要，除本船正、副旗丁外，其头舵、水手，皆应择用本军，庶知守法不敢误漕生事。

二年，五月初二日，谕：漕运关系甚大，经费本无不敷，而运丁恣行不法者，皆由官弁剥削所致。嗣后各省粮道给发钱粮，不许扣克分厘；沿途武弁，不许藉端需索；运丁除包揽抗违外，所带些许货物，亦无容苛刻盘查。

是年，诏各省无漕运卫所，均归并州、县。

三年，六月二十日，谕：禁止漕船夹带私盐，并火炮、鸟枪、火药等物。

四年，户部议：江安苏、松二粮道轮流一员，押运过临。

又题准：各省应征楞木松板，旧例系三分本色，七折色，苏、松等府，将应征本色征银，给运军办交。嗣后将松板全解本色，楞本改征松板，亦全解本色。

五年，三月，准部议，将道库实存钱粮，照藩库一例，每年春、秋二季，将实在所贮，分别应存、应解各款，尽数登明造册报部，听候拨解京饷。

又粮道职司漕运，每岁例应押运过淮到通，方得回任。而经管各项钱粮，亦应比藩库例，添设库大使一员，凡仓库收放银米，责成稽查。

十八日，准漕臣张大有议：自雍正五年为始，漕运船只，无论土著协运，皆就向年原兑府属，止调本府各邑水次，运过三年，另行调换。白粮丁船，于通漕船内抽选坚固船只，无欠殷丁掣运，五年更替，令其少有赢余，以示奖励。

六年，五月，准部议，浙江布政司高斌奏：空重漕船，北上南下，非横截河心，即对停两岸，商民壅塞莫行，偶或擦碰，辄行索诈，稍不遂意，即肆咆哮。应行文该管督抚，转飭沿河攒运文武官弁，按入境、出境日期、时刻，亲身逐程挨查，如仍蹈前弊，即行严拿究治。如该管少有疏纵累商，或经查出，或被首告，将沿途文武官员照例题参议处。

九月，准浒墅关监督李秉忠请：近有带土宜六十石免税之例，但恐不肖运丁借端藏隐侵欺，将货分散各船，或沿途包揽，转误回空之期。今回空粮船，带有梨枣及应行上税之物，仍令输税。

十月，谕：自雍正己酉年为始，江、浙征收漕米，但择干圆洁净，不必较论米色，准令红、白兼收，粳、梗并纳，着为定例。

七年，正月，谕：嗣后粮船过淮之时，着派御史二员前往淮安，专司稽查，不许官吏人等向旗丁额外需索，以致扰累。其粮艘所带物件，除照例许带土宜外，该旗丁如有夹带私盐及违禁等物者，亦着该御史稽查，但不得过于严刻吹求，以致粮运迟滞。

三月，准江南狼山总兵官王安国请：通州应征漕粮，自雍正己酉年为始，照额征收贮仓；改兑狼营兵米，就近支給；将附近水次州县应征南米，改抵通州起运漕粮。

五月，谕：土宜着于旧例六十石之外，加增四十石，准每船携带一百石，永著为例。

十月，准苏抚尹继善之请，禁革征收积弊，酌定每石收费六分，折收制钱五十四文。其行用小钱地方，即照大钱数扣算交收。以一半给发旗丁，一半留给州县。再，每漕一石，止许收水脚五分。其州县仓廩，如离粮艘上兑之处十里以外者，每十里准加二文。又，灾漕米石，一体照新漕，每石交费五十四文。惟水脚一项，灾漕陆续派兑，换运艰难，准比新漕加钱十文，此外不许多勒粒米毫银。

十一月，从总漕张大有之请，部颁每省粮道铁斛各一，俾得划一遵守。

八年，正月，谕：浙江、苏松等属，应解三分本色松板，着俱改征折色，令各该粮道汇解通济库，以备采办之用。其湖广、江西、安徽等处，全解十分本色者，着仓场侍郎严行稽查，不许收板官吏勒索使费。

三月十三日，准御史窦启瑛条奏，及仓场侍郎岳尔岱、涂天相等议：嗣后州县征粮米，预将各里、各甲花户额数的名填定联三版串，一给纳户执照，一给经承销册，一存州县查对。按户征收，对册完纳，即行截给归农。其未经截给者，即系欠户，该印官查摘追比。若遇有粮无票、有票无粮等情，即系胥吏侵蚀，立即严追。行知各直省督抚，转飭所属有漕州县，一体遵行。

十一月，奉旨：浙省白粮，系民间舂办。江南百姓，输纳糙米，官为舂白，一应捆包搬运，皆属官办，其所有耗米束包等项，俱着照该抚尹继善所请，准其开销。

九年，三月，谕：江南江淮、兴武二卫旗丁名下，有应追缴夫底料银十万八千一百余两，悉行豁免，以示朕恩恤运丁之至意。

乾隆二年，谕：闻得江、浙两省民间输纳粮较漕粮费用繁重，甚属艰难，朕心深为軫念，谕令该部详考。据奏，两省岁运白粮二十二万余石，太常寺、光禄寺各宾馆需用二千余石，王公官员俸米约需十五六万石，内务府禁城兵丁及内监食用等项需万石，尚余五万石存仓。等语。朕思光禄寺等处所支，原以供祭祀及宾馆之用，在所必需。其王公官员俸米，应用白粮者，可酌量减半，以粳米抵给。至赏给禁城兵丁及内监食米，亦可将白粮裁减，给以粳米。如此，则每年所需白粮不过十万石，仍照常征收起运。其余十二万石，着漕运总督会同该督抚，酌行改征漕粮。其经费银米，均照漕例征收，以纾民力。

又复准：江南苏、松、常、太四府州白粮减额，改征漕粮。见运白粮项下，征收支解经费银三万八千三百八十九两一钱四分，米六万一千一百二十三石五斗四升各有奇。改征漕粮项下，征收随漕支解银二万三千七百八两七钱三分，米三万八千六十五石九斗八升各有奇。应减征银二万七百七十七两六钱七分，米石九千六百五十二石一斗七升各有奇。永免科征，尚余减存经费银二万九百五两有奇，照数征解。

又题准：苏州府白粮正米原办运四千二百六十八石二斗八升四合零，今派二千八百十九石，余均改征漕粮。

四十年，户部奏准：江、浙二省运到糯米，核计岁需，尚有多余。请于乾隆四十一年起，将该二省应运糯米，共改征漕粮一千石。

嘉庆四年，巡抚岳起奏明，将正改兑交仓耗米内，划出二升七合六抄，在次给丁变价济远。

嘉庆七年，三月，谕：向来江、浙等省漕务，积弊已久，经朕节次降旨整顿清厘，嘉庆四、五两年有漕各州县，于征收粮石虽不能颗粒无浮，而从前加四加五加倍之弊，均已革除。正望从此漕政肃清，俾闾阎永沾实惠。乃近闻江苏去年征收新漕，苏州府知府任兆炯，藉弥补亏空为名，于岳起、王汝璧前，极言清漕难办，怂恿仍复陋规。岳起等初以为不可行，后竟受其簧惑，将苏、松等四府全漕尽委兆炯督办，听其更张，照旧加收，殊堪骇异。漕务系粮道专责，该抚自应交该粮道督率经理。若该道李奕畴不能胜任，即应奏明更换，何以将四府全漕专委于向日声名平常之任兆炯一人督办？且该督等既以任兆炯请复陋规为不可行，何以不即参奏？转复扶同徇隐，以致该州县等竟敢公然仍复陋规，毫无忌惮！而劣监刁生，藉此挟制取利，故智复萌。旗丁等见地方官加收粮石，亦欲多索兑费，任意勒捐，百弊丛生。两年以来，剔除漕弊恤丁惠民之事，竟废于一旦。且该省藉口弥补亏空，纵令州县恣意浮收，其实不过为肥己起见。陋规既复，则上司取之州县，而州县仍取之百姓，层层腹削，无非苦累吾民。既云江苏地方仓库，尚有亏缺，现须筹补，大小官吏惟当屏除浮费，节俭自持，以期渐次补苴，岂有浮收漕粮，刻剥小民之理！此事不可不彻底查办，以儆其余。着交费淳、岳起各行明白回奏。并密约为察访，如以上所指各情节一有确实，即行严参惩治。

四月，谕：据费淳等奏上年江苏省征收漕粮情形等折，朕详加披阅。其意总以江省有漕各州县征收时不能颗粒无浮者，实为弥补亏空起见。该省既有亏项，自应屏除浮费，撙节补苴，原不得藉此为名，于收兑漕粮任意加增，致闾阎有所腹削。但此项漕余，各地方官如果实系归补积年亏空，尚属因公，与私人囊橐者有间。现在有漕省份，亦有如此酌量筹补者。然何以外间并无物议，而独于江省啧有烦言？可见该省竟藉口弥补亏空，其中不肖州县实不免以所得赢余，恣其侵蚀中饱。即云各属将漕余解交归公，以朕所闻，江省原有提取三十万两弥补亏欠之议，而岳起片称清查以后，追补银五万余两外，现又陆续解交银十万余两，是否即在题取三十万之内？该省亏空，究有若干，何时方可弥补完竣？焉有任听州县以弥补为名，肆意浮收，年复一年，总无补足之期！是借弥补之名，巧归私家，与冒贩何异耶？至岳起折内称漕船实在疲丁，若不略为津润，诚恐迁延水次，所关匪细等语，旗丁津贴款项，自蒋兆奎、铁保任漕督以来，先后奏请调剂，经朕节次加恩，每船准多带土宜，并划给晒扬米石，拨给漕费钱文，多方接济，不一而足，是丁力已属宽裕。如各该州县果无浮收积弊，则旗丁等于嘉庆四、五两年均照新定章程妥速办理，又何敢向州县借词勒捐乎？至该督等所称有较往年多收一二成不等之处，谅必不止此数。即如松江奉贤等县多有浮收，此次该督等折内，并未见指名参奏。近又闻苏、太等属，比上年亦有加增，大概总在加二以上，何以费淳等竟毫无闻见？在费淳、岳起平日居官廉洁，朕所深知，但属员则未必皆然，若大法而小不廉，于事何益？乃岳起折内，有不但可以自信并可信人之语，是不免为人所愚弄矣。看来伊等此次所奏情节，仍系轻听属

员之言，被其朦混。现在费淳业已前赴苏、松一带查阅营伍，着即会同岳起，遵照前者，将浮收最多县份彻底严查，并此外各州县等稍有浮收之处，一体查究。如有私肥入己情事，即据实参办，不得稍有徇纵，自干咎戾。

嘉庆十六年，三月，谕章煦试行海运，不果。以章煦奏吴淞一带，尚有河船可雇。

道光五年，六月，以黄、运两河淤垫，帮船浅滞，盘运艰难。

道光五年，琦善等请江苏苏、松、常、镇、太五府州漕、白二粮试行海运。

九月壬辰，琦善等奏请苏、松、常、镇、太四府一州应征道光五年分漕粮，全由海运抵津。见雇有沙船一千余只，三不像船数十只，春、夏两次，可以运米一百五十余万石。议定运送免各章程，允之。此为清代海运之始。

六月己巳，琦善等奏海运事竣。

二十六年，二月，两江总督壁昌奏招商运米运赴天津。

二十六年，十月，禁江苏完漕大户、小户、包户名目。

十一月，命壁昌筹议江苏漕粮酌分海运。

二十七年，七月，准江苏苏、松、太三府州明年漕、白改由海运。

十一月二十六日，李星沅等奏苏、松、太漕白粮米全由海运章程。

二十八年，、六月，李星沅奏：上元米商指米本年苏、松、太漕之米沙船，先后放洋，顺速抵津。

三十年，十二月，允苏、松、常三府及太仓州白粮照案海运。

咸丰元年，户部议准，清河、桃源等七州县漕粮，每石按照银二两四钱征齐解部。清河等州县之收折色自此始。

二年，正月，两江总督陆建瀛奏：咸丰元年苏、松、常、镇、太四府一州实征熟田交仓漕粮，及额征交仓白粮，共一百四万六千二百五十五石零，由海运津。

三年，粤寇踞金陵，扰扬州，截留应运米石抵兵饷。两江江安粮道所属粮米，全数改解折色。

三年，正月，陆建瀛等奏苏、松等属新漕仍由海运。

十一月二十四日，命筹江苏新漕海运。

四年，六月，江苏漕粮运津。

八月，以江苏省浮收勒折，漕务日坏，谕邵灿往苏州督催。

七年，正月，直隶总督桂良奏：江苏海运咸丰六年漕、白二粮七十七万六千四石零。

四月，以漕艘改由海运，谕将淮、扬各属运河闸坝，相时启闭。

九年，督漕臣请将本年江南应征新漕，每石提银一两，解交粮台充饷。其淮、徐、海三属折色，每石银二两四钱，全数解交江北粮台。

十年，十月，署漕运总督王梦龄奏：淮安、扬、通各属，海门厅及改隶通州之靖江，本年冬漕概以每石作银二两四钱，变价充饷。

十一年，五月，薛焕奏江苏海运放洋。

同治二年，十一月，允江苏松江、太仓等处漕粮减征。

同治三年，漕运总督吴棠奏：军兴以来，漕粮折征，兼之黄河满溢，运道不通，以致粮船尽废。现在东南肃清，因筹款采买米三万三千石，雇用民船，试行河运。四年七月抵津。《京报》。十五年，刘坤一等奏：苏省同治二年至光绪二十年止，历届起运漕米征收动支各费，业经先后开单奏准核销。

四年，正月，江苏行起运漕捐等米章程。

四年，督臣李鸿章、漕臣吴棠奏：本年江北各漕，民折官办，请以正耗米四万石试行河运。自后河、海并运，河米数至十万石。

九月，漕河总督吴棠以河运有效予叙。

十月，允江苏徐州府属本年新漕折价充饷。

十二月，谕：禁止江苏征大小户目，并包漕索规等弊。

五年，三月，李鸿章、吴棠奏江北新漕筹办河运。

六年，十二月，谕曾国藩等飭沿海州县招商运米赴津。

八年，江北冬漕采买五万四千起，一万万三千余石。

九年，七月，两江总督马新贻奏运漕沙船拟减出口厘。

十年，三月，曾国藩奏九年江北新漕仍办河运。

十一年，直隶总督李鸿章定招商局大轮船试办海运。

十三年，十二月，两江总督李宗羲奏来年江北漕米，改办海运，允之。

光绪五年，正月，沈葆楨等奏：光绪四年份，苏省应征起运交仓漕、白二粮米六十九万三千六百十余石。

十一年，曾国荃奏：十年份冬漕，江、淮、扬、通四府州实起运米九万七千三百余石，徐州府实起运米二万七千四百余石。

十九年，漕运总督松椿奏：苏省冬漕，长洲二十七州县十万石循行河运。

二十三年，刘坤一奏：购定江南四万二千余石漕米河运。

二十七年，三月，刘坤一等奏：二十六年江北冬漕，仍办河运。奉批旨：江北新漕经户部奏明改办海运，即着遵照妥筹办理。

二十八年，正月十七日，谕：各直省卫所屯田，原为转漕养贍运丁而设。自南漕改由海运以来，屯卫弁丁，半成虚设。此项田亩，私行典卖，辗转纠葛，弊端百出。现在定章改折漕粮，亟宜认真清查，改归丁粮，以昭核实，而裕赋课。着漕运总督陈夔龙会同有屯卫省份各督抚，将各省屯田地亩，逐一彻底查明，悉令该屯户报官税契，听其管业。屯饷改为丁粮，统归州县官经征。如有盗卖私售者，亦飭据实报明。完纳正供，不究既往，更须严禁胥役需索苛扰。此后屯丁运丁名目，概行删除。其原设之卫守备、千总等官，并着裁撤，改归营用，即由各本省督抚于各标内仍以原班酌补。所有详细章程，陈夔龙等悉心会商妥议，随时奏明办理。

二十九年，户部咨令江、浙两省于本年所征本色内，仍共酌留京斛漕粮一百万石，由海运津。照上成案，苏省认运六成本色米六十万石。

三十二年，署两江总督端方等奏：二十九年份认运六成本色米六十万石，白粮在内，其余改折漕粮交仓，正耗并经剥仓耗、筹备余米船耗等，共米二十二万二千四百八十六石零。按照该年漕价，每石以二两二钱八分折价库平银一十四万七千八百一十三万两零，共七十八万四千二百二十三零，由司批解江海关兑收，存储拨用。

宣统元年份，奏准缓运米二十万石，仍应起运米四十万石，所有苏州等属之长洲、元和、吴县、吴江、震泽、常熟、昭文、昆山、新阳、靖湖、华亭、奉贤、娄县、金山、上海、南汇、青浦、川沙、阳湖、无锡、金匱、江阴、宜兴、荆溪、丹阳、金坛、溧阳、太仓、嘉定、宝山三十二州县厅，应征漕、白二粮，除清赋案内增案折价充饷提出另办外，实交仓米四十万石。该江、浙漕粮交仓米等项正、耗各款，共米一十六万六百六十余石。

南京总二：把总官二，卫三十四，指挥二十五，千百户百四十二，清江厂造船一千七百五十九，运粮五十五万一千八百八十一石六斗一升六合，旗军一万八千。

其一 锦衣卫 府军卫 金吾卫 豹韬卫 龙虎卫

一万四百六 五千九百九 五千三十石 六万二千三 一万五千二

十九石三斗 十一石一斗 一斗二升。 百八十六石 百五十一

八升。 六升。 四斗六升。 石。

骠骑右 府军右 神策卫 虎贲左

一万一千二 三千三百三 四千一百四 七千一百八

十二石零二 十一石一 十四石七斗 十四石二斗

升。 斗。 七升。 六升。

留守左 鹰扬卫 镇南卫 留守中

五千八百九 一万一千四 一万四千四 四千九百一

十四石七斗 百八十二石 百八石九斗。 十二石三斗

八升。 五斗四升。 一升。

龙江右 广洋卫 江阴卫 羽林右

四万五千六 三万六千一 二万四千四 一万九百一

百五十二石 百九十七石 百石。 十二石三斗

八斗七升。 六斗五升。 二升。

其二 旗手卫 武德卫 横海卫 留守右 府军左

六千八百十 一万一千二 一万四千三 一万一千二 五千九百八

五石八斗四 十二石零 百一十五石 百一石八斗 十二石八斗

升。 升。 四斗五升。 六升。 九升。

金吾前 府军后 鄱阳卫 豹韬卫

四千五百七 四千五百四 三千四百二 一万一千八

十四石五斗 十三石八斗 十五石四斗 百八十一石

九升八合。 九升。 五升。 六斗七升。

虎贲右 应天卫 水军右 水军左

一万八千一 七千石五升 二万三千六 五万一千九

百一十四石 六合。 百七十一石 百四十七石

一斗七升。 二斗四升。 六斗八升。

龙虎左 羽林卫 兴武卫 龙江左

四万四千八 二千七百一 一万一千八 三万一千九

十石二斗七 石七斗七 百八十一石 百三十石八

升。 升。 二斗。 斗。

江北总二：把总一，卫所十八，指挥十五，千百户百七十六，旗丁二万六十七，清江厂造船二千六百八十七，运粮八十八万九千七百七十四石一斗零二合。

其一 淮安卫 大河卫 邳州卫 徐州卫

六万八千三 十一万三千 四万八千六 七万七千四

百十一石九 七百九十石 十四石二斗 十六石二斗

斗五升。 二斗九升。 三升。 三升。

其二 徐州左 扬州卫 通州所 泰州卫 盐城所

四万一千六 四万七千四 一万七千三 一万四千八 一万四千二

百三十石九 百三石八斗 百七十七石 百九十石四 百七十六石

斗一升。 八升。 二斗三升。 斗七升。 四斗三升。

高邮卫 兴化所 仪真卫 滁州所

四万四千八 一万二千四 三万三千七 二万二千七

百五十五石 百九十五石 百二十二石 百五十石一

六斗二升。 七斗一升。 二斗。 斗八升。

江南上江：把总一，卫所十一，千百户九十九，旗军一万五千三百八十九，安庆厂造船千四百二十三，运粮四十七万二千七百四十三石零七升。

水军左 龙江左 龙江右 江阴卫

旧遮洋二万 旧遮洋一万 旧遮洋万三 旧遮洋二万

五百七十石 七千九百九 千四十二石 七千九百九

九斗七升。 十九石六 三斗。 十九石六

斗。 斗。

江南下江：把总一，卫所七，指挥七，千百户十九，旗丁一千七百六十四，清江厂造船七百七十七，运粮五万四千三百二十九石六斗六升。

镇江卫 苏州卫 太仓卫 镇海卫 横海卫

七万三千六 五万九千七 四万六千九 五万六千六 旧遮洋万四

百二十二石 十石六斗四 百七十四石 百七十五石 千五百七十

二斗九升。 升。 六斗。 八斗九升。 七石六斗。

松江卫 嘉兴所 水军右 应天卫

一万五千三 一万一千二 旧遮洋万七 旧遮洋万二

百五十石。 百八十石八 千四十二石 百八十五石

斗。 四斗。 四斗。

第十二卷 漕运二

运道

《会典》：凡岁漕京师者，有河运。江安粮道，每届循办河运，先期委员分往江北里下河一带，照应运米数采买，雇用民船兑装。由淮扬运河北行，经淮安府，又西北经清江浦，又西经清河县北为清口，又北为邳宿运河，西北经桃源县，又北经宿迁县，又北经邳州北为闸运河，又西北入山东境，又西经峰县，又西北经滕县，又北经济宁州，西北经汶上县，又西北逾黄河，经寿张县，又北经阳谷县，又北经东昌府，又北经唐邑县东北，又北经博平县西北，经清平县西，又北经临清为临清运河，又东北经武城县，又北入直隶境，经故城，又东北复入山东境，经德州，又东北复入直隶境，经景州，又北经东光县，又东北经南皮县、沧州，又北经青县、静海县，又东北经天津府，又西北为北运河，又西北经武清县、香河县，又西北抵通州。江苏粮道，所属粮米，酌办河运，采买兑装，与江安同。山东粮道，每届办河运，核明有漕各属，征收米数，分别闸内、闸外，兑装运通。

《光绪会典》：江苏粮道，每届办理海运，在苏州设立省局，委苏州府总司其事。并在上海设立沪局，由苏松太道督同上海厅县印、委各员经理。届时由粮道查验苏、松、常、镇、太四府一州属起运交仓米数，封雇商船兑装，分批开行。北出吴淞江口，绕行宝山县之复宝沙，东经崇明县十潞口，又东至佘山，为东出大洋之标准。北经通州吕四场对出之洋面，又北入黑水洋经如皋县对出之洋面，又经盐城县射阳湖对出之洋面，又北经淤黄河口对出之洋面，又北经海州赣榆县鹰游门对出之洋面，又北经山东日照县对出之洋面，又北至文登县之铁槎山，又北经苏山岛靖海卫及荣城县之石岛养鱼池，又北至成山洋面，过成山角西北，经文登县之刘公岛，又西经威海卫，又西经福山县之罟岛，又北经蓬莱县之庙岛，又西经掖县之小石岛，又西北入直隶天津海口，溯流而上，泊天津城东。

该省粮道，先期派委员绅在津、通两处设局，俟头批漕船放洋，亲赴天津，验卸起剥，经运至通。

浙江粮道，每届办理海运，亦在上海设立总局，届时由粮道查验杭、嘉、湖三府属起运交仓米数，会同苏省委员，封雇商船兑装，分批开行。先期派委员绅，在津、通两处设局，俟头批漕船放洋，亲赴天津，验卸起剥，经运至通。

又江、浙两省粮米，除沙宁船兑运外，均准商局轮船协运，以期迅速。其抵天津后，验卸起剥与沙宁等船同。

附奏疏

两江总督壁昌筹议上海招商买米由海运津折

道光二十六年二月

奏为上海地方，现议招商买米，由海道运赴天津售卖，以裕民食而利转输，恭折奏祈圣鉴事。

窃照京师为畿辅重地，仓庾尤积贮要区，欲求裕国之方，先议足食之策。前经部臣奏准有漕省份官员捐米章程，上年复经奏奉谕旨，飭令妥协筹办。查阅原奏内，有现议招商海运一语。江苏地处海隅，现值银贵钱贱、粮价平减之时，似可相辅而行，以补捐输之不逮。即经谆飭苏松太道，督同该管厅县妥议试行去后。

兹据该道等转据该商王学敏等具禀：向有沙船赴奉天等处贸易，现愿备价收买米五万石，运往天津售卖。由该道议请给予执照，将江海、天津两关税银，免其输纳，仍俟事竣，将照缴销。并以天津海口相距市廛尚远，所有雇用剥船纤夫，请咨直隶督臣飭令地方官出示晓谕，毋任勒索。一俟运到，即由该处米行按照市价棗卖，仍严禁牙伧留难羁阻。如一时不能销售，由地方官按数收买。等情。会同苏藩司详请具奏前来。

臣等伏查商等自置沙船，于海道最为熟悉。既据禀请运米前赴天津售卖，于近畿民食，洵属有裨。惟当创始试行，自宜曲加体恤，尤应严防流弊。所请给照执运，似无偷漏之虞；即免纳税银，以及示禁留难勒索诸务，亦为商、民两便起见。至地方官按数收买一节，虽仓储藉可充盈，而库款能否挹注，应由直隶督臣体察情形，酌量办理。如果运行有效，在该商、民等自必争先恐后，踊跃转输。即将来捐米之员，亦可雇令带运交纳，较之派帮搭运者，尤觉简便易行，实于国计民生，大有济益。第念该商、民等，贸迁有无，虽与捐米不同，而往返经涉重洋，究有微劳足纪，应请仿照旗丁加装米石之例，查明运数较多之商，奏恳天恩，量予鼓励，以示激劝。现值南风渐起，春水方生，该商等定于二月内领照出洋，仍俟回棹后，查明经理是否妥当，另行筹议经久章程，奏请训示遵行。除咨明户部、直隶督臣外，谨合词恭折具奏。

奉批：户部知道。

江苏巡抚林则徐弹压水手情形片

再，臣接阅邸抄：钦奉上谕：各省粮船数千号，水手不下数万人，必须实力稽查，咸知敬畏，方不致沿途滋事。近日山东东昌府境内，庐州帮水手聚众械斗一案，致毙数十余命之多。且粮船所过地方，时有折体断肢，漂流水面，皆由水手戕害所致。此等积习，自宜亟加整顿。嗣后粮船所过地方，着沿途各督抚遴派武职较大之营

员，酌带兵丁，一路接递巡查。遇有水手滋事，立即严拿，有犯必惩，毋令一名漏网。等因。钦此。

查历届粮船入境，本皆酌派营员会同府厅州县，督带兵役，弹压稽查。惟水手恃众逞凶，已非一日。而近年尤甚，除庐州二帮在东省杀毙多命之外，其沿途纠众图斗，经地方文武弹压解散者，探闻所在多有。即如苏省之镇江前后二帮，最为著名凶悍，劫杀掠抢，靡恶不为。且与浙江湖州府属八帮，向有积仇，各不相下。而镇江帮水次，本在徒、阳，又为浙船必经之路。重运先后开行，尚可不令遇见，迨回空过镇，辄即纠约复仇。上冬臣得有风闻，先期亲赴镇江，催提军船，即督率文武，弹压访拿，酌示惩儆，其风始息。今冬河干水浅，虽经设法灌蓄，亦仅容一苇之航。若湖、镇两帮狭路相逢，定必滋事。与其惩办于事后，莫如防范于未形。查丹徒境内，有江边之鲇鱼套地方，清稳背风，为浙船不必经由之处。现在镇江前后帮船，均已渡江入境，经臣咨会漕臣，飭令该两帮船只，先进鲇鱼套寄泊。并委镇江营参将继伦督率备弁，驻兵弹压。俟浙帮全行出境之后，再归兑粮水次，以免寻衅互斗。是以现在计算进口船数，该两帮并不在内，其实已泊本境地面，尽可油脸修船，即与归次无异。

又查在东滋事之庐州二帮，沿途复与镇海前、苏白粮等帮屡图纠斗，因逐段有官兵弹压，幸未成事。但庐州二帮系兑常熟县漕粮，镇海前帮系兑昭文县漕粮，该二县既属同城，即粮船同一水次，难保不及滋斗。臣现飭粮道量为调换，毋使并在一处。其苏白粮渡黄之后，庐州二帮复与接连行走。现亦飭令先后挽渡，务使分档隔远，以杜其图斗之心。臣派委标营将领，并咨会督臣、提臣，分委武职大员稽查催攒，一到水深之处，即令昼夜行驶，不任一刻停留。惟浅处曳缆绞关，每段增雇人夫数百名，仍行吃力，有数刻之久始能挽过一船者。前帮未克通行，后帮即皆停泊，更须严密防范。是以臣仍驻丹徒，督催弹压，一时未敢回苏。合并附片陈明，伏乞圣鉴。

谨奏。

陆建瀛酌定办理海运章程疏

咸丰二年正月

奏为苏、松、常、镇、太四府一州应征咸丰元年漕、白粮米，全由海运，酌定办理章程，恭折奏祈圣鉴事。

窃臣等议请海运，奏奉 上谕：陆建瀛、杨文定奏遵旨筹议海运一折，前据尚书孙瑞珍奏陈：从前海运成效，请将新漕援照办理。并据御史张祥晋奏请，推广成案，试办海运。迭经降旨，谕令陆建瀛等体察情形，悉心妥议具奏。兹据该督抚筹核大概

情形，先行复奏。所有来年苏州、松江、常州、镇江、太仓五府州漕、白粮米石，准其一律改由海运。该督抚即查照成案，迅将筹办章程，详议奏闻。并着严飭各属，核实办理，毋致滋生弊端。余着照所议办理。该部知道。钦此。当经钦遵，转飭遵照办理去后。

臣等伏查，江苏漕务收兑两难，积疲已久，欲求节费裕漕，诚非海运不可。本年交秋，风雨过多，收成复形歉薄。经臣等严飭司道，实力整顿，不准丝毫浮报，核计本年熟田应交仓漕、白米一百四十万六千二百余石，一律由海运津，仍照成案于来年二月内，全数放洋北上。其向年例给旗丁余耗等米，飭令各州县一律槩变，连节省漕赠等银，并拨节省津贴等款，共银六十六万两，分别立限，提解报部拨用。

一切海运办法，本有成案可循。第查道光五年及道光二十七、三十等年漕粮三次海运，或办五属，或办三属，或专办白粮，事势多有不同。今届四府一州漕、白二粮，全归海运，正与道光五年情形相仿。彼时年谷顺成，全漕起运，并无灾缓缺额之款，除津、通应用各款及应给沙船耗米概支节省银米外，所计余米六万数千石，随征交仓。道光二十七年海运，筹备灾缺等米，几及三十万石，抵足漕额办理，已属不易。此次银、米并计，除补足交仓额米外，尚有额外余银二十六万余两，比较道光五年、二十七年两届交仓之数，均属有盈无绌。其余兑运事宜，悉循成法。惟今届节省之款，以米易银，亦复少有异同。臣等惟有殚蹶愚忱，认真督办。现就司道妥议章程，复加详核，谨先拟十条，为我皇上陈之。

一、海运事繁任重，必期经理得人也。查海运漕粮，以省城为始事，以上海为总汇，以天津为归宿。道光五年及二十七、三十等年三次海运成案，均于省城、上海、天津三处，各委司道守丞各大员，分任厥事，而以县令佐杂襄理奔走。今届自应仿照办理，飭藩司总理全局，并委员署苏州府知府钟殿选、署松江府知府何士祁，督同候补知县吴煦查议章程，勾稽款目。仍由藩司会同粮道应征银米确数，俾昭核实。其雇备沙船，为海运首务，飭委苏松太道吴建彰，督同候补知府洪玉珩、海防同知蓝蔚雯等雇觅沙船，并督飭各委员料理沙船兑收放洋各事。粮道倪良耀责任粮储，应令于各属开仓时，亲往查验一次。复于上海装船时，会同苏松太道再行盘查米色，均须一律干圆洁白。白粮更宜慎重，均不准稍有搀杂柔嫩不洁等弊。并由粮道查明回空军船帮次、军丁水手各若干，参酌成案，分别调剂资遣。至天津交米事宜，尤属吃重，应即飭委该道酌带委员，先起由陆路赴津管理交兑，并会同直隶委员照案妥为筹办。

一、交仓漕米，必须筹补足额也。查道光二十七年苏、松、太三属漕粮办理海运，以节省给丁赠五余耗等米全数交仓，并提给丁漕赠等银，采买起运，补足漕额在案。兹查咸丰元年分苏州、松江、常州、镇江、太仓等四府一州额征，有闰交仓漕、白正耗米一百四十四万五千三百九十一石零。除本年秋歉，缓征漕粮，及丹徒县额漕尽拨旗营兵粮，并被歉缓缺，统共米三十九万九千一百三十五石零，实征熟田交

仓漕粮九十七万四千二百四十九石零，又额征交仓白粮正耗米七万二千六石零，共计交仓漕、白正耗米一百四万六千二百五十五石零。应照奏案，一律由海运津。至缓缺交仓漕粮米三十九万九千一百三十五石零，内除丹徒县起运米石项下，例应加截京口节归不敷米四百八十二石零，已于兵粮项下另筹买补外，实计缺额米三十九万八千六百五十二石零，自应照案筹补足额。今查漕、白项下，向应给丁赠五盘等耗米，除被歉缓征及留支春耗等米外，共计熟田应征节省给丁耗米二十一万三千九百九十五石零。今既专筹银款，应即飭令槩变。并酌提各属节省给丁津贴等银，凑抵缓缺漕米三十九万八千六百五十二石零，补足交仓全额，余归银款并计。至沙船耗米，每漕粮一石，给米八升；白粮一石，给米一斗。共计米八万五千一百四十余石，应由各州县捐给。本年歉缓漕南米石，仍俟来年秋成后，查看情形，按银征完，交帮搭运，以符成例。

一、筹银款以备拨用也。今次遵旨筹办海运，请以节省旗丁米石，分别槩变，不足之数，再提各属节省给帮津贴，以上届筹补京仓米额改为筹补银款。惟系以银合米，补足漕额，仍应专稽银数，以清眉目。查本年苏、松、常、镇、太五属额漕、白项下共计被歉缓征米三十九万九千一百三十五石零。查有熟田应征给丁赠五余耗等米二十一万三千九百九十五石零，既办海运，即应节省，现飭各该州县，一律槩变。每石合银一两，共该槩变银二十一万三千九百九十五两零。又提各属节省给丁津贴银二十五万八千三百六十四两零，并节省给丁漕赠等银一十八万七千六百三十九两零。三共银六十六万两，分别立限，提解司库，听候部拨。除抵补缓缺交仓额米合银三十九万八千六百五十二两零外，计有额外余银二十六万一千三百四十八两零。其各属应给沙船水脚、神福、犒赏，暨捐购津、通剥船、经纪、食耗等米，由县验运赴沪水脚等款，除应给沙船耗米归入米款核计外，每石约需银五钱七分五厘，按出运米数核计，共需银六十万一千五百九十余两。及南北应用公费，均飭各州县于向年应给旗丁帮费内分别解给抵用。

一、筹补缓缺南粮，毋庸援案截拨也。查南粮项下，应支兵粮局恤等米，每逢灾年份，均系截拨漕粮。道光二十六年等，京仓不敷，奏明筹款买补，并碾常平仓谷给发。其道光二十七年漕粮海运成案，系已节省随漕脚费买米抵放。各在案。本年各属歉收，计有缓征兵粮局恤等米二万三千六百七十三石零，此系计口授食要需，不能短少。今漕额既已抵足，前项缓缺之米，自应一体筹拨。照案以节省随漕脚费钱文，飭令各州县易银批解，分别买米抵放，毋须援案截拨。即常平仓谷，有关民食，亦可毋庸办碾。

一、停运旗丁水手，分别调剂资遣也。查道光二十七年苏、松、太三属漕海运，所有各帮停运军船，各归兑粮水次。并札粮道参酌成案，将停歇军丁应支月粮苦盖等银筹款速放，以恤丁力。其水手人等，亦由该道督飭各州县于军船到次之日，查明水手人数，开造姓名籍贯，各给资遣银两，押令速回本土。如有藉故生事，或盘踞不散，严拿究办。

一、沙船领运漕粮，悉遵成案也。查道光五年漕粮海运，沙船运米抵津，如无故短少，即令赔补，倘验有斫桅松舱等情事，奏明豁免。道光二十七年，援案办理。惟沙船八成载米，二成载货，如在洋遭风，并未抛弃货物独弃官粮者，虽有松舱属实，其短少米石，仍勒令赔补。今次自应照办。现在雇定沙船，先行赶紧修舱，编列号档，停青浦水次，听候派兑。其未经进口之船，现已咨行各海口，一体招徕归坞，一俟米数兑齐，陆续放洋北上。仍援照上届成案，准其二成载货，恩免纳税。除运米一万石以下，由外给奖，其自一万石至五万石以上，分别给与职衔。若捐至五品，无可再加，或另行酌奖，事竣奏请办理。又道光五年成案，沙船抵津，交兑之后，所余耗米，曾经奏明，官为收买。道光二十七年，漕粮海运，准令商船在津自变卖余米。此次亦应照办。

一、巡督防护，倍宜周密也。查道光二十七年漕粮海运，奏明仿照闽、广商船赴津贸易之例，准令沙船各带军器，俾资防护。仍于人口时呈缴，出口时给领，以备稽考。遴派武职大员，亲为护送，仍派兵一千名，沿海巡防。各在案。现当整饬洋面之际，沿海水师巡防，系其专责，毋庸调兵押送，转致稽延。即令各该水师镇将统带备弁兵船，沿途护送出境。仍咨直隶、山东省照案一律防范接护，以昭慎重。其沙船携带军器，亦照旧章办理。

一、筹备天津通仓经费，照案支用也。查道光二十七年漕粮海运，除轻赍由闸竹木等项照例批解外，其天津官剥、民剥、雇价、通仓、经纪、夫役、饭食等项，照例均由苏筹备解津，由江苏交米委员会同直隶委员，按照起运米数，分别支应。此次自应照章办理。轻赍由闸竹木等款，照例由粮道衙门批解。除天津剥船食米、通仓、经纪、耗米另行备带本色外，其余应需经费，仍由苏省筹措指解，由直隶、江苏两省委员查照成案，逐一酌给，丝毫不动帑项。

一、剥船经纪食耗等米，备带本色也。查道光二十七年漕粮海运，天津剥船食米，按照米数给发折色。其通仓经纪耗米，系江苏委员收买沙船余米，随正兑交，经钦差收米大臣德诚等，于漕粮起卸完竣折内声明奉报在案。查上届旧章，剥船食米，每漕米一石，给食米一升一合五勺，每石折给银一两四钱。其通仓、经纪耗米，每漕粮一石，给耗米一升五合，白粮一石，给耗米一升八合。均以洪斛核计。现在详稽成案，剥船食米，系给船户饭食之用，经纪耗米，系备赴通折耗之需。此二项本系米款，与其折银给发，或赴津购米，徒滋转折。此次应即备带本色，现饬办漕各州县，如数措备。计本年海运漕、白二粮一百四万六千二百余石，共需食、耗等米二万七千九百余石，随正兑交沙船，一律运京，按交仓米数，分别兑交给发。

一、天津交米之后，循旧责成经纪也。查道光五年漕粮海运，钦奉上谕：海船押运到京，经纪人等难免需索刁难，着军机大臣届期奏请钦派一二员前往。等因。道光二十七年成案，经部援案奏明，由直隶派委天津道驻津总办仓场，拣派坐粮厅，酌带经纪解收。户部奏请钦派大臣一人，仓场侍郎一人，赴津查验。及道光三十年，

苏、松、常、太四属海运白粮，亦系仿照办理。各在案。自三次海运以来，确有旧章可循，已属详慎周密。此次仍请照由各衙门届时奏派。米到天津验收之后，即与沙船无涉，以免羁候。其由津运通之剥船，中途如有浸耗渗湿，责成经纪承管，庶免搀杂使水等弊。

以上各条，臣等钦遵谕旨，详考成案，参酌时宜，悉心妥议，意见相同，谨肅列吁请训示遵办。其有未尽事宜，再行随时陈奏。

所有臣等会议海运章程缘由，谨会同漕运总督臣杨殿邦合词具奏。是否有当，伏乞圣鉴训示。

谨奏。

奉批：户部妥速议奏。

李鸿章江北新漕民折官办分别解运情形折

同治四年十月

奏为会筹江北新漕民折官办分别解运情形，恭折复陈，仰祈圣鉴事。

窃臣等承准军机大臣字寄同治四年八月二十五日奉上谕：户部奏浙江来年海运请飭催赶办一折，江北久经肃清，各属本年新漕，应即征收本色，扫数起运。惟本年河运，系封雇民船，诚恐米数太多，不无掣肘。如江北全漕不能概由河运，即由该省酌量情形，划分成数，河、海并运。一切章程，赶紧妥议奏明办理。等因。钦此。遵经转飭代理江宁藩司勒方锜、署江安粮道李鸿裔妥议筹办。兹据会详前来。

伏查江北淮、扬、徐、通四府属，额征起运漕米十六万余石。本年淮、扬等处夏旱秋涝，被灾较重，尚未定勘分数，约计可征米九万余石。窃自咸丰三年以来，运道不通，漕船尽坏，应征漕米，均经奏明飭属变价，分解扬、徐各粮台充饷。各州县因征米既须变价，即按逐年米价折收钱文，易银解台。臣棠于试办河运时，将各省漕粮，因军需孔亟，先后改征折色之处，附片陈明在案。今年扬防尽撤，欠饷已清。臣鸿章曾预飭司道，本年漕价必应全数解京，虽有急需，不得援例截留，以实部库。惟江北漕价，部定每石折银一两四钱，嗣粮台因米价日增，军饷日绌，历年飭令加增，各州县以收钱盈余，并节省帮费等项，全数捐解充饷。每米一石，解银二两四钱。当军务吃紧之时，民间咸知为天庾正供，竭力报效，官民相安，十余年来，从无闹漕抗粮之案。今若改征本色，民间完米，既虑弊端百出，而以米运京之费，一无所措。本年试办河运，每米一石，所用船价、耗米、运脚经费、闸挽、纤缆、席片及通仓、经纪、个儿钱等项，约共需银二两数钱。民间完纳漕粮，既不能违

例加收运费，州县征米起运，亦不能勒令赔贴解资。则此每石运费二两数钱，臣等实无从挪垫。至本年苏、松起运漕米，可较上届加增海运，沙船无多，正虞不敷装运，势不能加入江北漕米，则江北之漕，仍须另筹河运。

臣等往返函商，并督饬司道各员再四熟筹，惟有仿淮、徐等属民折官办章程，变通办运。本届江北全漕，约米九万余石，拟请令各州县照旧每米一石折收银二两四钱，全数解司。以一半按部定例价，每石作银一两四钱，先行解京。其余一半，派员于米粮荟萃之区，分投采买。江北粳米无多，米色不能一律，仍照试行章程，红、白兼收，粳、粬并买。约计米价每石需银二两有余，以一半解部；例价外之节存银一两，又益以例支漕项行月赠五给丁等银，作为一半河运之费。计尚不敷，再由外设法筹补，事竣分别报销。

此次雇用民船并起运事宜，容臣等恭酌上届试办河运章程，续行妥议具奏。所有遵旨会议办理情形，理合先恭折复陈。

张树声同治六年份江北漕粮海运疏

同治十二年

窃准部咨：江北漕粮海运，议令全用夹板船装运。等因。伏查海运漕粮，本以雇用沙船为正办。此次江北漕米无多，沙船大号可装二千余石者，不过需用三十号；小号可装七百石者，亦不过需船七十余号。现已委员驰赴上海，先尽沙船雇用，如实不敷用，仍参用夹板船。总期体察情形，及时酌办。谨将江北淮、扬、通三属同治六年份漕粮海运章程十条，恭呈御览。

一、米色应挑选干净也。江北淮、扬一带，出产粳米无多，以前两届河运，均系红、白兼收，粳、粬并买。此次改由海运，仍当照办，遴派委员，分投采购。并令多办粳米，认真挑选干洁，不准稍有潮杂，以重仓储。

一、分定米数，应划一兑收也。查同治六年份，江北淮、扬、通三府州属应征熟田漕粮，除奏明拨抵兵饷外，实该起运正、耗米若干。又高邮、泰州、宝应三县带征同治五年分缓漕米若干。查照向章，按漕斛采买交仓，亦归漕斛。现用部颁小口铁斛，制造木斛，由粮道校准，发交买米各员应用。仍令各备样米，俟交兑沙船时，呈验加贴印花，连道库铁斛一并带通较兑，以归划一。

一、江北米数无多，应从简办理也。查苏属历届海运，在苏州设立省局，由司道督办，委苏州府总理其事，并委首厅县随同办理。又在上海设立沪局，委办雇船验兑各事宜。此次江北漕粮改办海运，事属创始。然米只六万石，当此经费支绌，自应格外撙节，由藩司、粮道会同督办，毋庸设立省局。所有雇船验兑各事宜，酌派委

员会同苏属沪局员董，妥为经理，毋须另设一局，以节糜费。其天津交米事宜，应派江安督粮道酌带员董驰赴天津，经理交兑，会同直隶委员妥办。

一、江北漕米应雇沙船装运也。向来漕粮海运，均用沙船，应著成效。江北此次海运，因上冬沙卫船只甚少，故前奏有参用夹板船之议。现已委员赴沪，先尽沙船雇用，饬令挑选妥实商船，责成同行互相结保，编列号旗，排泊浦江受兑。放洋时准其二成载货，照案免税，咨明各关查照。至由津回空，贩运北地货物，并准照案全行免税。该沙船遇有在洋遭风，即时报明所在地方官验明。除折桅松舱，粮、货俱损，奏明豁免外，如货物并未抛弃，官粮者虽松舱属实，仍令赔补。如果承运无误，并准援案分别给奖。至回空沙船，如往天津牛庄各口贩货，应由局查明米石交清，方准填给全行免税印照，持赴各关呈验放行。其交米不清之船，一概不准给照，以示区别。以上俱指雇用沙船而言。或参用夹板船只，另议章程，咨明办理。

一、耗余等米应备带本色也。查海运章程，天津剥船食米，每漕米一石，给米一升一合五勺；通仓经纪耗米，每石给米一升五合：均以漕斛核计。又每石备带余米二升，随正交仓。又沙船耗米，每石给米八升。江北漕粮海运，自应查照，一律购齐本色，解沪兑交，随正开报。至沙船耗米一项，原备到津或有折耗弥补之用，如有盈余，随官收买。咸丰五年，复议于此项耗米内，限定提出三成，由津局按照市价收买，亦应照办。该船户于装兑后，不得私行染变，查出严究，以裕仓储。

一、水脚应照章核给也。查历届海运，雇用沙卫等船，每装米一石，给水脚银四钱。上届奏准加给银一钱五分，连神福、犒赏等，共七款，每石给银五钱七分八厘一毫。此次江北漕粮，自应照办。俟船只备齐，核明应需银数，解由沪局兑收转给，以利遄行。

一、津、通经费，应核实开支也。查海运章程，天津官剥每百石给剥价杂费银八两四钱四分七厘三毫，民剥每百石给银九两八钱八分四厘八毫，个儿钱每百石给银二两。江北此次海运，均应照章办理。此外津、通经费，除轻赍席木银两由粮道衙门照例批解外，其津局用项在津收买沙船余米各款，系属创办，难以预定，拟仿照旧章，宽为筹备，以免缺误。至沙船水脚及一切经费，系在漕项本折及此次所买米价盈余款内抵支，如有不敷，仍应由司筹拨，事竣分别造册核实报销。如果委员办理无误，准其援案请奖，俾示鼓励。

一、米船放津，应责成巡护也。查历届海运旧章，准令沙船各带炮械，出口给领，入口呈缴。于放洋时，由捕盗局派令员董，选拔轮勇各船出洋护送。一面责成沿海水师镇将，多派备弁兵船，在所辖各岛，严密巡防，逐段迎护催攒，赶速抵津。并先咨明直隶、山东各省抚臣，一体分饬护送，开具专任、分任各职，送部查考，以昭慎重。

一、米船交清，应责成经纪也。查历届海运，均请户部奏请钦派大臣，赴津查验，并由仓场侍郎拣派坐粮厅酌带经纪斛手，直隶派委天津道总办在案。江北此次海运，应请照案，届时仍由各衙门奏请钦派，并请于米船抵津时，随至随验。除实有霉变应立时风晾外，如系干洁之米，务须随到随收。至已交之米，由津运通，由通运仓，应照户部奏定章程，责成经纪承管。如有偷漏潮湿搀和等弊，责令赔补究治，不得牵涉原装沙船，以免羁候，而示体恤。

一、余米应循案抵补也。查历届海运，遇有沙船在洋遭风失事及霉变迟到者，均以本届筹备余米，并上届存仓米数，抵补交足具报完全。续到米船，由天津道验运交仓，另档存记，留抵下届正借之用。历经循办有案。此次应请照办，以速正运。

运河浅阻江北新漕暂归海运折

奏为运河节节浅阻，粮艘碍难试行，拟请将来年江北新漕查照成案，暂归海运，以重仓储而免迟误，恭折仰祈圣鉴事。

窃臣准户部咨：江北来年起运新漕，应飭江安粮道循案办理河运，务将起运米数设法多筹，冬兑冬开，乘来年伏汛，赶赴张秋，渡黄北上。奏奉谕旨，恭录飞咨到臣。即经转飭江安粮道王大经钦遵办理去后。

旋据该道禀称：运河年久失修，本年漕运，绕坡走险，待汛未通，势已竭蹶万状。若来年再办河运，约举其端，盖有三虑：黄水散漫，多从缺口分趋大清河，势愈分则力愈弱，运道间断，淤垫日多，可虑者一；今年绕行之坡，河内八里庄一带，忽又淤塞，不能再行，可虑者二；大汛乏水，偶借天雨灌引，未可习以为常，可虑者三。如果冒昧循办，必至徘徊中道，欲进无由，办理殊形掣肘。查上海现议购造轮船，招商转运，以之派装江北新漕，两有裨益。请将同治十一年江北漕运，暂归海运，以俟运河修复，再办河运。禀请核明具奏前来。

臣查河渠系南北往来命脉，漕运乃国家经久之规，但能设法试行，俾一线咽喉，随时疏濬流通，源源不绝，方能规复承平旧制，何敢避难趋易，率议更张？惟漕运河工，相为表里，未有运河艰涩而漕船得以畅行。即未有黄水漫流，而运道可无羁阻。自豐工溃决，黄河北徙之后，始因军务孔亟，继因工费巨繁，年复一年，修防久废，运道即因之渐梗。同治四年，部臣建议规复河运，行令江北漕粮雇船试办。阅今五次，不得已而为借黄济运之计，业已节节阻滞，艰险备尝。近则黄水日益泛滥，运河愈形淤塞。由安山至张秋八里庙，河流穿运，缺口纷歧，水落沙停，几成平陆。本年漕运绕行坡河，竭力磨浅起剥，以达八里庙。复由八里庙筑坝，抢蓄坡水，以达临清。沿河奇险百出，尚赖天雨浮送，仅而获济，实未可恃以为常。且坡河八里庄一带，又已干涸，来岁漕行，恐八里庙亦不能到，何况临清？该道所请暂归海运之处，揆时度势，实非得已。

查东河督臣乔松年复奏黄运两河折片内称：黄水至张秋八里庙，仅一股来源，故难分流入运，借黄济运，固非善策。将来欲求借黄而不可得，明年坡河，亦难绕行。等语。诚为洞悉利害之言。原议请先堵霍家桥等口，并于南北两岸筑堤束黄，奉旨敕议，至今能否兴办，尚无把握。现已十一月中旬，新漕开兑，为日无多。若不速议变通，实未敢以天庾正供，轻存尝试之心，致蹈迟误之咎。

通盘筹划，用将迫切情形，沥陈圣主之前。所有同治十一年江北淮、扬、通三属新漕，相应仰恳天恩俯准，查照同治六年成案，暂行归并海运，以免贻误。即乘此停运一年，专力治河，庶几运道疏通，一劳永逸。是否有当，伏候圣明训示遵行。

至海运以雇船为先务，上海新购轮船能否试装米石，有无窒碍，即经飭据苏松太道沈秉成查复：据招商局委员朱其昂等稟：奉委购办轮船，配运漕粮，以补沙宁船之不足，业经稟由直隶督臣李鸿章附片奏明。此项轮船现已购定三支，自明年正月至六月，约可装运三十余万石。除承装浙江漕米二十万石外，兼运江北新漕，不致临时延误。各等语。是雇船一项，业已无虞缺乏，可期迅速抵通。

除飭将起运米数宽为筹备，妥议章程，另行会详核奏，并咨户部查照外，所有运河淤阻，拟请将来岁江北新漕暂归海运缘由，先经臣与前督臣何璟往返函商，意见相同，署漕运督臣文彬合词恭折，由驿驰陈，伏乞圣鉴训示。

再，两江总督篆务，钦奉谕旨，令臣署理，现在尚未到任，是以未经会衔，合并陈明。

江北新漕暂行海运一年折

光绪三年十月

奏为运船回空无期，恳将江北新漕暂行海运一年，恭折驰陈，仰祈圣鉴事。

窃臣接准部咨：光绪三年，江北冬漕，飭令仍办河运。务将米数设法多筹，船只宽为预备，乘来年伏汛以前，赶赴张秋一带，渡黄北上。等因。当经严飭遵行去后。

兹据江宁布政使孙衣言、江安粮道松椿详称：江北历办河运，全赖雇用民船。近因道阻且艰，沿途起剥折耗赔累，无不视为畏途。上年回空漕船，大半阻于张秋，生计无资，悉将篷桅典售，并有变卖船只者。虽蒙筹款抚恤，而所得不偿所失，怨蔚滋深。其幸得南旋者，亦不愿再装漕米。今春经委员等多方劝导，许以早令回空，不似上届之迟滞，始肯勉强承运。乃开行后，自邳、宿以至夏镇，节节盘剥，拖泥磨浅，大费周章。及由戴庙闸出口，挽入黄河，因大溜南趋，其北注八里庙灌入张秋运河者，不过十之一二。而晋城吴家坝、史家桥等处，黄流湍急，险恶万分，每

挽一船，集百数十人之力，稍有不慎，倾覆随之。至八里庙又因山、陕亢旱，黄汛涨发不大，且口门背溜，水落则溜缓，溜缓则沙淤，百计经营，始将漕船十起，先后挽入运河，全抵临清。以为可幸无事矣，不料运河递年为黄流所灌，停沙愈积愈高，竟如高屋建瓴，俯瞰卫水。又值卫水十分微弱，无从仰承，高下悬殊，万难出口。原拟办理接运，无如北船寥寥，委无可雇。而南船节节磨钝，益惮北行，开导再三，并加优恤，仍令原船拖坝入卫，径送通仓，于八月到坝交卸后，即令赶紧回空。

旋据东昌府知府程绳武禀称：张秋至临清箱口坝二百二十余里，运河干涸过半，为历年所未有。倘空船勉强人运，必至干搁河内，进退为难。请飭暂泊卫河，筹给守候经费，春融再令南下，免滋事端。虽经东省沿河各州县暨承修河道委员赶紧挑浚，一面札飭押空委员酌带经费，会商东省各员妥速设法引水浮送，究竟年内能否南下，殊未易知。其奉拨河南赈米，又令原船运赴道口交兑。该船户自知回空必误，而藉此往返，可图经月口食，亦愿且解燃眉之急。此本年漕船碍难回空之实在情形也。

伏查江南年来行商萧索，民船本不甚多。而历届河运朽坏拆卖者亦复不少，现在阻于张秋空船又四百数十号，守株以待，虽悔何追？谨即分派委员先行四出雇募，优予价值，设法招徕。旬日以来，迄无应者，即间有一、二不甚整齐船只，与商修理，一闻装运漕米，亦皆裹足不前。刻已十月中旬，开兑新漕，计期不远。旧船既不能南下，新船又无可雇，若不迅图变计，势必临时贻误，关系匪轻。用特据实缕细详明，拟请援案暂由招商局轮船装运赴津交兑，以实仓储。来年回空漕船乘此机缘，修舱坚固，张秋河道山东亦可从容实力开浚。下届仍循向章办理河运，断不敢畏难推诿。详请具奏前来。

臣查以江北之运，存山东之河，部臣煞费苦心，疆吏敢分畛域？惟办运首以雇船为急，不容不及早预备。旧船既万难回空，新船又无从招雇，与其抑勒骚扰，何如偶示权宜？合无仰恳天恩，俯准暂由招商局轮船装运一年，明岁再复旧章，以免迟误。除飭将一切事宜赶紧妥筹外，理合会同漕运总督大臣文彬、江苏巡抚臣吴元炳，恭折由驿五百里驰陈。

张之洞核议御史管廷献请规复河运折

光绪二十一年闰五月

窃臣等承准军机大臣字寄，光绪二十年十一月二十九日奉上谕：前据御史管廷献奏请规复河运以裕饷源一折，当经谕令户部议奏。兹据该部所称：近年河运浅淤，以致河运米石，不能议加。该御史议自陶城埠至临清一带，兴修铁路，洵属因时制宜，于运漕大有裨益。惟办理一切事宜，应通盘筹划，总期有利无弊，历久可行，请

飭各督抚妥议。等语。着按照该御史原奏十利四便，及部所筹各节，悉心理会，妥议具奏。原折均着抄给阅看，将此由五百里各谕令知之。钦此。钦遵。咨行详议去后。

兹据江宁布政使瑞璋、江苏布政使邓华熙、江安粮道马思培、苏松粮道吴承潞等详称：窃查办理河运，以船只为首务。自官艘废弃，历系雇用民船。江南船只，择其轻便坚固堪装二、三百石者，本属无多。近来行商萧索，加以朽坏拆卖，更觉其少。光绪三年，回空阻滞上河，新漕无船可雇，奏改海运，是其明证。迨年江北、江苏运米二十余万石，需船千号，设法雇募，已属搜罗无遗。若增运全漕一百数十万石，约需船四千余号，实属无从招雇。购料兴造，尤觉款巨难筹。况漕船开行，先抵江境，中运河底如常。山、桃、宿、邳一带，淤浅尤多，不特处处加成起剥，且须借资雨泽，推挽前进。骆马等湖，本为江南巨浸，近已涸成田地。所恃惟微山一湖接济，今亦淤垫过甚。若统运全漕，则扬庄以上，河水无源，能否有雨，殊难预料。且船多水浅，非数旬所能过竣。若船未过半，而水已放尽，一经浅搁，断难飞越。既入东省，河道窄小，不利运漕。乃自黄水穿运，失治已久，近虽择要挑浚，暂济目前，然台庄以上，挨闸套塘，灌送牵挽，倍极艰苦。又有十字河飞沙时复积壅，而济宁十望铺向恃汶水济运者，更因汶源微弱，节节浅涩。又限于经费，未能深挑，两岸土性浮松，水小难行，水大易决。即如光绪十六年东平州下汛中心堡东岸河决，三堵三溃，水势旁泄，船俱搁浅。夫以船只缺乏如此，运道浅涩又如此，勉强行之，诚如部议所言无益运漕，徒糜巨款，实非慎重之道。除铁路一节应由东省议复外，会同详请复奏前来。

臣等伏查河运一事，难以规复者，大要有三：一在官船久废，造复无此巨资。一在河身全淤，挑挖更须巨款。一在借黄济运，本出一时权宜，习为固然，终虑横决贻患。今该御史所奏，请自山东陶城埠至临清二百里间兴修铁路，转运全漕，可免借黄之险，固系为济运利民起见。第直隶铁轨，现为山海关内外转运兵械要需，万无移置之理。即使另行造轨，安设亦难。而南北运河，挑挖之工，造船之费，为数过巨，目前既不能筹，以后更增繁费。是山东境内，虽有铁路二百里，河运仍难一律复旧畅行。且查铁路之利，必须行远旁通，两端起止皆系繁盛之区，方可输转百货、萃集行旅、增多厘税，种种利益，由此而生。若两端碍滞，而置铁路于其中，则商旅无从趋赴，百货无从运行，徒有造路养路之费，而无其益，似于此处情形不合。

所有臣等会议江南河运势难规复、山东铁路利济无多缘由，谨合词复陈。

朱批：户部知道。

张之洞遵议南漕折解情形折

光绪二十二年正月

窃臣前奉寄谕：饬将折南漕一事，各就本省情形，悉心筹划，酌度办法，分析复奏。当经咨行钦遵筹办去后。随据各司道分别筹议详复，正核办间，迭准户部电称：本年将次开征，应仍办本色。又称：近畿连年荒歉，粮缺价昂，采办不易，本年冬漕，只可仍运本色。明岁或运或折，由江、浙督抚会筹具奏。各等因。臣即经照录部电，分饬将本年冬漕一律遵照起运。

惟查转漕为国家大政，已历二百余年，固未可轻言更改。但从前未通海运，商贾绝少贸迁，京仓正供，以及官俸兵米，无不仰给东南。是以总漕特设专官，运河时加修浚，淮、黄蓄泄，闸坝启闭，尤极纷纭。曾不惜岁糜千余万两之帑，以转南省数百万石之粮，诚以藉一线之漕渠，供无穷之飞挽，非官之力不能为，此外固别无转运之术。且百年以前，仓弊较少，故不得不沿袭旧例，虽极种种劳费而不辞。迨海运开而河运已成骈枝，商运通而官运转形劳费，折漕行而本色并非定章，是则情事之递迁，即利病之殊致。至若海警猝闻，转输非便，则官运所窒碍者，商运或尚可通行。建议诸臣，先已陈及。

今以江苏征漕言之：其隶江安粮道所辖者，宁属例征大米，每石向折解银一两八钱。淮、扬、通三属亦征大米，向折解银二两一钱。徐属例征粟米，每石向折解银一两四钱。均由州县解道，由道购米起运，米价运费共支销银三十四万余两，其实运米只十二万余石耳。今若一律提解现银，每石已合银二两八钱有余。若折发俸米饷米，即照江苏原买米价发给。江苏石大，京城石小，或京城一石，作银一两四五钱，或一石作二两，在官兵所领之银，已较从前米票折变之价增至一倍两倍，而国计尚有盈余。况随漕轻赍席木等银万余两，并可提解户部。

其隶江苏粮道所辖者，固有全收本色、全收折色、本折兼收之异。然臣查全完本色者，只苏属数县耳。余则收本色者，为时不过旬余，为数不及一半，余皆统收折色。至松、常、镇、太等府州，虽有本折兼完之说，而完本者更不及一二成，且有向来全完折色者矣。如恐不便于民，或虑民间米便钱稀，则臣本系持本折听民自便之议。但使完本色者，由州县照市价以米易银；完折色者，由州县以钱易银。统由粮道汇收解部，则民间丝毫无所增改，自无纷扰之虞。州县原定公费一千文，并不议裁，自无办公掣肘之虞。况折征之价，仍循旧章，以市价之低昂为准，由藩司、粮道核定详明督抚批准通行，原无抑勒之事，而国家已省苏属六十余万之运费矣。况都下军民，南方朝士，或食粟麦杂粮，或食畿辅北稻，从无必需南米之事，徒令船户挽水，仓胥耗蠹，归之霉朽尘沙，是不惟虚糜大宗之帑金，抑且暴殄有用之食米。

自咸丰以来，湖北折漕，而官民亦无不便。江苏情事，当不致大相悬殊。统而计之，宁、苏两属，岁可省银八十万两。所不利者，仅两粮道衙门吏胥之规费，及采买

办运之染指者耳。今拟仿照湖北折漕成案，每年另增粮道公费。江苏漕多事繁，应较湖北从优，或银一万二千两，或再酌增数千两，即于应解银内，准其坐支。如此，则官民两不相妨，国家岁省虚糜之费八十万。若浙江及他省采买者，亦并改解折色，所省又数十万。而漕标之支销，卫所之虚耗，挑河、剥船之经费，运船带货优免之税厘，各种巨款，尚不与焉。

若虑京仓不可空虚，则由户部每年酌提折价，就近在京、通购米十万石存仓。积之十年，亦自不少，辘轳收放，总以仓存好米百万石为度。就地坐收，既可免由津运通耗费搀变之弊；数少易察，更可无仓胥陈朽盗窃之忧。万一间有荒歉之年，则米价既然翔贵，南北商贩，自必闻风争趋；电信一传，海轮经旬可达；关东粮数日可到；临时采买，亦尚不难。且灾年杂粮，仅可救饥，岂尚拘拘于南米哉！

惟另有白粮一项，本系上供玉食，自应敬谨解京。然白粮兼供王公及三品以上大员俸米，应否酌定若干万石，著为永额，由粮道专员赍解，以奉天庾，余俱一律改折，自应恭候钦定。

所有微臣遵旨筹议南漕改折有利无弊缘由，谨就管见复陈，伏候圣明裁择，敕下户部暨本任两江督臣、江苏抚臣核议施行。

奉批：户部议奏。

刘坤一 奏免沪栈陈漕亏短米石折

光绪二十八年八月

奏为苏省光绪二十五年份留沪栈陈漕，运交兑竣，有亏短耗折米石，恳恩豁免，恭折仰祈圣鉴事。

窃查苏省光绪二十五年份漕粮正、耗，及经剥漕船耗等米，除沙船装运不计外，实交招商局轮协运交仓漕粮正米，共五十六万二千九百一十八石零，又经剥食三款米一万五千四十一石零，商船轮耗米四万五千一百一十三石零，统计正、耗米六十二万四千七十三石零。历届商轮承运漕粮，均系遵照同治十二年前督抚臣奏定海运章程，慎重米色，余下先尽正漕兑收，次及采买，并筹销余米，即指商耗而言。是招商局验兑进栈时，只记米数，不分正、耗。迨至起运出栈时，先尽正漕，并经将剥食耗、随正运耗作应交之米。计自二十六年二月初间开运起，至五月中旬止，实运津漕米三十七万三千二十四石，在津已兑交苏粮道装剥起运米二十一万九千六百八十三石。存储津栈尚未运出米一十五万三千三百四十一石，不图猝遭兵事，失去无存。所有已经由沪运津前项漕米，每石应给商轮耗米八升，共应给米二万九千八百四十一石零。现在陈漕业已由沪运竣，自应统核开除，按照二十六年夏间运津折回

存沪共米二十五万一千四十九石零，内除是年夏运津之米，应给商耗米二万九千八百四十一石零。内该年冬间兑运汉口漕米五万石，商耗米四千石，又去秋运津漕米应除商耗一万一千二百七十一石零，实应交仓正米一十四万八百九十四石零，随运津剥食三款一万五千四十一石零，共应交仓正、耗米一十五万五千九百三十五石零。查前项余漕，上年春间奉饬起运时，因存沪日久，商轮应得耗米固已耗尽，必致短及正漕。即经委员赴沪，眼同按袋过磅，计共运出原存沪耗陈漕正、耗米一十五万五千九百三十五包零，共重二千四百七十三万一千七百七十一磅，以磅合石，约亏耗二万石有奇。谨按仓场督臣所开入廩陈漕一十三万七千八百八十石零，遵陈……供应骡车一升耗米一千三百七十八石零外，实共短少米一万六千六百七十六石零。委系存储沪栈两夏，运津折回起卸，致虫食霉变伤耗。兹据苏松督粮道罗家杰详请奏豁前来。

臣等复加查核，系属实情。查浙省是年陈漕，亦因存沪日久亏耗，经浙江抚臣任道镕据情奏请豁免，已奉谕旨允准。今苏省情事相同，且亏耗米数较之浙省有减无增。所有苏省二十五年存沪陈漕亏耗米石，相应援案奏恳天恩，准予豁免，以示体恤，出自逾格鸿施。除咨部查照外，谨会同会办商务大臣工部左侍郎臣盛宣怀恭折具陈。

第十三卷 漕运三

冬 漕 折 价

苏属冬漕酌定征价表

光绪十七年

完折色者每石收折价钱二千四百文。
见是年十一月二十三日刘坤一酌定冬漕征价奏。

随交公费钱一千文。

每石年外加收钱五百文，无分本、折。

交本色者以石抵石。

每石余耗交公费钱一千文。

每石抵补南粮随漕脚费钱五十二文。

嘉定、宝山民折官办年内每石折收钱三千九百文，年外加钱三百文。

丹徒县不起运。

光绪十八年

每石收折价钱二千五百文。 见是年十一月十五日刘坤一冬漕酌定收纳奏。

下忙钱粮每两折收钱二千五百文。 见九月十八日刘坤一下忙钱粮市价折收奏。

每石公费钱一千文。

每石年外加收钱五百文。

交本色者以石抵石。

每石余耗交公费钱一千文。

每石抵补减缺南粮随漕脚价钱五十二文。

嘉定、宝山民折官办每石折收钱四千文，年外加收钱三百文。

丹徒县不起运。

光绪十九年

每石折收钱二千五百文。 见十二月初四日刘坤一冬漕酌定征价奏。

每石公费钱一千文。

每石年外加收钱五百文，无分本、折。

交本色者以石抵石。

每石余耗改交公费钱一千文。

每石抵补南粮随漕脚价钱五十二文。

光绪二十年

每石折收钱二千四百文。 见十一月二十日张之洞酌定冬漕征价奏。

上忙钱粮每两折收钱二千二百文。

每石随收公费钱一千文。

每石年外加收钱五百文。

交本色者以石抵石。

余耗改交公费钱一千文。

每石抵补南粮脚价钱五十二文。

嘉定、宝山民折官办每石折收钱三千九百文，年外加收钱三百文。

光绪二十一年

每石折收钱二千四百文。

每石随收公费钱一千文。

余循旧。

见十一月十二日张之洞冬漕酌定征价折。

光绪二十二年

每石折收价钱二千七百文。 见十二月初三日刘坤一酌定冬漕征价奏。

随交公费钱一千文。

每石年外加收钱五百文，无分本、折。

交本色者以石抵石。

每石余耗交公费钱一千文。

每石抵补南粮随漕脚费钱五十二文。

嘉定、宝山民折官办年内每石折收钱二千七百文，年外加收钱三百文。

丹徒折色每石收钱二千七百文，公费钱一千五百文。

下忙钱粮每银一两折收钱二千文， 见二十二年九月二十二日赵舒翹奏。
是年减征二百文。

丹徒每银一两完钱一千四百九十六文，随交公费钱一千五百文，是年减五百文。

光绪二十三年

每石折收价钱二千九百文。 见十二月初十日刘坤一冬漕定价收纳奏。

每石随交公费钱一千文。

每石年外加收钱五百文，无分本、折。

交本色者以石抵石。

余耗改公费钱一千文。

每石抵补南粮随征脚价钱五十二文。

嘉定、宝山民折官办年内每石折收钱四千四百文，年外加收钱三百文。

丹徒县不起运。

光绪二十四年

每石折收钱三千一百五十文。 见十二月二十一日刘坤一冬漕本折兼收奏。

每石随交公费钱一千文。

每石年外加收钱五百文，无分本、折。

交本色者以石抵石。

余耗改公费钱一千文。

每石抵补南粮随漕脚费钱五十二文。

嘉定、宝山折收钱四千六百五十文，年外加钱三百文。

光绪二十五年

每石收钱三千二百文。 见十一月二十日刘坤一冬漕折价完纳奏。

上忙钱粮每银一两折钱二千文。

随交公费钱一千文。

每石年外加收钱五百文，无分本、折。

交本色者以石抵石。

余耗改公费钱一千文。

抵补南粮随漕脚价五十二文。

嘉定、宝山每石折收钱四千七百文，年外加收钱三百文。

光绪二十七年

每石收折价钱三千三百文。

见二十七年十二月初五日刘坤一酌定冬漕折价收纳奏。

随交公费钱一千文。

每石年外加收钱五百文，无分本、折。

交本色者以石抵石。

余耗改交公费钱一千文。

抵补南粮随漕脚费钱五十二文。

光绪二十八年

上忙钱粮地芦等款条银，每两加收钱一百文，照市价易银批解。

光绪二十九年

每石折收钱三千八百五十文。 见九月二十日李兴锐等各属经征数目奏。

每石随交公费钱一千文。

每石年外加收钱五百文，无分本、折。

交本色者以石抵石。

余耗改交公费钱一千文。

抵补南粮随漕脚费钱五十二文。 见光绪二十九年九月二十日奏。

光绪三十年

每石折收钱三千六百文。 见十二月十三日周馥冬漕酌定征价折。

随交公费钱一千文。

每石年外加收钱五百文，无分本、折。

交本色者以石抵石。

余耗改收公费钱一千文。

抵补南粮随漕脚价钱五十二文。

嘉定、宝山每石折收钱五千一百文，年外加收钱三百文。崇明有银无米，每两折征钱二千四百文，随收规复银价钱二百文。 见光绪三十年九月二十日署两江总督李兴锐等奏查明各厅州县经征钱粮漕米数目汇开表册。

丹徒地银每两折收钱一千四百九十六文，随收规复银价钱二百文。

光绪三十一年

每石折收钱三千四百文。 见是年十二月十一日周馥等酌核征漕定价奏。

上忙钱粮每银一两折收钱二千二百文。 见是年三月初十日护江苏巡抚效曾奏。

随收公费钱一千文。无锡金匱让减公费钱四百文。

每石年外加收钱五百文。

交本色者以石抵石。

余耗改交公费钱一千文。

抵补南粮随漕脚费钱五十二文。

嘉定、宝山每石折收钱四千九百文，年外加钱三百文。
见三十一年十二月十七日谕折汇存。

宣统元年

完折色者，每石折收钱七千五百文。 见十二月二十一日张人骏酌定冬漕征价奏。

随交公费钱一千文。

每石年外加收钱五百文，无分本、折。

交本色者以石抵石。

余耗改收公费钱一千文。

抵补南粮随漕脚费钱五十二文。

漕 粮 折 色

宁属钱漕酌定征价表

每石运费、脚费、办公经费，少数五千文，多数六千五百文。间有纳银者。
见阁抄光绪三十一年十二月十一日周馥、陆元鼎会奏江苏征漕并未违例病民折。

钱粮每两加耗，完钱完洋照市核收，并无增减。少数二千四百二十文，多数二千六百文。

宁属地漕折价表

每银一两折价数目

赣榆收足钱二千四百。

清河、睢宁各收钱二千六百八十。

上元、江宁、句容、六合各收钱二千四百二十。

邳州收钱二千七百。

宝应收钱二千四百四十。

海州收银一两三钱八分六。

溧水、江浦、盐城、高邮、泰州、东台、江都、甘泉、扬子、兴化、通州、如皋、

泰兴各收钱二千五百。

沭阳收银一两二钱三分六。

阜宁、铜山、丰县、沛县、萧县、砀山、宿迁各收钱二千五百。

高淳、桃源、海门各收钱二千六百。

安东收钱二千六百二十。

每漕一石折价数目

上元、江宁、句容、江浦、六合折足钱四千五百。

盐城、铜山、萧县、砀山、邳州各收钱五千六百。

通州收钱五千。

山阳、高邮、东台各收钱五千八百。

赣榆收钱五千二百。

沛县、睢宁、宿迁各收钱六千。

兴化收钱五千三百。

阜宁、清河各收钱六千五百。

丰县收钱五千三百五十。

桃源、沭阳各收银二两四钱。

泰兴收钱五千四百。

海州收银三两一钱三分。

泰州、江都、宝应、如皋各收钱五千五百。

甘泉收银三两二钱二分。

扬子收银三两六钱。

忙 漕 项 下

规复银价

光绪二十七年十二月初五日，聂缉槩奏苏省现拟规复征收地漕银价折内言：拟苏属三十五州县征收银价，不分地漕赋芦课屯折杂项，每银一两仍折收钱二千二百六十文。经征之员提出钱二百文，照市价易银，解司专款存储。

光绪三十二年十月十六日，江苏巡抚陈夔龙奏：规复银价等四款，如有延不报解者，即比照未完杂项例，分别议处。

丁漕平余

光绪三十四年三月二十一日，刘坤一等奏漕米收价不减，每石提盈余二百文，解济法、俄、德、英四国还款。

漕 米

光绪二十七年二月初五日，刘坤一奏于留存办公经费每漕米一石再行酌提钱一百文。

附 张人骏冬漕循案分别本折酌定漕价折

宣统二年十二月

奏为苏州等属宣统二年冬漕拟请循案分别本折，折中酌定漕价，以期官、民两便，恭折仰祈圣鉴事。

窃照苏州等属征收冬漕，向系本、折兼收。完折色者，查照当年米价，随时酌定钱数，每石另收公费钱一千文。完本色者，以石抵石，应加余耗，亦改收公费钱一千文。迟至年外，一概加收钱五百文。所有宣统元年份止历届征漕定价各数，节经分别奏明在案。兹届征办宣统二年新漕，案准部咨，飭令：江、浙两省于本年所征本色，仍共留漕粮京斛一百万石，白粮在内，由海运京，余仍全数改折。等因。即经转行遵办，并飭循旧本、折兼收，听从民便。

兹据苏州布政使陆钟琦、苏松督粮道惠纶详称：本年折征米价，除太仓州属之嘉定、宝山二县向例民折官办，应行提出另办外，其余苏州、松江、常州、镇江、太仓

五府州属征漕各厅州县，本年五月下旬连日降雨，江河陡涨，低区积水，禾苗被淹受伤。高平田亩夏秋亢晴，缺雨滋培，迨扬花吐秀，更遭风雨摧残，在田禾稻结穗未能圆绽，以至收成减色。兼以江北淮安、徐州一带及邻近湘、皖等省同告灾祲，客米绝迹，来源枯竭。并因各属平糶仓谷殆尽，提款购补，出数少而销路广，米价因此飞涨。查苏省冬漕折价，前经言官陈奏，应照市价折收。奉经飭令无锡、金匱两县传谕米业商董，将十月、十一月米价逐日报县转申，由司开折详请咨部在案。现在开漕期近，亟应酌定漕价，俾有遵循。调查锡、金两县及省城米价，每石匀五元四角五分，递涨至六元一分不等。现由会议厅公同议决，按照锡、金两县查报米价，并裕苏局逐日以洋易钱市价平均计算，每石折收钱七千五百文，随收公费钱一千文。完本色者，以石抵石外，循旧将余耗改收公费钱一千文。迟至年外无钱不折，每石加收钱五百文。其减赋案内奏明抵补减缺南粮之随漕脚费每石钱五十二文，仍照章按数带收。似此办法，折收漕价核与现市有减无增。本、折仍听民便，粮户无虞避就。

再，随漕带收公费钱一千文，系抵支各州县一切办漕要需，恐刁顽之户视为无关紧要，任意抗延，则州县公用无出，势必贻误漕运，应请循案奏明。倘粮户交米而不交公费，即比照抗粮例惩办，以儆效尤。等情。详请具奏前来。

臣等查核无异。除飭司出示晓谕，遵照定章，无分绅、民，一律均平征收，不得稍有抑勒轩輊外，谨会同合同恭折，由驿四百里驰陈。

奉批：度支部知道。

第十四卷 岁计

南京内府内官监局

南京光禄寺，并五府、六部、都察院、大理寺、通政司等衙门，锦衣等卫所官吏旗军士校舍余匠幼水夫，嘉靖三十年份岁用白熟、粳、糯、糙米，黄、绿等豆，稻、谷、芝麻，行粮、廩给、稻皮，共一百九万五千八百三十七石一斗四升九合五勺八抄。

内府内官等监局，并光禄寺、太常寺、国子监等衙门，岁用白熟、粳、糯、糙米，黄、绿等豆，芝麻、稻谷，廩给、稻皮等项，共二万七千八百六十九石三升。白熟细米四十四石，白熟粳米五百六十八石，白熟糯米九百七石，糯谷五十石，糙粳米三千四百石二斗三升，次等白粳米一万七千四百石，绿豆一千五百石，黑米一百三十石，黄豆一千三百五十三石八斗，芝麻一千六百二十六石，稻谷一千四十石，稻皮三百石。

南京锦衣卫所官吏旗军士校舍余匠幼水夫并骑操马匹，岁用米、豆共一百一万五千二百四十三石六斗二升四合八勺，仓米九十八万八千一百四十九石六斗七升四合八勺，料豆二万七千九十三石九斗五升。

南京五府、六部、都察院、大理寺、鸿胪寺、翰林院、通政司，并公侯驸马伯官吏，岁用禄米共五万二千七百二十四石四斗九升四合七勺八抄。禄米一万石，俸米四万二千七百二十四石四斗九升四合七勺八抄。

贵州清吏司会计

南京吏部并带支太医院行人司官吏监生知印，岁用俸米一千石。

云南清吏司会计

南京府军左卫官吏旗军岁用米二万二千八百石，料豆一千二百九十六石。

南京府军卫官吏旗军岁用米一万五千八百六十一石七斗四升，料豆三百五十四石二斗二升。

南京虎贲左卫官吏旗军岁用米一万九千九十五石五斗九升四合，料豆八百一十六石八斗五升。

南京府军右卫官吏旗军岁用米二万四千九百三十一石一斗八升九合二勺，料豆九百

四十五石。

浙江清吏司会计

南京左军都督府官吏监生知印岁用俸米三百石。

南京龙骧卫官吏旗军岁用米六千一百七十三石四斗，料豆三百二石七斗六升。

南京龙虎卫官吏旗军岁用米一万五千石，料豆二百四十五石。

南京应天府官吏旗军岁用米一万六千八百石，料豆二百七十石。

南京留守左卫官吏旗军岁用米二万四千三十五石九斗六升四合。

南京龙虎左卫官吏旗军岁用米一万九千三百一十六石六斗七升六合，料豆二百三十七石六斗。

南京水军左卫官吏旗军岁用米三万二千六百七石六斗四升八合。

四川清吏司会计

南京工部并合属官吏监生知印岁用俸米五千四百五十石。

南京府军后卫官吏旗军岁用米一万三千九百七十六石二斗，料豆七百三十八石六斗。

南京金吾右卫官吏旗军岁用米一万三千七百一十七石二斗一升，料豆四百四十一石六斗。

南京武德卫官吏旗军岁用米一万三千五十石六斗，料豆二百七十石。

南京神策卫官吏旗军岁用米一万二千七百三十五石五斗，料豆四百五十石。

南京天策卫官吏旗军岁用米七千六百八十四石六斗八升，料豆二百九十二石三斗二升。

陕西清吏司会计

南京五府公侯伯爵岁用禄米一万石。

南京右军都督府官吏监生知印岁用俸米三百五十石。

南京大理寺官吏监生岁用俸米一千石。

南京鸿胪寺官吏岁用俸米三百五十石。

南京翰林院官吏岁用俸米七十石。

南京户部官吏监生知印岁用俸米八千二百四十石。

南京羽林右卫官吏旗军岁用米二万三千石，料豆三百七十八石。

南京留守右卫官吏旗军岁用米一万九千石。

河南清吏司会计

南京礼部并带支南京太常寺等衙门官吏岁用俸米一万四千七百二十二石一斗。

孝陵卫并合属官吏旗军岁用米二万七千九百七十三石六斗。

南京牧马所合属官吏旗军岁用米一万九千七百四十七石四升，料豆一千七十四石八斗。

南京飞熊卫池河营骑操马五十三匹，岁用料豆八十六石。

南京英武卫池河营骑操马四十五匹，岁用料豆二百四十三石。

南京广武卫池河营骑操马四十四匹，岁用料豆四百七十五石。

山东清吏司会计

南京兵部官吏监生知印并合属等衙门岁用俸米三千五百石。

南京锦衣卫官吏旗军岁用米三万五千六百九十八石六斗四升，料豆七百五十六石。

福建清吏司会计

南京后军都督府官吏监生知印岁用俸米二百九十九石四斗。

长安等四门仓饭食粮米一万八千九百八十石八斗。

南京兵部典牧所军余岁用米二千六十一石三斗五升八合八勺。

南京留守后卫官吏旗军岁用米三万二千三百七十九石一斗二升，料豆七百九十三石八斗。

南京虎贲右卫官吏旗军岁用米一万八千八百九十四石一斗二升，料豆二百三十九石四斗。

南京骁骑右卫官吏旗军岁用米一万六千二百二十三石七斗五升八合，料豆七百五十六斗。

南京龙江右卫官吏旗军岁用米三万三千七百四十八石五斗一升二合。

南京水军右卫官吏旗军岁用米二万一千二百九十四石。

广东清吏司会计

南京刑部官吏监生岁用俸米二千五百石。

南京中军都督府官吏监生知印岁用俸米六百二十六石三斗七升九合七勺八抄。

南京广洋卫官吏旗军岁用米二万三千六百五石九斗四升二合八勺。

南京济川卫官吏水夫岁用米三万五千五百三石七斗二合。

南京鹰扬卫官吏旗军岁用米二万六千七百一十二石，料豆一千九百石八斗。

南京羽林左卫官吏旗军岁用米一万七千八百四石二斗，料豆二千五百四十八石八斗。

南京留守中卫官吏旗军岁用米二万二千三十五石七斗五升。

湖广清吏司会计

南京国子监官吏师生岁用白米五百石，糙米一千石，黄豆三十石，绿豆三十石；折色俸米一百石，每石折银七钱，共银七十两。

南京太医院医生医士岁用米四百石，每石折银五钱，共银二百两。

南京羽林前卫官吏旗军岁用米一万二千二百石，料豆六百三十石。

南京豹韬左卫官吏旗军岁用米二万七千一百一十二石二斗二升四合，料豆一百二十五石二斗八升。

南京豹韬卫官吏旗军岁用米一万四千八百二十七石一斗五升二合，料豆八百五十六石八升。

南京和阳卫官吏旗军岁用米三千五十二石八斗。

南京军储仓官攒岁用米三十二石。

南京教坊司岁用米二百三十六石四斗。

江西清吏司会计

南京都察院官吏监生知印并巡书吏人等岁用俸米三千三百三十九石六斗。

南京通政使司并带支南京尚宝司吏兵等科岁用俸米五百六十八石一升五合。

南京兵部会同馆岁用廩米四百石。

南京江淮卫官吏旗军岁用米四万七千五十六石八升。

南京旗手卫官吏旗军岁用米一万六千四百七十五石六斗二升八合，料豆三百五十六石四斗。

南京金吾前卫官吏旗军岁用米二万三千三百七十七石一斗五升二合，料豆三千二百二石九斗二升。

南京金吾左卫官吏旗军岁用米一万六千四百二十二石八斗八升，料豆四百三十二石。

南京金吾后卫官吏旗军岁用米二万七十七石六斗八升，料豆一千九百二十二石四斗。

广西清吏司会计

南 京

孝陵神宫监岁用糙粳米六百石，白熟糯米八十石，芝麻四十石，稻谷五百石，绿豆五十石，黄豆三百石。

南京内官监岁用白熟细米四十四石。

南京供用库岁用白熟粳米四千石，准本库手本开称：先年奏准每五年外免派一年，今自嘉靖二十五年起至二十九年止，计五年，俱收本色，其嘉靖三十年份，依例免派。芝麻一千五百石，黄豆四十石，黑豆一百三十石，绿豆三百石。

南京酒醋面局岁用白熟糯米七百石，黄豆四百九十四石八斗，绿豆三十石，稻皮三百石。

南京光禄寺

大官署白熟粳米六十石，次白粳米一万七千石，稻谷五百石。

珍羞署白熟粳米八石，黄豆十二石。

良酝署白熟糯米一百二十七石，绿豆四十石，稻谷四十石。

掌酝署芝麻六十石，黄豆四十石。

南京太常寺厨役岁用米一千三百五十三石六斗。

南京神乐观岁用糙粳米一千七百七石二斗三升，遇闰月加米九十三石。黄豆二百三十七石，芝麻二十六石。

南京牺牲所官吏旗军岁用米一千三百二十石，黄豆二百石，绿豆六百石，糯谷五十石。

南京沈阳右卫官吏旗军岁用米六千石，料豆一百六十二石。

南京沈阳左卫官吏旗军岁用米九千四百七石四斗，料豆一千三百三十九石二斗。

南京留守前卫官吏旗军岁用米一万九千九百六十石九斗二升。

南京前军都督府官吏监生知印岁用俸米三百九石。

山西清吏司会计

南京镇南卫官吏旗军岁用米一万三千九百九十石八斗九升七合，料豆五百九十石五斗二升。

南京江阴卫官吏旗军岁用米二万五千五十二石三斗。

南京龙江左卫官吏旗军岁用米二万六千八百五十石八升四合。

南京兴武卫官吏旗军岁用米二万五千四百九十五石八斗九升三合，料豆一千四百一十六石。

以上录明南京户部分志会计志(民政)会计粮储。

光绪江苏会计表

一、江苏省入款

(一)经制款目 额 数 历年收数 杂 记

地 丁 无闰二百三十四万四千六 最多一百七十一万九千三

百四十四两五钱四分八 百八十七两二钱七分五

厘，有闰二百三十六万九 厘，最少一百五十四万一

千二百八十七两九钱九分 千五百七十三两一钱六分

八厘。 四厘。

各卫屯折 四万六千二百十一两二钱

五分六厘，闰不加征。

耗 羨 无闰二十四万七千五百九 最多十八万一百十八两五

十四两六钱九分一厘，有 钱三分九厘，最少十六万

闰二十四万九千九百八两 四百七十七两六分二厘。

二钱五厘。

漕 项 无闰七十九万八千九百二

十一两八钱三分二厘，有

闰八十万五千四百六十两

一钱一分九厘。

芦 课 十六万三千四百七十三两 最多一十万六千九百十八

九钱五分四厘。 两零，最少一十万五千八

百十三两零。

杂 税 八万七千六百五十两三钱 最多八万二千四百九十两

零七厘。 零，最少六万八千七百五

十五两零。

租息：学滩充分教 三万四千六百六十六两七 最多三万四千五百九十三

场各租苇柴折 钱一分三厘。 两零，最少三万二千九十

价旗典息 七两零。

盐 课 一百二十二万七千六百六 最多一百十七万五千六百

十二两七钱六分二厘。 六两零，最少一百十六万

四千七十三两零。

盐 厘 最多二百万四千九十四两

零，最少一百八十五万六

千九百三十两零。

常税江海、扬州、正额、盈余共五十九万四 最多十八万三千八百八十
淮安各关 千一百三十五两二钱四分 四两零，最少十四万五千
二厘。 二百二十七两零。

洋 税 最多五百十三万七千九百
五十二两零，最少四百九
十六万九千八百六十九两
零。

厘 金 最多二百二十八万一千一
百八十一两零，最少一百
七十六万六千六百三十三
两零。

洋 药 厘 最多一百七十七万四千四
百三十九两零，最少一百
三十二万六千六百三十三两
零。

受 协 最多一百十三万三千四百
一两零，最少一百五万八
千六百七十三两零。

以上经制各款 最多五百四十八万七千一
百三十九两零，最少五百

七万四千九百四十九两

零。

(二)新增洋税厘金药 最多九百十九万三千五百

厘 七十三两零，最少八百五

万七千二百三十六两零。

二、江苏省支款

(一)经制数目 额 数 历年支销 杂 记

祭 祀 无闰一万七百十四两四钱 如数。

六厘，有闰一万三千八百

十八两二钱四分九厘。

乡 饮 酒 礼 宁属一百六十六两五钱四 现均节省解司入

分二厘，苏属二百五十一 拨。

两五钱。

时 宪 书 工 价 宁属一百十一两四钱，苏 如数。

属七百六十五两四钱五分

二厘。

岁 贡 坊 仪 七百六十九两六分九厘。 如数。 按六年出贡一次，

以编征之数匀给，

届六年报销一次。

举人旗匾 每名二十两，照章减半。 最多五百三十两，最少七十两。

举人会试盘费 每名八两七钱九分。 最多三千八百十四两一钱九分七厘，最少八百九十五两一钱三分七厘。

文武乡场经费 文闱一万四百十五两三钱 系动漕耗并编征九厘，武闱二千六百五十 银两，据戊子科一两二钱二分七厘。 册报。

驿站经费 无闰十万九千六百九十九 宁属由县径支，两五钱六分六厘，有闰十 苏属解司支放。一万五千八百八十七两八钱六分九厘。

孤贫口粮 无闰一万八千一百十一两 如数。五钱五分六厘，有闰一万九千一百三十二两九钱三分六厘。

孤贫柴布 五千六百四十九两三钱二 如数。分四厘。

文员编俸 一万七千三百七十九两八 如数。钱六分五厘。

抚院、织造及各府 无闰八万七千三百八十一 如数。

州县厅衙门夫役工 两三钱二分七厘，有闰九

食 万一千三百三十七两三钱

三分九厘。

省城司道并首领官 二千三百十八两四钱二 如数。

俸役食 分。

闸渡各夫工食口粮 无闰三千五百二十八两三 如数。

钱九分二厘，有闰三千六

百十一两三钱三分二厘。

清河县涧桥司巡检 一百三十九两五钱二分。 如数。

俸 工

淮徐堰圩三同知俸 七百六十二两。 如数。

工

江宁府学廩膳并门 十九两二钱。 如数。

斗工食

江宁将军、副都统 无闰四百六十八两，有闰 如数。

执事人役工食 五百零七两。

江宁织造等官俸 无闰五百九十九两四钱六 如数。

米、豆、草折 分八厘，有闰六百三十七

两四钱零八厘。

苏州织造等官俸 六百八十八两七钱五分四 如数。

米、豆、草折 厘。

各卫官俸役食 一千九百六两六钱二分四 如数。

厘。

文 职 养 廉 苏州光绪八年九万一百八 动支耗羨。

十五两四钱五分八厘，江

宁未报。

武 职 养 廉 未报。

祇应号船扛轿报事 无闰一千一百四十五两七 由各州县编征径

夫工食 钱七分三厘，有闰一千二 支。

百四十一两一钱二分。

马座船水手工食 无闰四百五十五两七钱九 由各县编征，存

分六厘，有闰四百八十八 留支給。

两三钱一分二厘。

驻防孤寡抚恤养赡 一千两。 每年由江宁藩司

口 粮 拨解旗营支用。

江宁八旗学堂纸、 四百八十九两八钱六分三 每年动支旗营教

笔、茶、水、兵丁 厘。 场田租。

操 具

江京书院经费并操 二千八百九十两。 如数。 每年淮运司由盐

演奖赏 规项下拨解。

救生船口粮经费 最多二千六百四十九两， 动支厘金外销。

最少二千一百二十二两。

巡防保甲经费 最多二万二千三百七十 动支厘金外销。

两，最少一万八千八百十

一两。

赈济贫民经费 最多一万三千四百三十三 动支厘金外销。

两，最少一万一千一百五

十两。

书院经费并刊书经 最多一万四千四百二十 动支厘金外销。

费 两，最少一万二千八百三

十六两。

文武职月课奖赏 五千两有奇。 动支厘金外销。

囚 粮 未报。

江宁八旗并督标镇 无闰三十九万六千四百三

水陆各营俸饷 十八两五钱五分三厘，有

闰四十二万八千四两八钱

七分。

京口八旗并抚提镇 无闰三十五万四千三百四

协水陆各营俸饷 十三两一钱五分四厘，有

闰四十一万三千二十八两

九分六厘。

绿 营 公 费 未报。 则例出无定额。

差兵盘费 未报。

长江水师各营俸饷 无闰四十六万六百四十六 如数。

两七钱九分七厘，有闰四

十九万一千三百九十六两

七钱七分七厘。

各营皮纸、火书、飞 最多一万七千二百三十九

铲、经贴、火药等 两三钱三分六厘，最少一

经费 万七千一百八十三两九钱

九分七厘。

金陵、湖口两船厂 最多四万五千两，最少三

修造船经费 万一千两。

世 职 俸 银 最多一万二千三百二十三

两八钱四分，最少九千六

百十八两三钱七分九厘。

南 河 工 需 最多十一万二千八十三

两，最少十万五千二百三

十四两。

江、苏两织造经费 无闰十八万九十五两三钱

三分六厘，有闰十八万一

千一百八十两八钱二分二

厘。

江海、扬州、淮安 光绪十四年开支二万四千

三关常年经费 五百八十八两零。

寿民、节孝、贞烈 最多七百七十八两二钱，

妇女建坊赏缎银两 最少二百一十两。

恤 赏 祭 葬 未报。

江宁驻防并各绿营 最多二千三百九十二两，

兵丁白赏 最少一千八百六十二两一

钱八分。

滇 铜 水 师 二千六百两三钱六分五

厘。

采 办 木 植 五千五百二十八两二钱七 近年未照额解。

分三厘。

办 解 飞 金 三万六千四百六十一两一 近年未照额解。

钱九分七厘。

办 解 布 匹 一千六百五十两。

办 解 颜 料 自肃清后，至今

并未采办。

漕运经费等款 最多五十万三百九十一两

五钱一分一厘，最少二十

五万二百五十八两三钱一

厘。

金 砖 工 价 十三年派办金砖需用脚价

四千三百五十六两四钱一

分。

修辑赋役全书工料 十年一次，动支厘金外销。

解饷鞘箍工料 最多五十七两四分，最少

五十两五钱六分。

以 上 共 银 最多二百七十二万六千五

百十六两九钱九分一厘，

最少二百三十万六千六百

七十三两四钱六分一厘。

(二) 新增款目 历 年 支 销 杂 记

江苏留防各营勇饷 最多二百二十七万二百四

十八两，最少一百八十八

万五千八百九十四两。

金陵洋火药、机器 最多十七万一千一百二

局经费 两，最少十六万九千四百

八十九两。

江南筹防局办理南 最多一百二万八千四百八

洋经费 十七两， 最少六十二万八

千五百四十四两。

上海机器局经费 八年支七十四万一千二百

三十两。

江海、镇江两洋关 十四年四结共支八千四百

本关经费 一两。

军熔火耗并汇费委 十四年支十七万一千五十

员盘费司事巡丁薪 三两。

水工食

税 务 司 经费 十四年支三十一万一千一

百两。

总税务司七成船钞 十四年支十一万六千五百

四十六两。

总理衙门三成船钞 十四年支四万九千九百五

十四两。

洋药缉私经费 十四年支五千九百三十

两。

洋务外销用款 十四年支十七万八千二百

七十一两。

洋药巡船价银 十四年支二万五千两。

以 上 共 银 最多五百七万七千三百一

两，最少四百二十九万一

千三百九十一两。

(三)京协款目 原 拨 历 年 支 销 杂 记

京 饷 一百二万两。 如数。

固 本 练 饷 无闰六万两，有闰六万五 如数。

千两。

加 复 俸 饷 四万五千两。

旗营加饷裁勇节省 共银三十九万两。

筹 边 军 饷 十三年四十四万两，十四

年二十万两。

边 防 经 费 三十万两。

备 用 经 费 无闰一万二千两，有闰一

万三千两。

粮道解部漕折 最多六万三百十五两三钱

五分一厘，最少三万六千

七十两二钱一分九厘。

粮道解轻赍 最多二万七千四百九十一

两一钱八分六厘，最少二

万六千四十二两七钱六

分。

镇江关解五成二厘 十四年解部银八千五百八

十一两。

四成洋税 十四年解部银一千二十三

两。

名项解部饭银 最多六千二百五十两，最

少五千一百两。

内务府参价 十四年江海关解银五千一

百六十五两。

内务府饷银 十五万两。 十四年运司解银十一万两。

奉天俸饷 十二万两。

吉林俸饷 十二万两。

海军经费地丁等银十二万两，盐课

等银十二万两，厘金

银四十万两，按八成

解，洋税无定数。

步军衙门要差 十四年解银一万五千两。

永定河工需 三万两。 如数。

南河河工 十四年运司解银七万四千
两。

直隶协饷 十四年江海关解银二十七
万两。

直隶淮军饷 无闰一百二十万两，有闰
一百三十万两。

天津机器经费 十四年拨解经费银十万
两。

大连湾兵饷 十三年解银二十五万两，
十四年解银二十二万两。

甘肃新饷 共银四十万两。

北洋经费 最多三十一万三千二百六
十八两，最少二十九万四
千三十七两。

东河工饷 十二年五千五百两，十三
年四千五百两。

湖北军饷 十四年运司解银二十四万
六千一百三十五两。

湖 南 军 饷 十四年运司解银十万六百五十七两。

贵 州 兵 饷 无闰九万八千两，有闰十万二千两。

川 省 改 拨 淮 饷 十四年苏藩司、江海关共解银八万三千五百两。

出 使 经 费 最多三十七万九千九百八十八两，最少三十五万八千九百七十七两。

神机营息借洋款 洋税项下息银十四万一千一百二十两。

闽省息借洋款 洋税项下息银十万八千两。

郑 工 洋 款 十四年江海关解银三十万五千二百二十两。

台 湾 协 饷 十三年拨银九千两。张曜协饷 四万两。

安 徽 协 饷 无定数，每年约拨银十五万两。

以 上 共 银 最多八百四万六千二百十三两五钱三分七厘，最少

七百五十五万八千五百二

十七两九钱七分九厘。

(四)统计经制、新 最多一千五百八十五万三

增、解京、协拨等款 十一两五钱二分八厘，最

少一千四百十五万六千五

百九十二两四钱四分。

江苏省苏属宣统三年预算岁入岁出总表

出入别 江苏省苏属预算之数 度支部复核之数

岁 入 九百八十三万四千七百五十一两八分八
本部拟增银五十八万八千两， 尚未商

厘，尚有上年余存各款十二万九千六 定。

百三十一两五钱一分七厘在外。

岁 出 一千九十一万七千四百五十三两二钱四
一千四十五万四百七十一两二钱九厘，

分五厘。 内有拟减银十七万一千五百十七两九

钱六分四厘，尚未商定。

出入相抵 不敷一百八万二千七百二两_钱五分七
不敷六十一万五千七百二十两一钱二分

厘。 一厘。

说 明 原表系以上年余存各款作抵， 故原列数
如能将拟增拟减数目商定照办，再以原

目只不敷九十五万三千七十两六钱四 有余存各款抵补，当可盈余二十七万

三分。 三千四百二十九两三钱六分。

江苏省苏属宣统三年预算岁入分类表

一、经常门

类 别 江苏省苏属预算之数 度支部复核之数 比 较

受协各款 一百九十三万四千七十

二两九钱。

田 赋 三百八十四万五千六百

五十二两五钱六分一厘。

正杂各款 九万六千十五两二钱六

分二厘。

厘 捐 三百十二万三千九百四

十八两四钱五分三厘。

官业收入 六万二千一百八十五两

三钱二分九厘。

杂收入 四十九万六千二百五十

二两九钱二分四厘。

二、临时门

部拨各款 二千两。

受协各款 四千三百二两九钱一分

五厘。

田 赋 十三万五千七百十二两

五钱二厘。

捐输各款 一千一百七十七两四钱

四分。

杂收入 十三万五千四百十两八

钱二厘。

江苏省苏属宣统三年预算岁出国家行政经费分类表

一、经常门

类 别 江苏省苏属预算之数 度支部复核之数 比 较

解 款 五百六十六万六千六十一 五百七十万一千五百六十
增三万五千五百两。

两五钱一分一厘。 一两五钱一分一厘。

协 款 八十六万三千六百九十九 八十六万六千六百九十九两七 减三千两。

两七钱五分六厘。 钱五分六厘。

行政总费 二十七万一两六钱九分八

厘。

交 涉 费 八万六千五百三十两八钱 五万六千二百二十九两八
减三万三百两九钱二分

九厘。 钱八分四厘。 五厘。

民 政 费 十四万三千五百九十一两 十三万七千九百九十一 减五千六百两。

二钱四分八厘。 两二钱四分八厘。

财 政 费 七十万二千五百十九两七 六十六万二千五百十九 减四万两。

钱六分三厘。 两七钱六分三厘。

典 礼 费 二千七百十三两八钱五分。

九厘。

教 育 费 五万五千二十六两三钱七 四万八千五百二十六两三 减六千五百两。

分九厘。 钱七分九厘。

司 法 费 十九万六千六百两五钱一 十六万八千五百八十二两
减二万八千一十七两七

分三厘。 七钱八分八厘。 钱二分五厘。

军 政 费 一百四十三万三千七百六 一百三十四万二千二百九
减九万一千四百七十一

十五两九钱四分二厘。 十三两九钱八分七厘。 两九钱五分五厘。

实 业 费 一万五千九百七十五两三 一万四千三百七十五两三 减一千六百两。

钱三分七厘。 钱三分七厘。

交 通 费 七千九百八十八两一钱八

分九厘。

工 程 费 一万五千四百九两六钱九 一万三千二两七钱一分七
减二千四百六两九钱七

分。 厘。 分三厘。

官业支出 三万五千一百四十一两二 二万七千一百四十一两二 减八千两。

钱五分七厘。 钱五分七厘。

二、临时门

解 款 十五万九千九百五十六两 十六万五千九百五十六两 增六千两。

八钱六分三厘。 八钱六分三厘。

协 款 五万七千九百八十两二钱 三千四百八十三两九钱八
减五万四千四百九十六

九分四厘。 分五厘。 两三钱九厘。

财 政 费 七万二千八百八十两九钱

八分四厘。

典 礼 费 三百六十两。

军 政 费 十三万七千七百五十三两 二万六千七百五十三两六
减十一万一千两。

六钱七分四厘。 钱七分四厘。

工 程 费 三万二千六百八十两一钱 二万一千九百四十九两二
减一万七百三十两八钱

六分四厘。 钱九分七厘。 六分七厘。

行政总费 一万三千三百二十九两一 五千一百八十一两五钱五
减八千一百四十七两五

钱二分。 分四厘。 钱六分六厘。

司 法 费 一千七十七两七钱。 二百六十七两七钱。 减八百十两。

江苏省苏属宣统三年预算岁出地方行政经费分类表

一、经常门

类 别 江苏省苏属预算之数 度支部复核之数 比 较

民政费 四十五万九千七百五十三 四十四万九千七百五十三 减一万两。

两一钱五分六厘。 两一钱五分六厘。

教育费 二十四万二千二百十六两 二十四万九百二两一钱七
减一千三百十四两六钱

八钱五分七厘。 分二厘。 八分五厘。

实业费 七万二百三十两七钱四分 六万二百二十三两九钱六
减一万六两七钱八分三

五厘。 分二厘。 厘。

二、临时门

民政费 六万二千七百八两三钱五 三万五千九百三十两一钱
减二万六千七百七十八

分五厘。 七厘。 两二钱四分八厘。

教育费 十万五千二百六十两四钱 十万一百六十两四钱一分 减五千一百两。

一分九厘。 九厘。

实业费 一千五百两。 三百两。 减一千二百两。

工程费 四千七百三十八两九钱六

分三厘。

江苏省宁属宣统三年预算岁入岁出总表

出入别 江苏省宁属预算之数 度支部复核之数

岁 入 二千五百七十四万一千九百三十七两九
拟增银二十九万四千余两，尚未

钱五分七厘。 商定，暂不列增减。

岁 出 二千五百八十四万一千六百二十六两五
二千五百十四万三千八百二十七两八钱

钱八分八厘，预备金九十六万五百四 八分八厘，预备金九十六万五百四十
十一两三钱八分四厘在外。 一两三钱八分四厘在外。内有拟减银
七十万二千八百一两三钱，又拟增银
二万两，未经商定，暂不列增减。

出入相抵 不敷九万九千六百八十八两六钱三分一
盈余五十九万八千一百十两六分九厘，

厘，预备金在外。 预备金在外。

江苏省宁属宣统三年预算岁入分类表

一、经常门

类别 江苏省宁属预算之数 度支部复核之数 比 较

受协各款 三百十六万八千四百七十
两二钱三分。

田 赋 二百十八万二千八百八两
二钱八分二厘。

盐茶课税 一千二百二十七万五千八
百五十四两七钱六分七
厘。

正杂各税 二十四万三千六百一两六
钱六分。

厘 捐 二百六十一万九千五百九

十五两五钱四分。

官业收入 二百三十一万一千九百五

十五两四钱七分六厘。

杂收入 一百八十七万二千四百六

十五两七分八厘。

二、临时门

受协各款 二十七万一千四十一两七

钱二分九厘。

田 赋 二万二百十四两七钱三分

五厘。

捐输各款 十八万六千四百七十六两

一钱八分。

公 债 一万六百两。

杂收入 五十七万八千八百五十四

两二钱八分。

统计江苏省宁属预算岁入之数，原系二千五百七十四万一千九百三十七两九钱五分七厘，外尚有度支韶拟增二十九万四千余两，尚未商定，是以暂不列增。

江苏省宁属宣统三年预算岁出国家行政经费分类表

一、经常门

类 别 江苏省宁属预算之数 度支部复核之数 比 较

解 款 二百四十七万九千五百三 二百五十万九千五百三十 增三万两。

十八两二钱八厘。 八两二钱八厘。

协 款 五百万八千九百九十二两

七钱九分八厘。

行政总费 五十万四千九百十七两四 四十三万四千九百十七两 减七万两。

钱九分六厘。 四钱九分六厘。

交 涉 费 四万七千八百六十两六钱 三万六千六百六十两六钱
减一万一千二百两。

三厘。 三厘。

民 政 费 十四万三千二百三十八两 十一万四千二百三十八两 减二万九千两。

九钱九厘。 九钱九厘。

财 政 费 二百八万四千二百五十九 一百八十二万六千二百七
减二十五万七千九百八

两八钱八分二厘。 十九两八钱八分二厘。 十两。

典 礼 费 一万七千二百二十三两五

钱二分七厘。

教 育 费 四万九千三百二十七两二 四万八千一百二十七两二 减一千二百两。

钱六分二厘。 钱六分二厘。

司 法 费 七万七千六百九十四两七 六万八千六百九十四两七 减九千两。

钱六分五厘。 钱六分五厘，

军 政 费 五百二十七万一千四百一 五百八万四千七百八十二
减十八万六千六百十八

两七厘。 两三钱七厘。 两七钱。

实 业 费 二万一千一百四十三两七

钱五分二厘。

交 通 费 四千二百四十九两九钱四

分七厘。

工 程 费 八万五千七百三十三两二

钱三分四厘。

官业支出 一百六十九万一百七十九 一百六十五万五千五百七
减三万四千六百十九两

两。 两二钱一分八厘。 二钱一分八厘。

二、临时门

解 款 四百六十五万八千七百八

十九两六钱四分四厘。

协 款 三万六千三百三十六两九

钱四厘。

交 涉 费 二万八千四百六十九两八

钱五分八厘。

财 政 费 二万九千八百八十六两一

钱七分。

民政费 六千七百三十六两一钱五
分三厘。

典礼费 九十两。

军政费 五十八万三千七百十四两 五十八万一千七百十四两 减二千两。
九分六厘。 九分六厘。

工程费 三万五千七百二十八两八
钱七分八厘。

公债费 四十九万八千八百四十一
两一钱一分八厘。

统计江苏省宁属预算国家行政岁出之数，原系二千三百三十六万四千三百五十二两四钱二分九厘，经本部复核后，增银三万两，减银六十万一千五百九十八两七钱，增减相抵，仍减银五十七万一千五百九十八两七钱，实应岁出银二千二百七十九万二千七百五十三两七钱二分九厘。尚有度支部拟增银二万两，拟减银七十六万一千一两三钱，尚未商定，是以暂不列增减。

江苏省宁属宣统三年预算岁出地方行政经费分类表

一、经常门

类别 江苏省宁属预算之数 度支部复核之数 比较

民政费 五十六万二千二百三十五 五十六万七百三十五两八 减一千五百两。
两八钱九分三厘。 钱九分三厘。

教育费 一百五万三千二百五两七 一百二万三千五百五两七
减二万九千七百两。
钱七分八厘。 钱七分八厘。

实 业 费 十五万九千四百九十一两

二钱六分六厘。

官业支出 十二万三千六百九十九两 十万四千六百九十九两九
减一万九千两。

九钱五分二厘。 钱五分二厘。

二、临时门

民 政 费 十三万三千六百七十一两 五万七千六百七十一两一 减七万六千两。

一钱六分六厘。 钱六分六厘。

教 育 费 三十三万二千九百四十二

两四钱二分五厘。

实 业 费 九百九十四两七钱。

工 程 费 十一万一千三十二两九钱

七分九厘。

统计江苏省宁属预算地方行政岁出之数，原系二百四十七万七千二百七十四两一钱五分九厘，经本部复核后，减银十二万六千二百两，实应岁出银二百三十五万一千七十四两一钱五分九厘。内有拟减银三万一千八百两，尚未商定，是以暂不列减。

江苏省宁属宣统三年预算筹备事宜出款附表

一、经常门

类别 江苏省宁属预算之数 度支部复核之数 比 较

民 政 费 四万四千六十八两三钱四

分二厘。

军 政 费 四十八万二千四百四十
两。

二、临时门

军 政 费 一百四十八万八千八百四十两。

统计江苏宁属预算筹备经费，共库平足银二百零一万五千三百四十八两三钱四分二厘。

江苏省江北宣统三年预算岁入分类表

一、经常门

类 别 江苏省江北预算之数 度支部复核之数 比 较

受协各款 一百二十一万六千四十一
两九钱八分三厘。

田 赋 三万九千四百八十两三钱
八分五厘。

厘 捐 十九万六千四百九十四两
二钱九分三厘。

官业收入 一万五千六百八十两。

杂 收 入 三万九千三百十七两一分
七厘。

统计江北预算，岁入银一百五十万七千十四两三钱七分八厘。外有度支部拟增数目，尚未商定，是以暂不列增。

江苏省江北宣统三年预算岁出国家行政经费分类表

一、经常门

类 别 江苏省江北预算之数 度支部复核之数 比 较

行政总费 五万七千十四两九钱五分

五厘。

民政费 四千五十一两一钱。

财政费 三万三千八百二十两六钱

四分五厘。

典礼费 一千十二两五分五厘。

司法费 四千六百一两二分八厘。

军政费 一百六万三百七十二两四

钱一分八厘。

实业费 二百九十七两一钱四分三

厘。

交通费 一千五百九十两九钱七分

一厘。

工程费 十四万四百二十一两四钱

四分。

官业支出 一千十四两二钱九分八厘。

二、临时门

财政费 九千八十四两八钱。

军 政 费 十六万七千三百七两六钱

九分二厘。

统计江北预算国家行政岁出银，一百四十八万五百八十八两五钱四分五厘。内有度支部拟减数目，尚未商定，是以暂不列减。

江苏省江北宣统三年预算岁出地方行政经费分类表

一、经常门

类 别 江苏省江北预算之数 度支部复核之数 比 较

民 政 费 六万四千七百六十六两四

钱七分四厘。

教 育 费 一万三千六百八十五两三

钱六分九厘。

实 业 费 二百九十七两一钱四分三

厘。

二、临时门

民 政 费 六千四百五十七两一钱四

分三厘。

统计江北预算地方行政岁出银，八万五千二百六两一钱二分九厘。内有度支部拟减数目，尚未商定，是以暂不列减。

度支部库出入表

库 款 来 源 光绪三十四年 宣 统 元 年

京 饷 江苏地丁 一五〇.〇〇〇两 一五〇.〇〇〇两

江苏厘金 二二〇.〇〇〇两 二二〇.〇〇〇两

两淮盐厘 四五〇.〇〇〇两 四五〇.〇〇〇两

江海关常、洋税 二八〇.〇〇〇两 二八〇.〇〇〇两

镇江关洋税 一六〇.〇〇〇两 一六〇.〇〇〇两

扬州关常税 三〇.〇〇〇两 三〇.〇〇〇两

淮安关常税 二〇.〇〇〇两 二〇.〇〇〇两

筹备饷需 江 苏 六〇.〇〇〇两 六〇.〇〇〇两

江 海 关 二〇〇.〇〇〇两 二〇〇.〇〇〇两

边防经费 江苏厘金 八〇.〇〇〇两 八〇.〇〇〇两

两淮盐厘 一二〇.〇〇〇两 一二〇.〇〇〇两

江海关洋税 一〇〇.〇〇〇两 一〇〇.〇〇〇两

固本兵饷 江 苏 六〇.〇〇〇两 六五.〇〇〇两

海军经费 镇 江 关 四〇.〇〇〇两

江 苏 二〇〇.〇〇〇两

专使经费 江 苏 四〇.〇〇〇两

金 陵 关 二〇.〇〇〇两

江 海 关 三〇〇.〇〇〇两

镇边军饷 江 宁 一六〇.〇〇〇两 二八〇.〇〇〇两

船厂经费 江 苏 八〇.〇〇〇两

漕 折 江苏漕折 六七.三五四两 一.八七九.八六七两

江苏减漕轻赍 二八.〇七五两 二七.九五二两

江安漕折 一五五.六五〇两

江苏漕折运费 二九七.九五七两

江安漕折运费 一七三.八〇〇两

关税 镇江关 一一七.八六七两 一四五.五一八两

土药税 江宁 一三.〇〇四两

徐州 一五〇.〇〇〇两

减平两淮 一.五三一两 八六.二二〇两

江宁 六〇两

江安 六三五两

节扣江安 五五〇两

捐项江南 一三一.四九〇两 一三六.八一〇两

杂款两淮票本 七五.〇〇〇两 七五.〇〇〇两

两淮解健锐学堂经费 六.〇〇〇两 六.五〇〇两

江海关解镑亏 四〇〇.〇〇〇两

江宁解内务府 二〇.〇〇〇两

崇陵工程江海关 一〇〇.〇〇〇两

苏州关 一〇〇.〇〇〇两

镇江关 一〇〇.〇〇〇两

扬州关 五〇.〇〇〇两

金 陵 关 五〇.〇〇〇两

江 苏 一〇〇.〇〇〇两

备荒经费 江 苏 一三.〇〇〇两

加平饭银 两 淮 一三.五〇〇两

新增饭银 江 苏 六〇〇两

巡警经费 江 苏 六.二五。两

共 计 三.六八六.五二一两 四.八三八.六六九两

杂 考

其载在《清理财政说明书》者，则宁、苏两属截然不同。宁属芜杂，不可理董，号称岁入二千五百数十万，以盐茶关税为大宗，受协各款及田赋、厘捐次之。然于盐务，仅日综厥成数岁人已达千数百万，初未声述确数。其田赋、厘捐、茶税、关税，不过三百余万。而财政公所所收协饷、协款及拨补厘金，由淮运司、苏藩司、粤、滇、豫、陕等省认拨者，均无明数可稽。财之不可言政，未有甚于江宁者也。

《江苏宁属清理财政局说明书》

江宁各属岁入，计二千五百数十万两，内以盐茶关税为大宗，受协各款及田赋、厘捐次之。岁出计二千六百数十万两，内以解款、协款及军政费为大宗，财政费、教育费次之，民政费、行政费又次之。以入抵出，岁不敷银一百余万两。

宁属各厅州县正款：宁属额征民卫地芦等款，约共正银一百一十万两上下。民卫漕屯等米，约共三十四万余石。

金陵关：正杂各款，每年约收银二十一万数千两，洋六千余元，钱一百余千文。

淮安关：每年正款约收银二十万两以外，杂款约收银十一万九千余两，扣平等项约收银一千三百余两。

金陵厘捐局：正、杂各款，年约收银一百七万两有奇，洋八千余元，钱二十五万余串。

木厘局：额定比较，十八万七千七百九两七钱六分。

驻芜米捐局：每年约收银三十万两左右。

皖南茶税局：每年约收银三十二万六千余两。

两淮盐运使：以款目而论，日课，日厘，日税，日票本，日加价，日各项杂捐，名称至为繁琐。综厥成数，岁入已达千数百万。

苏属根据咨议局宣统三年预算，厘然各当。于机关性质、税收来源、解支类别，既为详说，又列为清表，分析国家、地方，经常、临时收入支出。其府厅州县及海关、常关之经常、临时收入，亦附著焉。

江苏省苏属国家收入税项 银：两钱分厘

经常岁入 九.三一〇.二一一.九二四

临时岁入 三五〇.六七五.一八八

统计经常、临时收入 九.六六〇.八八七.一一二

江苏省苏属国家岁出预算数 银：两钱分厘

经常岁出 九.四九五.〇二五.九五—

临时岁出 四七六.〇一八.七九九

统 计 九.九七一.〇四四.七五〇

江苏省苏属地方收入税项预算数 银：两钱分厘

经常岁入 二四七.九一五.五〇五

临时收入 五五.五九九.九八八

统计经常、临时收入 三〇三.四九五.四九三

江苏省苏属地方岁出预算数 银：两钱分厘

经常岁出 七七二.二〇〇.七五八

临时岁出 一七四.二〇七.七三七

江苏省苏属府厅州县岁入岁出数 银：两钱分厘

岁入经常 一. 九四三.九〇五.五四六

岁出经常 二.〇八六.〇二四.一八六

岁入临时 一.五八八.二七〇

岁出临时 一二.六三三.〇七三

据《苏属清理财政说明书》。

江苏省苏属海关常关岁入岁出表

一、岁入经常临时

江海关 一〇.六〇八.四三三 三三四.九八八.二七二

镇江关 一.一九五.八八五.六五二 六六.二六三.三四一

又：附税罚款 七〇.〇九一.八三六

苏州关 一一〇.〇一六.三二八 四三〇.五〇〇

洋务协款 六.一七二.四四二

江海常关 二九三.〇九九.八〇八 八.三五七.三七五

扬由关 一二五.一二五

二、岁出

江海关 一一.八四四.九六六.一九五

镇江关 一.三七五.一六四.一五九

苏 州 关 一八五.四八三.二二〇

洋 务 经 费 六.三七〇.七六七

江 海 常 关 二九八.二七一.二四一

扬 由 关 一五〇.〇三〇.四七三

单位：银两钱分厘。

财政官吏，旧止藩司、粮道、运使及各关监督。其出纳皆有定额。咸、同以来，始有善后、支应、筹防、筹款、厘金等局。无部例之束缚，便督抚之外销，而江苏宁属之不易清理，其源即由于此。当清理财政之时，江宁藩库有收款支款清册，《财政说明书》未之载，兹具录之，以见光绪末年江宁藩库出纳之梗概。

江宁藩库收支款数：据光绪末年江宁藩库收款预算表。

收款共计 额征二.七五六.四一一两一钱六分五厘，每年约收一.九六六.四〇〇两。附注：此外尚有滩地捐、文武职罚俸、养廉空缺存公款、养廉减成款、八旗减马乾、建旷朋扣饷、平款钱本折银余剩款、续提漕米盈余、加提地漕盈余、铜元盈余、徐州膏捐、酒捐、江南公益彩票、芜湖平糶义捐、节省徐州膏捐经费等项，故江宁藩库每年约收二百二十余万。

支款共计 二.四六九.七九四两七钱三分八厘。

按：光绪三十四年二月，江宁藩司详两院稿称：司库每年入款共二百二十余万两，出款共二百四十七、八万两，出入相抵，不敷甚巨。即据上表统算而言。

自清初及光绪，江苏人民第有纳税之职，无参与制用之权也。上述历朝省款出入都数及表册，皆疆臣告君主及户部之文报，或学者从官书逐录钩索而得，非公布于有众者也。江苏人民之有参与制用之权，自宣统二年咨议局始。是年九月，咨议局第二年常会始议及宁、苏两属地方行政经费全部预算。两江总督张人骏札复：宁属预算，碍难裁减。宣统三年二月，召集临时会，复议宁属预算，张人骏复靳不公布，议长张謇等相率辞职。苏省资政院议员言之内阁，迄七月二日，张人骏与江苏巡抚程德全始会衔公布预算全册，议长、议员亦于是月二十一日复职。官权与民意始阂终融，而清社不旋踵屋矣。苏省议员之始议预算，有意气，无秽声，视后此议员索贿分肥者迥别。惟争哄经年，仅成省款预算，国家经费及府厅州县经费皆未之议。且省款仅议支出，其经常、临时收入，则载在预算全册，督抚送局参考，无权齿及。是亦至可慨者也。

按江苏咨议局第二年度议决预算案报告，督院张札交预算全册以备参考文附列册目，有预算报告总册表三本，淮安关预算册表一本，金陵关预算册表一本，沿江巡防队预算附册表一本，州县盐场杂款收支预算附册表一本，代收代解及特别款预算附册表一本，及各署局预算分册二百十本，府厅州县分册六十五本，又抚院程送预算分册函计一百三十二本，送预算全册以备参考文附列册目有苏属省预算册一本，府厅州县预算册一本，苏州关预算册一本，江海新关预算册一本，江海常关预算册一本，镇江关预算册一本，扬由关预算册一本，宣统三年应办各事预算册一本。咨议局据以参考，未行印布。宁属府厅州县预算有分册，无总册。苏属有总册，故印载预算案报告内。

江苏咨议局议决宣统三年地方行政经费预算数

宁 属

经常门 一.六五六.四一九.二一七。

临时门 六五五.八三四.八一一。

总计地方行政经常临时经费 二.三一二.二五五.〇二一。

苏 属

经常门 一.〇五〇.八〇二.九五二。

临时门 一七六.〇六四.八八五。

统计地方行政经常临时费 一.二二六.八六七.八四〇。

又苏省地方行政岁出经费内全省公共专款册南菁文科中学堂经费(此项专款性质特殊)：一二.五五八.〇〇〇。

单位：银两钱分厘。

宣统三年预算案虽未全见实施，要为宁、苏两属绅民公意之征符。总计当时督抚划定的款都三百五十余万。

宁二百三十二万三千六百二十六两有奇，苏一百二十一万六千零六两有奇。区为经常费二百七十万有奇，临时费八十三万有奇。经常费中民政费一百一十万有奇，宁、苏合计一百一十零六千三百零九两。教育费一百二十二万有奇，宁、苏合计一百二十二万三千八百一十九两。实业费三十九万有奇，

宁、苏合计三十九万二千九百五十四两。
以教育费为最巨。临时费中民政费十八万有奇，
宁、苏合计十八万六千九百四十两。 教育费四十五万有奇，
宁、苏合计四十五万八千九百三十两。 实业费十万有奇，
宁、苏合计十万零二千五百十九两。 工程费十一万有奇， 惟宁属有之。
亦以教育费为最巨。维新之费，多倡于江苏，由此可睹矣。

第十五卷 军饷奏疏

江苏巡抚李鸿章奏报苏沪军需第一案收支款目折

同治四年二月

奏为苏、沪军需第一案收支款目总数开列清单，恭折奏祈圣鉴事。

窃准部咨：同治三年七月初七日奉上谕：同治三年六月以前各处办理军务未经报销之案，准将收支款目总数分年份起，开列简明清单，奏明存案，免其造册报销。等因。钦此。当经转行钦遵。旋据督办报销局苏州藩司刘郇膏等具详：湘、淮水陆各军粮饷、恤赏、随营文武官弁盐折、采办杂支、制造战船等项，应分别正、杂款目，请自同治元年四月起至二年六月底止为第一案，自二年七月起至三年六月底止为第二案，其补发元年三月底以前原部各军正、杂各款，及所收皖省拨解之款，毋庸划归皖省，统归第一案另列收放。又上海原设军需制造各局并松、沪原存旧部兵勇粮饷、恤赏，应截至元年十月初三以兼署藩司、苏松太道吴煦交卸司篆前一日止，归该道另案开报，十月初三日起至三年六月底止，归该司等由局汇入第一案开报，以清界限。等情。当将酌议开报章程，奏蒙圣鉴在案。

兹据该司刘郇膏等详称：第一案收款，自同治元年正月督臣曾国藩在皖陆续拨给，及臣抵沪后提拨江苏藩关各库，并厘捐等项，共计收银四百四十三万三千五百九十八两一钱三分七厘二丝三忽，钱五万九千一百九十七千四百二十六文。据各委员将支放实数详报到局。该司等督饬局员逐款勾稽，悉心查核，计第一案请销银四百四十二万三千六百六十六两六钱五分三厘一毫四丝二忽，钱三万四千二百七十一千文。实存银九千九百三十一两四钱八分三厘八毫八丝一忽，钱二万四千九百二十六千四百二十六文，归第二案接续开报。所有收支银、钱，均就实收实放之数开列，其各军欠饷，统俟酌发饷票完竣，核清数目，另行专案办理。详请具奏前来。

伏查同治元年四月间，臣由皖统师至沪，接署抚篆。其时镇江以南，仅存上海一隅之地，贼势披猖，军情万分吃紧。经臣于虹桥四江口，几经血战，力挫凶锋，大局始有转机。嗣后逐渐募勇添营，规划进取，并挑留松、沪原防兵勇，人数愈众，需饷愈繁。江海关税供支常胜军用款，及外国会防教练、勇丁口粮、购买外洋枪炮军火，需费尤多。适值九、汉开关，沪税减色，因将厘捐大加整顿，藉济水陆军需。而综计收支仍入不敷出，提前搭后，设法腾挪，各营口粮，积欠甚巨。前因无从筹补，援案奏请酌发饷票，设局收捐。其欠饷不愿领票者，仍难相强。此外挪借洋行采办米价应行按款提还，又购办外洋军火，价值较昂，分立期票，亦须陆续清付。三年以来，督饬司道百计经营，勉力槽柱。虽幸禀承庙算，恢复省郡州县二十余城，江苏全境得以廓清，而筹饷之难，实较用兵为更甚。兹据开报各款，复加确核，委系实用实销，毫无浮冒，应请存案，免其造报。

除常胜军等五款另行开单附奏外，合将苏、沪军需第一案收支款目总数开列清单，恭呈御览。

李鸿章奏销常胜军用款片

同治四年二月

再，苏、沪军需案内常胜军用款，为向来军务所无。又英、法兵官教练洋枪炮队，湘、淮各营添雇洋人教习，租置轮船，买用外洋军火，制造西洋炮火，均经先后随折声明具奏有案。

据督办报销局苏州藩司刘郇膏等详称：常胜军及英、法教练洋枪炮队勇粮，同治元年十月初六日以前应归前兼署苏藩司、苏松太道吴煦一手开报。以后用款，常胜军截至三年四月裁遣止，其教练勇粮并各营教习、洋人辛工及租买各项轮船、购买外洋军火、制造西洋炮火等五款，截至三年六月底止，共请销银二百七十八万八千三百八十八两八钱三分八厘一毫。系于藩关各库捕盗经费厘捐等项内，陆续提拨，另开收支款目。详请具奏前来。

臣查前五项用款，皆与洋人交涉，无例可循。经臣随时权宜酌定饬发，并无浮冒，理合附片具陈，并照缮清单恭呈御览，一并存案免其造报。

再，前项既属例所不及，嗣后支放各款，仍应核实专案奏报请销。其法国教练庞字营口粮，由会防经费项下动支者，应归外销，由关道库动支，即附入奏销汇办。合并陈明。

李鸿章奏明军需未能依例恳恩变通片

同治四年二月

再，前奉上谕：同治三年六月以前各处军务未经报销之案，免其造报。其自本年七月起一应军需，凡有例可循者，务当遵例支发。其例所不及有应酌量变通者，先行奏咨备案。等因。钦此。仰见朝廷实事求是之至意，曷胜钦服！除三年六月以前军需用款归于另案奏报清单外，查楚军向以五百人为一营，每百人用长夫三十六名。臣所统湘、淮陆军，原照楚军向章，连长夫共六百八十名为一营，每月支饷银二千八百余两。系按勇百名内勇目十名，每名日支银二钱；正勇九十名，每名日支银一钱五分；长夫三十六名，每名日支银一钱。综计所支银数，与准销勇粮每名月支银四两五钱成案，有减无增。惟勇营向不准销夫价，而长夫一项，移营拔队，挑运锅帐，可以不拉民夫，不占民房。至临敌交仗，分送粥饭子药，与贼对垒，日夜修壕筑卡，皆赖长夫为之。其得力实与勇丁无异，应作为正勇开报。至陆军内间添洋枪

炮队一二哨，勇丁亦须加增，则一营有七八百名不等。节经造具官弁衔名兵勇总数清册，咨送军机处、户部有案。又水师官弁向来只支盐菜跟役，不支例马草干驮折，实属不敷食用。是以淮扬抚标、太湖各起水师官弁，均照陆军一体支給例马草干驮折等项。其水陆各营五、六品军功之哨官，向照外委例支給盐折，均与历届造销成案稍有未符，自应遵旨先行奏明立案，以备嗣后据实开报。除咨户部外，所有军需用款酌量变通缘由，谨附片陈明，伏乞圣鉴。

再，楚军章程兵勇阵亡受伤恤赏银两，俱由营全数给领，不由原籍找给，亦与例案未符。

先经分咨户、兵二部查照在案，合并陈明。

李鸿章奏销苏沪军需第二案收支款目折

同治四年六月

奏为苏、沪军需第二案收支款目总数开列清单，恭折仰祈圣鉴事。

窃准部咨：同治三年七月初十日奉上谕：同治三年六月以前各处办理军务未经报销之案，准将收支款目总数分年份起，开列简明清单，奏明存案，免其造册报销。等因。钦此。当经转行钦遵。旋据督办报销局苏州藩司刘郇膏等具详：湘、淮水陆各军粮饷、恤赏、随营文武官弁盐折、采办杂支、制造战船等项，应分别正、杂款目，请自同治元年四月起至二年六月底止为第一案，自二年七月起至三年六月底止为第二案。当经酌定开报章程，奏蒙圣鉴，业将苏、沪军需第一案收支款目总数，开列简明清单，奏明存案，奉旨饬发户部知道在案。

兹据该局司道等详称：第一案清单，实存银九千九百三十一两四钱八分三厘八毫八丝一忽，钱二万四千九百二十六千四百二十六文，声明归于第二案接续开报。又查太湖水师一军，系于二年七月间由皖抵沪，自二年正月，先在皖省上游收支各款，统归此案汇总开报。今自二年七月起截至三年六月底止，提拨江海关库并厘捐、饷捐等项及皖省拨款，共计收银四百一十二万四千五百九十六两三钱六分五厘六毫四丝七忽，钱二万二千文。旧管新收，统共银四百一十三万四千五百二十七两八钱四分九厘五毫二丝八忽，钱四万四千九百二十六千四百二十六文。据各委员将支放实数造报到局。该司等督饬局员逐款勾稽，悉心查核，计第二案共请销银四百一十二万五千四百一十九两九钱七分四厘九毫二忽，钱四万三千二百六十四千文。实存银九千一百七两八钱七分四厘六毫二丝五忽，钱一千六百六十二千四百二十六文。以上实存银、钱，统归后案旧管接续开报。所有收支银、钱各款，系就实收实放之数开列。详请具奏前来。

臣查同治二年六月迄三年六月，正值军务吃紧，先后克复苏州省城，暨常州、嘉兴郡县，均在斯时。而此一年中拨用关税厘捐之数，较前一年减至一百余万。由于苏、杭收复，商贾四散，厘捐收数渐绌，赖苏属租捐陆续得银八十余万两，稍资凑济。而放款力求节省，月饷压欠益多。故虽营数日增，军需日夥，而支用之数，较前一年转减数十万。此中竭蹶筹维，实已不遗余力。兹据开报各款，复加确核，委系实用实销，毫无浮冒，应请存案，免其造报。

除常胜军等三款另行开单附奏外，合将苏、沪军需第二案收支款目总数，开列简明清单，恭呈御览。

李鸿章转报前江南大营协济款项片

同治四年七月

再，据总办前江南大营粮台报销候补道王曾樾详称：奉准部咨：同治三年七月初十日奉上谕：同治三年六月以前各处办理军务未经报销之案，准将收支款目总数分年份起，开列简明清单，奏明存案，免其造册报销。等因。钦此。遵查前大臣向荣先于咸丰四年十月间附奏余万清在于镇江三江营设卡抽厘，为募勇经费赏恤等用，藉以捍卫苏、常。复于东坝、南渡、丹阳等处，试办捐厘，以作水陆诸军打仗犒赏，并师船加给口粮、添募水勇划船等项经费。由营派员，专司收管支发，分别咨照粮台，并入三江营厘项汇案造报，亦于五年八月间奏明在案。所有此项厘金收管支发，悉由营中经理，并不知会粮台。嗣经营务处游击李春寅，专管厘金委员陈化儒、林昌鋐等造报东坝、南渡、丹阳等处自咸丰四年十一月、五年正月先后试办起，截至六年五月初八日止，共计解收钱、洋合银一十八万五十六两六钱七分六厘。内于五年十月拨解庐州军营协济饷银五万两，共支发上游师船加给口粮、添募水勇划船等项银四万一百二十二两六钱三分三厘。其余银八万九千九百三十四两四分三厘，奉前大臣向荣、总统诸军江南提督张国梁，随时犒赏之用。又准帮办江南军务云南鹤丽镇总兵余万清造报三江营自咸丰四年八月十六日起，截至七年正月底止，共收钱合银一十三万九千八百八十四两二分二厘。内拨解金陵大营协济犒赏共银四万两，共支发忠义等勇口粮等项银九万九千八百八十四两二分二厘，声明无存。各等因。合将前二项厘金，查照营册，造报收支数目开单，详请附奏存案，免其造册报销。等情前来。理合照缮清单，恭呈御览。

李鸿章查明松沪旧部军需收支款目折

同治四年八月

奏为查明松沪旧部军需收支款目总数，开列清单，恭折奏报，仰祈圣鉴事。

窃准部咨：同治三年七月初十日奉上谕：同治三年六月以前各处办理军务未经报销之案，准将收支款目总数分年份起，开列简明清单，奏明存案，免其造册报销。等因。钦此。当经转行钦遵。旋据苏省报销局司道将湘、淮水陆各军粮饷等款，分别正、杂，酌议开报章程，声明松、沪旧部兵勇粮饷等款并上海原设军需制造各局，应截至同治元年十月初三前兼署藩司、苏沪太道吴煦交卸前一日止，归该道另案开报。等情。并经臣督饬该司道将苏、沪军需第一案、第二案收支各数，先后开单，奏蒙圣鉴各在案。

兹据原办松、沪军需前兼署苏藩司、苏松太道吴煦详称：上海办理防剿，自咸丰十年二月起，截至同治元年十月初三该道交卸司篆前一日止，经前抚臣薛焕奏准动拨江海关税并各局厘捐抵用，共计收银四百四十四万六千一百八十二两一钱二分六厘五毫五丝，钱三十六万五千九百九十二千三百三文，米二千四百六十石，据各委员将支放实数分晰开报。该道逐款勾稽，共计请销银五百五万一千五百四十两四钱一分三毫，钱三十六万七千一百六十一千二百五十四文，米二千四百九十四石八斗一升八合五勺。不敷银连钱、米折价，共垫欠银六十万九千五百八十二两二钱六分一厘二丝五忽。内除初案销册列垫银十八万一千三百八十七两八钱一分四厘六毫四丝八忽，业奉户部奏准劝捐归补外，实计垫欠银四十二万八千一百九十四两四钱四分六厘三毫七丝七忽，拟请援案给发饷票。另文附详。各等情。详请具奏前来。

臣查松、沪旧部各军，始于咸丰十年二月。其时浙江省城初次失守，贼氛密迩上海，即办防堵。未几，金陵大营溃退，苏、常、松、太各属相继沦陷，该逆屡次大股围扑上海，军务十分吃紧。节经前抚臣薛焕督饬该道添兵募勇，并雇用外国兵官教练常胜一军，购买外洋枪炮军火，竭力防剿，两次克复松江府城，分防金山、宝山等处。增兵愈多，需饷益巨。十一年冬，杭州复陷，浦东四厅县概被贼踞，仅剩上海一隅之地，局势尤为危殆，迨同治元年三月，臣统皖师东下，将松、沪各防兵勇分别裁汰归并，以次进攻，始得逐渐廓清。是前次上海防剿，俾保饷源重地，均属实在情形。先经前抚臣薛焕奏明，责成该道吴煦经理军需，准予司关各库动支应用。元年四月，复经臣奏明，责成苏藩司督办支放报销。时该道兼署藩司，亦仍一手经办。第当逆氛环扰，商贾星散，地漕丝毫无征，厘税旺衰无定，综计收支，入不敷出，设法挪垫，亦诚不得已。兹据开报各款，复加确核，均系实用实销，并无浮冒，应请存案，免其造报。除常胜军等三款暨垫欠原委分别另行附奏外，合将松、沪旧部军需收支款目总数，开列简明清单，恭呈御览，伏乞皇太后、皇上圣鉴。

至咸丰十年二月起，至是年十二月止，松、沪军需收放各款，曾由该道作为初案造册咨呈到部，在同治三年七月初十日钦奉恩旨以前。当经户部奏请将销册暂行存案，仍饬一并列入清单。等因。现系遵照办理，合并声明。

李鸿章奏销同治三年二月至六月军需收支总数折

同治四年八月

奏为查明扬、镇粮台自同治三年二月初三起至六月底止军需收支总数，开列简明清单，恭折奏祈圣鉴事。

窃准户部咨：同治三年七月初十日奉上谕：同治三年六月以前各处办理军务未经报销之案，准将收支款目总数分年份起，开具简明清单，奏明存案，免其造册报销。等因。钦此。当经转行钦遵去后。

兹据办理扬镇水陆粮台报销局、前江宁藩司万启琛详称：前奉谕旨，办理扬、镇粮台。未到任以前，系前代理江宁藩司候补道吴世熊暂行代理，自同治三年二月初三日起，至二十一日移交接办，截至六月底止，应由该司一手开报。今查扬营粮台接顶前办粮台升任安徽巡抚乔松年移交，并新收钱粮、协饷、厘捐等款，共银六十四万七千八百四十三两八钱四分五厘八毫四丝八忽四微二纤；内除协济豫胜营饷银一千两，由该营自行造报外，实应入收银六十四万六千八百四十三两八钱四分五厘八毫四丝八忽四微二纤。又钱二万二千五百九十六千八百文，官票十四万七千十七两，米一万七千七百三十二石五斗四升六合一勺六抄。镇营粮台接顶乔松年移交，并新收协饷、关税、厘捐等款，共银五十九万七千三百六十七两二钱三厘六毫八丝九忽一微一纤；内除拨还沪饷银三万两，又解户部补缴监生四成实银及代放广东红单船饷，并京口等处防兵、镇江旗绿各营防兵薪粮、各省管解军火委员借支盘费等款，共银十万七千一百三十一两四钱九分二厘九毫三丝二忽，应归各处自行造报外，实应入收银四十九万二千三百五十五两七钱一分七毫五丝七忽一微一纤。又洋钱五元，银首饰六件，计重四两二钱三分。据各委员将支放实数详报到局。该司督饬局员逐款勾稽，悉心查核，计扬营粮台实发过银六十四万五千二百七十一两六钱三厘一毫四丝二忽九纤，又钱二万二千九百七十七千六百文，官票四万五千一百二十七两，米一万七千七百七石三斗三升三合九勺四抄。实在欠发银十万九千五百二十一两二钱六厘八毫三丝九忽三微一纤，欠发钱一千四百四十二千四百十文，应归下届开除造报。又存银一千五百七十二两二钱四分二厘七毫六忽三微三纤，存钱四百九十九千二百文，存官票十万一千八百九十两，存米二十五石二斗一升二合二勺二抄，应归下届支销造报。又镇营粮台实发过银四十八万八千二百七十两五钱五分六厘九毫五丝七微八纤，实在欠发银二十六万三千五百五十六两六钱四分一厘五毫一丝七忽二微，应归下届开除造报。又存银一千九百六十五两一钱五分三厘八毫六忽三微三纤，洋钱五元，银首饰六件计重四两二钱三分，应归下届支销造报。以上支放各款，系按照江南、江北历次奏准题准章程办理，分别开单，详请具奏前来。

臣查扬、镇两军分防江南、北两岸，上年会合苏军攻克丹阳，粮饷军火，所费不貲。万启琛兼顾统筹，分投支应，无误要需。兹据开报各款，臣确加复核，均系实用实销，并无浮冒，应请存案，免其造报。现在该两军早经凯撤，其自上年七月起至撤竣之日止，已饬另行造册报销，以清界限，而符部议。所有查明扬、镇粮台军需

收支总数缘由，谨会同漕运总督臣吴棠合词具陈，并开列简明清单，恭呈御览。

左宗棠老湘全军额饷请敕两江督臣照旧解支折

同治七年十一月二十一日

奏为刘松山老湘全军饷项欠缺，杂款无着，请旨敕下两江督臣照旧解支，以符定案事。

窃臣钦奉同治七年十月二十三日上谕：曾国藩奏老湘营军饷仍归江苏接济，英翰等奏筹拨西征军饷、酌定转运章程各折片，刘松山所统老湘营饷项，向由江南供支，该军现在西征，所有饷项，自应归江苏接济。即着马新贻、丁日昌每月协拨该军饷银六万两，以资饱腾。钦此。钦遵在案。当即恭录行知该军去后。兹据统领老湘全军广东陆路提督刘松山，将该军应需额饷暨应领杂项，胪列款目，呈请核办前来。

臣查刘松山原部步队十七营，马队两营，每月应需额饷六万四千五百两。而新添之寿字马队三营，步队一营，不在此处。今江苏协拨该军饷银六万两，以该提督原部计之，每月即缺额饷四千有奇；合新添马、步四营所缺额饷计之，则每月缺饷一万五六千两。至帐棚车辆，为军营所必不可少。该军帐棚一项，向章由金陵粮台给价自行制办，计每营每年更换一次，应领制钱八百二十余千文。该军老湘十营棚价，自同治七年正月起；和、厚两营棚价，自同治六年正月起；副前旗棚价，自同治六年六月起；副中、左、右、后四旗棚价，自同治六年五月起；寿字前营马队棚价，自同治六年十一月起；续设寿字左营马队棚价，自同治七年闰四月十五日起，概未给发。计截至同治七年底止，各营应领棚价制钱约两万余千文。以银合钱，约应领银一万数千两。其车辆一项，该军向章步队每营给大车九辆，马队每营给大车五辆，每辆例价银八十两，由各营官领价购备。除该提督原部各营均已照章给领外，其续设之副中、左、右、后步队四营，应用大车三十六辆，寿字左营马队，应用大车五辆，共应领银三千二百余两。该军前次西征，因秦中米价昂贵，经曾国藩奏准，自同治六年正月起，无论员弁勇夫，每名每月加发米价银四钱五分在案。所有续设之寿字左营马队，从同治七年闰四月十五日起至年底止，约应领加发米价银一千余两。又该军原设寿字前营马勇额马二百五十匹，营哨帮办额马二十六匹，每百匹每年准报倒马三十六匹，每马一匹给价银十七两五钱。同治六年份马勇倒马例价，已经发给，营哨帮办倒马例价，尚未请领，计应补领银一百五十余两。七年份照额应报倒马九十九匹，应领银一千七百余两。而屡次打仗暨侦探公干被害受伤各弁勇丁，共应领恤养等项银二万七千零三十五两，尤属要需。

该提督以上年逐日追剿，事平后即整理西征，不得不从权办理，挪移饷项购办帐棚、车辆，发给恤养米价、马价，稍为敷衍，亟盼金陵粮台陆续筹拨，以资弥补。现该提督接奉曾国藩移知，该军已奏定由江南月协饷银六万两，此外各款，未便再由

江南粮台另算筹拨。等因。此后之协拨，为数既属不敷，以前之积欠，挪移又归无着，办理实为掣肘。合无仰恳天恩，俯念西事方殷，刘松山一军尤为得力，敕下新任两江督臣马新贻仿照旧案，供支老湘军月饷。其帐棚、恤养等项，仍由江南筹给。俾该军饷糈无虞缺乏，于山西秦陇防剿诸务，实有裨益。

所有老湘全军额饷短绌领项虚悬情形，谨缮折驰奏。

左宗棠驻扎江苏淮军请改由江省就近放饷折

光绪八年三月二十日

奏为淮军驻扎江苏各营饷项，请改由江省就近支发，庶便稽核，恭折具陈，仰祈圣鉴事。

窃查江苏省司关厘局及鄂、湘、西、皖各督销局，每月均有额拨淮军专饷，岁共二百数十万两，向系解交淮军后路粮台，以供支放。臣莅任以来，详加查核，除分防直、东各军每岁由江苏拨解饷需银两，应仍照旧解济外，其驻扎江苏江宁境内之庆字中营，江阴、靖江二县境内之铭字武毅马步等军十营一哨，驻扎宝山、上海二县境内之武毅右军五营，驻扎宿迁境内之铭字先锋马队三营，既归江宁调遣，该各营开革、补伍、淘汰、病故、给假、逃亡为军中常有之事，直隶督臣李鸿章远驻天津，该各统领营官势难随时陈请，而各营饷项支放，亦宜随时稽核，以昭慎重。所有分驻江宁、江苏各军营月支饷项，自应改由江省军需局按照淮军旧章一律支放，以免转折。除分饬金陵军需局，会同淮军后路粮台，查明此起淮军每年应发关数，每关额支粮饷若干，移会司关各局照数划扣，按月改由金陵军需局核放，并咨商直隶督臣转饬淮军粮台及铭、武各军一体遵照外，嗣后报销一切，自应列入金陵留防军需案内，由江苏一并汇报，以清眉目。

所有驻扎江苏境内淮军，请改由江省就近放饷缘由，理合恭折具陈。

左宗棠等老湘军自同治七年十月初一日

起至光绪元年八月底止收用江苏协饷数目片

再，前广东陆路提督刘松山所部老湘马、步全军，自同治六年奉命西征，所有该军饷项，截至同治七年九月底止，业经前两江督臣曾国藩造册请销，并声明自同治七年九月以后，该军饷项仍由江苏接济，所解之银，即归陕西粮台经理，事后由陕西报销，经部复准在案。

刘松山统带该军，自直隶剿平捻逆，复由山西渡河，入陕西北山，进驻绥德、延安

，节节扫荡而前。围攻甘肃灵州金积堡贼巢，连克坚垒，功在垂成，忽血战阵殒。臣宗棠奏蒙天恩，予谥忠壮。所部老湘一军归臣锦棠接统，力克金积堡巨巢，转战西宁、肃州，肃清关陇。臣宗棠复奏派臣锦棠统军出关，并添拨各营归统，剿办新疆回逆。所有湘军饷项，自光绪元年九月初一日起，改照楚军营制章程，统归臣宗棠行营支应处按月支拨。其江苏月协老湘营饷项，亦统归臣宗棠行营支应处列收拨用。所有自光绪元年九月初一日起至光绪三年十二月底止，收过江苏省协济老湘营月饷，并支拨老湘马、步各军月饷数目，已经臣宗棠汇入自光绪元年正月初一日起至三年十二月底止收支报销清单内，汇并开报请销，接准部复在案。

兹查老湘军自同治七年十月初一日起，截至光绪元年八月底止，共收到江苏省拨解月饷银四百一十九万七千六百二十六两一钱七分二丝八忽，内除支发过老湘马、步各营旗弁勇薪粮马干等项银四百三十二万一千七百八两三钱四厘九毫五丝八忽，除将收到江苏饷银尽数支用外，尚不敷银一十二万四千八十二两一钱三分四厘九毫三丝。此项不敷之数，已经臣宗棠于陕、甘任内筹款补发，统归西征军需收支饷项案内，汇总报销在案。兹据办理西征粮台升任贵州布政使、陕西按察使沈应奎，办理陕甘后路粮台湖南补用道王加敏开具清单，详请核明具奏前来。

臣等复核无异，谨将自同治七年十月起至光绪元年八月底止，收用江苏协济老湘军饷数目，缮具简明清单，恭呈御览，伏恳敕部核销，谨合词附片具奏，伏祈圣鉴训示施行。

再，此案因系臣宗棠任内之事，兹由臣宗棠主稿，合并声明。

谨奏。

谨将老湘一军自同治七年十月初一日起至光绪元年八月底止收用江苏协饷数目，缮具简明清单，恭呈御览。计开：

一、老湘军收江苏省拨解自同治七年十月起至十三年十二月底止，协济月饷银四百一十九万七千六百二十六两一钱七分二丝八忽。

一、支老湘马、步各营旗自同治七年十月初一日起截至光绪元年八月底止，共支过薪粮马干等项银四百三十二万一千七百八两三钱四厘九毫五丝八忽。除将收到江苏省协饷尽数支用外，尚不敷银一十二万四千八十二两一钱三分四厘九毫三丝。

查前项不敷银两，系由该军于光绪元年八月底出关时随时截清，统归臣宗棠行营支应处拨补。业经汇入臣宗棠督办西征军需收支饷项报销案内，汇核开报在案，理合声明。

奉旨：该部知道，单并发。

端方陈夔龙江苏留防军需第三十二案造册报销折

窃照江苏省裁改留防南洋常备、续备巡警等军马、步、水师七十四营旗并哨队分布扼扎，以备缓急。所有各营旗应支粮饷正、杂各款，均照楚军营制及历届准销成案，分别核实支給。业将光绪二十八年份用款，列为江苏留防第三十一案造册报销，经前督臣魏光燾恭折会奏，所有光绪二十九年分前项各营旗均经分别奏明。南洋常备左军四营檄调援滇，照章发给全饷。又以整顿盐纲，将督标水师左哨裁撤，并抽裁水师前、左两营船只，腾饷以抵仪征淮盐总栈缉私帆船经费。又因日、俄战事，江南自强军调直以后，兵力单薄，将南洋续备合盛南字共十一旗，一律按照五百人补足成营。添立盛字中营一哨，另委员分赴皖省招募武威新军左右翼，驻扎省垣，训练新操。并将苏省太湖水师中营裁改飞划水师右营，并添募苏捕水、陆各三哨，合为一营。其余各营旗并无增减，仍照案接支。遵照部章，将增减款目列入季报清册，咨部核销。各在案。

兹查接管卷内，据金陵防营支应局兼办报销事务、江宁布政使继昌等详称：自光绪二十九年正月截至是年十二月底止支过正杂各款，现经督同委员逐款清厘，综计旧管上届江苏留防第三十一案报销，光绪二十八年底止实存银九万九千八百八十八两有奇，又另存北征粮台交存剿捻闲款银八万两，捐输节省办公经费银十二万四千三百两，截至光绪二十八年底止，积存历年收款平余银十二万六千九百七十六两有奇。以上另存三项，均系同治初年设局起，积年余存留备外间弥补公用不敷之款，虽未报部作存，而银则实存在库。前于查办案内，经部飭令全数列入旧管，遵即列入，计三共银三十三万一千二百七十六两有奇。连同前项报部旧管，共计银四十三万三百六十五两有奇。新收江苏藩关道库两淮盐课、盐厘、厘金、茶税及准部拨抵补盐、货厘金及借拨收回各款，共计银二百五十四万九千二百二十四两有奇。又钱一万一千六百八千二百八十文。内登除拨解筹备饷需及海防、铁路、堤工并外海水师船厂、金陵机器制造洋火药局、江南陆师学堂等项经费，洋操自强军协饷，抚标练兵津贴，苏州招募抚标北上新军借支饷项，共计银三十九万二千一百五十一两有奇。又附列专册，请销两江督提镇标新兵各营薪水津贴汇并饷米摊放银二十四万八千六百一十一两有奇，又钱三百六十五千六百文。又附列专册，请销沿江炮台等勇饷银十四万四千九百七十三两有奇。又附列专册，请销湖北调宁护军各营队饷项银三万二千五百两有奇。又附列专册，请销仪树缉私帆船经费银二万七百八十六两有奇。又附列专册，请销南洋常备左军援滇四营雇搭民船、轮船水脚报费等款银一万二千四百一十三两有奇。又附列专册，请销苏省办防添设兵丁委员巡勇薪粮等项银二万三千三百二两有奇。又附请专案奏销江苏留防实计收用银二百九万七千六十六两有奇，钱一万一千二百四十二千六百八十文。开除正、杂各款，遵照部议酌定军需报销章程归各部核销，计应归度支部核销银一百五十六万三千七百三十九两有奇，钱一万一千二百四十二千六百八十文，陆军部核销银一万一千四百五十三两有奇，农工商部

核销银十二万八千八百四十八两有奇。统共请销银一百七十万四千四十两有奇，钱一万一千二百四十二千六百八十文。实存银三十九万三千二百二十五两有奇，已于后案旧管项下接续造报。等情。详请具奏，前署督臣周馥未及核办，移交前来。

臣等伏查此次江苏造报留防南洋常备、续备巡警各军，遵照部咨开报花名清册，一切正、杂各款，概发湘平，并扣一分平余，均系按照楚军营制及历届准销成案，实用实销，并无浮冒。

周馥等江南筹防局第二十四案收支各款分别造报折

窃江苏省筹办江、海防务，前经设立筹防总局，派委司道各员公同经理，业将光绪二十九年十二月以前收支款目，遵照部章，造册奏销在案。

兹据筹防局司道详称：自光绪三十年正月，起，筹防案内正、杂各款，截至是年十二月底止，收支款目，列为筹防第二十四案报销。计旧管银三十九万二千三百九十七两有奇，又补收二十二案外存库平银十万七千四百四十五两有奇。此款系遵户部议复升任户部尚书臣铁良查明江宁司关道局出入款项各情形案内，饬照查办银数开列，经臣奏明，归于二十四案旧管项下补列。今新收江海关防费税款及制造二成洋税内按月额拨各项，江苏省厘金除苏、沪两局各省抵厘此次全无解款外，实收金陵厘局摊认银两及拨补抵厘；又湖北万户沱补解未奉改拨以前欠款；又陆师学堂经费由局代收，江海、扬由两关解，并在防费内划收协拨毕业学生薪水；又江南银元局分年摊还铸本；又上海摊地局代还大生纱厂纱机垫款；又江西省解还购拨新枪、枪弹等价脚；又广西省收用南洋军火划还价值；又汇丰银行存银生息：统计新收共库平银一百一十二万六千九百八十一两有奇。管、收二项，共库平银一百六十二万六千八百二十四两有奇。内登除金陵机器局额拨制造经费及加造军火用款；水陆师学堂领用额支活支用款；江南银元局拨还铸本；江宁藩司摊解旗营月饷；又续拨武卫先锋军薪；又购办积谷奉天赈款，留学生学费；又金陵官电局薪粮及购置修换电杆价银；又江海关划还汇丰镑款息银；又闽厂修理建威、建安两舰修费及安设炮位用款；又应归江苏防营支应局收销常备左、右军购置等款；又华严冈重造药库分认经费、武威军支用轮船水脚、江南陆师学堂收用协拨毕业学生薪水：共计登除库平银五十一万七千八百八十四两有奇。内开除沿江炮台修整改造各项工程，及照章苫盖例换旗帜炮篷炮衣等项；各兵轮船炮差运等船薪费，添购修理，并支給新船订价；采购外洋枪弹、电线、电箱、电火等件价脚各用款；守台扎营民田租价；四路各炮台中外员弁教习、匠工人等薪水、辛工、口粮、津贴、公费；因公船价、电报费用；鱼雷营水雷局裁存薪费；及改设水旱雷局规复鱼雷营用款；各台局所员弁司事、学生、兵夫、工匠人等薪费；渡载驳运长短船只舵水工食运煤价脚；水旱雷局鱼雷营建造房屋、采办料物；各煤厂添置、修理油库、船只；修整洋枪，一切正、杂用款：均遵部议报销章程各归各部分请核销。计应归户部核销银十二万二千八十六两有奇，应归兵部核销银十七万五千五百九十两有奇，应归工部核销银六十二万六千三

十两有奇，总共请销银九十二万三千七百七两有奇。

又江南水师学堂用款，共请销银四万五千七百九十四两有奇。此项系登除内划出之款，另案核结，不在筹防项内，今列为专册，附案请销。故于本案开除后声明销数，以备查考。

此外尚有陆师学堂用款，向仿水师学堂办理。兹因该学堂二十八年收支各款，前附筹防第二十三案专册请销，奉部另案核复，内有行查驳删各件，尚未准该堂登复完案，并奉飭并案造报。所有该堂二十九年及三十年收支细数，剔归另案造册请销，以昭清晰。

至筹防项下及水师学堂所支各项，均系循照成案，既先后奏咨奉准数目，核实支给，并无丝毫浮冒。计实存库平银十八万四千一百七十七两有奇。又水师学堂册报，结存库平银六百七十一两有奇。均于下届各归各案，滚接造报，以清案款。将收支款目造册开单，详请奏咨前来。臣等复核无异。

魏光焘端方江苏留防军需第三十一案造册报销折

窃照江苏省裁改留防湘、淮马步水师七十四营旗并哨队分布扼扎，以备缓急。所有各该营旗应支粮饷正、杂各款，均照楚军营制及历届准销成案，分别核实支给。业将光绪二十七年份用款，列为江苏留防第三十案造册报销。经臣专折会奏，所有光绪二十八年前项各营旗，均经分别奏明。改名南洋常备、续备巡警等军，内除南洋续备淮军元字、镇字四营，先因驻扎徐州，地多伏莽，于二十八年九月间改为旗，各将前募足额哨弁勇夫二百六十六名一律裁撤。正饷截至是月十六裁改前一日止，另给恩饷一月，以资遣散。其余各营旗哨队并无增减，仍照案接支。遵照部章，将增减款目，列入季报清册，咨部查核。各在案。

兹据金陵防营支应局兼办报销事务江宁布政使黄建筦等详称：自光绪二十八年正月起，截至是年十二月底止，支过正、杂各项，现经督同委员，逐款清厘，综计旧管上届江苏留防第三十案报销，光绪二十七年年底实存银四万五千一百三十七两有奇。新收江苏藩关道库两淮盐课、盐厘、厘金、茶税，及准部拨抵补盐、货厘金，并借拨收回各款，共计银二百三十四万二千四百六两有奇，钱十五万九千五百二千七百七十文。内登除拨解筹备饷需及海防、铁路、堤工，并金陵机器制造洋火药等局、外海水师船厂、江南陆师学堂等项经费、抚标练军津贴、江京两防捷胜营练饷、洋操自强军协饷、湖北调宁护军饷项，共计银四十三万二千九百三十二两有奇。又附列专册，请销两江抚提镇标新兵各营薪费津贴银一万九千六百八十一两有奇，钱十万八千九百六千一百七十文。又附列专册，请销沿江炮台专勇饷银十三万七千五百五十三两有奇。又附列专册，请销湖北调宁护军各营轮船伙食水脚，并制办帐房操架等项银四千六百二十四两有奇。又附列专册，请销修造药库工料银二万三千四

百十三两。又附请专案奏销江苏留防水师各营修造船支等项工料银二万二千一百六十六两有奇。实计收用银一百七十四万七千一百七十一两有奇，钱一万五百九十五千八百文。开除正、杂各款，遵照部议酌定军需报销章程，各归各部核销。计应归户部核销银一百五十万八千二百八十九两有奇，钱一万四百十五千八百文，兵部核销银一万一千二百六十六两有奇，钱一百八十千八百文，工部核销银十二万八千五百二十六两有奇，统共请销银一百六十四万八千八十二两有奇，钱一万五百九十五千八百文。实存银九万九千八十八两有奇，已于后案旧管项下接续造报。等情。详请具奏前来。

臣等伏查此次江苏造报留防、海防水陆各军遵照部咨开报花名清册，一切正、杂各款，概发湘平，并扣一分平余，均系按楚军营制及历届准销成案，实用实销，实无浮冒。除飭将以后用款照章按年接报外，所有江苏留防军需第三十一案收支款目，造册报销。

第十六卷 洋款

光绪二十二年，八月二十一日，户部奏准摊派江苏筹还外国借款。原奏俄、法一款，由盐斤加价项下指拨淮南四岸十三万两，由各省地丁、盐课、盐厘、杂税项下指拨江苏二十二万两，由各海关洋税、洋药税厘项下指拨江海关四十万两、镇江关二十二万两。每年分作二次，于三月解六成，九月解四成。原奏英、德一款，由盐斤加价项下指拨淮南四岸共十三万两，由各省地丁、盐课、盐厘、杂税项下指拨江苏二十万两，由各海关洋税、洋药税厘项下摊拨江海关六十万两、镇江关三十二万两。每年匀分四次，于二、五、八、冬四月，解赴江海关道交纳。除常年应解京饷、东北边防经费、甘肃新饷、筹备饷需、加复俸饷、旗兵加饷、固本兵饷、备荒经费、内务府经费、税务司经费、出使经费等项，仍照常分别批解留支，其余无论何项，均准酌量提划，各照分拨认数，解交江海关道汇总付还。

光绪二十五年，三月，两江总督刘坤一等奏准各州县征漕米，仍每石提盈余钱二百文，解济俄、法、英、德四国还款。
见光绪二十四年刘坤一查明江宁等属州县征收钱粮业经酌减提解奏。

光绪二十五年，八月，两江总督刘坤一等奏，江宁各属经征丁漕银米收价，业经分别减提。

原奏略曰：

近年以来，银价骤跌，收价较前节省，原非州县所应有。于光绪二十二年，经前藩司瑞璋议提银价盈余，每银一两饬解钱一百文，米一石解钱二百文。嗣奉部咨议复给事中庞鸿书奏，饬令江、浙等省，酌减地丁收价。又奉另咨，照江西成案，提解平余，凑还借款。复经升任藩司松寿就已议提解之款分别减提，请将各属所属条银，每两减征钱一百文，以纾民力；漕米收价，仍每石提钱二百文，解济俄、法、英、德四国还款，以裨度支。于上年三月十一日两次奏明。伏查江北田土瘠薄，科则较轻，州县征银米数目，亦不逮江南远甚，自核减酌提以后，盈余已少，州县勉强办公。且丁漕征钱折合银数、火耗轻重、运解远近，各处既有不同，市价大小，又因地方之冲僻而异，势难使归一律。此次户部原奏内称：自奏准通行后，各省照办者，江西以外，仅有江苏、安徽等省。是江苏奏明遵办，已为部臣所深悉，拟请仍旧办理，免予纷更。

奉批：户部知道。

光绪二十九年，正月，署两江总督张之洞奏，江苏赔款自光绪二十七年十二月起，至二十八年十一月止，共十二期，按期匀解清款。

原奏：

飭各司道关局等按照部派原数，分别认筹，计江宁藩司认筹银四十万两，苏州藩司认筹银八十万两，金陵关认筹银十万两，两淮盐务合认筹银一百二十万两，共合银二百五十万两。并照关平补水，计加银四万一千七十五两。均遵照通年匀分十二次，按期解交沪道，汇付还款。自光绪二十七年十二月第一款，至二十八年十一月份第十二款止，扣满一年，所有江苏省应解正款及补平银两，均由各该司道关局等按期扣数汇解上海道库，一律照认，并无短少贻误。

光绪三十一年，四月，署两江总督周馥奏，前借瑞记洋行款英金一百万镑，届上年十一月二十六日第十九次本息兼还之期，共需英金八万八千六百六十六镑十三先令四本土，合规平银六十四万二千四百十五两九分。据九江关筹解息银二万两；江宁藩司筹解本银二万两；金陵厘捐局筹解本息银六万两；芜湖米厘局筹解息银三万两；两淮运司筹解四分之一本息，由江西五河、正阳各督销厘局卡分摊银十四万两，另筹本银。共收库平六十四万两，合规平银七十万一千四百四十两。

光绪三十一年，四月，署两江总督周馥奏光绪二十九年份江海关经理四国还款收支各款。

原奏略曰：

据江海关道袁树勋详：光绪二十九年应还俄、法、英、德两款本息，均经按期购镑分付。所有各省司道关局解到二十九年份俄、法还款，共收库平银五百七十九万九千六百六十六两有奇，英、德还款共收库平银七百九十六万九千一百六十六两有奇。按照原拨、加拨之数，除两淮运司及江海关、广西藩司加拨银两短解、缓解，仍请邀免核计外，尚有闽海关欠解二十六年原拨项下俄、法、英、德款十二万四千两，并二十六、七、八、九等四年加拨银四十万两；福建藩司欠解二十六年至二十九年加拨银二十四万两；九江关欠解二十七、八、九等三年原拨项下俄、法款二十一万六千两，英、德款银十九万五千两，加拨项下自二十六年起至二十九年止俄、法、英、德共银三十九万六千七百五十两；山东运司欠解二十八年二月份加拨项下短平银二十六万两余，均一律解清。

附 奏 疏

张之洞前借瑞记洋款请于江苏盐课厘金项下分摊折

光绪二十二年正月

窃臣前借瑞记洋款一百万镑，查照户部来电，请由江苏盐课、厘金项下分二十年本

利归还，于上年十月奏明在案。当经转飭江宁、苏州、松沪三厘局、两淮盐运司，分认二十五万镑，按照原订合同期限及本息银数，各解四分之一，不得短少迟延。又经札飭运司筹议的款，详复在案。

兹按两淮盐运司江人镜详：司库及鄂、湘、西、皖四岸督销局所征盐课、盐厘，向为拨解京协各饷之用，兹奉筹还洋款，自应以盐务所分认二十五万镑本息，归鄂、湘、西、皖四岸及五河、正阳两卡司库共七处分数摊还。查上年八月间，曾奉奏明添运皖盐一百票，每引应完课厘，系属新增之数，拟请飭令全解运库，专为归还洋款之用。此外鄂、湘两岸转输较速，拟增鄂岸新引二十票，湘岸新引十票，共三十票，招商禀认，准其循环转运。现据庆新祥等认办湘岸，恒吉祥等认办鄂岸，每票先缴票费银一万两，共三十万两，听候拨用。此项前加皖岸新票正课、加课盐厘，及鄂、湘新票正课、加课盐厘，计共新增一百三十票，作为岁销六成计算，应征课厘银十余万两，应并请全数解交运库，备还洋款。其有不敷，由运司设法筹足；如有赢余，留存为五年后本息并还为数较多之年添补应用。前五年为数较少，西岸及正阳、五河两卡应暂免摊。五年以后，为数较多，盐务应摊之一股，约库平银二十万两，应再令西岸及正阳、五河两卡一同摊认，由运司酌拟，禀请分派。如再不敷，届时再行体察情形，或将各岸卡应解协饷一律奏请酌减凑足。似此兼顾并筹，在洋款不致短少愆期。等情前来。

臣查盐务课厘，皆有拨定之款，本无余存。今既认还洋款，自惟有加票一法。鄂、湘引额，短缺尚多。光绪八年经前督臣左宗棠请增楚岸新引十五万引，接准部咨，以引地尚未全复，遽加三百票，恐不能按轮销竣，不若由渐而来，先就新商已缴银六十万两，准加票六十张，合三万引。等语。是楚岸应复悬额，本应逐渐增加。现据该运司察看销市情形，请加鄂岸二十票，湘岸十票，每票五百引，共加盐一万五千引。固未足左宗棠前请未复之数，较之上次加票，亦仅加其半，自不致有碍销路。每票拟缴银一万两，核与前加六十票收银六十万两，票价相符。新加之引，归人纲分，仍与旧引一律挨售。三纲之内，如遇奉飭捐项，暂免摊派。在旧商无占压之虞，在新商获转输之利，商情亦属翕然。

所收票价三十万两，现因遵旨振兴商务，即将此项票费，拨交苏州商务局，为凑付纺纱厂机价之用，已于另折详陈。历考光绪八年成案及上年奏案，新引票费，均归外销。此次请作苏州商务局机价，以后可按年缴息，于商务可期扩充，于公款亦有裨益。现已由该运司招商认足，票价均经收齐，汇解上海道转发应发。合无仰恳天恩，俯念归还洋款，关系要需，准将鄂、湘两岸盐票照数加添，并前加皖票课厘专款，解存备用，以济急需。

朱批：户部议奏。

张之洞通盘筹划两江借用洋款折

光绪二十二年正月

窃查江南奏借瑞记洋款一百万镑，臣已将收银实数，及两淮运司、江宁、苏州、松沪三厘局各认还二十五万镑，按照本息数目，依限筹拨，奏明在案。

兹查盐课项下，分认四分之一，已由臣督同运司详筹分年分拨之法，另折奏陈。惟宁、苏、沪三局共认四成之三，前五年之内每年应还息六万镑，四分之三应还四万五千镑，暂以较涨之镑价七两计算，约合规银三十一万五千两，折合库平二十八万余两。查江苏全省厘金，皆有指拨之款，今遽增此出款，诚恐日后力有不支，必致失信远人，实不能不另行筹划。溯查洋款议借之初，因户部来电，只准由盐厘认还，不允动关税。臣于上年十二月艳电与户部电商，所议认还五条内有请将协拨之款酌减一条，又有沿江六省江、安、西、鄂、湘、川摊还一条。于光绪二十一年正月初三日，准户部江电复称：其余三条可以照办。等语。除利息不允七厘及海关出票须同总署商定二条已经部电驳除外，所谓照办三条，即系指减拨协饷一事，沿江各省摊还一事，购船应另筹一事。共为三条而言，是一省之力，实难独任巨款，早为部臣筹计所及。现当筹还之期，自应查照部准原案办理。拟请于苏、沪厘局岁拨外省协饷项下，由部酌量减拨银一十六万两，以资挹注。

查苏、沪两厘局指拨之款，除京饷照旧遵解外，甘饷亦属难缓。惟淮军协饷，岁拨九十万两，为数甚巨。近年实解，尚至五十余万两。现在淮军或裁或遣，勇额已减于前，拟请以后每年准予于实解数内少解十六万两。至畿辅防营，固属不少，然以旧饷抵支直隶新练洋操之军，与湘、豫留防之勇，为数仍属不敷，尚需由部另拨。此系国家整军经武之创举，自必添筹巨款，固非必专恃此十六万两也。江苏节此十六万两，庶有的款可资。至原议沿江各省协拨一节，他省尚可不一议，拟即请由江西之九江关、安徽之芜湖关各协拨银两万两，共四万两，以符原案，按期交解上海道备用。或淮饷减解十二万两，则西、皖两省，各协四万两，总之减解协拨，共足成二十万两之数，统候部臣酌核。再由江南新增之芜湖米厘项下，及新增茶厘二成项下，凑足成之。查芜湖米厘，除另折奏拨开练洋操新军薪饷外，约可岁余银六万两。皖南茶厘，自上年遵照部章，加抽二成，约可岁增银四万两。以上四项并计，则厘金每年应认还库平银二十八万余两，已属有款可指。略有所余，以备镑价增长。计江南厘金及盐务所认，已二十万余两，较之所请减解协拨之数，适得其半。至本省宁、苏、沪三厘局分摊之数，宁局于洋款多认，则苏、沪两局于洋操饷项多认。总之，将洋款、洋操两事，合计三局收数，酌核分摊。

至五年以后本息至多之年，计一十二万六千六百六十六镑零。姑以镑价较多之七两计之，约规银八十八万六千六百六十二两，折合库平银八十万余两。除运司认还四分之一，约库平银二十万余两不计外，该三厘局约应认还库平银六十万余两。除三厘局款及减解淮饷、西皖协拨共三十万两照常凑解外，计每年不敷库平银三十万余两。彼时苏、沪铁路已成，约可岁提余利银二十万两。尚短银约十万两，似可再请

将他款酌量挹注。且事隔五年，情势不同，为期尚宽，后任督抚臣届时尚可设法筹措，奏明办理。况六年以后，息银渐减，则加筹之款亦渐减。中间仅光绪二十六年至二十九年此四年中为数较巨。光绪三十年以后，除盐务外，所摊之数每年已减至库平银五十余万两，如前项所筹，略可敷用。此臣在两江奏请议借之洋款，自应贯彻始终，通盘筹划，庶将来办理不至窒碍。

朱批：户部知道。

恳请洋款专事开办铁路改练新军片

再，臣此次分折奏陈开铁路、练新军、还洋款三事，皆需巨款。而臣所拟办法，则系设法攒凑，辗转腾挪，以期同时并举。在局外者，必将议其现有之财甚少，而兴办之事转多。然臣非不知就现款以办现事之为简易，而必欲故为其难也。盖臣之愚，以为瑞记洋债一款，艰难以得之，罗掘以还之，若动此款，或练新军，或作他用，散之甚易，再聚甚难。今以开办苏沪铁路，或能竟全功，直抵金陵；或至镇江而止，或至苏州而止，得尺则尺，皆有成功。是，现用之银，不同虚掷，将来之利，可冀无穷，则款虽用而犹存也。至改练洋操，虽系巨款，然时至今日，内无一军之可恃，外有四裔之凭陵，倘非急修武备，壁垒一新，断不能振起军心，一洗勇营短扣疲惰之积习。况裁兵节饷，部议原以改练新军。今酌提各局米厘，均出新筹之款，固与京饷部款毫无所妨。其归还洋款，一由厘局、盐务分认，一由淮饷减拨，一由江、安两省协济，皆系遵照部准原案筹拨。只须通力合作，自然众擎易举。既能同时并举，则亦何惜委曲筹集之繁难，而不为江南谋筹富强之基哉？方今国势亟矣，苟非事事以中庸困知勉行之道行之，恐断无从容宽舒以致自强之事。惟望圣明俯鉴，部臣主持，微臣不胜大愿。因此三事端绪纷繁，款目牵涉，是以再为汇合缕陈。

朱批：该部知道。钦此。

李有棻筹办各捐备抵新案赔款折

光绪二十八年十月

窃维民为邦本，古训至明。《大学》又云：有德此有人，有人此有土，有土此有财，有财此有用。是以君子先慎乎德，故曰：德者本也，财者末也。古帝王治民，无不先本而后末，故天下常治，史册昭垂，历历不爽。我朝爱民之政，驾乎前代，惠泽覃敷，有加无已，沦肌浹髓，中外同钦。近更定加税免厘之约，广通商惠工之谋。即新案赔款，分饬妥筹，亦屡下恤民之诏，防虐取之端。所以为民筹生计者，至周至密。凡为臣下，自应仰体宸衷，视民如子，庶先求邦本之固，乃克自强之基。

查新案赔款，江苏省每年奉派银二百五十万两，责成江苏藩司、江宁藩司、两淮运

司，暨各关道通力合作。所有江宁藩司分筹之款，前经奏明，以规复钱粮收价加提征漕盈余作抵，每年约得银七万两在案。前藩司吴重熹复因库款万分支绌，挹注无由，不得不多方筹集，酌拟加收田房契税，抽收房膏各捐，并仿照安徽章程，酌提典息，先后议详。臣抵藩司任，复深鉴前司道筹划之苦，又切日久弊生之虑，因就续筹各款，逐细察酌。除田房契税每两加收钱六十文为数无多无庸更改，又房捐另折具奏外，查膏捐原议，无论土膏烟馆，计日收捐。城乡遍及，董保协查，办理已觉骚然，征收易滋流弊。拟烟馆一律免捐，改为就土征膏。责成土铺土商，或认统捐，或包岁捐，易于稽收，自无纷扰。不特贫苦小民得安生业，且取之铺商较取之烟馆其数倍增，可藉补删免捐之缺。典捐原议核定实存架本，照安徽减半，每月提息两厘。兹复查明宁属各典，于每年冬、腊两月，让利放赎，典商既知恤民，亦当体其恤民之念，转以恤商。拟将冬、腊两月息钱免捐，每年按十个月提取，分期汇缴。并将已届满限无息可收之货，于架本内核数扣除，俾免藉口，而昭平允。似此设法变通，既隐杜无形之弊，复酌定可出之资。偿款难筹，但求如数而止，物力当惜，不至竭泽而渔，庶仰副圣主体恤民艰之至意。

所有筹办各缘由，前督臣任内均经据详批准，未及奏咨，留交前来。臣复核无异，除咨部查照，并分饬妥办外，谨会同江苏抚臣恩寿恭折具陈。

朱批：户部知道。

李有棻等江宁等属办理房捐情形并遵旨确查据实复陈折

光绪二十八年十月

窃照新案赔款，江苏奉派每年筹解银二百五十万两，经前督臣刘坤一分饬司道认筹，江宁藩司派银四十万两，数巨期长，库空如洗，不得不多方筹划，以免有误偿期，于是有议办房捐之举。复经前督臣及臣恩寿迭次严饬，务须妥为经理，不准扰累穷民。各在案。

臣有棻于本年五月间陛辞请训，仰蒙召见，谕以体恤民艰，当今要务，训诲谆切，至再至三，跪聆之余，莫不钦服。出京后，取道山东南下。及入淮、徐，即系江宁藩司辖境，沿途察看民情，探访舆论，大抵务农者多，经商者少，历年荒歉，盖藏甚虚，民困未苏，迥非苏邦富饶之区可比。复细询房捐情形，觉民力实有未逮。在印、委各员，奉饬劝办，自以集数较多，为能举其职。而江南、江北地方肥瘠不同，若不另行设筹，稍示区别，必致有名无实，征收为难，后差保需索之端，貽百姓长久之累，而于公家仍不获实在之益。此亟宜变通者也。

抵省接受江宁藩司篆务，即向前督臣及臣恩寿切实详告，捐数必须从宽，仍将赔款如数筹足，通盘较计。意见相同，遂由臣有棻会同房膏局员江苏候补道王毓萃复加

察酌。先将江、淮、扬、徐、海、通六府州属住房捐自七月初一日起一律免收；其州县各乡小镇市，则无论铺房捐、住房捐，概行停止，仅留城市及各县一、二大镇铺捐仍旧收取，并改为主、客各半，俾免偏枯。而其中有小本贸易及手工艺营生者，亦令提出豁免。盖城市、大镇，商务较胜，获利较丰，房主所得租金亦较厚，酌收捐款，尚不致过于艰难。一面司局出示晓谕，告以此系迭奉恩旨，飭令各省于筹款之中，必寓恤民之意，不准苦累闾阎，是以分别减免，宣布皇仁，民心感戴。又前督臣会同臣恩寿，将办理不善之委办如皋房膏捐候补知县徐葆华奏参革职，以示惩戒。此臣等先后办理江宁等属房捐之实在情形也。

正拟具奏间，前督臣刘坤一、臣恩寿承准军机大臣字寄光绪二十八年七月二十二日奉上的谕：有人奏江南抽捐扰民请飭查复一折，据称：江南派办处候补道王毓萃假筹款为名，委派多员，任意需索。所订房捐膏捐章程，破碎烦苛，平民多避捐入教。知县徐葆华委办如皋捐，勒索过甚，几激民变。通判许炳森委办赣榆捐，亦因诈赃被殴。泰州罗允猷办理房捐，肆意苛派。沛县每亩摊捐，尤为厉民。等语。筹款一事，本不得已之举，迭经谕令各省，不得稍涉苛扰。着刘坤一、恩寿按照所指各节，确切查明，将办理不善之员，认真参办，以恤民艰。至所请将徐州等处湖滩地租一律升科，并裁撤各局所挂名薪水，及厘剔一切滥支之款，房捐即可从宽，并着该督抚分别妥筹办理。原折着抄给阅看。等因。钦此。当经前督臣及臣恩寿飭臣有棻，遴派候补知府凌家森，按照原折各节，前往各处确查去后。兹据查明，转据兼署江宁布政使江安粮道胡延详复前来。

如原奏候补道王毓萃假筹款为名，委派数十员分赴各州县任意需索，勾结地方绅董，月给薪水三五十金为减口计，勒派上元、江宁两县各出钱五百千为一月局用，所订捐章破碎烦苛，而于教民教产，摘出不捐一节。查候补道王毓萃，奉委派办处差使，兼办房膏捐总局，上年冬间，会同藩司派员分赴各州县劝办房膏捐务。该道办事，尚称勤奋，改提劝捐，系为急公起见。各委员分报办报间，有未能妥善，一经有人禀控，即行会同查办，该道向不回护。所收捐款，均有案牒可稽，何能勾结绅董，滥给薪水？总局开支，及委员薪水夫马，均系提拨出款，实无勒派首县每月各出钱五百千之事。初因赔款无出，是以捐章稍严。及臣有棻商令改订，亦即和衷商办，王毓萃未尝胶执己见。教民本中国子民，原章一体收捐，惟天主堂与祠宇相类，均准免收。原奏平民避捐入教，自系传闻之误。

又原奏知县徐葆华委办如皋县房膏捐，勒索过甚，几激民变；通州汪树堂据实揭参，王毓萃密嘱委员胡廷深曲为弥缝，胡廷深旋得署江都知县事一节。查徐葆华即候补知县徐宝华，前在如皋，几酿事端。经署如皋县知县张存彝电禀，飭据通州知州汪树堂、候补知县胡廷深驰往查明，禀经前督臣奏参有案，并未曲为弥缝。胡廷深系因劳绩委缺，权在藩司，似与王毓萃无涉。

又原奏通判许炳森委办赣榆捐，诈赃被殴，得贿千金为养伤费一节。查许炳森即候

补知县许庭森，前在赣榆属之青口镇设局，遣丁查看铺房。该处民风强悍，又闻住房亦捐之谣，聚众哄闹，持竿抛石，家丁奔回，众人亦尾追入局，将许庭森拖至院中，撕碎皮袍，面部稍受擦伤。旋经差汛兵护送入城，众复将屋内衣物陈设打毁一空。赣榆知县徐树锬因公赴海州，闻信驰回，差拿滋事人犯。该镇董事拘获四名，送县究惩，认办铺捐，并向许庭森服礼，赔其皮袍一件，计其所失衣物，酌为偿银。闻许庭森有收受情事，该处滋事者皆系穷民，安得巨款？原奏得贿千金，似无其事。

又原奏泰州罗允猷会委谕董苛派，虽住家房租月仅七百文者，亦令出捐一节。查泰州知州罗允猷，会委办理铺捐，尚非有苛派。惟开办时，出示租金二元以下免捐，及派捐时，租金七百文者亦有捐，乃与所出告示两歧。然所捐系属铺户，至住房则尚未奉文举办，实无捐及住家房租七百文情事。

又原奏沛县按亩摊捐，迹近加赃，尤为厉民，委员钱沛深自鸣得意一节。查沛县知县马光勋、委员钱沛深于办理沛县铺捐，均照定章抽取。至民房并未饬捐，仅令预为编查。适有该县绅民禀称：如民房亦须捐及，情愿仿照积谷章程，于地丁银额外，每两带征钱五十文或一百文，随忙收解，以抵房捐，藉免追呼侵渔等弊。该印、委转禀到局，批令候通案核定，再行议明饬遵。此系议而未定之案，迄未举行，原奏或因此讹传。

其余各属，详加访查，均尚不至腹削掊克。现在业经改照新章收捐，民力更可稍纾，民情自当安谧，堪以仰慰圣慈。

臣等复查候补道王毓萃总办房膏局，并无不合，应请无庸置议。候补知县徐葆华业经参革，亦免再议。候补知州许庭森委办赣榆捐务，宜如何谨慎从事，乃竟遣丁查捐，其玩视公要，已可概见；又复收受赔款偿衣银，实属不知自爱，有玷官箴，应请旨即行革职。泰州知州罗允猷收捐与出示两歧，致滋物议，且居官不勤，应请开缺另补。沛县知县调补山阳县知县马光勋、委员钱沛深经办沛县铺捐，尚系照章抽取。惟马光勋老而废事，本拟参劾，应请勒令休致。钱沛深曾经充职，性情浮荡，难膺民社，应请以府经历、县丞降补。至微山、骆马、青伊等湖，以及黄河滩地，能否升科，业由藩司分别移查淮、徐各道妥为筹办，应俟查明定议，另行具奏。

近年以来，库款支绌，挂名薪水，早经前督臣悉数饬裁，各局所月支各项仅敷办公，委无滥支之款。臣等仍当随时查察，兴利除弊，能裁节一分度支，即休养一分民气，以仰副圣主节用爱民之至意。

所有江宁等属办理房捐情形，并遵旨确查各缘由，理合恭折据实复陈。

朱批：另有旨。

端方效曾遵照部议将江海关道库款分别存息藉充公用折

光绪三十年十月

窃查接管卷内，准商部咨称：奏请将江海关道收款变通生息一折，奉旨：着照两江总督、江苏巡抚督饬江海关道，照数拨解商部。钦此。抄录原奏，行令遵办。等因。当经前督臣魏光燾转行去后。

嗣据江海关道袁树勋禀称：江海关所收常、洋两税，及药厘、船钞等项，月有待拨之款，时收时放，存数无定。其各省所解新增赔款及各洋债，虽间有先期解存，而逾期始行解到，及延欠未解请部饬催者，亦复不少。原奏请关税项下有常年存款二百万，赔款项下有逐月存款六百万，盖系约略估算，不能执为定数。且赔款、洋债，皆关要需，一经到期，即须提付。若尽行存放，设或提缴不能应时，贻误匪细。必须酌留数成，实存在库，以备缓急。现经传集钱业各商共同筹议，金谓上海银息，向有早、晚两市，皆在钱行公定。其日息大都以每百两二、三厘为多，纵有时货物畅销，现银短绌，利息因之骤涨，然亦系偶然之事。迩来轮电交驰，消息便捷，银利稍昂，则犖金立至。此外常存之款，则视存期久暂为衡。关税洋款，为数既巨，又皆暂而不常。部定行息各数，较之市面银折悬殊，领款愈巨，赔息愈多，势难遵办。经该关道再三劝谕，允凡发放之款，视其生意之大小，听其酌量领存，不为强抑。一切收支存放，由道编立印簿，逐日登记。另派熟谙商情之员，并酌用司事，常川驻署，专心经理。其与各庄号往来，概照商市通例，全凭经折，以为根据。每届三个月，将关税及赔款、还款按照部奏，各分收数、息数，开具略册，造报一次。各钱商初犹疑虑，继见所定办法与平时商家往来无异，始允将三月份以前关库所存库银二百七十万两，分作三月初一、十五、四月初一三期具领。以后各省解到洋款，随时发放，酌照英商汇丰、日本正金两银行存放办法，以日期之久暂定利息之多寡，而略有加增。凡发存一年收缴者，六厘行息；存六个月者，五厘行息；存三个月以至两个月、一个月者，皆四厘行息：均按长年计算。收款之时，于四日前预先知照，即于知照之日停息。其发存不及一月者，即照银市折息办法，随市情逐日核计。又该关设有源通丰裕银号，系专管经收进出口税项，并无别项生理。所收税款，随收随拨，存数无多。向于月底结算，以收抵放，有余再行提存内库。今已变通生息，拟令仍照向章，每届月底，算明结存若干，即以下月朔为起息之期。亦按存期久暂，分别计息，与各钱庄一律办理。惟至少以三个月为期。其发存长年之款，到期时或转或还，须先两个月知照，以示体恤。分拟章程，呈送核办。所有该关道衙门造册应需薪工纸张等项经费，即照商部原奏，准其由息款内提出百分之五作为津贴，俾资办公。仍严饬经手司事人等，不得私向商家需索丝毫使费，以杜流弊。

并据该关道另禀，自三月初一日开办起，遵照部复以三成存库，其余七成均已发庄，尽数具领生息。截至五月初一日止，各庄号实共领存关税洋库平银四百三十万余

两。各等情。稟经咨准商部，核复照办在案。

前署督臣未及核办，留交前来。奴才复核无异。所有江海关道库款变通生息缘由，理合恭折会陈。